

清代傳記叢刊·名人類①
周 駿 富 輯

漢名臣傳

(三)

三十二卷

清國史館編



明文書局印行

漢名臣傳卷十七

邵基

楊名時

甘汝來

徐士林

朱軾

路振揚

趙國麟

吳應棻

邵基列傳

邵基浙江鄞縣人康熙六十年進士改庶吉士雍正三年授編修六年二月改福建道監士雍正三年授編修六年二月改福建道監察御史十月巡視中城八年掌河南道事九年十月遷戶科給事中尋

命在尙書房行走十二月擢鴻臚寺少卿十

年五月遷光祿寺少卿閏五月遷通政司右
叅議六月充江西鄉試正考官尋轉左叅議
十月奉

旨江西主考聲名好下部議敘加一級十一
月遷右通政十二月擢國子監祭酒仍兼右
通政十一年充

經筵講官遷都察院左僉都御史兼國子監
祭酒十二年遷右副都御史尋擢吏部右侍
郎十三年正月充

皇清文穎館副總裁七月充江南鄉試正考
 官十月疏言上司以教誨屬員為先不宜存
 心苛刻屬員以稟承上司為正不可立意乖
 張乃見有強梗屬員多懷詐偽輒欲先發制
 人往往上司未到而揭帖已至該衙門
 據揭陳奏彼此質審虛誣者不過按本律治
 罪而上司以無端受累請嗣後上司有恃勢
 抑勒屬員受屈難伸者仍許直揭部科其自
 知難免糾叅而巧圖反噬者於本罪外加誣

揭之罪從重科斷下部議行尋轉吏部左侍郎兼翰林院掌院學士乾隆元年充會試副考官八月充順天鄉試副考官九月充博學鴻詞閱卷官十月擢江蘇巡撫十二月奉命會勘茅城舖引河事宜二年二月疏言江蘇各屬濱江近河海湖交錯全資水利濟民向有官挑民挑之分知運道官河及湖海疏濬要道自當發帑官修其支河以港灌田蓄水之區向皆民力疏濬者亦宜仍循舊例乃

查從前節費皆派民濬近奉禁止悉請官帑
似非執中無弊均難永著章程况沿海河道
潮汐往來清進濁出淤沙易積民挑則隨淤
隨濬可以不時興工若一概官挑則慮保固
賄修必致遲延壅塞除將江都甘泉丹徒丹
陽運河動支公銀挑濬外其凡閘輻艘往來
及江河湖海專資通洩之處請俱于河庫藩
庫匣庫項下查照往例估修至於支河汊港
雖通舟楫原爲灌溉田疇而設仍聽地方官

于農隙時順從民願俾得及時疏濬修築圩岸其運監河亦宜聽其疏濬庶水利永興公私兩益部議從之四月

上諭江蘇巡撫邵基在尙書房行走數年資性聰明頗曉世務朕深知其爲人料彼亦必知朕之用人理政自當小心奉公乃自到任以來題補官員不能無私如臬司戴永椿知府王喬林石杰皆其同鄉道員李梅賓盧見曾皆其同年今又將革職通判王延熙請畧

通州知州張同請署淮安府知府王延熙又
伊之同鄉而張同卽大學士張廷玉之姪也
督撫薦舉人材乃封疆第一要務卽循例保
題尙當稍避嫌疑况越格題陞題補而可任
意行之乎觀邵基意中竟以朕之待彼深信
不疑而爲此舉動不知檢束是朕知邵基而
邵基不知朕矣可傳旨嚴行申飭是月疏言
淮揚徐海通五屬額設孤貧原編有銀無米
江蘓松常鎮五屬原編有銀有米歲支數目

迥異應請均給有餘者以充公餉兵糧不足者於地丁內撥折再原編恤米隨漕起徵必待冬季方有本款支放而春夏秋三季向將倉穀借給冬徵歸補州縣視爲可緩不無懸磬請將本年恤米竟于常平倉項下開銷而本年額徵者留待次年支放庶無告窮民皆得及時養贍下部議行先是前撫臣高其倬以州縣新舊交代相沿朦混推諉請定章權部覆令確查定例分晰妥議至是其臚款陳

奏一存櫃銀封限三日內同前官委員監視
折收詳報其倉穀錢糧限一月先行盤兌至
續交銀米等項仍許後任接收統于正限內
彙報除應存外凡應解者接任官代解一應
交銀如有贏餘據實報出或花戶完納偶錯
查明歸正至俸工養廉等項前官未及支銷
者確核給還不得概作贏餘混報一承追錢
糧虧空侵挪贓罪贖緩代賠分賠等項先將
存庫銀錢存倉租息米穀收清次查交存官

物有無抵換盜賣倉穀有無霉變短少遵照
定限冊報一民欠錢糧前官捏欠經承無有
不知經承捏欠花戶豈肯擔認應該未完總
數令經承確查如有侵蝕限一月內首認着
追無則取結存案一採買續交米石以報明
運到之日起勒限五日盤收倘未足數又無
存價則係虧空核寔奏追至倉穀五萬石展
限一月二萬五千石展限半月仍照舊例遵
行一出借倉項如前官暨各役私借擅冒尅

扣不寔是等弊指名詳叅一倉穀果有泥沙攙
雜止須揚揚潔淨監盤官三面驗看毋得勒
交一存櫃存庫號箱及存倉廠口各册新官
到任前官將簡明總册卽日移交其檔簿串
根册籍以及詞訟文册限半月移交新官務
將册卷追比齊全倘諉前任移交未全遲延
坐誤卽將新任職名請叅一城垣新修及原
係保固者應交代結報其修整後倘有坍塌
應勒令修補其或坍塌已多自行捐修者如

工未竣將所修丈尺造入交盤接任續修其
工程浩大者現有通案委勘議修將冊場修
理丈尺移交毋庸出具保固印結一交代之
時委員推諉不到以致遲延或有通同徇隱
偏袒苛累等情指名揭參一新舊交代全在
知府兼公督催備展轉苛求不能依限交代
許州縣官據寔通詳祇參知府若別有徇私
扣勒等弊從重叅處一承辦修造事務動用
錢糧題咨報部續奉核減駁追者俱應本案

完結或未經報部或已詳上司或前官並未
申詳者應于交代限內清楚有則補交歸款
無則題參虧空疏入部議皆如所請又言江
蘇各衛屯田科徵田額雖與民田不同而徵
耗銀並無互異蘇太等衛向以耗羨抵養廉
者已屬多寡不均自乾隆元年酌減耗銀後
愈覺不敷請將蘇州鎮江淮安大河揚州五
衛事繁者仍照例歲減養廉五百兩其太倉
鎮海金山儀徵徐州五衛稍簡者歲給養廉

四百兩除收屯折耗羨外不敷之銀自乾隆
元年爲始俱于司庫耗羨動支下部議行八
月卒于任遣疏入得

旨邵基簡任江蘇巡撫正資料理昨聞患病
特遣御醫馳驛前往調治冀其痊可今聞溘
逝深爲軫惻著該督等委員經紀其喪送回
本籍應得卹典察例具奏尋

賜祭葬如例三十年
欽賜基孫洪爲舉人

楊名時列傳

楊名時江南江陰人康熙三十年進士改庶
吉士三十三年授檢討三十九年充

日講起居注官四十一年正月提督順天學
政十一月遷侍讀四十二年十二月

上西巡肥鄉縣武生李正朝病狂衝突

儀仗直隸巡撫李光地奏請治罪因劾名時
濫取狂生請

勅部議處得

莫名臣專一

旨揚名時自督學以來賦性乖異縱有精干
學業工于文章者但係殷寔之人必不錄取
其無產赤貧雖不能文或記誦數語亦得進
學理應從重治罪現今年歲未滿又無賄賣
生員之事從寬恕有四十四年差滿奉

旨着往河工効力繼丁父母憂五十一年服
闋候補五十三年正月

命入南書房行走六月充陝西鄉試正考官
五十六年授直隸巡道五十八年遷貴州南

政司五十九年擢雲南巡撫六十年疏言滇省兵糧歲需十四萬九千餘石俱于就地支放但駐兵衆寡不同征米多少亦異其本處額米不足者撥別州縣米供用而舟楫不通輓運維艱雖有四年折徵一次之例然不折之年仍苦遠運請將兵多米少之雲南昆明等十六府州縣及劍川州駐劄兵米每年酌給本色三季折色一季統計折色米三萬一百五十石有奇應照時價預借庫銀放給

于兵少米多解運最遠之祿豐等十二州縣額征秋米內照數折征還庫停四年折征之例部議如所請行雍正元年二月奏請聖安得

旨爾向日居官歷任有聲朕所稔悉自茲益當加勉莫移初志七月疏言雲南巡撫一切規禮臣一無所收所有監規五萬二千兩除留爲恤灶修井用外尙餘四萬六千兩爲臣供用累年供應在藏官兵軍需賞賚及公私

所用皆取諸此又銀廠缺課每年約二二萬兩廠員視爲畏途臣曾將所得監規撥補銀兩廠缺課並捐賠前任督撫運糧倒斃牛馬等項各奏明在案臣有請者若藏兵旣撤費用簡省乞將監規准留若干與臣衙門充用其餘以供公用得

旨督撫羨餘豈可限以科則取所當取用所當用固不可廢削以害民亦不必矯激以沽譽若一切公用需賞之需至于拮据殊失封莫名至專一

疆之體全在爾等揆情度理而行之可無煩
章奏嗷嗷也二年八月疏言滇省白井河邊
出沙滷餘鹽每年可收百萬斤向係分地行
銷今所收日增仍須分行查開化一府生聚
日繁兼有鎮兵駐劄額鹽不敷且去白井遠
幾千里應將易門縣原銷阿陋井鹽撥歸開
化府添銷易門縣就近改食白井多出之鹽
仍照原價每百斤一兩六錢一轉移聞國課
民食均有裨益又雲南專設提舉司三員除

事簡之缺不議外其黑白二井其閘緊要缺
出應揀選保題至彌沙阿陋二井離省途遠
井口較多大使亦應酌量揀調再各井俱有
龍神廟昔年吳逆在滇涵水交淡彼雖加封
杳然罔驗今則龍神效靈涵脉洋溢而神號
尚仍吳逆舊封大非能統請將新舊各井龍
神俱加

勅封字樣以肅觀瞻並下部議行十月疏言
滇沅威遠地方有抱母按板鹽井前經奏明
真召至專

委員調劑煎辦此外尙有恩耕等井涵水與
內地相同招撫灶戶煎辦于元江順寧等處
行銷數月來獲息銀五千餘兩暫爲各地方
修理等項之需俟定有成規另册報銷再查
黑白等井價價公平惟琅安二井涵淡新貴
鹽價高昂應爲酌減卽以新開麗江土井餘
息抵補毋庸再動別項其抱母按板等井每
年所獲息銀二萬餘兩足供新設威遠地方
文武井官並茶山一帶官兵俸餉毋庸動耳

項錢糧至琅安二井額銷鹽不敷民食仍須
調劑查石屏州路近威遠應就近額銷按板
抱母等井之鹽其原銷鹽歸併琅安行題各
屬分銷則琅安鹽無缺乏而土井亦可疏銷
至各井起課統于雍正三年爲始又疏言滇
省收貯米穀有捐納捐輸二項捐納監穀貯
各處常平倉爲備貯之需捐輸之穀係遞年
各官倡捐士民量輸附貯常平倉動給孤貧
口糧因係報部之項民間猝有緩急不得擅

動須題請之發滇省道遠往返動須數月無
濟于事今酌議除前經報部之穀併以後常
平例捐監穀仍貯官倉外今自雍正二年始
請將捐輸穀其輸官改行社倉便民之法各
貯本里擇里中老成人專司其事地方官祇
司監察不得挪移勒借每歲青黃不接時量
行借貸秋收還倉歲豐則微取其息中歲則
免收其息遇歉則報明地方官立即發賑療
道

諭旨隨民之便不必報部令糧道司其數目
每年積貯若干題達一次事下部議均如所
請行十二月疏言雲南民多無寸椽尺土而
冊載丁名至有一人而當十餘丁者累代相
仍名日子孫丁雖老病故絕編審時從不除
減貧人轉賣田產丁銀仍留本戶延累無休
請將通省各丁額銀照直隸之例攤入田糧
完納俾丁從糧辦均其偏累至于軍丁又與
民丁不同其完額自二錢八分起有重至六

錢二分難照民下一概均攤登從前平吳逆後尙有影射田土令逐一清出將軍丁最重者量加攤除使軍戶稍輕易于完納嗣後不拘年分漸次抵補又民間田產有因吳逆賦重差煩情願退吐與人者有沿湖窪地荒蕪賠糧情願不受價值與人者今見糧有定額荒已墾熟告拔告贖爭控不休應通飭永禁又雲南府屬舊有三洎縣康熙八年併入昆明州但僻處萬山中民俗刁悍去州遠至二

百餘里鞭長莫及請改歸相近之安寧州勢
方聯屬兼可便民又糧儲道爲通省道員之
首請改爲守道永昌道轄迤西數郡有稽查
地方之責請以爲巡道部議從之三年正月
疏言麗江土府業經題請歸流其從前額徵
錢糧不按田畝起科惟按門戶貧富派輸寔
屬弊累請將舊額錢糧照田畝等則均攤應
徵銀米既有定額糧從田辨則有田無糧無
糧輸賦之弊悉可除下部議行九月晉兵部

尚書仍管雲南巡撫事十月授雲貴總督仍
管雲南巡撫事先是

上以名時洩漏密摺停其摺奏有事仍着具
本至是疏言邊方事宜有須繕摺恭請
裁示者乞

恩宥前愆仍具摺奏

上以名時既知過失懇切奏請仍准摺奏四
年七月轉吏部尚書尋

命名時仍以總督管理巡撫事十一月名時

以滇省未完鹽課具題誤將

密批諭旨載入本中奉

旨凡督撫奏摺經朕批示發回者擬朕一已
之見即便批發伊等具本時祇宜就事論事
聽候部議朕自有裁奪焉有具本時將密摺
所批公然載入之理楊名時明係回護從前
洩漏之罪其心中以爲不當有此密奏密批
之事夫國家庶務殷煩亦有不便宜露于眾
者故于密摺內往來斟酌期于周詳妥協楊

黃名臣專摺卷十七

七

各時始則將密摺洩漏于外人今則將密批
全錄于奏章無人臣之體交部嚴察議奏部
議請革職交刑部治罪

上仍令各時明白回奏各時覆奏臣一時愚
昧惑于朦混之術遂照原案載入此寔臣謬
誤無可改免五年閏三月奉

旨解任仍署理巡撫候旨六月疏叅鎮沅府
土知府刁澣強霸田地逼死人命等罪擬絞
監候鎮沅已經改流應將刁澣家口遷置省

城免留土屬滋事下法司議如所請得

旨疏內所稱刁濬家口遷住省城之處若管
束太嚴則不得其所疎放又恐生事着遷住
江寧省城令該督酌量安頓十月新任雲南
巡撫朱綱劾名時在任七載徇隱廢弛藩庫
錢糧借欠累累倉穀虧空並不題叅以致劣
員剝民無忌請革職六年正月奉
旨楊名時朕尙未識面聞其爲人和平亦
有操守觀某人性喜沽名邀譽而苟且因循

置國家之事于膜外且虛偽偏執恬過飾非
朕時時切加訓諭而伊堅執不改今據朱綱
奏奏揚名時着革職交與朱綱勒限將各項
清楚時具奏請旨此本內情由仍着揚名時
明白回奏綱尋代名時奏稱從前辦理貽悞
瞻徇竊位苟祿捫心自問罪無可追無可申
辯得

旨滇省錢糧倉穀虧空買補及借動扣還之
處鄂爾泰原旨詳細奏聞然後辦理揚名時

身爲巡撫錢糧是其專責應據定陳奏方爲無欺無隱乃伊任內並無一語奏及以爲將來推卸之地乃巧詐之用意也比時朱綱奏奏特令楊名時明白回奏鄂爾泰亦卽具題認過朕批諭云滇省各案朕明知楊名時無虧空那移之罪但伊巧詐若心于明白回奏時必直認不辯今伊果事事認罪無一部白申辯之語全無人臣事上之禮着楊名時再行明白回奏嗣總督鄂爾泰代名時奏稱身

受國恩忝任內外屢干罪戾猶荷矜全若復
巧詐居心是誠大逆不道罪不容誅名時雖
極愚蒙何敢自外生成

上仍命鄂爾泰嚴訊名時自認沽名邀譽至
狡詐堅供不承部議以名時始終掩護朦朧
引咎無人臣事君禮應照挾詐欺公律擬斬
監候得

旨楊名時別案尙多此案治罪之處着從寬
免先是有功名時者

上命刑部侍郎黃炳往雲南會同朱綱審理
嗣炳等覆奏名時矯廉節以盜虛名其保舉
之人俱係進士出身內栗爾璋係名時門生
累年得益規等銀八萬兩又受知府范溥盃
緞等物依律擬絞其所得益規除自行捐補
銀廠缺額外應仍追銀五萬八千餘兩至是
部覆如炳議得

旨楊名時俟各案清結之後再降諭旨名時
仍待罪雲南十三年九月

皇上御極

諭曰原任尚書楊名時

皇考原欲召令來京未曾降

旨着該部行文宣召來京陛見乾隆元年二

月

特賜禮部尚書銜兼管國子監祭酒事在

尚書房並

南書房行走三月

賜第一區名時疏請儲書太學以供肄業並

刊板存太學聽諸生摹印講誦得

旨所請書籍着將武英殿現有者各種發給
二十部餘照所請行又疏言滇省舊例凡地
方應辦公事皆取給民間謂之公伴胥役頭
人藉端科斂指一派十不勝其擾臣前撫滇
時訪知其弊先將省城附近州縣核寔需用
之費酌定數目令民照數完納一應公事于
此項銀兩備辦不得絲毫再派隨檄行各府
州縣俱令核數開報緣請府州縣糧有多寡

公事亦有煩簡據各屬開報輕重不等屢次
駁減終未歸畫一雍正五年以後將原定公
件統加覆核留必須之用其餘題報歸公而
有司不善奉行于地方應辦公事不免復派
于民是從前所定公件轉成厲階而公件浮
多處所民益苦累請

敕諭地方大吏將公件浮多之州縣悉予寬
減嚴禁借端派累俾民沾寔惠疏下總理事
務王大臣議令督臣尹繼善撫臣張永隨會

同藩司詳酌妥議具奏嗣張允隨會同尹繼善覆奏公件最輕之廣南等十五府州縣毋庸更議增減其餘公件浮多之元江等四十九府州縣併鄧北川同所管地方總以額編糧條之重輕與原定公件之多寡而相比並就中斟酌請于乾隆二年爲始統照所減之數征收如地方官奉行不寔有額外私派者嚴叅再經部議如所請行五月奉

旨教習庶吉士奏言江蘇安徽鄉試合爲一

省定額中式九十九名下江應試士子較多
于上江是以每科中式名數下江十分之七
上江十分之三查下江應試諸生寔較浙閩
江西加眾上江應試諸生亦多傑出非小省
可比請將下江解額照浙閩江西之例定爲
大省上江解額照山陝河南之例定爲中省
又陝西解額中六十七名內有聿丁兩字號
額中三名緣地當極邊應試人少是以定額
三名以示鼓舞今人文漸盛詞將聿丁字號

格外量增數名又各省貢監生在京鄉試者
分編南皿北皿字號各取中三十六名累科
來雲南貴州四川廣西四省應順天鄉試者
照例編入南皿字號緣文藝不能與江浙諸
省頡頏榜發無中式者請嗣後四省貢監入
北闈者照會試五經分南北中卷例另編字
號約十五名取中一名庶邊方入監士子俱
有科名之望疏下部議尋議下江中額照中
省之二等取中七十二名上江照小省之二

等取中四十八名共增額二十一名陝西率
丁字號量增一名其額四名其順天鄉試之
雲南貴州四川廣西四省應另編中皿字號
每十五名取中一名如零數過半加中一名
均于本年鄉試舉行八月名時寢疾
上遣太醫診視日給參藥九月卒遺疏上得
旨楊名時係

皇祖簡用舊臣服官年久學問醇正品行端
方朕仰體

皇考聖意宣召來京正資委用今聞瀆逝深
為溷測已賞內庫銀一千兩遣內務府官一
員經紀其喪派散秩大臣帶領侍衛十員賜
奠茶酒加贈太子太傅入祀賢良祠
賜祭葬如例諡文定

甘汝來列傳

甘汝來江西奉新人康熙五十二年進士五
十七年由教習授直隸涑水縣知縣五十八
年三等侍衛畢里克練鷹至涑水強宿民舍

毆傷人汝來拘訊事

聞交部質審議革汝來職罰畢里克俸

特旨畢里克革職汝來免罪六十一年調任

新安縣雍正元年三月遷吏部主事十二月

授廣西太平府知府二年遷左江道三年遷

廣西按察使四年五月擢廣西巡撫七月疏

南寧太平慶遠思恩四府向稱烟瘴正雜

名缺例揀員調補查南寧府屬之宣化永淳

橫州思恩府屬之武緣現今居民稠密烟瘴

全無請改歸部選柳州府屬之馬平雒容直隸賓州屬之士林雖非烟瘴但獠獍獷悍難治請照烟瘴例揀調再定例調補各員歷俸三年卽陞嗣部議改爲五年伏恩州縣等官雖處烟瘴尙有俸銀火耗足以養廉至雜職微員俸銀無幾衣食不周情殊可憫請仍照舊例三年卽陞

詔如所請行八月

命來京五年二月授都察院左副都御史先

是汝來任廣西按察使時奉議州土司羅文
綱糾眾阻建塘汎州判程旦請發礮勦捕汝
來與巡撫李紱責旦越詳多事至旦是事發
敕偕紱同往緝拏並

命汝來署廣西巡撫汝來抵任疏言思恩府
屬之西隆州距府治千餘里請改爲直隸州
以西林縣分歸管轄又言太平府屬之思明
州向隸思明土府同知自改土爲流歸太平
府轄祇留吏目一員駐其地該州地處極邊

距府亦遠請仍歸思明土府同知管轄部議
均如所請九月疏請設鎮安土府學以左州
訓導移駐

諭曰甘汝來由部屬用府道陞臬司超擢巡
撫伊自應感激朕恩圖報効力乃聽從李紱
指使一味沽取虛名並不寔心爲國家辦理
政務上年調取來京時朕切加訓誨伊在朕
前力認痛改舊習情詞懇切嗣因思明土府
一案廣西巡撫韓良輔往雲南與鄂爾泰會

商彼時署理廣西巡撫印務不得其人朕意
甘汝來在粵年久諸事熟習是以令伊前往
乃伊到彼仍不改悔前非其奏摺敷陳之言
多屬支離此本內所請鎮安土府設學一事
並非目前苗疆急務而甘汝來越其署印之
時星速爲之若刻不可緩者蓋其心急于沽
名市惠惟恐爲人所奪取也此等識見卑鄙
之甚設學一事不准行又伊謝恩本內有荷
蒙皇上曲賜寬容之語夫人君秉持國法恣

本公心以行直道曲則不直不直則不公矣
而甘汝來所謂曲賜寬容者果感恩之語乎
抑別有用意乎甘汝來着卽回京廣西巡撫
事務仍交韓良輔管理六年良輔緝獲文剛
寘之法汝來坐疏縱革職

命在咸安宮官學行走七年山東巡撫費金
吾疏濬濟寧嘉祥等處及江南徐州沛縣水
道

詔汝來偕原任侍郎阿克敦等同往効力九

年二月授直隸霸昌道五月丁母憂

命在任守劄九月調江南蕪松糧道十年二月署廣東布政使八月寔授十二年四月擢禮部右侍郎十三年八月充八旂通志副總裁九月授兵部尙書時恭修

世宗憲皇帝寔錄汝來充副總裁十月條奏廣東圈築沙坦事宜一定立界之法以杜爭競凡海濱水面微露灘形謂之水坦漸生青草謂之草坦淤成高土漸可耕種謂之沙坦

每歲墾初現沿海民各自插標出水後各自
工築報官給照爲業四至田界相連者不得
于工築後爭控一立限田之法以杜豪估凡
本身有田十頃以上雖田界相連毋許再種
灘地小民圈築亦不得過五項如控各霸種
者治罪其出工本牛種助貧民圈築量取租
息田歸貧民者聽一緩陞科之期以寬民力
陸地開墾定例六年陞科海田浮脆難恃應
寬至十年俟土性堅寔是再令納賦一厚蠲恤

之法以備不虞潮有大小氣有消烏沙坦亦
有成壞如潮大而淹所種則寬緩一歲之糧
地遷而毀所圍則寬免陞科之額雖有不虞
可恃無恐至海若効靈有功必祀除二八月
常祀外應于十月撫臣親祭一次以答理既
疏入

勅下廣東督撫議行乾隆元年正月疏言沿
海居民採捕魚蝦用單桅船不能出洋貿易
向例本縣出埕稽出入並不輸稅近聞各海

閩監督于此等小舡亦令領關牌與雙桅船
一體納鈔又閩廣間貧民資生無業有用竹
筴取魚者有于埠頭養鴨者不肖虞吏或按
筴按埠私徵稅銀請通行嚴禁從之七月充
三禮館副總裁二年疏言元儒吳澄踐履篤
寔以道自任明宣德時詔准從祀及嘉靖初
張璁以澄生宋仕元黜之考宋制鄉薦不第
仍充生員澄在宋雖膺鄉薦未沾一命及元
有天下猶十召不起甫進旋退出處卓然臣

充三禮總裁見澄所著禮經諸書援據精切
義理融貫寔足羽翼經傳請

勅廷臣集議仍惟入祀

允之三年調吏部尙書仍兼兵部尙書事務
四年三月充會試正考官五月加太子少保
七月卒

諭曰尙書甘汝來持躬端謹辦事恪勤夙
外任賢聲素著自簡任吏部尙書以來寔心
供職立資倚用今聞患病溘逝深爲憫惻着

派散秩大臣一員帶領侍衛十員往奠祭酒
間其家計寒素且無經理後事之人着賞帑
銀千兩該部司官代爲料理應得卹典察例
具奏尋

賜祭葬如例諡莊恪

徐士林列傳

徐士林山東文登人康熙五十二年進士五
十七年由教習授內閣中書雍正二年遷禮
部主事四年遷員外郎五年授江南安慶府

知府十年擢江蘇按察使十一年因知府任
內失察私鑄部議降一級調用奉

旨降補汀漳道乾隆元年正月遷河南布政
使十一月以父病請假旋丁憂三年

命署江蘇布政使士林以病母八旬且父柩
未葬懇免

許之四年正月

上以江蘇巡撫許容請假省親

命士林卽由本籍前往以布政使護理巡撫

印務士林復以母病篤不能暫離陳奏

請俟母病稍愈自行奏聞四月來京授蘓州布政使五年五月奏言資送流民原爲

國家軫卹之恩卽不可無防維之法近湖廣資送山東流民經過兩江數日內竟至三千有奇蜂擁江干恃眾逞刁有司受其需索商民畏其糾擾臣愚以爲凡係真正災民或有田能耕或無田而佃皆素能力穡時值春融亟宜資送復業其原無恒產情願在外傭工

者應聽自便至若素習手藝以及游惰無業
漂泊日久者彼固非能耕之人亦不盡被災
之民應請概停資送庶災民得行旅之資卽
刁民無聚眾之勢或謂無籍窮民恐流而爲
匪終年搜查遞送不休臣未聞不爲匪于本
籍獨爲匪于隣封者也亦未聞真爲匪者遞
回原籍卽能務本力田而不復潛至鄰封者
也安分則撫柔之犯法則懲創之是在地方
官處置得宜而已

上是其言下九卿議行七月授江蘇巡撫先是湖北巡撫崔紀以湖廣舊食淮鹽自雍正元年侍郎黃叔琳等議定價值逐年加增寔爲民累疏請核減大學士等議令各督撫詳議而兩省督撫兩淮鹽政各持己見屢議未定至是大學士等請

特簡大臣往會核

詔令士林會同新鹽臣準泰確核定議士林議奏鹽爲民食所資貴固累民賤亦累商今

逐項確核成本每引賤價以五兩三錢餘爲
率貴價以五兩七錢爲率商人計逐子母若
令按本出售恐商力日絀轉運不前民亦未
便應請每引酌給餘息二三錢疏下部議成
本宕價應如所請至餘息諒已攤入成本內
毋庸酌給士林復奏商人牟利而釐運不前
亦斷無市價不長之事前益臣三保酌開成
本每引賤價六兩三錢餘貴六兩五錢餘是
成本內實有餘息也今臣議定賤價五兩三

錢餘是每引已減餘息一兩矣貴價五兩七錢餘是每引已減餘息八錢矣臣僅議加息二三錢計倍于民每斤增不過以豪計利已微薄祇以商本饒裕常年通算積少成多今不給餘息商情失望必生退阻况產價之貴脚價之增眾所共見一無所利而令挾資千萬冒涉江湖則奸商得以藉口良商未免力絀倘漢口運鹽不繼恐淮南困而楚民亦病也奉

旨照所請行六年二月奏言上年徐海被水
經臣題准賑濟現當播種春麥無力貧民請
酌借穀麥以資耕作其沛縣被水尤甚請動
藩庫餘平銀兩買米接賑又奏江蘓社穀積
貯無多工年秋成惟徐海一隅被灾餘俱豐
稔臣戒諭牧今及時勸諭勿強派勿限數勿
差役滋擾並將社倉勸諭定例詳明曉諭現
已報捐十餘萬石疏入
上嘉之四月以病請改任

優旨慰見並

遺御醫診視五月奏言淮北今歲被水甚早
二麥無收急宜撫卹臣不敢拘泥成例已先
飭藩司撥銀賑濟俟查明成災分數再行具
題得

旨如此辦理甚副朕視民如傷之念六月復
以病体口重心氣虛耗且母年八十有三不
能迎養睽違兩載寢食靡寧懇請給假得
旨俞允九月行至淮安卒遺疏入

諭曰徐士林學問素裕忠孝性成因母老遠
離不受妻孥之養鞠躬盡瘁以致沉疴聞解
組之音力疾旋里以圖侍母臨終之際無一
語及私勸朕以憂盛危明之心爲久安長治
之計此等良臣方資倚任乃今溘逝寔朕切
切含悲不能自己者也徐士林着入京師賢
良祠以爲臣工勸應得卹典該部議奏尋議
祭葬如例其遺疏內奏故父之淮母鞠氏孝
養祖父母臨病二十餘年歷久不懈懇

賜表揚應令本籍地方官查明題旌奉

旨允行九年十二月江蘇巡撫陳大受題准
入祀蘇州名宦祠

朱軾列傳

朱軾江西高安人康熙三十三年進士由庶
吉士改授湖北潛江縣知縣四十四年行取
授刑部主事歷遷本部員外郎中四十八年
提督陝西學政五十二年授光祿寺少卿五
十四年遷奉天府府尹明年遷通政使五十

六年授浙江巡撫五十七年條陳修築海塘
六事一築北唐海寧縣老鹽倉石塘自蒲兒
港至姚家堰千三百四十丈一石塘應高二
丈每丈累石十層縱橫側立互相牽掣塘面
內培土塘使潮汐不致泛溢一開中壘淤沙
復江海故道則土塘石塘可免潮患一築南
岸上虞縣夏蓋山石塘千七百九十丈一調
委經理各官以專責成一專員歲修保固又
疏言海寧縣沿塘俱浮沙塘脚空虛雖長椿

巨石難期保固惟用水櫃法以松杉木爲櫃
寔以碎石以固塘根仍用大石高築塘身附
塘另築倘水高及塘半亦用水櫃法爲幹外
砌巨石二三層以護塘脚不致潮汐浸入再
塘內向有河道名備塘河爲居民築埧所淤
應去埧疏河卽以所疏土培岸俱下部議如
所請杭州南北兩關稅例由巡撫監收軌以
稅口五十餘稽查匪易請委員兼理巡撫得
專力封藉錢糧亦不致貽悞部議以杭州府

捕盜同知監收仍令巡撫統轄五十八年疏
勅巡鹽御史哈爾金等帖式三格勒索商人
命刑部尙書張廷樞學士德音往審得寔論
如律五十九年擢左都御史六十年三月丁
父憂

命在在守制載疏懇辭

上不允載復請往軍營効力

上以山西陝西旱發帑五十萬兩

命載偕光祿寺卿盧詢分往二省勸糶給賑

華經山西疏奏救荒五事一被奉司道以下
貧劣人員請從寬留在令養活飢民以觀後
効一令富戶出資協同商人于南省販糴停
淮安鳳陽等關米船課稅半年紳士能捐贖
者按所捐數優敘一各省驛站夫大半虛冒
請查寔募補一人受募即可活一家一飢民
流徙請令所在地方官安置能捐資贍養冬
人者核寔題薦一飢民羣聚易生癘疫請交
所在地方官設廠醫治疏下部院會議行八

月疏言積貯貴裕有司平日侵蝕一經報災復借平糶借貸煮粥爲名以少報多有各無寔請

敕各督撫詳查虧空數少者勒限補還數多者卽嚴究治罪至因賑支倉穀輒稱捐俸抵補俸銀有限倉穀甚多不但抵補無期且浮開捏報借非寔借還非寔還宜清查勒限追賄徇隱者議處從之又疏請山西建社倉以備荒歉引泉漑田以興水利

諭曰凡建社倉須擇地方殷實之人董其事
此人並非官吏無權無殺借出之米遺何人
催納卽豐收之年不肯還補亦無可如何若
遇歉收更誰還補倘米石虧缺勢必令同事
者賠償社倉之法始于朱子此法僅可行于
小邑鄉村若奏爲定例屬官吏施行久之與
民無益前朕巡幸山陝知其地山多水少並
無河渠窪濕間有水泉亦不能暢引溉田今
朱軾以建立社倉引水入田具奏卽令伊久

山西鼓鑪試行若所言有效甚善載以冒
昧引咎乞免試行得

旨朱軾親至山西深知地方情形著仍留山
西鼓鑪試行十一月川陝總督年羹堯奏西
安府知府徐容鳳翔府知府甘文煊屬空銀
米請

特簡親信大臣會審

上命軾赴陝會同審訊尋鞫得寔論如律六
十一年二月乞假葬父回籍十一月

世宗憲皇帝御極恭修

聖祖仁皇帝寔錄載充總裁官

賜第及銀千兩雍正元年正月入直

南書房

詔封軌母冷氏一品夫人並給銀二千兩三
月加吏部尚書銜尋加太子太保四月充順
天鄉試正考官以公慎校閱輿論翕然

詔議敘晉太子太傅九月充會試正考官時
修明史會典則例並充總裁二年六月兼理

吏部尙書八月復充會試正考官

上以軾曾任浙江巡撫

命赴浙議海塘事宜並勘蕪松塘工三年三月疏言浙江餘姚縣自許山鎮西至臨山衛舊土塘三道係民灶修築今民灶無力應動帑興修自臨山衛至上虞烏盃村自烏盃村至會稽瀝海所東西土塘七千丈坍塌甚多應于塘底開深二尺填築亂石上鋪大石以固塘基貼石築土塘內植榆柳近塘窪地一

概築平又海寧縣自陳文港至尖山土塘七
百六十六丈塘外積沙尙簿水注塘下應將
土塘加寬頂補條石以防泛溢其草塘七十
四丈並依式改修再塘外亂石子塘遮護塘
脚最要應修砌完固其無子塘處亦依式興
築又海鹽縣東自秦駐山三澗塞至西濱武
場石塘椿壞坍八十餘丈應與衝潰之七十
丈並築統計需銀十五萬五千七百兩有奇
又疏言江南華亭婁上海等縣塘工自全山

衛城北至華家角土塘六千二百餘丈內自
滌缺墩至東灣九百六十九丈餘緣洋面大
小金山北積沙湖直衝滌缺塘坍入海自金
山墩至西新墩七百六十八丈兵廠至張家
舍二百八十八丈倪家路至三岔墩三百六
十丈周公墩至花家角千四百六十餘丈皆
老岸久坍新塘屢潰請均易土爲石其餘二
千四百丈自上海汛頭墩至嘉定等處水勢
稍緩上塘足捍禦應堅築高原密釘排椿多

種雜樹以固塘身計修築石塘土塘統需銀
十九萬二千九百兩有奇疏下部並議行七
月疏言

國家封贈之典榮及所生所有本身妻室封
典可移之父母即可移之祖父母請凡四品
以下文官願將本身妻室封典移封祖父母
者皆許之八品以下各官例封本身不及妻
室是以移封父而不及母並請每格于例請
八九品官准封父母不封本身妻室又教授

學正教諭訓導俱以正途補用請將教授照
知縣學正教諭照縣丞訓導照主簿例封繼
母生男請與嫡母俱封又疏言縣丞主簿雙
月應選人員皆四十五年前考授職銜之監
生年貌與部不符頂選之員年近八旬內外
豈能供職聞有年非老邁者核其考職時甚
幼情竅顯然請暫停選將康熙五十年以前
願赴選之考職縣丞主簿由各督撫考驗擇
年力未衰者送部銓選至雙月應班二缺現

無可選之人查捐納學正教諭訓導任滿者
改補縣丞主簿何例歸單月選用請將此項
人員除本班照舊補用外並于雙月暫選二
人俟考職監生開選日仍歸單月選並從之
九月授

文華殿大學士兼吏部尚書

命偕怡親王往直隸查勘水利營田十二月
合疏言直隸之水會天津達海北來爲白河
南朱爲衛河淀河貫乎其間惟白河安瀾無

卷一
患衛河源出河南輝縣至山東臨清州與汶
台東下德棣滄景滄州南有磚河青縣南有
與濟河乃減衛水故道今河形牖石尙存請
照舊疏通築減水埧以洩衛可之漲又靜海
縣權家日亦宜築埧減水至白塘口入海處
舊有石碯二座磚河與濟河之尾宜開直河
一道歸併白塘出口漢則開放不惟殺運河
之漲而河東積潦亦得稍洩再東西二淀跨
雄縣霸州等十餘州縣畿南六十餘河水會

于西定經霸州之范家口會河同合于牙永
定二河水爲東淀蓋羣水所潴也近諸淀淤
塞旁溢爲患故直隸之水必自淀始凡古淀
尙能存水者均宜疏濬並多開引河使淀淀
相通其已淤爲田者四面開渠中穿溝洫以
達於河於淀疏淀內河身爲眾流之綱周淀
舊有堤岸應加高厚無堤者量築其趙北苑
家二口爲東西二淀咽喉趙北口堤七里現
有石橋八應加高濶並于易陽橋南添木橋

一塘身高五六尺苑家口北新開中停河近
復淤宜疏深濬廣其上流玉帶河對岸爲十
望河舊道宜開張清口入中亭河會蘓橋三
岔河以達東淀子牙永定二河以淀爲壑子
牙爲濬漳下水清濁二漳發源山西至武安
縣交漳口會經廣平正定而滹沱滏陽大陸
之水會焉考任邱舊志子牙下流有清河夾
河月河皆分子牙之流趨淀今宜尋故道決
分以緩其勢永定河俗名渾河水濁泥淤遷

徒無定直去淤以復故道二河口俱在東淀
之西故淀常淤塞前奉

諭旨令引渾河別由一道誠經久計今自柳
又口引渾河稍北繞王慶坨東北入淀約束
子牙之西疏合爲一河使永定子牙二河分
道而東於淀內築堤河自河淀自淀庶濁流
不爲患至高陽河宜疏故道新安之三台村
宜開新河及各處堤岸均宜以時興工再京
東之灤薊天津京南之文霸任邱新安等處

宜各設營田專管官經理並請揀發人員委
用得

旨嘉獎下部議速行四年正月又合疏請分
直隸諸河爲四局南運河與臧家橋以下之
子牙河范家口以東之淀河爲一局請令天
津道就近總理永定河爲一局請改永定河
分司爲河道駐固安縣總理其沿河州縣各
設州判縣丞主簿等分防北運河爲一局請
裁去舊分司令通永道兼管范家口以西各

淀地及畿南諸河爲一局請改大名道爲衛
河道移駐保定府管理其河道各員必久任
熟練應聽直隸總督選題引

見簡用其同知以下各員俱于河員內選補
下部議速行二月丁母憂

諭曰大學士朱軾之母冷氏壺儀淑慎訓子
成名今聞在籍病故深可軫惻朕優禮大臣
推思賢母用頒異數以示眷懷着江西巡撫
動支司庫銀二千兩賞給俟朱軾抵家讀文

致祭一次朱軾查勘水利事竣到京後着馳
驛回籍又

諭曰朱軾事母至孝今伊母病故哀痛必切
但伊母年已八十餘祿養顯揚俱無餘憾正
當節哀抑慟護惜此身爲國家出力盡忠正
所以盡孝着再賞銀二千兩爲伊奔喪回籍
費用守孝百日後卽來京辦事軾奏謝乞終
制

上允解任仍以理畿輔水利事

命于八月來京九月軾將至

上遣學士何國宗副都統永福迎勞

賜食復

諭准素服三年時

上以浙江風俗澆漓

特設觀風整俗使軾疏言風俗之澆漓莫甚于爭訟昔臣巡撫浙江知杭嘉湖紹四府率多唆訟之徒全無情寔告許紛紛查分守巡道職任巡查兼理詞訟請添設杭嘉湖巡道

一員其紹興一府屬寧台道管轄凡民間詞訟冤抑州縣不能申理者巡道准理該員能秉公執法訟師自知畏懼爭訟漸息風俗自臻淳厚

上特允所請十一月疏請收用効力營田人員准其議敘十二月疏奏營田事例四條一自營已田者照頃畝多寡予九品以上五品以下頂帶一効力者量工程難易頃畝多寡分別錄用一降革人員効力者准開復一流

徒以上人犯効力者准減等俱下部議行六年十二月以病乞解任調理

上手詔慰留之八年五月怡親王薨

命馭總理水柝營田事十一月兼兵部尙書十二月署翰林院掌院學士先是運河隄工水溢部議降級留任浙江巡撫任內失察呂留良等書議革職

特旨予留任十二年二月奉

旨朱軾從前革職等案俱着開復十三年七

月

是

月議築浙江海塘軼請往董其事得

旨俞允

特勅督撫及管理塘工諸大臣咸聽節制九
月

皇上御極

召還

命在總理處協同辦事尋以總理妥協

賜騎都尉世職十月疏言州縣田地開闢有未
盡開墾處緣山田磽确旋墾旋荒或江岸河

潰毋濫無定是以荒者未盡開墾墾者未盡
陞科至已熟之田有穀額甚輕者亦由土壤
瘠者數畝不敵廣田一畝卽古者一易再易
三易之意非欺罔者比不但丈量不可行卽
令據實首報小民惟恐查出治罪勉強報陞
將來完納不前仍歸荒蕪請停止丈量飭禁
首報惟詳查現在報墾之田有虛捏不實者
題請開除下王大臣議行乾隆元年二月充
會試正考官恭修

世宗憲皇帝寔錄及纂三禮義疏俱充總裁
九月病篤

上親臨軾第視疾軾知

駕至力疾服朝服令其子扶掖迎拜戶外

上嘉軾知禮且甚憐之未幾卒遺疏入

諭曰大學士朱軾品行端方學術醇正爲

聖祖簡用大臣

皇考睿眷注有加簡任機務純修清德望重朝
端朕自幼讀書宮中常聞講論卽位以來正

賢老成衰賚昨聞抱恙沉篤朕親往看視尙
冀調治痊可今聞溘逝朕心深爲軫悼特命
徹朝一日親闈祭奠以昭敬禮賢大臣之誼
又兩賜內庫帑金經理喪事茲賢遺疏拳拳
以吏治民生爲念具見忠悃着加贈太傅入
祀賢良祠應得卹典察例具奏尋

賜祭恭謚文端著有周易註解周禮註解儀
禮節畧及歷代名臣名儒循吏傳諸書子必
堦官至大理寺卿基官至左庶子必坦襲騎

鴻名曰傳
都尉世職女許字李姓未婚守節侍即蔡世
遠爲撰傳

御製詩題之有章哉朱氏賢女子柏舟矢志
終不徙之句四十四年

上追念軼清操宿學

御製懷舊詩稱爲可亭朱先生

詩曰

皇考選朝臣授業我兄弟四人胥宿儒徐朱
及張嵇設席懋勤殿

命行拜師禮其三時去來可亭則恒矣時已
熟經文每爲闡經旨漢則稱賈董宋惟宗五
子恒云不在言惟在行而已如坐春風中十
三年迅耳先生抱病深命輿親往視未肯寬
拖紳迎謁仍鞠脛始終弗踰敬啓手何殊爾
嗚呼於先生吾得學之體

路振揚列傳

路振揚陝西長安人由行伍拔補把總游任
守備遊擊康熙五十年授西安叅將五十四

年遷漢中副將明年擢四川松潘總兵五十六年策妄阿喇布坦侵西藏

命四川提督康泰領兵千餘往青海偵禦至黃勝關柏木橋兵譟棄泰走振揚自松潘前往彈壓事

聞

命泰來京振揚署提督事因疏言松潘所屬黃勝關並無墩堡向設漳臘營遊擊一員駐劄管轄番眾迤南爲雜谷安撫土司種繁俗

悍南境直抵打箭爐與天全招討司明正土
司接壤今該土司良爾吉之子班第爾吉尙
未承襲臣備兵之初密令選屬防守各隘頗
稱勤順請准襲職並加賞資又加渴瓦寺安
撫土司柔郎溫愷所部羌苗亦衆接近漢地
現募部衆運糧又有漳臘營所轄之祈命上
下包坐司等土官士兵習于戰用熟諳邊情
臣曾令備士兵一千候調咸知踴躍亦請加
賞如有調發准支口糧下議政大臣議並如

所請雍正元年三月調重慶總兵四年三月
遷陝西固原提督八月疏言

國家設祿養廉立法懲貪恩至厚法至嚴也
乃貪黷猶未盡除查例載凡以財行求及說
事過錢者審寔計贓同科是皆應得之罪又
例載罪未發而自首者免其罪猶征正贓是
自首免罪仍道贓此固垂世之常經然必俟
其敗露得其身據而後得以罪之竊思營利
之徒彼此容隱其事不易敗露或有告發猶

必互相揄飾臣請開其自首之路凡上司保題所屬並大計軍政章契薦舉人員屬員以財行求上司受賍彼此皆應治罪如受者于事後能據寔盡首則免追原賍并應得之罪止罪與者及說事過錢之人如與者于事後能據寔盡首則照原賍倍追給主免其應得之罪祇罪受者及說事過錢之人若說事過錢之人能據寔盡首除免賍給賞外亦免其應得之罪祇罪與受之人如是庶彼此皆存

通鑑綱目卷一百一十一
三十一
顧慮未事則畏懼不敢爲既事則爭首惟恐
後是或除貪之一法得

旨向聞路振揚操守甚好今覽此奏非一塵
不染之人不敢具此摺也甚屬可嘉該部議
行將路振揚議敘尋議加銜一級

特旨再加一級六年八月

諭曰提督路振揚居官謹慎操守廉潔但年
老精神不及固原要領恐有貽誤着來京另
用十月遷兵部尙書七年閏七月奉

旨降振湯受朕深恩由提督特用爲兵部尙書伊不但不知感激敢于眷戀外任心懷怨望托病推辭着將伊俸銀俸米永行停止十一月改鑾儀使八年十二月署直隸古北口提督九年十月

上以沿邊地要額兵太少古北口宣化大同三處應募兵增防獨石口以西至殺虎口一帶隘口須勘定增兵定多寡之數邊境年久坍塌者酌量修築

勅御史舒喜天津總兵補熙會同振揚往勘
嗣振揚等疏請直隸獨石口奉將改副將增
設都司一于總二把總三馬營堡把總改于
總再增撥于總一龍門路都司改遊擊趙州
堡把總改守備張家口路屬柴溝堡增叅將
把總各一其應增兵丁請募兵四百名餘于
宣化鎮抽撥足額山西新平路助馬路增于
總把總各一將軍會堡增于總一馬布木口
外委把總改于總平魯路增把總三得勝路

增把總二鎮洪鎮邊宏賜鎮羌拒門保安鉄
山威虎迎恩等堡及焦尾城增把總各一其
應增兵丁于大同鎮殺虎口協朔平城守營
內抽撥足額無庸招募至直隸山西邊境俱
無庸修築其坍塌各口均應用木柵鹿柵堵
塞得

旨俞允乾隆元年正月回鑾儀使在十一月
卒

賜祭葬如例

趙國麟列傳

趙國麟山東泰安人康熙四十五年進士五十八年授直隸長垣縣知縣雍正二年遷永卒府知府九月遷大名道四年四月調清河道八月遷長蘆鹽運使五年擢福建布政使七年調河南布政使八年擢福建巡撫十一年疏言福州府常平倉向裁大使歸知府管理倉儲府廳縣額徵米穀四十餘萬爲數繁多請將興化府倉大使移調常豐興化府倉

歸經歷管理九月請設臺灣府學及臺灣鳳
山諸羅彰化四縣學訓導各一皆下部議行
十二年調安慶巡撫十三年疏言壽州新分
鳳臺縣田賦有混等則莫辨無魚鱗底册可
稽有豪強兼併愚懦包賄之弊請履畝清查
如有隱漏及避重就輕者准自報其地少糧
多之戶亦令勘明歸正不得逾八月之限部
議從之乾隆元年御史蔣炳奏准州縣徵收
錢糧照部頒定額刊印由單中送布政使核

明分發花戶倘有飛酒增添將原單交甲長里長赴州縣改正仍令花戶于錢糧完日繳單彙送布政使查核國麟以安省大州縣不下十餘萬戶合計通省卽有數百萬由單由司核發恐誤徵收并遲兵餉且花戶繳單不齊必差役催取或偶遺失更啓索詐現在每年照寔徵簿刊易知單徵收日給花戶花戶查對不符請于完糧時照簿改正甚屬便民似應仍舊至里長久爲民害已裁未便復設

所有由單送司總司甲長里長改正之處請
停止部議准行二年疏言安省舊置官田收
租養馬歲入稻豆萬五千四百餘石歲豐取
盈歲歉減收除驛站額支外尙餘六千五百
餘石報出歸公遂成定額兵部奏銷與正項
無異無論豐歉照額取盈民多賠累請豐年
仍照額收歲歉卽以收成分數酌減至有馬
田州縣通水者例碾米解省水脚係州縣捐
發請每石給水脚米三升卽于馬稻內開銷

庶免累延其不通水州縣收積無所用請照
時價糴銀充餉官民有裨下部議行先是內
閣學士方苞條奏常平倉穀原定存七糶三
法南省地氣卑濕應分別糶半存半糶七存
三因地制宜部議以南省各屬高下燥濕不
同應糶七糶半令督撫詳議奏至是國麟請
將安省所屬州縣不濱大江地氣高燥及卑
濕而非最下之區仍遵存七糶三例其臨近
在湖地形卑下及山陬嵐霧尤其者糶中存

半部議如所請行三年授刑部尙書十月調
禮部尙書尋兼國子監事四年授

文華殿大學士兼禮部尙書三月充會試正
考官三月請

頒發

御纂經書十三種貯禮部順天府俟鄉會兩
試期送內簾應用庶評文有所依據

士如所請六年三月御史仲永檀疏參內閣
學士許王猷遂同九卿往民人俞長庚家甲

莫國麟親往跪奠以物議沸騰復將原帖追
燬國麟請解退得

皆仲永檀忝奏大學士等弔奠俞姓之事經
王大臣查訊全屬子虛其言出於于枋伊已
自認與大學士毫無干涉趙國麟被謗之處
已明無庸置辯着照舊供職是年四月國麟
復請辭退

主仍恩留之先是給事中盧秉純奏國麟
於承膺劾奏經

皇上面問蔣佯爲不知出後告伊減原任光祿寺卿劉藩長自鳴得意又稱藩長子奉旨休致後國麟告以係蔣炳所奉

上命大學士鄂爾泰張廷玉等面質藩長國麟藩長稱曾以國麟回奏事告秉純秉純遂揣摩情狀入奏言詞過甚又堅稱國麟並無蔣炳曾參之語

上以此事有無在疑似間從寬免究六月諭曰趙國麟素稱理學且身爲大學士與市

井庸人劉藩長結姻且在朕前保奏甚屬不合較仲永檀所參之事其過孰爲重大朕令大學士鄂爾泰張廷玉等諭以夫臣之義進退之禮伊自當朝間命而夕拜疏乃遲之數日竟無求退之本是其意以爲朕雖責備乃復轉念優容朕御極之初見其人屬老成且素聞伊留心理學是以丙陞尙書復將伊補授大學士數年來所匡勸者何事所建白者但言爲朕所倚重而必不可棄者何具尙可

忝竊大學士之職乎伊初有福建巡撫任內
薦舉劣員王德純一案部議降調朕留中未
發今旣不知目處不得不明加處分著降二
級調用留京候補尋復禮部侍郎七年正月
擢禮部尚書二月以病乞休
上未允七月復乞休

諭曰趙國麟以獲罪降級之冒朕加恩復用
爲侍郎伊彼時以官止亞卿照常供職使人
見其無悻悻求去之意及游擢尚書卽託病

求罷朕屢次慰留伊仍執奏再三儼然以進禮退義之大臣自居夫進退大臣之禮朕豈不知如遇當以禮待之大臣而年力衰邁卽臥理中壽可也或優召歸田亦無不可然非所論于趙國麟伊試返而自思外任巡撫內任大學士尙書何所樹立而忽于末路託名進禮退義以自表其風節居心不可問矣趙國麟著革職在咸安宮効力行走八年恩准回籍十五年八月恭祝

萬壽

恩賜禮部尙書銜十六年十一月故

吳應棻列傳

吳應棻浙江歸安人康熙五十四年進士改庶吉士散館授編修五十九年充河南鄉試副考官尋丁父憂雍正七年充河南鄉試正考官九月提督河南學政十一月疏言州縣民壯多寡不一各省司道府廳等官每派爲隨丁致衝繁之地不敷差遣嗣後請停派撥

下部議行八年三月擢右中允五月遷侍講
尋遷少詹事八月奉

特旨提督順天學政十二月丁未生母憂服
闋補原官十年八月疏言順天府童生考試
向惟大宛二縣屬府丞專理其餘州縣山霸
昌道錄送霸昌道駐昌平距各州縣遠資斧
維艱且童生半係年幼不能跋涉致應試寥
寥請就近改歸四路同知錄送又學臣按考
地方官撥役在堂伺候本地衙役入場鮮不

勾通作弊請行禁止按考日卽以隨帶軍皂
供役則內外聲息無自而通部議從之十月
報滿奉

旨仍留順天學政任十一年十二月以會典
告成議叙加一級十二年三月疏言八旗生
員歲試不到者甚多如概行除名則將去大
半若任規避則徼倖一衿竟成游惰且八旗
人材英敏果奮發砥礪不乏超羣之士若自
量文理不能上進卽當勤習弓馬自效豈容

通志卷之二十一
三十一
廁名膠庠優游無事此後如果駐防隨任者
令本族查明知照學臣或發教官造冊申報
倘仍無故不到照例斥革

上嘉其奏下部議行又言定例歲科兩試文
武童生由縣考取造冊送府惟大興宛平童
生止憑審音並不衡文定去取請照例由縣
審音考試再行造冊送府庶例歸畫一而假
冒頂替之弊可杜部議從之六月轉右通政
尋擢左僉都御史仍留學政任十二年正月

命署湖北巡撫二月擢兵部右侍郎仍署巡撫專疏言湖北吏治廢弛案件遲延不結按察使胡瀛到任未久辦理揭處布政使李世倬在任年餘支銷款項多不清楚奏銷在卽嚴催文冊不應至州縣沈擱之案更不可勝計臣現在按限查清倘數月後仍不能振作當據實陳奏疏入

上嘉之乾隆元年二月來京

陞見

諭令回兵部侍郎任疏言臣在湖北巡撫任內見從前奉

旨分發以守備題補之年滿于總約二十餘員有候至五六年不能得缺者蓋因湖廣題缺無多缺出應將預保人員掣補事簡各缺又統歸部選以致分發之員得缺無期技藝日疎人才漸廢非獨楚省爲然似應少爲變通查武職不論雙單月部推缺出原有一班歸于分發巡捕營當差于總銓補此項人久

已用完現存班次名色請卽以此班將各省
候補年滿千總掣補俾得及時自効部議如
所請行三月疏言督撫司道郡縣勢不能無
幕賓而幕賓挾持通患在上司衙門者陰恃
下屬爲奇貨在下屬衙門者佯指上司爲奧
援稍不覺察卽受其累此輩囊飽遠颺事外
近更有一種坐省幕賓在上司衙門坐待呼
引散布線索相道從前
世宗憲皇帝洞燭其弊

命督撫保奏以彰激勸行久漸弛臣請畧仿漢唐宋辟除僚屬遺意仰承

憲皇帝鼓勵人材之盛心而推廣之凡督撫衙門設七品幕職二員兩司設八品記室二員皆報明吏部三年爲一考有功無過報部存案六年考滿予選府州縣設一九品椽司申報督撫本人有出身者計考先用本官降革不淮子考本官或以賍酷敗定議處分不惟除弊且可得人下部議尋議如應恭奏申

行保薦之法以示勸懲但不必先與職銜亦不必預定處分從之三年轉左侍郎五年四月奏言武職自守備至副叅有發各省委署試用及酌量題補者向例不佔部推缺但如山東省題缺無多山西河南江西等省並無題缺守候多時補用無日請嗣後

簡發人員遇有部推缺出督撫提鎮于本內聲明准題補委署又言各省驍騎校員缺于領催內預揀引

見侯記名人員用完再行保送此雍正元年福州將軍宜兆熊題准例也近來如寧古塔將軍保送記名者先後二百四十四人今補放不過六十餘人黑龍江將軍保送記名者先後一百五十九人今補放不過五十餘人其餘雖經記名數年或數十年尙難得缺若復保送愈積愈多補用無期久而倦怠弓馬日疎且外有保送之領催旋報部註銷者往往有之請

勅下各省駐防將軍遵照原題俟從前記名
領催補用將完再行揀選不得濫保均下部
議行是月卒

漢名臣傳卷十七終

漢名臣傳卷十七終

卷一

一

漢名臣傳卷十八

石雲倬 樊廷 程元章 凌如煥

治大雄 孫嘉淦 葉存仁 謝珉

周學健 趙殿最 楊汝毅

石雲倬列傳

石雲倬山東德州人康熙四十五年武進士授三等待衛四十九年補陝西平涼遊擊五十年遷鎮番營叅將五十四年調赴巴里坤軍前効用明年遷慶陽副將留軍前雍正

元年回慶陽任二年調河標副將三年五月
改授洮岷副將尋擢江西南贛總兵劾前鎮
臣黃起憲胥糧二百三十五分勒索規禮九
江副將署贛鎮王用侵餉并拔補把總馬成
功謝晉索銀帛等物並革職擬罪

上嘉雲倬不徇情面據寔直陳七月疏言兵
丁編造名冊原以稽察奸偽若年貌不符名
姓互異冊籍將焉用之臣久處營伍習見偽
冊互相頂替前在鎮番慶陽剔清此弊今贛

鎮七六營尤非鎮屢兩營可比請更定舊冊
以杜奸僞四年二月詳核兵丁清冊以
關符

旨所奏甚是下部議敘加署都督僉事七月
擢浙江提督適雲倬丁父憂奏乞終制

予假回籍治喪卽赴新任五年三月奏言浙
省營伍當積廢後軍裝損壞教場公署已廢
揆其致此之由一則情公費而潤私囊病在
侵蝕一則務虛名而忘寔效病在矯情前在

提臣如王世臣吳都隱空糧數百名一切營
制置之度外此侵蝕之尤者及吳陞接任糧
餉稍輕尙存公費糧一百五十名迨烏鎗于
桿營伍稍爲整頓王安國署事督臣滿保檄
將公費名糧俱裁雖矯情一時寔貽悞營在
楊長春到在因公費無出于五營内存糧五
十分凡遇領餉季報稍資涓滴張溥署事盡
行裁去此又矯情而貽悞者也臣請各營按
計百名內有留三名以備公用庶營務不致

廢弛又奏營規四款一冊報宜審造四柱清冊開列領銀用銀寔數以杜捏飾一經費宜節修葺衙署及鋪墊名色祇許添湊不准冒銷一製造宜嚴軍裝旂幟等項責令將備選料造作加法期經久可用一收貯宜謹凡軍器擇高燥房屋藏貯以防損缺交代時驗收並得

旨俞允十一月調福建陸路提督六年三月
奏巡撫常賚家人擅坐大轎途遇不避

勅該督嚴察四月疏言閩省歷任提臣馭下
無術兵編將疲營伍大壞必須大爲整剔且
各營員弁半係本籍以致積習牢不可破竊
思陸路官守如汛防墩舖錢糧操演等事卽
他省人俱能辦理非若水師必須本地人方
能熟悉永性周知洋面請

皇上于別省人員簡發數名來閩遇缺題補
以清積弊又言浙省陸路兵旣不若陝西之
精銳水師又不如福建之純熟往往不得其

用上年

特諭陝督岳鍾琪挑選弓馬嫻熟之兵百名
來浙俾臣分發各營教習不數月間浙省陸
路兵馬步騎射漸次可觀而水師士卒仍慮
生疎請仿此例揀選閩省熟練水兵五十名
撥發浙營輪班教習將見風潮礁石在在周
知瞭棧斗柁人人熟諳借閩人所長補浙人
所短行之數年浙省水師之兵亦不弱于閩
省矣六月奏言臣標員弁向有私賣隨糧每

名三五十兩不等糧出則以養廉不足爲詞
懇求上司補足皆起于提臣吳陞專信家人
親戚全不破情整飭更難解者營中弓箭盡
裁撥補名糧令兵領去官鎗省其置弓箭之
費一時相習成風人人博寬厚之名不肯任
勞任怨汰一老弱兵則以爲刻薄募一弓箭
手卽以爲苛求少食數名隨糧則以爲清廉
而不究其頂賣之弊虛應故事卽以爲安靜
而不問其利弊所關丁士傑承積弊後以吳

陞邀虛譽于前不得不效尤于後此營伍所以日弛也臣等加整飭惟念隨丁一項常祿外設此養廉豈容暗中頂賣今欲永杜此弊似宜按照定例一體補足不令彼此參差臣接收丁士傑所留隨糧六十分查明五營將備千總有隨丁額缺者照數補給共發二十五分而各官養廉盡行補足玩留三十五分臣隨帶家人無多足資日用內又發隨糧一十分先製號衣一時將弁各踴躍辦公願先

海名目傳卷之二
三
發隨糧以辦緊要軍裝俟公項完日仍還各
官養廉如有前項情弊當不時查叅以期成
効諸疏入

上深嘉之八年五月疏言提標中營所轄徐
州墟桃州隘二汛在萬山中瘴氣薰蒸官兵
病故者多請將駐防徐州墟之守備調回府
城其原汛改設長坑地方以桃州隘于總一
員移駐再派郊委一員步兵一百十名居中
扼要至徐州墟設兵十一名桃州隘設兵十

名卽于長坑汛內按月輪撥以均勞逸下部
議行時大軍征準噶爾雲倬疏請軍前効力
十二月

命馳赴肅州聽寧遠大將軍岳鍾琪委用九
年授西路副將軍十年正月賊犯哈密岳鍾
琪令雲倬領兵赴梯子泉截擊雲倬遷延不
進賊遁去鍾琪以違令縱賊糾叅革職解京
十一年議政大臣會同三法司訊擬斬決得
旨改監候乾隆三年減等擬流四年杭州安

七年九月卒

樊廷列傳

樊廷陝西武威人初名王剛由四川行伍隨征烏蒙及青海西藏俱在事有功拔補千總雍正二年補四川漳巖營守備三年遷陝西興漢鎮標遊擊四年擢莊浪營叅將五年遷洮岷營副將六年擢肅州鎮總兵七年以原籍秦州隨父智亮流過川省入永寧協食糧軍各王剛涼州素無產業奏請入籍四川改

名英廷得

旨俞允八年準噶爾賊二萬餘乘我兩路軍
營不備犯科舍圖木倫盜駝馬廷率副將洽
太進等兵二千轉戰七晝夜與總兵張元佐
等合擊殺賊無算盡奪還所盜護寧遠大將
軍印務提督紀成斌以

聞

上以廷忠勇冠軍頗得勝算率領兵弁以寡
敵衆爲軍功首

賞銀萬兩給一等輕車都尉世職九年擢陝西固原提督兼都督僉事十年閏五月陸見求効力軍營

上如所請七月

命隨署寧遠大將軍查郎阿出口十一年領兵駐南山十二年曰路副將軍張廣泗偵賊伏烏爾圖水檄廷率兵千五百由謙泉子一路搜勦至哈洗遇賊官兵奪據山梁衝入賊隊屢敗之越嶺順抵鄂隆言大拔斬賊四百

餘生擒三十六獲糧馬器械無算捷

聞

上以廷及弁兵等俱奮勇直前獲全勝

前部優敘尋議廷以軍功加銜二等乾隆元年三月查郎阿請于甘涼等處撥兵五千往駐哈密設提督一員廷曉暢軍務深悉口外情形可勝其任

上允之十二月疏言烏爾克一卡爲極西第一要隘坐卡弁兵偵洮賴大坂北面之昔草

溝及噶順溝東面之亂山子并烏爾圖水每
夜皆有火光必賊夷詭譎我兵因念烏克爾
兵單酌添精健二百名協助將駝馬移入有
險可據處牧放再添撥壯丁分巡二年五月
疏言哈密兵丁分領駝馬今奏准于山南烟
墩溝等處牧於各卡皆當添兵防護卽于山
北牧廠防兵二千內抽撥五百分巡俱可有
備無虞諸疏入。

上嘉覽之三年二月因病乞解任

諭曰樊廷効力邊疆十有餘載威勇顯著朕
以其久練夷情付以重任乃因勞致疾勢甚
沉重披覽來奏朕心深爲不忍着卽由哈密
從容起程回至固原善爲調攝並

賜參藥

遣太醫馳往診視三月卒于哈密遺疏入
上以廷于疾亟時猶以邊防事宜諄切陳奏
披覽惻然

命大學士查卽阿經紀其喪歸葬涼州

特給帑金五千兩尋贈都督同知

賜祭葬如例謚勇毅子經文襲一等輕車都尉官至廣東右翼總兵

程元章列傳

程元章河南上蔡人康熙六十年一甲三名進士授編修雍正元年充四川鄉試副考官三年署

日講起居注官四年提督福建學政尋遷侍講六年晉侍講學士七年六月授少詹事七

月署浙江布政使九月奏言臣欽奉

訓諭屏除科甲党庇陋習臣前任福建學政
任內署浙江巡撫蔡仕舳籍隸閩省于臣由
閩赴浙前一日托菴驛道孫國靈轉屬其子
登魁科舉卽爲拒絕迨臣到浙藩任仕舳于
八月初六日入闈十三日欲更易外簾官與
例有違亦未曲從臣惟知恪守

皇上法度不敢周旋上司更何敢瞻徇科甲
情面得

旨所奏甚是爾宜堅持此志毋稍遷移十二
月寔授八年五月擢安徽巡撫八月奏稱霍
邱奸民以首告欺隱爲詞于有田家沿門誑
詐現俱追贓究擬其小民有無欺隱田糧所
實限半年自首陞科下部知之又奏劾鳳陽
之靈璧縣被灾七分府縣官匿不報尋下部
議革鳳陽府知府葉勇靈璧縣知縣吳之綱
職九年疏報廬州府城內金斗河壅塞年久
愈漲無從宣洩前奏明開濬士民踴躍捐輸

今工竣得

旨但營一順民情如果于民有益不妨動用
公項開濬以資利賴十年七月署浙江總督
九月寔授奏言石門桐鄉歸安烏程蠶災動
備公銀賑恤酒米應緩征矣南米係給兵糧
請借倉穀碾放帶征補還平湖海鹽武康諸
暨等縣虫災漕少不必緩徵酌借各州縣倉
穀碾兌俟來歲早穀登場遵上年辨災
恩旨每米一石折征銀一兩買補再各州縣

有捐監補酒及平糶各穀俱應買補今歲歉
價昂請緩至來歲

上嘉其辦理妥協十一年疏言杭屬新城湖
屬歸安烏程被旱歉收請截留杭嘉湖二府
本年漕米五萬石來春平糶歸安烏程本年
及帶征雍正十年漕米併改折征解以舒民
力從之十二年十月

俞郝玉麟爲浙閩總督元章以總督銜管巡
撫並監政事務尋奏訪拿江山縣奸民王益

善起獲偽劄家出首犯黃森官等在江西結
黨散劄謀爲不軌先後全獲

上嘉之十一月疏言灶地可墾者無塘禦潮
遂致滄蕪現于鳴鶴場勘論按丁築塘墾地
萬四千餘畝清龍石堰二場亦一體興修惟
應建閘座滿蓄洩請酌撥引費節省銀應用
從之十三年四月疏言杭州漢軍四旗壯丁
生齒蕃衍雍正十一年仿閩省例挑餘丁三
百歸營撫標頂補綠旗名糧查浙江止撫標

除隨糧公糧外寔額兵六百餘新補旂兵例
不派差勢必不敷差遣又出缺有限非十年
不能補足使緣旂餘丁無缺可補未免向隅
得

旨着將閩省從前頂補緣旂之漢軍撤回俟
本標缺出頂補其缺母級還緣旂所有頂補
甲兵亦着撤回六月沿海草石舊塘附近尖
山大條石塘坍塌蟄陷

命將承辦海塘之副都統隆昇大理寺卿汪

遲內閣學士張坦麟與元章俱交部嚴議尋
元章降一級從寬留在仍令督工贖罪丁二
月

諭日程元章身爲巡撫不能和衷共濟乃懷
挾私心貽誤公事不應留于浙省着來京乾
隆元年二月授漕運總督五月疏言漕白二
糧于總領運委同知通判督押江南七浙江
三餘省各一嗣江蘓巡撫張構因廳員少題
減二員查各省運官俱足資管束獨江西十

四幫程遠船多選官一員鞭長莫及江南六
寸六幫選官五員亦難兼顧請嗣後江西委
二員江南照舊委七員管押以資漕糶下部
議行時山東平山衛回空糧船過直隸清河
縣貨賣私鹽拒捕經長蘆巡鹽御史三保入
奏部議元章不能約束降一級淮抵又向例
六七月全運抵運本年五月初頭幫方到奉
旨程元章不勝漕運總督之任着來京署理
禮部侍郎二年三月補刑部侍郎六月調吏

部五年

上以元章卑庸不肯寔心任事着革職十五年

上時巡中嶽給侍郎銜三十二年卒

凌如煥列傳

凌如煥江南上海人康熙五十四年進士叅庶吉士散館授編修雍正元年恭修

聖祖仁皇帝寔錄充纂修官六年五月遷侍讀七月署

日講起居注官十一月提督湖北學政七年
轉侍郎八年侍郎劉於義等奉

旨耆試各省拔貢奏湖北楊可鏡卷文理荒
謬下部議革如煥降一級調用得

旨朕聞楊可鏡係明臣楊漣元孫楊漣之子
楊之易爲江南松江府同知於順治四年遭
松江提督吳勝兆之叛捐軀殉難忠節凜然
比蒙

世祖章皇帝之恩優加贈恤此卽楊可鏡之

曾祖也朕思楊連父子兩世忠義其後嗣子孫若稍能自立品行無虧雖文藝不工亦富格外造就該學臣將伊入于選拔之內未必不固此起見但不將緣由奏明是卽辦事無識無才之處耳楊可鏡准作選拔赴國子監肄業仍着禮部帶領引見復

諭曰湖北今歲選拔生員較他省有甚優竣如渙免其降級十年二月遷侍讀學士十一月命仍留學政任十一年遷內閣學士十二年

六月奏言湖北歸州上下皆險灘爲商旅患
請

勅督撫于三峽水道勘設救生船又奏報墾
地畝陞科有司或墾少報多圖增科以邀議
敘及至陞科之年按册有餘按畝不足勢必
勻派飛洒以求足額調隔屬賢員屢勘符寔
取具印結送部方准議敘捏造一併叅處又
有泥面石骨之田山土氣本薄數年後發生
濱江河之水田一遇漲發淹爲巨浸此皆似

田而難于成熟者亦請詳確勘報分別辦理均議行八月丁母憂乾隆二年服闋補原官尋奏言直省州縣遇水災驟至督撫一問題報一面卽撥存公銀委員會同地方官確查如房屋冲塌無力修整或饑寒切身者均與賑恤其水雹颶風等災極貧民亦一體給發富戶能出資救災急加優賞示勵從之三年四月奏言番捕威逼認罪當查明被誣之人所逼認罪名遇

恩赦尙准援免者反坐之者捕亦罷援免若
將平民及犯竊輕罪逼認爲謀故強盜重罪
則被証人罪在不赦反坐之罪亦不得倖邀
援免下九卿議行是月遷兵部右侍郎六月
充江西鄉試正考官四年充會試副考官五
年轉左六年三月陳請終養聞
旨給假數月且不必開缺九月奏請展假開
缺從之十二年丁父憂十四年卒

治大雄列傳

洞大雄四川成都人康熙五十八年由行伍
從征西藏克裏塘巴塘五十九年招撫結敦
落籠宗說板多打籠宗等處擒逆惡番僧五
雍正元年拔補提標左營把總隨出松潘黃
勝關口勦撫熱當十二部落二年正月勦郭
隆寺連奪嶺三破寨十五追斬康布喇嘛于
西海四月從征桌子山碁子山攻奪山梁戮
賊首阿呀子哈隆漢七月追勦羅卜藏丹津
擒丹津瑣台吉于花海子三年陝總督岳

鍾琪保送大雄引

見

特授藍翎侍衛四年授貴州撫標右營遊擊
五年往古州等處化誘苗六年正月米貼
土婦陸氏叛往烏蒙辦軍需十月遷陝西莊
浪營叅將七年加副將銜

賜孔雀翎領兵赴巴里坤軍營八年五月署
督標中軍副將十二月準噶爾賊犯克什圖
我崙磯等卡倫大雄偕總兵樊廷以兵三千

當賊二萬轉戰七晝夜拔出西卡倫兵會總
兵張元佐等殺賊無算得

旨褒嘉給騎都尉世職

賞銀五千兩九年三月授直隸山永協副將
八月

命署湖北襄陵鎮總兵十年二月寔授疏官
襄陵距省千餘里向例兵餉兩季兼發於季
首領時州縣庫按明給散秋冬二季七月赴
司庫請支春夏二季必俟正月開印後請支

往返月餘餉到已仲春後兵自十二月初領
餉度歲無餘候至仲春難免賒借之累請改
爲夏秋及冬春兩次支免候開印又臣標五
營分防各州縣者半因山路難運俱支折色
其半駐蕤陵城冬春領折色夏秋領本色春
夏青黃不接米價正昂秋冬農有餘粟糴米
較易請改秋冬折色春夏本色爲便

上以所奏甚合情理令督撫酌行十二年調
署山西大同鎮總兵十三年奏劾前任總兵

李如柏冒銷營私濫用公款銀千餘兩如柏亦奏大雄那用製帳房銀廢弛營伍經副都統佛保等訴俱寔褫如柏職以總兵銜領班兵往北路軍營効力大雄革職免罪乾隆元年除湖廣以副將用二年五月署衡州協副將十二月寔授五年城緩苗徭不法大雄駐長安堡勅老寨江平寨擒斬甚衆焚其巢餘相率就撫下部議敘六年二月擢襄陽鎮總兵三月調鎮寧鎮七年總督孫嘉淦劾大雄

貪縱

勅革審尋湖南巡撫蔣溥奏審大雄無貪縱
事止失察標兵犯贓請照例開復降留

命送部引見十年授雲南楚姚鎮總兵十一
年調昭通鎮十二年敘勦苗功加都督僉事
銜十三年隨征金川五月至卡撒統滇黔兵
進勦色底光多等寨並抄出背嶺中峯之西
會總兵哈攀龍任舉兵三面攻勦是月克大
小較弼十石城一平弼百三十六月攻克昔

清底石城水卡十四年正月經畧大學士
傅恒奏大雄曾經出兵人尙老成現委任總
理營盤甚屬妥協請

賞戴花翎

允之二月金川酋沙羅莽等乞降撤兵大雄
授雲南提督十五年二月敘功加左都督銜

五月

陸見

賞其子繼鈞藍翎侍衛令送父回任十六年

疏言藏地喀拉烏蕪等處與準噶爾連界準
夷盜竊滋擾是其故智今藏之北鄙卽我之
雄邊防邊自可弭盜請嗣後駐藏大臣仍設
重兵沿途安台站以資防守得

旨藏中照前駐兵矣此奏具見留心十七年
奏劾子繼鈞前至常德接家眷中途私借回
民銀有玷官箴奉

旨革繼鈞侍衛嗣因大雉見事不可撝先行
叅奏取巧革提督以哈密總兵効力行走二

十年正月署安西提督四月赴巴里坤查驗
馬駝軍糧十一月署陝甘總督方觀承奏
遊擊領世傑等接收軍營換回馬匹千九百
沿途倒斃過多請革職治罪

諭曰前據治大澣奏明四千有零何以該弁
所領止千九百餘匹治大雄並未查明寔數
冒昧具奏著交部嚴查議奏二十一年正月
陝甘總督黃廷桂復遵

旨查奏大雄遇事不能悉心酌籌任性推委

註詞取巧又將料豆議裁致解營馬匹倒斃
不堪部議革職解京治罪四月行至西安卒
孫正宗襲騎都尉三十二年

諭曰向來緣族世職無承襲罔替之例第念
官兵等果能宣力効忠勲猷卓越則國家延
賞酌庸諳無歧視軍機大臣會同兵部詳查
國初以來凡有功冊可稽者分別等差列名
具奏尋復奏大雄軍功較著奉

旨俟將來襲次滿日賞給恩騎尉世襲罔替

孫嘉淦列傳

孫嘉淦山西興縣人康熙五十二年進士授
庶吉士散館授檢討雍正元年九月晉國子
監司業十二月充江西鄉試副考官三年提
督安徽學政四年七月授祭酒九月調順天
學政十二月入直

南書房五年十一月疏言八旗官學生由佐
領申送國子監考錄酌定年幼學清文稍長
學漢文每旗額滿洲六十蒙古二十漢軍二

十缺出通一所陳選不拘每佐領各送一人
之例現在官房狹隘另撥寬敞者居住酌給
錢糧俾專心誦讀疏入議行十一月考試入
旗文童正紅旗佐領常鼎倩鎗手冒子常克
試入學嘉檢查查泰治罪

上獎其秉公下部優敘加二級六年正月署
順天府府尹二月疏叅古北口監督傅紳於
昌平州屬喬子村蘓家口黃花城私立關稅
橫徵革職論罪如律四月丁憂回籍七年

特旨授順天府府尹八年二月充會試副考官三月疏請選拔八旗生員入監肄業學成量補助教等官從之六月授工部左侍郎仍兼府尹祭酒事九年充

經筵講官十年二月調刑部尋署吏部侍郎十月充順天武鄉試正考官十二月引見期滿教習奏對失實

諭曰孫嘉淦於雍正元年尙係檢討朕看其人似屬樸寔屢加遷擢數年間官至侍郎望

其殫竭誠心爲國家宣猷効力乃伊偏執自用從前屢有陳奏皆迂濶瑣碎不可見之施行朕訓其開拓識見至近日則緘默不言矣伊爲祭酒乃瞻顧私情將親弟孫揚淦荐爲監丞行事乖張士論不服以致孫嘉淦聲名大損國子監教習自應分別用舍以示激勸卽稱職人員之中有可膺牧民之寄者亦有可勝司鐸之任者是在祭酒秉公陳奏始免冒濫名器用違其材之弊今于引見教習時

遠稱宋錡一班六人俱屬可用及朕詢問忽稱方從仁寔是不堪用任意反覆顯係欺罔應加重懲以爲人臣詐妄負恩者戒著草職拿交刑部究議具奏尋議照挾詐欺公律擬斬得

旨孫嘉淦免其治罪在戶部銀庫効力行走十二年署河東鹽政十三年七月疏言鹽池之西有硝池一其西又有小池六皆產鹽附近居民或私澆私晒或以硝版和官鹽致味

苦澁引張墜滯急宜設法嚴禁而塩官皆駐
運城距遠稽察難周查硝池小池皆在解州
境該州州判職務甚簡請專司巡緝再塩池
岸係澆晒之場弓兵斗級皆在池北其南岸
地方遼濶奸匪竊盜此爲淵藪且迂迴百有
餘里私塩最易透漏請設馬快八名令運城
巡檢督緝又疏言殺虎口監督於邊關收塩
稅從未知會塩政無案可稽請將收稅數目
則例一併知會查覈至口外蒙古塩原不禁

邊民買食但進口宜立規條行銷宜有界限
應請

勅山陝督撫詳查沿邊州縣應食蒙古鹽處
會同鹽政酌定毋令侵越其載鹽進口定稽
查收稅例遵行又言每年鹽政養廉萬三千
兩應減爲八千兩運司一萬兩減爲六千兩
皆足敷用以下無庸議減又言鹽池設弓兵
二百五十三每名月給銀五錢食用不足請
月增銀五錢皆下部議行八月

今上御極

命來京以侍郎用九月補吏部右侍郎十一月晉都察院左都御史仍兼吏部侍郎事乾隆元年四月

命同左都御史福敏查廢員案五月嘉淦奏福敏偏執又經年不至署

諭曰孫嘉淦與福敏係同堂辦事之大臣參商如此若不從重議處無以警戒將來著總理事務王大臣查奏尋議嘉淦續奏失大臣

体應降一級福敏遲緩拘執應降三級均准
抵免調七月充江南鄉試正考官十一月遷
刑部尙書二年三月兼管國子監事是月並
條奏太學事宜一六堂肄業人員每堂定額
內課三十外課二十擇品端文優年壯學勤
者充補一諸生于時藝外令各明一經治一
事倣宋胡瑗立經義治事齋例俾爲有用之
學一肄業期滿拔貢生有經明事治才品卓
絕或才未裕而學識醇正者分別等第帶領

卷之四十一

三

引
見一等卽用知縣二等卽用教職部議肄業
期滿拔貢生分發卽用未免過優應以知縣
教職分別選用餘如所請七月充律例館總
裁九月充順天鄉試正考官十二月充

經筵講官三年四月遷吏部尙書仍兼刑部
時有偽造嘉淦奏稿者傳播流言

諭曰一月以來京師喧傳尙書孫嘉淦密奏
在朝多人如太學士鄂爾泰張廷玉徐本尙

書公訓親尙書海望領侍衛內大臣常明皆
在所亦之內諸臣皆朝廷簡用之人守法奉
公寔心盡職而鄂爾泰妻廷玉九係

皇考特簡之大學士爲國家棟梁以孫嘉淦
較之識見才猷豈能與二人比朕特以操守
廉潔向有端方之名故屢加擢用非以其才
識在二人上也如其才識果在二人之上朕
何難卽用爲大學士而仍在尙書之列乎且
朝廷政務正賴宣猷佐理豈有將諸人悉行

罷斥專用孫嘉淦之理至諸臣有可叅之事
孫嘉淦何不登之露章而乃見之密奏既云
密奏則惟孫嘉淦自知之伊又豈肯洩漏于
人以招眾怨是或媢嫉孫嘉淦之人造爲此
說以排擠之抑或趨附孫嘉淦之人造此以
揚其特立孤行之直名耶但傳言已久姑不
深究其令步軍統領巡城御史嚴禁之八月
充順天鄉試正考官九月直隸總河朱藻誤
工貧劣爲總督李衛所劾

命借尙書公訥親往鞫得寔革職論罪如律
十月署直隸總督尋

命寔授疏言永定河南北兩岸現議建閘開
引河查北岸之張客閘不必石工但建草埧
分洩水緩不致衝刷水漲不虞洶湧南岸之
金門閘已築石工但上下宜多建草埧使南
洩之水常多水小仍歸引河水大聽其漫流
將各草埧朽壞舊河悉改而南卽以淤高之
河身障北趨之路天然隄岸堅寔可恃下部

議行十一月疏奏刁民王宰謀吞生員馬承宗產賄太監劉金玉等投獻貝勒允祐門下請交刑部究審允祐交宗人府察議

諭曰孫嘉淦履任伊始卽能秉公執法據寔糾叅其屬可嘉著交部議敘尋

命兼管直隸河工先是順德府民焦晉爲奸徒郭允樞以邪教誣陷至是嘉淦審明奏釋治允樞罪四年正月疏言前奏金門關上下多建草埧使河漸復故道但建埧必開引河

誠恐決水六出不無旁決今于金門閘下增
設草垣一其引河不必復挑卽歸金門閘引
河中蓋此卽永定河故道田中亭玉帶以達
津歸海臣循舊跡開濬其新建草垣四分過
水使引河之中時有水流可因勢利導一二
年後村庄城垣保護完固然後多開草垣使
水大出則故道可全復得

旨果能如是誠爲善舉但今尙不可必其如
此且試爲之二月疏言熱河喀喇河屯化育

溝歲需兵米二萬四千餘石倉儲不敷查承
德州四旗通判向經採買備賑除已運外現
存米九千餘石隣近州縣倉庫充裕無須領
運請此項留撥兵米仍于採買案內報銷至
口外莊頭歲歉交米不能如數請撥司庫銀
發八溝同知四旗通判豫買一年兵米運貯
熱河倉三月疏言直隸向設旗莊官專管旗
戶一年任滿寔心化導者議敘如旗人犯不
法等事照地方官失察民人例議處嗣經裁

併理事廳轄該丞倅兼管旗民所轄又設旗
庄原數過多議敘久停議處尙仍舊例請嗣
後失察之丞倅如與州縣同城一例處分否
則照該管知府例議處俱議行時

上以直隸河工緊要

命偕總河顧琮悉心辦理嘉淦疏言天津地
方南北運河與淀河交會西沽而入于海河
臣觀南運河水甚濁與永定河相似一入海
河水皆濁流經久必淤墊况通省之水會于

一線之海河秋潦時至勢必宣洩不及大學士鄂爾泰前曾奏准于靜海縣濁流地方開引河寔下游治水之關鍵但開河易達海難設中途梗阻則漫溢爲患且海口開深又恐潮水倒灌臣等現委員勘通省水道凡衆河交會及入淀入海之路有急宜修濬者卽于今夏興修

報聞又言直隸旗園地畝旗人止收地租民人村庄在園內者自居祖遺屋租種旗地兩

不相涉如民人有佔旗地蓋屋及旗人將民人祖遺之產開行告許圖取租者俱照違制律治罪下部議行五月晉太子太保五年九月疏言直隸經流之大者永定子牙南運北運四河與東西兩淀臣議于永定河葉淀之東疏引由西沽北入海澱于牙河之新河使土游諸水歸淀開舊河東堤漸引由西沽南入海北運河兩岸去沙裁直深濬減河培補堤岸南運河兩岸再築遙堤濬河身以行正

通志卷之九

三

溜安陵鎮建閘一濬減河三十餘里入老河口以達于海此四河之大畧也西淀則開白溝河故道以入中亭九橋南另疏一河並濬清門河別派分流下游已暢達再將金門閘之西引河改由東道于苑家口疊道建木橋五使漑水通行至東淀應將上游三岔河淤淺處濬令寬深楊家河卞家河窪寺處多疏淀河數道使並行而東會西沽則四河順軌而淀暢洩各州縣之水可消從之尋奏永定

河改歸故道各工俱竣

上嘉之時江南總督高斌進京取道直隸
命會同嘉淦等議河務善後事宜十月合疏
言永定河應于固安城南霸州城北之間順
流東下由津水窪接連東淀直達西沽入海
則上游漲水自消霸州城北築護城圍城保
定縣城西千里長堤自新莊迤北至城東路
疇村堤根逼溜應加寬厚其路疇以東至艾
頭村接連營田圍埝約五十餘里議築越堤

作重障又疏言永定河改歸故道一切修防
裁省所有石埧引河及築堤放淤可分責各
道員其直隸河道總督缺請裁俱議行十二
月疏言大名府屬東明長垣等處與山東河
南交錯奸匪易藏舊設河捕通判兼管堤工
且駐府城鞭長莫及請將河務歸同知管理
通判移駐東明專司捕務從之六年正月
諭曰昨聞永定河放水經理未善以致固安
良鄉涿州雄縣霸州村庄地畝被淹難以耕

種居民遷移不無困乏孫嘉淦不能辭其責也尋經大學士鄂爾泰查勘請暫塞金門門上游放水口嘉淦奏旋開旋築寔與放水本意相左將來泥沙墜入玉帶琿爲患更大諭曰此奏固是但大學士等亦係慎重欲籌萬全之意卿不必固執已見總之此事卿所任甚力而料理未善朕亦不能爲卿諱也然朕總以卿爲是者以卿不似顧琮爲游移巧詐之計耳

上于丁亥年巡幸天津閱河

御製中亭河紀事詩曰中亭入玉帶玉帶卽
清河中亭洩渾漲壑窄難容多蕩漾沙遠留
至此爲澄波受小不受大此理信不磨嘉淦
督直時謬聽大言訛謂渾河故道卽此寔非
他建議放乎此于村嘆淪過知誤乃政爲民
已嗟蹉跎不十不變法語誠不我訛經過得
親見悔過成新哦是年八月調嘉淦湖廣總
督七年五月疏言治苗之法于各寨中立頭

人爲塞金一崗中取頭人信服者爲崗長使
約束而統于縣令城步苗崗五設立副長十
綏寧苗崗四設正副長八每名歲給工食銀
十二兩有過則易置之自可令行禁止又疏
言城步綏寧兩縣止有九崗設協似覺過重
應改設遊擊一駐長安守備二左營駐城步
老寨右營駐綏寧鎮煇哨歸靖州協轄理番
同知亦駐長安以資巡緝綏寧臨口司水路
上通靖州運糧較便再令綏寧營守備移駐

防護九月疏言湖南永綏協之花園汛向無
文員專管請將龍團巡檢移駐理詞訟守倉
查奸永綏右營守備帶兵百名會同防查均
議如所請十月

諭日前前孫嘉淦奏荆襄堤工必須親往相度
方爲有益今聞行至安陸卽使回省朕思近
日襄陽府城有匿名逆示若孫嘉淦前往料
理固屬不可今因查勘堤工適有此事何以
半途而返總督舉動關係觀瞻孫嘉淦畏葸

至此豈不有玷封疆八年正月

命來京候旨二月署福建巡撫事未赴湖南
巡撫許容疏叅糧道謝濟世狂縱各款嘉淦
奏

旨審辦革濟世職會御史胡定以許容挾私
誣陷奏四月

命侍郎阿里衮往會鞫先是濟濟世訪拿衡陽
縣知縣李澎家人書役浮收漕米經長沙府
知府張琳柳責申詳署糧道倉德批結而許

容叅濟世欵內稱淨收事屬風影至是布政使張璨復飭改原詳及批倉德因據札通揭部科事

聞

諭曰都察院奏倉德通揭上司抑勒換詳一事曾申詳總督孫嘉淦孫嘉淦批令婉曲善處且云審時不問此欵等語孫嘉淦身為總督又承旨審辦此案接到倉德揭帖時卽應奏聞審理乃故竊其事而審案內並無一語

及倉德所揭情由扶同許容甚爲狗庇俟此案結後交部嚴察議處尋

諭曰謝濟世一案許容究誣鍛鍊孫嘉淦賄徇扶同不准會審今聞楚省營伍廢弛致盜賊肆行無畏水師哨船無人駕用致有船多于兵之謠是孫嘉淦許容惟事虛文並無實際因而文武效尤上下頽廢其罪已不可問矣孫嘉淦許容着來京候旨九月阿里衮鞠寔具奏謝濟世原奉革職照例開復止失察

漢令...
衛役犯贓十兩以上降一級留任許容奏專
不寔張琛扶同換葺革職論罪有差孫嘉淦
照舊職例革職

命修順義縣城工贖罪九年工竣授宗人府
府丞十年遷左副都御史十一年以老乞休
允之十四年

特召來京入直

尙書房十五年正月授兵部右侍郎八月擢
工部尙書署翰林院掌院學士十一月

上以嘉淦內廷行走勤慎龜勉

特命照現在品級給其子孝愉廕生分部額
外行走十六年三月充會試正考官六月教
習庶吉士七月

諭曰孫嘉淦以所著詩經補註間日進覽於
興觀羣怨之旨頗有發明朕亦時折其中從
此蒼翠成書足備葩經一解著傳恒來保孫
嘉淦充正總裁若需用纂修人員令孫嘉淦
舉所素知一二人奏聞充補則幾務之暇可

資佩文以次成書可詔來學十月充會典館
正總裁十七年晉吏部尙書協辦大學士十
八年正月獲僞造嘉淦奏稿之犯江西衛千
總盧曾生守備劉時達解京鞠寔治罪如律
八月充順天鄉試正考官十二月卒遺疏入
諭曰協辦大學士吏部尙書孫嘉淦老成端
謹學問深醇宣力有年勤勞懋著前因患病
卽遣太醫調治並命皇子前往看視尙冀速
痊今聞溘逝深爲軫悼著派散秩大臣一員

侍衛十員往奠祭酒並賞庫銀一千兩辦理
喪務尋

賜祭葬如例諡文定子孝愉官至直隸按察
使

葉存仁列傳

葉存仁湖北江夏人雍正六年以捐納州同
發江西河工効力十二年補江蘇銅山縣知
縣乾隆元年遷邳睢河務同知十年遷淮揚
道十一年葦蕩營叅將韓烈揭報存仁糜帑

玩工經署漕運總督劉統勳等審虛禡列職
十二年遷安徽按察使十三年調浙江十四
年疏請

勅各省督撫恪遵

世宗憲皇帝諭旨凡旗人外任文員六十歲
以下熟習騎射副將等官不許坐轎如違令
同城文官稟咨下部議行十六年二月遷浙
江布政使十九年二月

命刑部尙書劉統勳查南河道庫錢糧奏劾

歷任道員侵欺解存仁任六月總督喀爾吉
善疏奏存仁名下止應追銀七十兩零已全
繳

諭曰劉統勳查叅歷任河庫道侵欺錢糧原
未逐員分晰聲明存仁應賠之款甚少失察
咎不至褫職著來京引見尋授河南布政使
二十年因浙江任失察庫書包攬侵欺經巡
撫周人驥叅奏降補河南按察使二十二年
六月授廣西布政使二十五年二月疏言廣

西鼓鑄歲需白鉛三十三萬餘觔幹尚廠現
存者敷五年用上年又增盧肖一廠歲收甚
多商售不及工本拮据查廣東河南亦歲需
白鉛今赴廣西局買運脚費不多鉛可流通
部議如所請行二十七年置刑部左侍郎兼
署禮部並副都御史事二十八年正月授河
南巡撫時直隸總督方觀承奏修漳河水利
存仁奉

旨會勘尋議於沙莊迎溜挑引河三百丈入

正河於舊垣上二百十八丈順流攔築土垣
又奏沙莊下游淤處開七百餘丈工竣卽併
力築垣增護城堤以資捍衛疏入

報聞四月

命偕侍郎阿永阿審湖北歸州盜案五月疏
奏盜犯張洪儻等卽從前犯案縱脫之盜因
臬司沈作明偏執枉縱將知州趙泰交題叅
事主發遣遂成冤獄及後案發沈作明回護
牽制承審各員迎合不辦請將沈作明等革

審總督愛必達不飭改正巡撫宋邦綏到甫
半載非任內事亦意存消彌均難辭咎尋又
查明前任巡撫周琬湯聘扶同徇庇無意昭
雪先後奏

聞鞠寔奉

旨卽將盜犯正法臬司沈作明斬決餘各治
罪如律十一月授存仁河東河道總督十二
月山東巡撫崔應階奏請挑濬荆山橋河
命協辦大學士公兆惠同存仁等相度二十

九年正月合疏奏稱荆山樞上承南陽昭陽
微山諸河之水由王母山彭家河人運二十
二年挑竣後土積沙停應再疏治以王母山
爲正河其南潘家河爲副河分流入運上游
來水足資宣洩其彭家河地勢仰屢挑屢淤
毋庸再議與修至小梁山三處支河俟湖濱
涸出續挑並將湖口閘滾水石坦開寬二十
丈爲有益從之三月疏下河廳向祇額設淺
天每衛河水漲簽椿下埽伎藝生疎前河臣

張師載奏於運捕泐三廳撥兵四十專駐協
守但不能携眷餉銀難資而處養贍查近來
凌夫已多練習請嗣後運捕泐三廳兵糧出
時仍將發駐下河兵撤補所遺下河兵缺卽
以凌夫拔補不數年悉隸爲兵發駐者可全
回原汛得

旨如所議行六月存仁卒

謝珉列傳

謝珉江南武進人康熙三十八年由監生選

授陝西西安寨縣知縣嗣遷貴州普安州知州
五十四年卓異遷刑部員外郎五十七年轉
戶部郎中雍正元年二月授江西贛州府知
府六月遷湖南督糧道三年遷湖南按察使
丁父憂六年服闋署湖南布政使七年七月
擢太常寺卿仍署布政使時田文鏡為河東
總督奏稱琿寔心在事

諭曰謝琿乃聰明人但嫌其欠篤寔耳以卿
為其上官而又現被朕恩眷最隆伊思已之

優劣臧否定於卿之一言因此而暫勉一寔
字與卿看則離卿獨在時必不能堅持初志
毫無改移當不時勗誠以成全之閏七月
命署江西巡撫十一月疏言前任撫臣張坦
麟請以塩規及潯贛二關平餘銀爲各官養
廉州縣官於加一耗羨內扣留查各州縣糧
額不一耗羨隨之今令照糧坐扣多者至于
八百金少者至四百餘未免懸絕應分大中
小三等糧多地衝者爲大縣給養廉千二百

糧多地僻及糧少地衝者爲中縣養廉千糧
少地僻者爲小縣養廉八百道府各員酌照
增減佐雜等官每員六十於司庫公費內支
給疏入

上嘉納之十二月疏言九江府界江南湖北
廣西最易藏奸請以駐饒州之饒九南道移
九江專司稽查從之八年六月遷大理寺卿
仍署巡撫事疏言進賢永寧永豐定南各縣
倉廩不敷積貯請正額錢糧增建如所請行

十一月

諭日向觀謝瑛爲人聰明見事明白但恐不
肯寔心供事祇圖自潔其身今見伊署理巡
撫以來所奏陳辦理之事俱屬妥協着寔授
江西巡撫九年二月疏言江西十三府向各
有道員兼轄副經裁併祇留督糧驛鹽贛南
饒九南四缺其無本管道員者八府守令無
所稽查請以南昌建昌撫州三府歸督糧道
袁州瑞州臨江三府歸驛鹽道廣信府歸饒

九南道吉安府歸贛南道各令就近兼轄換
給關防以專責成又言江西棚民前奉
恩旨入籍二十年以上有田糧廬墓者准應
試年來讀書者愈衆年例符者亦多應准一
體應試文武童生滿五十人額外取一名以
次遞加率不過四名若人滿五十令與本籍
童生同考俱下部議行三月疏言吉安廣信
二府屬皆有永豐縣文移易混請以一另改
嘉名部議改廣信之永豐縣曰廣豐先是瑛

以江西地濕米難久貯奏言截留積貯漕米十萬石已糶者照一米二穀買補還倉如價有餘一併買穀未糶者亦易穀分貯各府州縣至是請於臨江廣西南安撫州等府增建倉廩下部議行十一年二月疏言江西銅少從前收買銅器鼓鑄已完請暫停從之三月疏言江浙米價騰貴商販絡繹至江南米價日增貧民艱食請以常平倉穀并易漕穀石無拘糶三之例令各屬糶賣十之四五統於

秋成買補得

旨因時制宜酌量爲之六月大庾南康峽江
清江等縣水災珉支贛開義倉穀賑濟並委
員發銀接賑疏入得

旨加意撫恤不可有名無寔十二月授工部
右侍郎十二年九月接任巡撫當安以吏治
廢弛官糧逋欠營伍曠廢竊賊衆多疏劾珉
諭曰謝珉本一司官之職朕思其有辦事諳
練之名不次擢用簡授江西巡撫乃伊到任

以來一切辦理及奏請事件瞻徇模核虛僞
不寔是以降旨內用侍郎再加試看今據常
安奏稱伊在江西任內種種玩愒之狀不可
枚舉著革職嚴審定擬具奏十三年法司會
鞫得寔依律擬斬又以常安續劾珉侵闕稅
負緣餽送及先侵後吐等款堅不承認請將
珉解交總督趙宏恩質審後解部監候從之
乾隆元年

恩釋回籍十六年卒

周學健列傳

周學健江西新建人雍正元年進士改庶吉
士三年授編修充一統志纂修七年丁父憂
十三年五月充四川鄉試副考官九月提督
福建學政乾隆元年遷侍講二年遷右庶子
四年正月充三禮館纂修三月遷侍講學士
六月轉侍讀學士五年二月充
日講起居注官六月遷少詹寺十二月遷內
閣大學士充三禮館副總裁六年二月署刑

部侍郎充明史綱目副總裁三月補刑部右侍郎仍兼署刑部侍郎事七月

命往山東查辦御史瑪昇叅私票鹽價一案尋奏東省私收票價寔無其事卽票商亦無立窩價名色惟是票鹽地方充革無定遂啓攘奪之端現在南湖淄川票地係濟東道張体仁子姪冒充居官牟利不可不戒又查奏給事中馬宏琦劾兗州府知府沈斯原挾嫌誣揭滕縣知縣李鱣請盜並向屬員借銀有

據俱下部一罪如律時衍聖公孔廣榮奏由
草令孔毓琚營私枉法學健遵

旨鞠問尋鞠寔毓琚多收稅銀及扣禁卒民
壯工食二款撥杖徒從之十月調刑部右侍
郎十二月陳奏捕治瓜賊各條一賊所居本
籍該地方官獲一名者議敘其夥黨有曾同
行劫案並跟隨學習尙未同行者必逐名搜
捕分別辦理究處拿獲將本地方官議處隣
佑地保治罪一窩家必盡究無使漏網承問

官草率結案照盜案刪去窩家例議處一瓜
賊均係謀財害命較隨行夥盜並未傷人者
情罪已重無論曾否下手加工但係知情同
行皆立決一塘兵自日入至二更自五更至
天明上下洪輪奮傳旗沿途巡查遇行客護
送前行如停臥卽責革汛弁弁叅一見道路
無主屍身係瓜賊謀害者文武官俱照盜案
勒限緝拏或遊重就輕混以是警非盜立案
者照諱盜例議處仍於發覺時通行嚴捕無

使跡脫下部一行七年三月

命往上下江會同督撫查辦災賑水利事務
三月合疏言銅市有石林黃村二口黃水衝
刷灌淹民田應堅築土垣砌石帶護沛縣纓
水堤決口應自華山起至斜堤止培築堅寔
再於金陵鎮迤下尾閘疏濬深通陽山縣小
神湖上流有堤河一受河南虞城潑水由朱
家窪歸湖又大溝一由紀家窪歸湖湖尾全
藉馬家溝宣洩俱急宜修濬邳州沂水河堤

衝決六處應補築山陽縣西民田濱白馬湖
應築堤捍禦建涵洞阜寧敦墾湖南通射陽
湖爲洩水要道宜去積淤以上六州縣王程
應先與舉至海州薈薇河洩沐陽上游山水
及青伊湖積潦年久淤塞散漫爲害河尾舊
閘頽廢不能啓閉均應濬修下部議行四月
疏言鳳潁泗三屬賑後又借給兩月口糧固
可寬一時之急但積歉之區元氣未復秋成
徵完難免追呼請將所借改爲加賑免徵從

之八月土下江復被災

命備直隸總督高斌往同督撫辦理尋合疏
言向來樂善好施人等定有議叙之例祇就
本有職銜量予敘用並加級紀錄等款今請
倣其例量爲擴充准各省急公人員出資備
賑原有職銜者酌與卹用議叙無職銜者量
出貲多寡京職自中行評博以下外職自同
知以下分別議叙予以卹用俾得邀榮仕宦
自必踴躍捐輸而窮黎均沾惠澤于賑恤大

有神益下部議行八年四月署福建巡撫十
二月疏言閩省督撫將軍標兵每各會標一
次需賞銀一千兩又駐防八旗兵每冬演放
火炮需彩紅銀八十兩向于耗羨存公項內
支給後總督郝玉麟以耗羨應支養廉入不
敷出將此項裁減操演爲

國家鉅典海疆要務查現有寺租歸公銀懇
濙給應用得

旨允行九年署浙閩總督十一年加大子少

保十二年正月疏言採買臺郡餘粟民運便於官運凡商民由內地赴臺買穀之至明彰泉地方官取結赴廈門同知領照由臺運穀赴廈門者呈明臺郡地方官取結赴臺防同知給照出口進口均行盤驗聽赴漳泉府屬公平糶賣其地民食可倍寬裕從之九月授江南河道總督十三年閏七月緣事獲罪命徃直隸城二劾力贖罪八月江西巡撫開泰奏於學健原籍查出充沂曹道吳同仁賄

馮學健薦舉書札鞠實擬斬奉

旨賜自盡

趙殿最列傳

趙殿最浙江仁和人康熙四十二年進士由
內閣中書洊授禮部主事員外郎五十七年
遷刑部郎中六十年授刑科給事中雍正元
年七月

欽派巡查吉林二年十月差滿回京四年擢
湖南按察使五年八月

詔來京以對品京堂用六年

遣往打箭爐外噶達地方監造達賴喇嘛廟
八年七月補少詹事八月擢內閣學士兼禮
部侍郎先是御史吳濤奉

命借給事中馬維翰等清丈四川地畝巡撫
憲德與濤分勘川東不問地畝多寡按口勒
增又令加倍首投民怨沸騰具疏題奉部議
革濤職至是濤疏辯

命殿最會鞠得實濤擬杖徒如律九年四月

授工部侍郎六月奉

命往山東辦理賑務十一年十二月調戶部
右侍郎十二年正月充

經筵講官乾隆元年轉侍郎二年六月

上以御史馬起元條奏山東直隸兩省運道
尙書來保復請勘河南衛水情形

命殷最同侍衛安寧會同各督撫逐一履勘
事竣後便道閱看通州河道一帶分撥料理
七月殷最等至河南輝縣疏言衛河發源蘇

門山百泉經新鄉縣汲縣淇縣滑縣湯
陰內黃及直隸之大名元城至山東館陶入
隋濟州名曰漕衛交會計長九百二十三里
經流雖遠其間漕農交賴者祇三處一曰百
泉卽衛河發源正派一曰滏河爲衛河迤北
支源一曰小丹河爲衛河迤西支源自雍正
四年內閣學士何國宗副總河蒞會同等於
此三處建閘定立官渠民渠濟運灌田至今
稱便毋庸再更惟查漕船入運例有一定尺

卷之三
三
寸宜量水勢盈縮以定啓板之高下請於館
陶臨清各立一水則於漕船將抵臨清時驗
看運河水勢將百泉等處渠閘隨時啟閉庶
蓄洩得宜於漕運民田均有裨益

詔下部議尋以總漕補熙奏停立水則餘如
殿最所請先是殿最

陛辭

上面諭留心地方民事至是奏豫省便民四
條一河工料物向例每筋定價一厘河員自

行採買雍正五年十二月兩次減爲七毫歸
州縣官代辦遂按地畝勻攤民情苦累請

教部量增一豫省錢糧有田一畝而輸二畝
三畝之糧者有田三畝而輸一畝二畝之糧
者名曰折中行糧法或係富戶田多自相模
糊或係買實收除賄行增減總由未定賦役
全書易滋弊竇實請釐定上中下科則易釐清
冊並前總督王士俊開墾案內未盡豁除者
亦秉公確查准民自首刊定全書永爲遵守

一倉穀推陳易新原爲接濟貧民查豫省州縣惟按富戶強行派借責令買補乃至貧民則多考刁難不肯給與種種情弊請令該撫嚴行參處一河北三府衆眼甚多或蒙翳荆榛或掩藏沙礫請照總河白鍾山奏准之例廳汛各員有能開泉若干者題請議敘士人指報者量行賞給疏下總理事務王大一以議行其採買河工物料定價九毫八月嚴最等由濟寧至臨清查勘山東運河疏濬利漕便

民六條一運河東岸蜀山馬踏馬場揭山四湖西岸微山一湖爲豬水濟運要區除獨山微山地勢高阜向無圍垸無庸議築外其蜀山馬踏馬場從前修築圍堤年久殘缺且有原未修築處請悉行補築仍酌建涵洞石閘於坡水灌注之時開放入湖不惟有益漕運且免淹民田一泉水距湖遠近不等必由泉河始達於湖其達蜀山馬踏者曰滙河汶河達馬場獨山者曰泗河府河明臣常居敬疏

曰河廣沙深屈曲之流不足以潤久渴之物
必擇其積沙淤漫者濬爲河泓深五尺濶一
尺則水得所歸而趨壑亦易請於每年水落
時令該管官挑濬淤淺使泉河深通以資灌
輸一挑河定其每年一小挑間年一大挑均
於十月十五日築堤至次年二月初一日開
堤相沿日久竟有遲至十一月二十日以後
築堤者堤一日不閉則河水多洩一日請定
於十一月初一日築堤其開堤日期則以漕

船頂蓋莊閘爲準如遲築早開卽將該管官
查泰一查東省運河與他省不同南旺分水
口北高於臨清九十尺南高於臺莊一百十
六尺高下相懸恃有石閘四十八座重重收
束得以權衡節宣如糧船到閘下閘未閉上
閘已開則建饒直下一瀉無餘請令治河員
非常春夏惜水如金之時務遵清規啟閉不
得兩閘齊開過洩水勢一汶河自戴村埧埧
下分水口以上有邱家口地方舊建滾水石

垣垣外支河二道前河臣朱藻於二支河口
門築二土墻重重堵塞不使汶水捐滴旁洩
但查此處河形上寬下窄春夏水勢浩瀚無
路宣洩未免盈溢民田請於土垣內建涵洞
一座視水大小啟閉以免淹溢一東昌府屬
武城縣城在運河之南其東北一隅迎溜頂
衝城根日漸坍塌雍正四年何國宗議於北
岸開挑引河朱藻慮水分勢緩且中有河垣
一經刷平兩河合一水愈汪洋恐阻漕運另

議倣南岸修建磚工以護城垣直該處地方
流沙秋汛汕刷上實不虛磚工業已罄陷析
難經久若止議挑引河又不免如朱藻所慮
請於北岸另開運河一良竟將舊河築垣斷
流庶城垣可免衝刷九月由天津至通州疏
言臣等自運河溯流而上詳勘沿途河道查
通州之通惠河源出塞外自古北口入一
自石塘路入會密雲縣之南至天津直沽合
漳衛諸水入海水勢散漫河底率多流沙朝

濬也欲東遷西改自有漕運以來並無挑濬
深通一勞永逸之計惟於糧船到時坐糧廳
節各汛官弁多募人夫隨淤隨刮使剝船通
行不致阻滯伏思河道綿長工程煩雜滿漢
庶糧官二員公務填委勢難兼顧請於外河
添設通判一員張家灣專司疏濬歸坐糧廳
管轄并設把總二外委四聽通判調遣再裏
何向設關官二但司啟閉不能兼顧堤岸請
於通州設吏目一大與設主簿一遇有修濬

等事報明糧廳核定辦理其添設各官酌給
廉俸二疏均下部議行殿最以經週地方知
府以下出境迎送餽遺禮物甚至公服長跪
過于屈褻奏請

敕部嚴禁

允之閏九月疏下請推崇孟母封號以光祀
典下九卿議行十月調吏部右侍郎三年十
月授工部尚書四年因本部司員奉辦

太廟慶成燈冒銷工價殿最等不據實核減

自詢又奏不以寔部議銷去加三級仍降一級調用

論曰近來工部諸事廢弛趙殿最任事以來一切毫不盡心有負朕簡用之息著照部議降調尋以失察羊事永福詐索民人財物再降二級是年告病回籍九年卒

楊汝穀列傳

楊汝穀江南懷寧人康熙三十九年進士授浙江浦江縣知縣四十八年行取

特恩以主事用五十二年補禮部主事累遷
本部郎中五十三年遷四川道監察御史巡
視東城五十七年五月河南南陽鎮標兵因
地方官查拏賭博挾忿入府晉撫總府沈淵
至教塲守之三日汝穀聞其事劾總兵高成
縱兵毆官

上是之

命刑部尙書張廷樞內閣學士高其倬往按
得寔寘首犯於法總兵以下論如律問八月

欽穀疏言康熙三十八年知縣行取

特恩以六部三事用每三事四缺補行取三人
人揭納一人五十四年行取

特恩授額外三事選缺卽補惟五十一年行
取之員與捐員間補至今未補尚十餘人恐
行取日多壅滯益甚請照四十八年五十四
年之列酌量疏通又五城司坊官巡盜安民
責任匪輕請照外省計與俸滿三年清廉材
幹者五城御史呈明都察院核荐有干入法

者亦照例處分庶微員知所勸懲又外任官
親老戀缺臨選輒以出繼爲辭偶掣遠缺托
名治喪回家希圖另掣請嗣後赴選文結敘
明三代履歷如已選後假稱過繼托名治喪
以不孝論出結官議處俱下部議行五十六
年擢太常寺少卿提督四譯館六十年調奉
天府府丞六十一年轉右通政雍正元年正
月奉

命祭少昊金天氏等陵七月擢通政使九月

遷左副都御史充癸卯科文武

殿試讀卷官二年四月陞兵部右侍郎四年
疏言直隸去年被水州縣存倉民穀盡數發
賑畿輔積貯宜順請運東關米十萬石至天
津截留南漕米十萬石存河間保定適中地
分貯部議從之五年二月奉

命往清口致祭河神三月轉左侍郎十二月
兼管吏部侍郎事七年八月充順天鄉試副
考官十月

賜汝穀子綏爲舉人九年四月奏言舊例俸
深人員俱雙月擢陞其知縣陞缺在京則主
事中行評博在外則同知知州通判先儘京
陞缺用是以俸陞者擢陞部寺淺者每得佐
府州牧雖均屬應陞而筭簡各異嗣後不論
京外缺將論俸應陞之人一體代爲掣補下
部議行六月兼署副都御史十一年二月充
會試副考官三月疏言鄉會試頭場有初十
夜宿場之例時刻太寬恐倩人代作請嗣後

宿場舉子除習五經者篇數繁多仍照原號
其專習一經者令監試提調官傳於至公堂
謄寫並令背誦以別真偽再硃卷彌封後例
用不全字號印卷面如天大水木等字缺筆
難辨易淆請嗣後紅號仍用全字庶官易稽
查下部議行十二年奏言向例軍功紀錄一
次與加一級俱作尋常一級抵降未爲平允
清嗣後軍功紀錄二次抵降一級軍功加一
級抵降二級其抵俸以軍功紀錄一次抵罰

俸一年從之十三年八月

皇上御極奉

命祭告南嶽乾隆元年四月奏言奉使齋

詔書旗仗例用馬兵捧導每站更換惟湖廣
自武昌至岳州計九站岳州至長沙六站始
得更換路長役瘁請於兩郡每臺增馬兵一
名沿途更直營馬不至傷損部議從之又言
河南滎澤縣地臨黃河康熙三十六年河勢
南侵地畝漸次坍塌雖有新漲灘地抵補但

海名目
卷一
新地大半沙多土少並有隨漲隨塌者花戶
年賠懸糧力不能支棄而遠徙徵比徒勞官
民俱累請

諭令清查量予豁免

上命河南巡撫富德確查覆奏奏到部議如
所請豁坍地額銀千三百餘兩先是汝穀奏
直省驛馬倒斃俱定分數惟陝西甘肅山西
三省向有茶馬領補不須帑項迨康熙四十
五年停止茶馬無可領補亦未給馬價沿今

爲例臣思驛馬應一例開報管驛官方免賠
累但此三省俱產馬之區不便照各省例請
定以二分補銷所需銀卽用該省驛站裁存
之項俾有司不得藉口悞差至是議行六月
調戶部右侍郎十一月擢左都御史三年六
月以老病求罷准以原官致仕並
諭在本省藩庫給俸以養餘年五年正月卒
遺疏入

諭曰楊汝毅敬慎老成宣力年久今聞溘逝

深為軫惻應得卹典該部察例俱奏尋
賜祭葬如例諡勤恪

漢名臣傳卷十八終

漢名臣傳卷十九

崔紀 韓勳 張照 王郡 陳時夏

劉於義 徐本 宋邦綬 劉師愨

崔紀列傳

崔紀山西永濟人康熙五十七年進士改庶吉士散館授編修雍正四年充福建鄉試副考官五年充會試同考官七年三月充

日講起居注官八月遷國子監司業八年二月疏言國子監例每年咨取各省貢監生赴

監肄業其不來者託送規禮卽准爲到監給
告假印票永不繳銷伏思貢監生中寔有道
遠資難不能赴監之人一概促來又不必親
來是專爲陋規不爲肄業又定例到監肄業
歲貢八個月例監內廩生十四個月增附生
十六個月俊秀二十四個月期滿方准咨送
考職竟有不俟期滿或並未到監時補出規
禮卽倒提年月咨送積弊相沿請均禁止部
議從之九年丁母憂十二年服闋補原官十

三年三月遷司經局洗馬七月遷右庶子一
一月遷國子監祭酒乾隆元年三月提督順
天學政六月條奏學政現行事例應停者六
應改者二一雍正六年安徽學政李鳳翥奏
每學歲取生監五人互結聲明並無抗糧包
訟等事彙送學政查核臣思生監果抗糧包
訟應不時詳革若不分良莠惟以互結爲憑
恐朋比掩飾徒滋煩擾應停一李鳳翥奏生
員有切已事赴州縣告理先將呈詞赴學掛

號印記臣思事既切已自與包訟不同若必用記恐不肖教職反勒索狗隱應停一雍正五年河南巡撫田文鏡奏生員事切已或代控作証或冒認失主屍親地方官卽先行詳革再審是非曲直臣思未審何由知爲代控肯認遽斥豈無屈抑卽特符狡供例應革審亦不必另立先革後審之條一律載生員倚恃衣頂毆人至死者審寔是從重擬斬監後雍正五年刑部議准被斥劣矜有挾仇報復者

照所應得罪加一等又雍正七年湖南學政
習嵩奏生監有串通竊盜代寫詞狀作媒圖
利者加常人罪一等並日學規嚴肅應仍照
原例治罪不必加等一習嵩奏緣事斥革監
生不許出境違者從重治罪臣思所緣事情
罪不同概不許出境是罪止斥革又加禁固
况頑悖之人在■亦能生事自應分別按例
定擬其出境從重之文應停一雍正六年浙
江學政王蘭生奏生員欠糧必至完方准收

考查學政周行各府未必下車日適當納課且諸生應試又竭蹶完糧勢難兼顧應請收考一田文鏡奏季考月課三次不到者詳革臣思除寔是在患病遊學外或遠不能赴試誤課卽斥情殊可憫請改爲嚴行戒飭終年不到詳革一雍正九年部議各省錢糧上戶富生限五月完半十月至完中戶下戶貧生限八月完半歲底全完不完者再予三限仍不完者詳革革後全完開復數年來士子急公

拖欠甚少請將上戶改爲歲底全完中下戶
開歲二月四月全完逾期詳革不必另立三
限下部議行四月遷信事府詹事十一月授
倉場侍郎十二月署甘肅巡撫劉於義誣劾
道員杜瀆

國制內娶妾並瞻徇總理屯政侍郎蔣洞題
免私借屯田銀兩爲兵部侍郎孫國璽所劾
上命紀與侍郎馬爾泰赴甘詳鞫得寔於義
交部議處二年四月

命署陝西巡撫六月疏言陝屬平原八百餘里農作率皆待澤於天旱則束手無策竊思鑿井灌田一法寔是可補兩澤之缺臣籍居蒲州習見其利思爲廣行除延安榆林二府邠鄜綏德三州所屬地高土厚不能鑿井外西安同州鳳翔漢中四府並渭南光州縣地勢低下或一二丈或三四丈亦可得水渭北二十餘州縣地勢高仰亦不過四五丈或六七八丈得水但有力家可勸諭開鑿貧民寔難勉

強仰懇

聖恩准將地丁耗羨銀兩借給貧民資鑿井費分三年繳完再鑿井耕田民力况瘁與河泉自然水利不同請免以水田陞科

諭曰此係極應行之美舉但須徐徐化導又必寔力奉行方與民生有益朕自不照水田陞科也八月擢吏部右侍郎仍留署陝西巡撫任時奉

旨蠲出征兵借支銀陝西撫標及延安鎮所

借三千九百銀兩於

詔未到陝前已扣存司庫紀因請按名找給
以廣

皇仁

允之閏九月

諭確查收款地方分別蠲緩本年錢糧紀奏
言延安榆林綏德屬秋禾被灾長安咸寧咸
陽藍田鄠縣水淹地百餘頃應照例議蠲又
興平盩厔咸陽渭南咸寧藍田鄠縣水冲地

三百餘頃應豁免部議均如所請十一月寔
授陝西巡撫十二月疏言陝省水利莫如龍
洞渠在秦爲鄭渠在漢爲白渠宋迄元明或
名豐利或名王御史新築或名廣惠名通濟
上承涇加中受諸泉利賴甚溥自雍正五年
督臣岳鍾琪動帑興工涇陽醴泉三原高陵
四縣咸資灌溉奈未定歲修法又因涇漲入
渠泥沙澱闕諸泉從渠岸泛出石罅滲漏經
前撫臣碩色咨部修濬但現在龍洞泉北入

涇水南入渠其飾珠瓊現以下諸泉雖南流
柰渠身滲漏亦多入涇若不將龍洞及諸渠
泥沙淘盡不但不能引涇卽龍洞泉亦不下
達最要莫若于龍洞內築石垣以納衆泉不
使入涇龍洞南岸石堤應加高以防濁水溢
塞又水磨橋大王橋上下各泉亦應於泉旁
築垣收入渠內請設水夫三十名供啓閉腫
板之役又言陝省額征地丁銀分屯民二項
雍正五年民丁議減屯丁議增現在奉

旨恩免屯丁二萬餘兩請卽於原減民丁七萬餘兩內不分府州均派自乾隆三年爲始入額征解得

旨允行是月

上因紀於鑿井灌田一事辦理未善

特諭詳勘地勢聽從民便無擾三年三月

諭曰陝西鑿井灌田崔紀祇務多井之虛名未收灌溉之寔效經朕訪聞降旨訓諭乃伊接奉諭旨後檄飭地方官務須鑿深砌固不

漢書卷之九十一

得草率從事又遣佐雜等官分路勘驗凡屬
淺井悉令掘之使深而土易淤塞者則令修
砌堅固其從前開鑿未成井者又復勒令填
平以致井底之寒泉無處灌注勢必傾瀉於
地中井中之濕土無處搬移勢必堆積於麥
上不但麥苗無益亦且大受其損况去冬得
雪沾足今值麥田青葱秀發之時農民及時
鋤治轉盼播種秋禾東作方興正田功不違
之候而乃迫令掘井砌井使農民廢時失業

人心其覺徬徨是朕諭令俯順輿情而崔紀則勒令深鑿修砌以掩其非又令填平廢井以掩其過重負朕委任封疆諄切訓誨之意矣陝西之人嘖有煩言崔紀不便仍留陝西之任着調補湖北巡撫其陝西巡撫員缺卽以湖北巡撫張楷調補鑿井灌田之事張楷可善體民情妥協辦理五月紀抵湖北巡撫任遵例自陳不職部議降二級調用

諭曰崔紀在陝西巡撫任內鑿井灌田一事

經理未善以致滋累咎無可辭本應處分但其本意係爲百姓起見且才尙可用是以調任湖北冀其克自奮勵以觀後效著照部議所降之級從寬留任六月奏請

頒

御註孝經孝經衍義

御選唐詩資政要覽性理精義古文淵鑿貯書院并刊布

允之五年五月

上聞紀於兩淮運楚鹽船未到飭屬暫食私
鹽總督德沛復疏未紀桓護糧道崔乃鋪於
解濟赴淮時批准動用存公銀兩

諭令明白回奏閏六月紀奏言兩淮鹽船本
年二月內卽應開行遲至四月尙未咨到船
到無期價昂日甚臣因人心惶惶曾令德安
安陸襄陽三府確查民間食鹽情形商辦接
濟並未竟食私鹽又崔乃鋪動用公項時德
沛亦曾批准事下部議以崔紀狗庇屬員應

降三級調用違例諭食私鹽應革職

諭曰崔紀祖護崔乃鏞一案著照部議降三級調用至今民間暫食私鹽一案雖悖謬寔甚但事尚未行遠議革職未免過重著免其革職再降五級調用六年

特授國子監祭酒九年八月充順天鄉試副考官十二年提督江蘇學政十一年五月浙江慈谿縣知縣倪知本訪獲糾衆爲盜之提標右營兵丁沈光耀等八人營員捏稱自行

查拏密遣人赴部探問被獲

上命紀偕江蘇布政使安寧赴浙會總督馬爾泰嚴鞠七月紀等奏言提標兵夥盜係知縣拏獲管員捏飾探問屬寔請照例分別議處

上以辦理公平

諭獎之九月丁父憂十四年服闋授山東布政使十五年正月以都察院副都御史銜提督江蘇學政八月因病解任九月卒

韓勳列傳

韓勳陝西甘州人廣西巡撫良輔之子康熙五十六年以其祖重慶總兵成疏請効力由武舉在

內庭行走五十九年大軍由西寧進藏勳隨良輔赴噶斯路應援雍正元年還京授三等侍衛二年授貴州威寧鎮遊擊未赴改鎮遠協遊擊五年狃苗不法提督楊天縱進勳勳在事有功

諭部議敘六年遷雲南鎮雄營叅將八年烏
蒙逆獯悖亂擾鎮雄州永遠縣總督鄂爾泰
分兵三路進勦令提督張耀祖總兵哈元生
各由一路進而以勦領兵四百由鎮雄州屬
之奎鄉至莫都都地方土目勾獯賊集衆數
千抗拒勦麾兵力戰自晝至夜殺賊三百餘
連破四寨翼日賊復犯奎鄉勦還擊連戰三
日斬賊二千餘盡焚其寨時元生已克復烏
蒙逆獯屯魯甸拒守大閔耀祖擁兵東川不

進鄂爾泰復檄勦自鎮雄路夾攻勦沿途搜
勦破賊寨百餘克發烏閑抵黃水河環攻賊
營大破之斬馘無算乘勝克大閑及小閑鎮
雄永遠相繼復鄂爾泰具疏報捷

諭曰叅將韓勳領兵四百被賊數千以寡敵
衆壯三軍之氣喪賊人之胆較諸路爲獨先
着交部優敘嗣鄂爾泰奏補安籠鎮總兵九
年調古州鎮總兵以稿坪苗人不法討平之
十三年正月奏言古州苗寨接壤郡邑請照

楚省例令得與內地兵民聯姻庶彼此感喻
習知禮義可底淳良從之二月清江等處逆
苗糾衆犯王嶺沃勦急攻之賊退據台拱勢
猶熾勦率副將王濤截擊破烏公八妹等寨
進屯朗洞乾隆元年會同經畧張廣泗進勦
逆苗於牛皮大箐搜獲殆盡自朗洞回兵遂
燬二十餘寨捷

聞下部議敘三年定番州姑盧等寨苗不法
勦分別勦撫平之四年奏言古州鎮西北六

漢名自傳
三
十里地名滾縱面臨潞江接牛皮大箐宴爲
要隘請移駐王嶺汛守備設兵三百資防守
詔允所請六年二月粵獠勾黎平府屬黑洞
苗入境焚劫勦擊之擒其首逆石金元等置
之法五月

特授貴州提督七年奏擒獲金元案內逸犯
得

旨嘉獎八年卒加贈右都督
賜祭葬如例諡果壯

張照列傳

張照江蘇婁縣人康熙四十八年進士改庶
吉士五十一年散館授檢討五十四年入直
南書房雍正元年五月遷贊善六月遷侍講
七月轉侍讀九月遷右庶子十月充福建鄉
試副考官二年轉左庶子三年二月遷侍講
學士四月充

日講起居注官疏言

聖諭廣訓一書請令學政轉頒各州縣學俾

童蒙誦讀府縣考覆試時背錄一條方准錄
取奉

旨允行四年四月充雲南鄉試正考官八年
二月遷少詹事九年七月擢內閣學士十年
七月奏言臣祖洪曾以田千畝爲義田贍族
未經奏明立案旣爲公產轉恐爭競請官爲
存案載入縣誌不得擅賣擅買違者雖臣子
孫亦以盜賣官田論疏入
上允所請立册存案並

勅部旌獎以彰義舉尋議贈洪如其子原任
吏部侍郎等官十二月擢刑部左侍郎仍兼
內閣學士尋署順天府府尹十一年四月授
左都御史暫署刑部尙書兼管順天府府尹
七月奏請更定律例一夫毆妻至死審無故
殺別情如無承祀之人准留承祀枷責完結
一竊盜三犯通計贖五十兩以下罪止滿杖
者從重擬遣五十兩以上罪止徒者擬絞監
候一承審官重刑疊夾致斃笞杖人犯二命

以上徒流人犯四命以上者以故勘論擬斬
監候一斬絞人犯在獄如強橫不法及犯賭
博等事照原擬卽行正法提牢官議處禁卒
議處一支因糧每石脚價銀五分以贓罰銀
給發移戶部查核一刑部現審左右二司郎
中員外主事缺出揀選調補遺缺歸銓下部
議行十二月授刑部尙書以預修
大清會典書成議敘加一級十二年五月刑
部議覆福建民藍厚正毆斃胞兄一案照以

援擬失當降一級留任十三年正月充

皇清文穎節副總裁五月貴州九股生苗不法揚威將軍哈元生副將軍董芳分勦

上命照爲撫定苗疆大臣照振黔倡分地分兵之議因施秉爲道中地遂以其上爲上游用滇黔兵專屬哈元生以其下爲下游用楚粵兵專屬董芳於是進勦之兵紛紜撤換哈元生董芳欲將村莊道路盡劃上下界文移辯論日久無功八月

今上御極尋

命照來京以湖廣總督張廣泗往代

諭曰從前經理古州苗疆原係鄂爾泰獨任其事後來逆苗煽動張照在京時見

皇考申飭鄂爾泰因其向來料理原未盡善繼有解任之

自張照遂以私意揣度過甚其詞彼時廷議新疆不可棄置張照卽在預議之列

皇考深以爲然今張照以爲密奉棄置之

諭旨轉告將軍哈元生因降旨棄絕乖謬已
極可諭張廣泗知之十一月

諭曰張照辦理苗疆事務本係自請前往乃
到黔以來挾詐懷私擾亂軍務罪過多端伊
到京時着總理事務王大臣會同刑部審擬
具奏嗣廣泗劾照立意阻撓與元生互相攻
訐置應辨之事不理致大兵雲集數月毫無
成效

命革職等因乾隆元年九月廷議依律擬斬

諭曰張照浮躁性成又誤聽傳聞之言立意
與哈元生齟齬朕念哈元生從前征勦烏蒙
曾經効力業已從寬免死張照亦一體釋放
尋

命在武英殿修書處行走二年二月授內閣
學士入直

南書房十二月充

經筵講官四年三月請終養

上慰留之五年五月授刑部右侍郎十月轉

左十二月奏言律例刊校頒行尚須一年各省未發新書擬罪必遵舊例請于舊例輕而新改重者仍待奉到日遵行不必駁改舊重新輕者刑部卽引新書改正使一年之內薄海內外早被

恩光

特旨允行六年二月請假歸省九月回任十一月

上以朝會樂章句讀與樂音不相比合

美名臣傳卷十七

七

勅莊親王同照查明律呂正義源委又

壇

廟樂章恐不合律併查奏尋合疏言律呂正義一書編摩未備請重修律呂正義後編與前書並垂萬世

壇

廟

朝廷樂章應遵

聖訓將新舊所定並宋朱子六經圖及明朱

載墳樂書式考定宮商字譜備載于篇使律呂克諧尋考易曉其民間俗樂亦宜一体釐正下部議行七年二月疏言軍流遣犯例應僉妻知子孫願隨往者聽並不在應遣之列向來旂人由旂咨部文內註明隨往字樣至民人刑部據文轉咨多不註明至配一例羈管本犯身故隨往子孫不得援奉

恩例請嗣後該管衙門僉遣時卽于文內註明隨往字樣以免濫行羈管本犯身故妻子

願歸給照回旂回籍仍報部存案又遣犯在配本身既不許他往子孫又一例羈管困頓飢寒情殊可憫請嗣後遣犯在配所生子孫該犯在日如有附近謀生者准呈明給限前往逾限不回查究在配所生子女或許嫁他處或寄養于人悉聽自便又各邊鎮賞旂爲奴人犯在籍子孫本非例應僉遣如往遣所省視情殷依恋或窮途艱苦不能卽歸旂主藉其力作歲月寢久並沒爲奴甚屬冤抑請

嗣後到配省視者赴該管衙門報名存案回籍日卽給印票放行如旂主刁留計陷照律治罪部議從之四月擢刑部尙書五月管理樂部先是雍正五年八旂佐領等有指扣兵丁錢糧印子錢者

世宗憲皇帝諭禁定枷責追利入官之條雍正十三年都統李禧請旂民一体嚴禁借債人自首免罪並免償放債人治罪仍追利入官民間爭首告與免至是照疏言八旂佐領

等官盤剝該管兵丁放印子錢者仍遵例擬
追外如止重利放債悉依違禁取利本律治
罪舊所奏自首免償例已經律例館刪除不
准引用部議從之十月中允于振請釐定

文廟樂章

上命照撰擬進呈頒發曲阜及各省學宮八
年十月

諭曰朕登極詔內四品以上官例得恩廕刑
部尙書張照因彼時緣事未與今特加恩補

行給與恩廕九年十二月丁父憂
上以照父彙義方有素訓子成名
特諭于本籍賜祭一壇十年正月照奔喪行
至江南徐州卒漕運總督顧琮以

聞

諭曰張照才品優長兼諳法律學問充裕詞
藻清新侍直內廷勤慎素著前聞伊父訃音
聞朕星馳朕切諭其以禮節哀毋致毀瘠今
聞在途溘逝朕心深爲憫悼着加太子太保

吏部尚書應得卹典察例具奏尋

賜祭葬如例諡文敏二十四年

諭曰前因查閱蔣洲署中所藏字跡書冊見
有張照獄中所題白雲亭詩卷詞意怨望因
念張照爲受恩已故之人卽已付之炎官以
保全其始終未嘗明降諭旨昨命大學士蔣
溥向伊子張應田寓中查取張照所遺筆札
則更有未經朕覽刊入集中者毋論不日不
月等語極爲任誕而一則曰丞相再則曰鄴

伯若以伊之獲罪悉由干鄂爾泰之構陷者
伊既以此憤嫉之詞公然付之剖劄傳之後
世無知者觀之將謂寔有其事故朕不得不
明白宣元凱爾泰經理苗疆一事朕與和親
王每日親承

皇考訓諭其中端委寔是所深知張照之奉
命經畧原令訪察鄂爾泰事蹟乃張照一人
四川妄自尊大不以苗疆重務爲計立意阻
撓於董芳則極口贊揚於哈元生則痛加醜

抵且私致書於哈元生等令叅鄂爾泰以致
張廣泗哈元生元展成等將伊乖張謬妄並
致書囑等款紛紛陳奏夫以國家經畧大臣
膺節鉞重寄而乃挾私債事至於如此按以
軍法立置重辟寔所應得使非朕深知張照
素與鄂爾泰嫌怨豈僅付法司擬以監候爲
此格外矜原乎乃張照尙不知痛心悔改妄
生不平之鳴耶朕爾時深見苗疆之事惟專
任張廣泗庶可集事卽不得不將張照撤回

以防牽制嗣念張照辦事尙有小才出之固
固之中棄瑕錄用不數年由內閣學士洊擢
尙書供奉內廷時得召對不啻家人父子在
伊素性乖謬不愜人望一時諸人未必不以
朕爲寵遇過優而朕並不以此少弛其恩禮
其感激又當何如耶卽如在獄時所處本非
順境抑鬱之狀猶或人情所有迨至再躋頭
秩叠受殊恩苟有人心則從前骯髒激勵之
詞亦當猛省剷削而必將此刊刻流傳其居

心又可問耶使張照仍在卽應治以國法今
其人已死姑免深究伊子張應田所得廕生
官職亦從寬免其革退四十四年

上念照資敏博學尤工書

御製懷舊詩列照于五詞臣中

詩曰書有米之雄而無米之累復有董之整
而無董之弱義之後一人舍照誰能若卽今
觀其蹟宛似成於昨精神貫注深非人所能
學

三朝直內廷受

恩早且渥其詩喜談禪學蘊太相着以苗疆
獲罪意寔是別有託平苗事既久復用仍遷擢
性敏才本高未免失行薄使生前明時標榜
必致錯本朝無所施小哉張與鄂四十七年
十一月

諭曰昨閱進呈一統志內國朝松江府人物
祇載王頊齡王鴻緒諸人而不載張照其意
或因張照從前辦理貴州苗疆曾經獲罪又

其獄中所題白雪亭詩意感憤經朕明降諭旨宣示中外因而此次纂辦一統志竟將伊姓名里居概從刪削殊屬非是張照不知朕辦理其案之公衷而反挾私怨恨誠非大臣公忠体國精白一心之道然其文采風流寔不愧爲鄉賢卽董其昌亦豈純全之正人君子哉使竟不登志乘傳示藝林致一代文人學士不數十年竟歸泯沒可乎况從前張照之獲罪固疑爲鄂爾泰傾陷其獄中憤怨之

謂亦六都指摘鄂爾泰者居多蓋鄂爾泰欲
置伊于死地朕若聽信其言張照豈獲生全
彼不知朕非信讒之主而鄂爾泰又豈能讒
張照之人卽如朕初政時戶部尙書缺出果
親王保薦右侍郎託時朕以海望乃左侍郎
資俸旣深

皇考嘗注亦優特予擢用夫鄂爾泰之力必
不能過于果親王果親王尙不能薦用一尙
書豈鄂爾泰能搆一尙書致死耶嗣念張照

究係可用之材因出之囿固不數年間由內閣學士海擢刑部尙書供奉內廷朕之待張照終始成全原不以一青之微始終擯棄可謂極儒臣之榮遇卽將來國史中亦當令載筆之臣將伊事蹟詳晰編入何此時纂辦一統志轉佚其名耶總之張照雖不得謂醇儒而其資學明敏書法精工寔爲海內所共推重瑕瑜不掩公論自在所有此次進呈之一統志卽將張照官秩出處事蹟一併載入

王郡列傳

王郡陝西乾州人康熙三十年陝西飢就食
福建以李姓充伍五十四年拔補臺灣鎮標
把總五十八年遷延平城守營千總六十年
五月臺灣奸民朱一貴聚眾倡亂陷府治郡
奉總督滿保令應援自廈門一晝夜達淡水
固守六月同守備陳策自淡水遣弁目安集
民番招撫林中棟等二千餘人又抵諸羅會
大兵進剿奮勇殺賊克復府治六十一年四

月調北路營千總擒餘賊李慶等九月遷北路營守備雍正元年遷乾州城守營遊擊尋擢叅將四月擢浙江嚴州副將奏覆本姓旋擢江西南贛總兵六年調福建臺灣總兵九年正月疏言臺灣鎮協各員遵例三年報滿請

旨酌調其叅將遊擊守備三年報滿必候督臣察核具題咨部註册候陞及交代渡海延至四五年不等臺灣無携眷例既有內顧之

虞恭將以下父母亡故例不丁憂又邊海不
敢告假未免分馳意念不得悉心辦公應否
准以二年報滿及交代渡海寔合三年之數
千把微員不時差往內地可以顧家應仍照
舊例報滿下部議行二月

上諭王郡在臺灣三年任滿例應調回內地
因臺灣總兵職任緊要是以將王郡暫留一
年令總督劉世明于總兵內慎選克勝臺灣
之任者具奏今劉世明奏稱海壇總兵呂端

麟堪勝此任呂瑞麟可就風便前赴臺灣與
王郡議論地方事務熟悉兵民風土庶有裨
益廣東潮州總兵官着王郡補授十年三月
擢福建陸路提督時臺灣北路社番不法總
兵呂瑞麟臺灣道劉象愷往勦撫郡赴臺灣
彈壓四月南路奸匪吳福生等竊發郡率兵
于虎頭山赤山碑頭等處追勦生擒福生餘
党悉平敘功加都督同知五月北路大甲西
沙轆牛罵等社兇番殺傷兵民郡由鹿仔港

登岸偵知阿東一社有北崙西崙東崙惡馬
爲逆番聚集所郡統遊擊黃貴守備蔡彬蔡
際等攻北崙令遊擊邱有章李科等攻西崙
叅將李廕樾遊擊林黃彩等攻東崙並及惡
馬逆番設伏抗拒我兵奮勇擊殲渠魁招撫
脅從皆平之奏入得

旨臺灣北路大甲西等社凶番肆逆不法王
郡率領將兵奮勇撲勦尅期寧謐甚屬可嘉
着從優議敘加左都督十一年

上諭王郡前任臺灣總兵將及五載往來洋
面熟悉海疆情形且聲名素著才畧優長着
調福建水師提督十二年二月疏言廈門四
面環海地少人多需米不貲加以營兵赴糶
難免匱乏臣查水師提督衙門有官房四十
七間并魚池河溝四處每年租銀五千餘兩
留充公用臣請就此項內乘穀價平減時動
用採買加謹收貯如米價稍昂依原價借給
各兵俟收成後還價買補以公濟公數年內

可得穀數萬餘石積貯充裕孤島兵民可無
艱食之虞至出陳易新臣隨酌量料理其應
需倉廩查廈門北門外有前提臣起蓋穀倉
數間可以修貯不另造得

旨着照所奏行王郡將任內應得之項等濟
兵食甚屬可喜着交部議敘四月
陞見以途次受濕

命太醫日診視

賜藥餌并

給其二代提督封典郡二子守乾守坤隨侍
上召見

賞守乾守備銜守坤戶部主事又

命馳驛回任沿途地方官供給乾隆元年廕
一子入監讀書郡

陞見

賜鞍馬弓矢橐韉二年八月疏言臺灣遠在
海表番漢雜處爲水師第一奧區凡軍器櫬
不准民製而于硝磺鉛鐵例禁尤嚴今部文

准民人照營兵鳥鎗尺寸製造以資防患似
臺灣亦在不禁之內該地奸民勢必藉防患
請製硝磺鉛鉄亦不能禁恐火器充斥小則
侵界打鹿與番構結大則偶遇水旱或有不
逞之徒變幻其間藉以作祟查臺灣民居多
係平衍其崇山密箐中皆生番各險要俱撥
兵防守寔無應用鳥鎗之處仰懇

皇上飭部仍照舊例禁止下所司議行十一
年間三月以老乞休

命以原官致仕加太子少保食全俸時郡第
三子戶部員外郎王守震省親到閩郡奏請
以守震送已回籍

上允之二十一年六月卒遺疏入奉

旨原在提督王郡老成練達專閩多年前因
老病乞休加恩晉秩賜俸以養餘年今聞溘
逝深爲軫惻所有卹典察例具奏尋
賜祭葬如例謚勤愨子守乾官至南昌總兵

陳時夏列傳

陳時夏雲南元謀人康熙四十五年進士五
十一年考授內閣中書五十七年遷刑部主
事五十八年正月遷員外郎三月遷工部郎
中六十年遷廣西道監察御史巡視南城雍
正元年正月授河南開歸道仍帶御史銜尋
奏河北兩年歉收種麥甚稀民多乞食臣會
同署巡撫牟欽元設法捐賑恐未能徧給請
旨或發帑賑濟或蠲免錢糧使災黎均沾不
致失所

上嘉允之二年晉湖北按察使嗣以開歸道
任內封邱縣生員罷考時夏不能彈壓查拏
巡撫石文俸題亦革職三年授直隸正定府
知府四年遷長蘆鹽運使尋加布政使銜署
江蘇巡撫五年正月疏陳蘇松水利請勦帑
興修

命副都統李淑德原任山東巡撫陳世倌會
同勸議尋合疏奏婁江急宜修濬常熟之福
山塘昭文之白茆河太倉之七浦河上海嘉

定之吳淞江武進之孟瀆河德勝之新河丹陽之九曲河皆淤淺應濬從之先是

上勅時夏改收江安二屬漕糧十萬石爲穀二十萬石運貯閩省至是時夏奏言江省稻穀因雨多不堅恐舂碾損耗不敷二穀一米之數且運穀較運米費多請卽以漕米運閩閩省今年有收以所運米於本處易穀貯倉似爲兩便得

旨允行三月疏言江省錢糧正耗請照直隸

河南例統解布政使縣之大小分上中下三等酌留養廉數用地方一應公事所司料理動用耗銀報銷至督撫司道及府佐貳等亦各給養廉通計支用並應存之數歲底奏明留司庫充公疏入

報聞先是

上念時夏母老家居以道遠末迎養特命雲南督撫贈資斧送至蘓州復

賜人葭六年五月江蘓布政使張坦麟調任

山東時夏奏坦麟任內錢糧不清請停赴新任坦麟亦奏時夏囑接任藩司趙向奎勤措交代

上令時夏覆奏六月奏言雍正五年分解司庫飯食添平銀三萬七千餘兩張坦麟未交趙向奎以遲延揭報臣因

國帑攸關不敢徇隱並非吹求勒指今遵旨令速交代起行庶兩省公事無悞得旨汝識見卑鄙褊淺是非巡撫之才經朕屢

加訓諭而不能奮勉改革才智限於此亦無
可如何也汝莅任以來盜不能緝吏不能
察承追二百五十萬錢糧不能完二十分之
一蕪郡城大開銅舖而不能禁止河工遲悞
而不能勸懲于刑名案件則一味姑息其餘
不職處不可枚舉惟能令戲班減少大半報
舖閉閉數十座僧道數千百人還俗祠廟數
處改爲書院在汝意以爲王道變化風俗但
不知是有益于民生處何在對人時感恩泣

下而不能仰体朕意辦理一事似此報德于朕又復何益是月解時夏巡撫任往署山東布政使張坦麟卽署江蘇巡撫尋

命時夏仍留蘇會辦各案虧空十二月

諭曰蘇撫所屬未完地丁錢糧積至八百一十三萬八千餘兩時夏到任後將從前分年帶征之項一併催追以致小民艱于輸納日事嚴比朕心深爲軫念乃陳時夏又奏稱蘇松積欠難于清結從前旣蒙聖恩蠲免浮糧

今請以舊欠之糧派于新糧戶內分年征收以抵補積欠夫蘓松浮糧朕仰承

皇考聖心每歲額免四十五萬兩煌煌明旨布告億兆豈有旣蠲正額而復借此抵補積欠之理且舊欠自有本人卽非本人亦自有着落若舍此不追而均派新糧是刁民因積欠而得利良民因先輸而倍徵從此人人效尤誰復輸供正賦况以舊欠派入新糧舊欠未必全完而新糧又致欠缺此等狂悖之

論不過因朕留伊在蘓州清理未完一時不能脫身藉此草率完結耳今尹繼善現在清查歷年帶征錢糧着一概暫停征比俟朕派員前往與該地方官協理清查七年二月因所舉知縣蔡益仁貪黷不職經總督尹繼善叅奏部議降二級調用八月丁母憂回籍十二月服闋來京加僉都御史銜授霸州營田觀察使尋奏文安大成兩縣界內修築橫堤千五百餘丈本年營田四十八頃俱獲豐收

但恐水涸卽旱請于大堤東南尙家村建石
閘堤內挑引河引子牙河灌漑仍于此岸多
建涵洞小閘以資宣洩從之乾隆二年六月
疏言農政全書載營治區田之法近又見聊
城知縣蔣尙恩刊教民區田法清河同知方
鳴夏刊區田錄要四面鑿井澆灌備旱莫善
于此北省更有益畝費工本銀三兩百姓無
力舉行請派員租民地試種俟有成效推廣
從之七月授內閣學士三年十一月卒

劉於義列傳

劉於義江南武進人康熙五十一年進士改庶吉士散館授編修雍正元年四月充

日講起居注官入直

南書房五月遷左中允七月遷侍講尋提督山西學政三年遷右庶子奏請每年以銀四萬兩于太原平陽潞安大同買米貯倉春糶秋補擇賢能州縣或府佐貳董其事以功過議敘處分得

旨所奏常平倉貯事宜甚爲有益著交山西
巡撫伊都立酌量舉行四年二月遷侍講學
士六月授順天府府尹五月授詹事仍兼府
尹事六月擢倉場侍郎七年

命查西寧軍需八年六月遷吏部左侍郎尋
借刑部右侍郎敕可登查賑山東九月

命審山東按察使唐綏祖揭叅濟南府知府
金允彞一案九年正月授直隸河道總督嗣
鞫允彞祖平縣革職知縣袁舜裔虧空抑勒

交代等欵屬寔論如律於義赴總督任七月
條奏天津截漕留糧事宜一漕米進倉津貼
諸費截留俱可不用其額設落崖進倉腳價
令旂丁備給一旂丁雇剝每百里給飯米一
石耗米一石今截留省剝費每米百石應給
地方官耗米一石庶支放不致虧收一漕船
例有隨糧席片於截留處並交應用下部議
行八月奏言青龍灣等處工革職侍郎何國
宗議建雜心十四座未免阻隔水勢請卽停

長垣面四十丈使暢無碍運道并保河西堤
工從之九月擢刑部尙書仍理河務尋署直
隸總督十二月叅奏巴里坤軍營回京之內
大臣阿濟圖侍讀學士查克丹等擾驛遞
上嘉勉十年署陝西總督十一年正月疏稱
甘涼肅承辦軍需總漕糧草價增數倍兵餉
不敷養贍請酌借籽種牛具費兵于瓜州等
處開墾分兩次扣還秋收留來年籽種餘糧
鎮標中軍經營以濟兵食從之四月授吏部

尙書仍署總督事八月奏肅鎮標兵除防汛外現覺單弱請撥駐涼州之河南綠旗兵五百移駐十一月奏軍營屯種撥馬應用省買半費十二月奏回民移瓜州者不諳農事請分耕夫二百照屯田例給口糧工價委員督率教導俟一年熟練自種又奏赤金靖逆之北洋帶湖一帶築墩臺十八塔兒隄築堡一東西各築墩臺一以資保障又安家衙舖渠口之上另開渠一以資屯種又安西廳衛及

効力各官并書役等聽其自備工本開墾均
如所請行十三年二月疏劾總理屯田左部
御史孔毓璞侵糧盜帑盤剝肆橫等款鞫寔
治毓璞罪如律尋奏前定甘涼肅各屬贖罪
捐監米照時價爲額今該地歲豐價減應增
米數以符銀數至他處赴捐有連費照本地
酌減六月奏寧夏鎮標原設中左右前後五
營雍正五年裁後營兵歸新設大通鎮今請
仍設以成營制改大垣堡都司爲寧夏城守

大垣堡增千總俱下部議從之七月

命大學士查郎阿管理陝西總督給於義

欽差大臣閉防留肅州俟軍需竣回京九月
奏言金塔寺肅州北面藩籬請改遊擊爲副
將並所屬威魯堡俱于現駐金塔寺新募兵
丙撥增又增轄屯田通判州判縣丞主簿等
官道員督查俱從之先是於義奏甘涼等處
設馬廠以千把總爲牧長外委爲牧副願太
僕寺條例定考成至是十一月請以馬孽多

欽定四庫全書
卷一百一十一
三十一
寡爲弁兵陞降賞罰詳列章程入奏下部議
行乾隆元年二月奏言甘肅巡撫許容辦賑
不善奉

旨嚴飭解任

俞於義署理疏請於哈密城北圍築倉廩令
司糧文員專啓閉設墩臺四撥兵守又于新
城東門外築關廂爲商賈市區從之時捐贖
例已行於義奏發遣革職知州許啓盛董仲
誦贖罪

諭曰所奏俱非常赦所可原者准其贖罪朕
前因官爵有閑名器仕途不宜濫旨是以停
止捐納至贖罪一條原係古人金作贖刑之
義况斟酌情有可原者方准其事尙屬可行
嗣後贖罪例照舊辦理七月查郎阿入
覲於義著陝西總督十二月奏稱瓜州令戶
民五十家守垣問巡渠道並可兼種地請免
納糧草及他差徭從之二年二月內
召回吏部任時兵部侍郎孫國璽因審屯政

侍郎蔣洞侵挪一案劾於義瞻狗并有証叅
糧道杜濱曖昧事

命刑部侍郎馬爾泰倉場侍郎崔紀往查尋
問擬洞斬監候於義瞻狗有跡所叅濱舅佔
甥妻諸款係據屬証稟失察均下部議處援
赦免三年四月查郎阿叅奏承辦軍需道沈
青崖黃文煒張体義等私運侵帑詞連於義
侍郎馬爾泰復奉

旨往同督撫嚴審於義解任赴質尋鞫寔擬

青崖等斬監候於義狗縱杖流浮開麥稞價
銀三萬三千零留蘭州着追五年十一月
特命署直隸布政使七年二月寔授三月授
福建巡撫時問監課額外多加派於義同督
臣服禧圖請分別裁減

旨允之八月漳州奸民陳作謀不執聚衆圍
城於義擒之議敘加一級十二月臺灣奸民
王永興等樹旂散亂爲匪旋就獲三人

報聞八年二月調山西巡撫十月補戶部尙

書九年正月調吏部協辦大學士事五月御
史柴潮生請修直隸水利

上以於義諳習情形令同總督高斌辦理七
月以原銜充

經筵講官十二月奏陳水利事宜七錢糧令
清河天津二道核轉一事開通省陸續報銷
以清案牘一工程三萬兩以上委專員分辦
各自報銷以下委員同地方官辦由地方官
報銷一河渠隄埝橋閘有關要工應專員與

守者于通省員弁內奏移一築隄開河開佔
熟地旗地就近撥補民地給價除糧一工料
價用市平給發又奏勘初次應舉各工一濬
宛平良鄉涿州境內牯牛正支各河一開新
城雄縣境內白溝河支流趙北口定內各支
河一開東淀河道徑直以暢尾閘一另疏子
牙河口開築堤分清渾一疏舊減河入鳳河
消滯水一掘塌河淀淤塞利宣洩一引唐河
由舊渠歸保足河一以渠閘引河淀沃田一

濟正定縣各泉爲渠成自然之利一修復營田舊渠開一給百姓營田工本均下部議從之十年二月署直隸總督三月加太子太保十月奏初次工程告竣善後事宜一各州縣新工官人交代民均力役一塘河兩岸設涵洞一新建河閘駐汛員一閘座設額夫一保定通判改爲水利通判專管磨坊滿城清苑安州五屬河道一定興縣丞改駐新城司河防一新設坐船漢夫分隸東西兩淀一子牙

隄河分隸廳汛一子牙長隄建營房防護一
河隄裁柳州縣佐雜及河工効力等官捐種
議敘十二月奏勘二次應舉各工一還鄉河
裁灣取直建滾坝一薊運西堤并抽針舊河
分別修築一張青口下接挑支河一新安縣
之新河開挑寬深一廣利渠展爲河接連府
一望都以下沿白草溝河至清苑安肅開道
溝一廣利依城二河挑減河分洩一疏定興
安肅泉水廣灌溉又奏永定河身輿九灣十處

均宜裁直以順其勢灣處截築攔水坦何淤者挑深隄缺薄者加培均議行十一年三月奏勘三次應舉各工一場河淀漲水由七里海引歸薊運河一津邑東北賈家口舊河挑洩積水一靜海迤東蘆北口接開支河一南運河捷地汎改挑引河又奏續勘三次應舉各工在慶雲縣看濬馬頰河引瀝水歸海開誠此湖于王家窪築通西南高寨台窪均引入老黃河疏四鄉洩水溝渠去積滂在蓋山

縣者涪宣惠河洩合縣之水通縣東之明泊
窟入宣惠引歸老黃河均議行又奏慶雲瑤
山二縣請于水師節省項下酌給銀多砌磚
井仍令民開土井資灌溉再撥用商捐野銀
委員赴張家口買牛給貧民勸種並度土性
買栽棗杏桃柳三萬株以備食用從之尋疏
請減慶雲縣額賦

諭曰直隸慶雲縣土瘠民貧連年荒歉朕心
深爲軫念多方籌畫蠲賑並施以甦民困惟

是元氣難以驟復必須大沛恩膏俾小民永
沾寔惠著將該縣每年額征地丁銀蠲免十
分之三永爲例七月署直隸河道總督十二
年四月直隸水利工程竣議敘加二級尋回
京七月

諭曰協辦大學士吏部尙書劉於義年近七
旬現兼理戶部輪班奏事連日往返未免過
勞所有戶部事務著不必兼管十三年二月
卒

諭曰劉於義才品優長簡任銓衡協贊機務
宣力中外勤慎素著忽聞溘逝朕心深爲軫
惻應得卹典著察例具奏五月
賜祭葬如例諡文恪

徐本列傳 弟祀子以烜附

徐本浙江錢塘人吏部尙書潮子潮自有傳
本由康熙五十七年進士改庶吉士散館授
編修雍正元年恭修

聖祖仁皇帝實錄充纂修官四年畧

日講起居注官五年提督貴州學政

善遷侍讀六年疏言各省府學皆從屬州縣撥入惟黔省自爲府籍額多濫充嗣後府籍隸卷不足應於州縣內酌撥又學臣去任時不許諸生混請給頂用防冒濫府州縣考取代書嚴禁劣生包攬貢監歸學臣約束地方官造冊申送有但異榮身不思應試者於捐後文結內註明讀書貿易錄科照冊查對以杜頂冒下部議行七年遷貴州按察使八年

調江蘇按察使尋遷湖北布政使十年擢安
慶巡撫奏言現定比緝盜賊章程凡提比竊
案責之府州大盜責之臬司其案多未獲之
處臣親提比并照例立限分別勸懲沿江委
員巡哨省城另募幹捕分發臬司衙門聞劫
立即擒拿各屬懋干考成必加奮勉
上嘉之十一年三月條奏推政四條一蕪湖
閔收稅庫平輕重各殊請照藩庫頒給餘悉
銷燬一鳳陽閔已裁監督缺閔務歸巡撫倉

務歸愷道兼管其稅大使攢典人等應汰一
銅觔水脚經前撫魏廷珍題明附入正耗徵
解給商稅單內應一體填註杜書吏暗索一
貨船隨驗早晚開放兩次免致淹守五月疏
言雲貴廣西不沙土司安置內地蒙

恩每十名給官房五間地五十畝安慶城內
計安插二十一名所給地畝俱遠在來安縣
不使耕作請將原撥地畝令地方官變賣先
動存公銀附近買撥俾得耕食毋致失所均

得

旨允行六月疏言征糧事宜一州縣糧櫃向由府道給貼封條俟申報拆封另發更換胥吏以州縣不聽自擅致有藏匿補投等弊請改用州縣封條俾得覺察吏胥道府仍委員秉公拆兌稽察短少一民間完糧前準科臣顧祖鎮奏用十截串票查花戶不足一分之數卽不能掣票或一截有餘勢必扣回餘銀花消拖欠况分厘小戶櫛分十截數目零碎

百弊叢生應仍用三連由票一小民零星之
戶完銀不便酌凡銀一錢以下每分完制錢
十文其仍願輸銀者聽下部議行七月奏壽
州濱淮河積盜聚族而居假捕魚爲業商賈
每遭劫掠今陸續擒治將大小魚船取連環
互保編甲乙嚴查其孫平焦劉諸姓久習爲
匪設族正不時舉發得

旨嘉獎又言江岸蘆洲人烟稀少向設游兵
等營於夾口磯頭備塘船巡緝亦可救遭風

客船近船多破廢應令州縣會營員估修從
之十二月疏言上此向設分巡兵備道八陸
續裁汰僅留廬鳳道一所遺驛鹽事務歸下
江驛鹽道漕糧事務歸江寧糧道兼分巡池
太二府查江寧糧道統管十府漕糧再分巡
上江鞭長莫及廬鳳一道亦難令兼巡通省
請增設道一員分巡安徽寧池太五府廣德
一州駐安慶其滁和二州就近隸廬鳳道下
部議行尋遷左都御史十二年正月充

經筵講官三月擢工部尙書十月協辦大學
士事先是浙江奸民王益等邪教聚衆謀不
軌

命本往同浙督程元章鞫治至是事竣合疏
言衢州最易藏奸前設總兵後改副將今請
仍改爲總兵其下設遊擊三守備三查關協
原設都司二應以一改中營遊擊一改城守
都司再增左右兩營遊擊右營駐江山左營
駐常山原設守備三以爲城守都司中軍守

備一改中營守備一段右營守備防守龍游
縣再增設左營守備防守華埠渡守備標下
各設千總二把總四千通省簡僻營內撥兵
三百增補提標轄嚴州協楓嶺營處州鎮轄
蘭谿洪俱就近改隸衢鎮金衢嚴三府幅員
甚廣棚民雜處請設巡道一駐衢巡查江山
縣之青湖鎮增設同知駐防下部議行十三
年正月充文穎館總裁五月

命同果親王允禮大學士鄂爾泰等辦理苗

通志卷一百一十一
職事務八月

今上登極十月調刑部尙書

命協辦總理事務乾隆元年三月充律例館
總裁十一月授

東閣大學士兼禮部尙書時恭纂

世宗憲皇帝寔錄充總裁官二年十二月直
南書房尋以協辦總理事務議敘

賞給一雲騎尉三年軍機處行走四年正月
命紫禁城內騎馬五月加太子太保六年律

例告成議敘加二級七年兼管戶部尙書九年正月以病請解任

上慰留六月具疏力請得

旨加太子太傅准解任八月

諭曰太學士徐木老成謹慎宣力有年今以抱恙懇請回籍調理朕心眷注特賦詩篇以寵其行並錫御用冠服及內府文綺貂裘等物令御前侍衛都統永興齋往宣朕誦旨朕于本月二十五日行幸南苑當親至太學士

耶寓慰問之

詩曰
朽卜資賢輔
調元贊藐躬
摠忠一心切
論道八年同
績茂台衡列
勤宣警蹕中
百司方仰矩
二豎偶與戎
遽爾辭榮錄
能毋遂退冲
青門名不減
黃閣惜何窮
別緒紛秋日
歸舟急北風
倘期食履健
重入壽彝崇
九月疏請給
其子侍講學
士以煇假送歸
允之

命任籍食傳十年

上念本歸里將一載

御製詩賜之

詩曰道義愜同好衣冠崇老成
八年資養費千里啖音聲
宿疾今何似素醫胡不靈
每懷故老凋錯落如晨星
臨風瞻越雲惘惘心塵
寧長夏宜林居山水秀
且青峯迎南北翠月卽
三澗明卿雖適江湖豈
不念朝廷帑力加餐飯
慰予跛望情跋望情何
極頻年共濟人爵祿非
可私義難阻歸輪常謂
二疏去於道

昧致身卿以謝病返安忍責初心分愆分亦已
久日歷冬春夏乃知白駒速寸晷不相假看
禾新雨後把卷萬幾暇披薰對南風心因到
越下所願眠食佳早整歸朝駕十二年本卒
遺疏入

諭曰大學士徐本持躬端謹才力優長歷事
三朝宣力中外朕御極之初簡任輪扉多資
翊贊後以抱恙令伊子隨侍回籍又加恩給
以本俸以資頤養予告以來又經四載時加

存問方異宿疾就痊赴闕供職今聞溘逝深
爲震悼着晉贈少傅就近在浙江藩庫內賞
銀一千兩辦理喪事着巡撫顧琮親往祭奠
以昭朕思禮老臣之意應得卹典該部察例
具奏尋

賜祭葬諡文穆子應衡襲雲騎尉二十二年
上南巡禮部以本未入賢良祠不請
遣祭

諭曰徐本宣力多年勤慎懋著卽如前者過

常州時已故之巡撫潘思築禮部尙猶奏請
徐本視潘思築爲何如耶朕巡幸所經郡縣
名臣舊輔皆卽致祭乃國家念舊酬功之典
該部自當慎里辦理何得膠柱鼓瑟乃爾卽
命本入浙省賢良祠並

遣官致祭五十一年

命入京師賢良祠本弟相康熙五十一年進
士改庶吉士授編修雍正四年充廣西鄉試
正考官尋授山東道御史巡察順天永平宜

化等處八年掌京畿道轉禮科給事中十年
遷通政司叅議十一年署甘肅布政使辦理
噶斯軍需十三年遷太常寺少卿尋寔授甘
肅布政使乾隆三年五月奏言州縣虧空錢
糧知府盤查不出咎在踈忽較有心徇隱者
情尙可原向無開復之例未爲平允嗣後本
犯已經限內全完者其失察知府令該督撫
出具考語送部引

見俾因人獲罪之員尙可錄用失察與徇隱

處分亦有區別下部議行六年奏言寧夏頻年水旱積貯無多茲幸屆豐收請於本年山西河南解到備貯項內撥銀採買以寔倉儲上是之七年奏言甘省土瘠地磽產糧有限兵糧多係折色又祿隣省協濟之餉向例惟春季預撥銀七十萬而先於年前解到其餘四月解半九月解完兵丁買食已屬艱難青黃不接時尤爲拮据請於四月前多解銀五十萬兩預行存貯於閏秋餉時一併

預領令營員起秋收價平及時買備仍按期
給發不得先給花費庶兵糧有備無虞部議
從之十二年奉

旨以京員用十一年三月署湖北按察使旋
授湖南布政使九年遷陝西巡撫十二年七
月奏言潼關協營歲需糧草取給於潼關閭
鄉尙有不敷將華陰縣屯民額徵糧草歸營
理屯戶撫民同知徵收支放但糧草歸廳管
戶隸縣屬難以稽查並滋考試冒籍之弊應

將革除屯民額糧戶口統歸同知經理疏入
報聞又言歲收厚薄不齊原資商販流通乃
奸徒先給鄉民賤價預買秋收量載而去又
或於新糧上市時勾通牙行零糴整囤待價
出糴富賈壟斷居奇應請禁止得
旨嘉勉並令直省督撫出示嚴禁預定糧石
者按律治罪

上以杞年力漸衰着來京十三年補宗人府
府承十五年休致三十四年卒本子以烜雍

正八年進士改庶吉士授編修乾隆五年遷
國子監司業八年遷侍講九年授侍講學士
十年遷詹事府少詹事十一年遷詹事十五
年丁父憂十五年服闋補原官十八年授內
閣學士尋提督順天學政十九年擢禮部侍郎
留學政任二十一年充

經筵講官二十二年以失察僱倩代考降一
級調用二十三年補太常寺卿二十四年丁
母憂二十七年服闋署內閣學士二十八年

署禮部侍郎三十一年患病告假回籍三十
六年卒

宋邦綬列傳

宋邦綬江蘇長洲人乾隆二年進士改庶吉
士旋丁父憂七年散館授編修九年七月充
河南鄉試正考官十月遷侍讀十二月提督
湖北學政十二年調山西學政尋

詔仍留湖北任十五年二月奏言開報生員
優劣責在教官有時教諭訓導俱係新任諸

生賢否素未深知值學臣歲試報以無優劣
申覆日久卽不便咨部勢必延至下次請嗣
後許申明展限如報有優劣學臣查核得入
于科試時補行報部下部議行十月丁母憂
十八年服闋補侍講充

日講起居注官尋授四川川東道二十一年
遷河南按察使二十二年遷廣東布政使二
十五年調山西布政使二十七年七月因失
察屬員婪贓部議降調得

旨寬免八月擢湖北巡撫二十八年二月奏
言督撫莅任親查糧驛二道庫又奏軍平等
冊內刪除病故叅革緣事各員均從之四月
湖廣總督愛必達湖北前任臬司沈作朋俱
以縱歸州盜犯張洪舜事論罪如律
上以邦綏莅任日淺亦模稜瞻徇革職留辦
堤工十月授陝西布政使二十九年以廣東
布政使任內卓薦鹽運使王槩不愼降二級
調用

詔從寬留任三十年授廣西巡撫三十一年
九月奏言民間買賣田地例將額征稅銀彼
此推收清楚按數輸納粵省征冊向聽里書
經管或匿冊勒措或飛洒多派臣嚴飭禁將
冊編號鈐印同稅餉櫃置州縣大堂諭業戶
稅契時當堂對冊過戶推收給發完糧執照
照數輸納再鬱林等處山嶺土坡現飭履勘
勸墾酌借牛具籽種以盡地利又漢土各屬
舊設土勇堡卒獠獠地方設狼兵狼目各給

軍用輕其糧賦平居守禦巡防有事征發調遣嗣因兵額缺少田糧輟轉私售經前督臣楊應瑞奏明清查臣抵任後飭催將各兵名下田糧逐一查明造冊填給執照如有缺額未補及老弱各兵卽行汰革募精壯充補共查出軍田十二萬餘畝給土勇狼兵九千餘名戍守有資可無淆混

上嘉勉之有鎮安府屬之小鎮安土司者累連安南匪犯黃副團等糾衆出界滋事那緩

飭屬捕置之法奏革土巡檢岑範武職並言
土巡檢職卑難控制請改設通判一整飭化
導又歸順州屬之湖潤寨人戶稀少應裁原
設州同將宣化縣那南寨巡檢移駐其那南
事務歸併金城寨巡檢管理再於那波者賴
者欣三村增卡一兵十土勇二十怕懷隘爲
小鎮安門戶增設把總一兵十五土勇三十
令兼轄那波等村下部議行十月奏言粵西
營房塹臺大槩在山嶺水涓時有風雨推剝

潮濕朽蛀地方官隨時修補例應領公費項下支銷有在任日久並無冊卸有甫經歲月屢經興修至汎員僅交代于離任時而於現任不定以限期今一体保護恐塘兵恣意作踐請嗣後預支州縣歲修公費每塘房一間酌量該地工料貴賤歲扣銀二三錢或四五錢存庫遇修撥用交代時按日計籌造報修後令營弁查明定以瓦房保護二年草房二年如限內疾風異漲冲損傾頽仍令州縣興

修徇弁兵狗縱殘毀經道府查報分別叅革
貶修下部議如所請三十二年四月同總督
楊廷璋奏言粵西太平鎮安二府並南寧府
屬之遷隆上岡皆與安南接壤其間有三關
百隘向例每冬知府副將親查一次請嗣後
每年春夏秋三季令太平鎮安南寧三府同
知通判同汛弁巡查於交界處所會哨事竣
報明查考其冬季仍舊令知府副將親查再
否關隘原設汛弁防守現飭製造鐵旂填明

某汎名目各於所轄隘內率兵勇籤往旂來
輪班巡查踈懈者叅處奏入

報聞三十三年授兵部侍郎三十四年七月
署倉場侍郎十一月調戶部侍郎三十五年
以疾卒

劉師恕列傳

劉師恕江蘓寶應人康熙三十九年進士改
庶吉士散館授檢討五十年充廣西鄉試正
考官五十二年提督河南學政五十七年遷

右中允累遷左諭德右庶子五十九年晉國
子監祭酒雍正元年授貴州布政使四年三
月遷通政使七月遷左副都御史八月充順
天鄉試副考官十月擢工部右侍郎十二月
直隸總督李紱內用工部侍郎湖廣總督宜
兆熊調署直隸總督

命以師恕爲禮部右侍郎協理總督事五年
正月借兆熊疏奉李紱于各牧令交代案內
有將虧缺社倉穀批豁者有將正項銀米批

以耗羨彌補者有將長墊長欠數目批准抵
缺項者有將現貯社倉穀批抵算別項米穀
者有將未解耗羨銀批免解者種種欺混現
飭布政使司具冊另報

諭曰覽所奏朕嘉悅之內外大臣皆能如此
而一秉至公據寔敷陳毫不瞻前顧後則直
道行而風俗美將見天下吏治肅清於社稷
蒼生裨益豈淺鮮哉勉之三月奏緝獲妖妄
不法之交河縣民孫守禮嚴鞠治罪

諭獎其遇事直達不稍隱諱又奏直隸學臣
按試向有州縣供應陋規臣等與新任學臣
孫嘉淦會商裁革旣而嘉淦奏言臣前過保
定宜兆熊劉師恕力言供應宜除臣謂舊規
日折銀五十五兩臣僕從減省得半卽足用
劉師恕言減至一兩亦不可行且言另奏撥
解公費接濟其如何奏請臣不得而知臣思
考試大典歲歲舉行宜圖久遠之規卽撥解
公費亦非成例似難通行

諭曰孫嘉淦非騷擾地方貪婪者比爾等何不量情一至於此且爾等前奏謂孫嘉淦亦願裁革供應今觀伊所奏何大相矛盾耶諭到可仍循舊例而行假若孫嘉淦以吳襄之折價抑或分外苛求勒索令地方官詳揭若地方官借名任意冒開亦令學政咨參爾等再加察訪杜絕流弊孫嘉淦端士也宜作成之是時保定各屬缺雨

上降旨詢問師恣等覆奏今年遇閏月此後

得雨不遲

上以其存心急忽

嚴飭之六月奏裁驛站夫馬工料羨餘銀

諭曰陋規自應裁禁第當量情酌理而爲之毋得過刻致令後來地方上諸事難于措辦也十二月遷吏部右侍郎仍留協理任時直隸布政司張迺杖斃控告革職大名府知府曹逢聖貪劣各款之生員竇相可與按察使魏定國許稱監繫師恕及宜兆熊匿不奏

命尙書福敏等往鞫詳宜兆熊傳六年正月
諭大學士等曰劉師恕向來過失多端近年
屢經敗露朕見其人尙謹慎小心且年力精
壯深有悔過遷善之念是以格外加恩令其
協辦直隸總督事務以觀後效乃伊子曾逢
聖一案若罔聞知負朕任用之恩甘蹈狗隱
之咎尙得謂之事君以誠無欺無隱者乎四
月部議師恕降三級調用得
旨仍同宜兆熊暫署總督事五月

諭曰宜兆能劉思想意見不合諸事參差朕
屢加訓飭不能悛改若仍令同辦總督事務
必致貽悞宜兆熊原係庸碌之人著回京照
部議降補吏部侍郎何世璣著署直隸總督
劉師恕仍照前一同辦理六月世璣奏劉師
恕向與宜兆熊分署而居相距二里餘事多
耽悞臣今約與同居辦事伊亦首肯稱便
報聞七年禮部右侍郎蔡世遠等疏言閩省
風氣未醇漳泉二府尤甚請設觀風整俗使

以化導風俗

特命師恕爲內閣學士充福建觀風整俗使
八年疏言海澄公向以管轄兵馬支銷錢糧
給印後嘗裁而印未繳今海澄公黃應續濫
給戚族印文混行文武衙門殊屬非宜請飭
繳銷向後承襲時改給

勅書再外省世襲武職之員年及二十者請
令該督撫咨部引

見或留京學習或分發各省督撫提鎮標下

効力三年後果弓馬嫻熟諳練行伍照應得
品級補用懶惰者飭回籍卑汚者題叅另襲
部議從之十一年師恕告病回籍觀風整俗
使缺裁乾隆七年兩江總督宗室德沛奏言
高郵寶應等處因被水查賑其在城居民有
力之家例不賑恤者閔堂罷市劉師恕族弟
生員劉洞爲之主使
諭曰劉師恕族人肆行無忌伊寔難辭不能
約束之咎著交部察議尋議革職十六年

上南巡師怨迎

駕

賜侍讀學士銜二十一年卒

漢名臣傳卷十九終

漢名臣傳卷二十

張廷玉 李衛

張廷玉列傳

弟廷璐廷瑒子若鬻附

張廷玉安徽桐城人大學士英次子康熙三十
九年進士乾隆吉士四十一年授檢討四
十三年

命入直南書房尋充

日講起居注官四十七年丁母憂尋丁父憂
五十一年遷司緝局洗馬五十四年遷右庶

子尋授侍講學士五十五年擢內閣學士五十六年充

經筵講官五十九年授刑部右侍郎六十年二月山東鹽販王美公等糾眾不法巡撫李樹德獲奏

命廷玉同都統托賴學士登德往會撫鎮嚴訊分別定罪如例六月調吏部左侍郎六十年十二月

世宗憲皇帝御極

命廷玉協同翰林院學士阿克敦勵廷儀等
辦事

賜一品廕生十二月擢禮部尙書恭纂

聖祖仁皇帝實錄充副統裁雍正元年正月
入直

南書房四月充順天鄉試副考官五月

上嘉廷玉備正考官朱軾衡文公慎議叙加
太子太保七月充明史總裁官八月兼翰林
院掌院學士

御製詩一章賜之

詩曰峻望三台近崇班入座遵棟梁材不乖
葵藿志常存大政資經畫訐謨待討論遷期
作霖雨爲國沛殊恩九月充會試正考官調
戶部尙書十月充

國史館總裁二年五月充會典總裁尋疏言
浙江之衢州江西之廣信贛州等府毘連閩
廣無籍之徒流移失業入山種麻搭棚居住
號曰棚民裁月旣久生息日繁情者或守本

業悍者輒結爲匪近西崖有搶劫之事皆棚
民借首請

勅督撫題補廉能州縣曉諭約束編入戶口
冊籍若居住未久踪跡莫定者取具五家連
環保結稽查毋許遺漏中有膂力技勇及讀
書向學之人查明具詳分別考驗錄用庶生
聚教訓初無歧視而一時失業之徒不致陷
于罪戾亦屬靖地安良之一法下督撫議行
八月充會試正考官三年二月充治河方畧

副總裁七月署理大學士事四年授

文淵閣大學士仍兼戶部翰林院事五年晉
文華殿大學士六年正月疏言內閣部院奉
旨事件俱交起居注登記檔案惟入旂事件
向例不交起居注無從記載請自雍正五年
始亦照閣部送館以便纂入記注從之三月
晉

保和殿大學士十月兼署吏部尚書七年晉
少保八年十月

諭曰大學士馬爾賽張廷玉蔣廷錫自簡任
綸扉以來祇遵朕訓仰體朕心懋著忠勤恪
恭奉職今年夏秋之間朕躬偶爾違和馬爾
賽張廷玉蔣廷錫贊襄機務公正無私慎重
周詳事事妥協數月之中朕躬得以靜養調
攝者實伊等翊贊之力也今朕躬已經全愈
宜加恩錫以褒良佐以勵臣工著各賞給一
等輕車都尉世職仍各加二級其世職或帶
于本身或給與伊子聽自便廷玉奏准以長

子編修若霽承襲十一年三月條奏慎刑二
事一各省人犯罪重收禁罪輕取保獨刑部
遇各衙門送犯不論情事大小罪犯首從俱
收禁致累無辜請

勅議送部人犯分別收禁取保定例遵行一
刑部引用律例徃徃刪去前後文止摘中間
數語卽以所斷之罪承之甚有求其彷彿比
照定議者高下其手率由此起都察院大理
寺同爲法司衙門若刑部引例不確應令院

寺駁正不致卽行題主如院寺扶同朦混草
率從事一併處分疏入

命九卿議行九月

諭祭賢良祠大學士張英于本籍准廷玉馳
驛回籍舉行典禮

賜帑金萬兩爲祠宇祭祀費並
賜冠帶衣裘及貂皮人參等物

頒內府書籍五十二種與其家十二月廷玉
奏言臣行經直隸州縣迎河窪地遭水已蒙

賑濟其中尙有災重之處積潦未消難以種
麥明歲青黃不接民食倍艱請

勅督臣確查加賑一月再查該地方應修工
程酌議舉行俾窮民得傭工餬口得

旨允行是月會典告成議叙加二級十二年
二月廷玉回京

上遣內大臣戶部侍郎海望迎勞於蘆溝橋
頒賜酒膳十三年正月充

皇清文穎總裁八月

今上御極

命廷玉同莊親王允祿等總理事務九月
賞給一等輕車都尉併前世職爲三等子仍
以其子若霽襲十月恭纂

世宗憲皇帝實錄充總裁官嗣以廷玉所領
事多不必兼管翰林院事乾隆元年充纂修
玉牒總裁七月充三禮館總裁九月明史告
竣議加二級十月

命仍兼管翰林院事十一月充

經筵構官二年三月充會試正考官三年

止將視學以三老五更之禮可行與否

詢軍機大臣廷玉奏言伏思三老五更之名始見于禮經蓋古養老尊賢之禮也考養老之禮如王制內則所云則於夏殷周皆然又云五帝三王憲有乞言則伏羲神農黃帝以來已然是其典爲最古至所云食三老五更于大學天子袒而割牲執醬而饋執爵而酌是而總于是其禮爲最隆我

皇上至道在躬式稽前典以三老五更之禮
下詢甚盛事也願禮待人行事因時起臣安
臆議以爲未可舉行者約有數端蓋

皇上至德淵懷聖不自聖何辨屈禮臣下但
天子有所施必令臣下有可受如所云祖而
割牲者其始親袒衣割牲以爲俎食也執醬
而饋者其繼執醬以饋熟也執爵而酌冕而
總干者繼食畢又親執酒以酌口且又端冕
舞位而以樂舞侑食也禮如是不已重乎古

禮記卷之二
有斯禮而今未行似非

皇上殷殷復古之意如特行此禮度臣下誰敢受者此其難行一也漢宋均曰三老乃老人知天地人之事五更乃老人知五行更待之事者名以一人爲之所謂知天地人之事者蓋上通天文下徹地理中察人倫三者明一亦難矣况兼之乎所謂知五行更代之事者如伏羲以木德王故風姓代之者火也炎帝以火德王故曰炎帝以火紀官代之者土

也黃帝以土德王故曰黃帝之類此非洞達
天人之際孰能知其所以然者惟其有如是
之德是以天子隆以賓師之禮三公九卿皆
在執事之列今此禮果行必求其人以當之
竊思致仕諸臣及現居職者誰克任之恐

皇上卽下明詔而其人必悚惕戰惶而不敢
應此事之難行二也考漢以李躬爲三老桓
榮爲五更魏以王祥爲三老鄭小同爲五更
周武帝以于謹爲三老其時五更無人第未

審諸公外前所述之三老五更果克副其名而無愧乎圓橋觀聽漢明帝時極盛然先儒胡寅譏桓榮僅能授經章句不知仲尼修身治天丁之微旨故所以輔翼其君者德業不過如是觀先儒之論是桓榮猶不免譏評下此者何足以當鉅典三也三老五更之名雖見於樂記祭義文王世子諸篇然不有何代如以爲虞夏殷周皆然則二帝三王大經大法載于尚書何二典三謨不見有老更之名

如以爲惟周有之則保息養老見于司徒獻
鳩以養國老見于羅氏以財養死政之老見
于司門三百六十如是之詳且悉何亦不載
有老更之名臣愚以爲養老之禮古時典制
可稽至所謂三老五更者疑屬漢儒附會此
其事未可盡信四也是以唐宋至今已千餘
載此禮未曾舉行節

本朝

世祖

黃名臣專

聖祖

世宗皇帝重道尊師明經造士事事度越前古而于老更之禮亦未之及蓋以典至古而禮尤隆名實難副倘有幾微未稱不恢觀聽則必滋議論之端豈不褻

至尊而羞大典乎此事似應停止舉行不必勅下廷議疏入

士臆其言尋以總理事務敬慎周詳賞給騎都尉由三等子

特恩晉三等伯仍令其子若霽承襲四年五月加太保八月充明史綱目總裁七年五月吏部則例告成議叙加二級十二月

上諭我朝文臣無封公侯伯之例大學士張廷玉伯爵係格外加恩伊子不合承襲者帶于本身八年七月

駕往奉天謁

祖陵廷玉輩京辦事照扈從王大臣例加一級十月

上念廷玉年逾七十合不必向早入朝遇炎
蒸風雪亦不必勉強進內十一年廷玉長子
內閣學士若霽病故

諭令節哀自愛以廷玉行走

內庭需人扶掖

命其次子庶吉士若澄在

南書房行走十二年二月充會典館總裁京
察引

見翰林官改列薦一等之吳綬朱基金銜三

員爲二等廷玉保薦不寔部議降二級抵銷
十三年正月具疏乞休

諭曰大學士伯張廷玉年來屢于燕見之次
以衰老乞休朕輒宣諭慰留但年齒旣高時
切軫念前後數頒溫旨令其盛暑祁寒不必
勉強赴直隨時量力以實調護每見其精神
矍鑠深用愜懷以爲邦家祥瑞非緣召對復
力以年近八旬請得歸榮故鄉情辭懇款至
于淚下朕向諭以卿受

兩朝厚恩且奉

皇考遣命將來配享

太廟豈有從祀元臣歸田終老之理而伊昨
奏稱宋明配享之臣曾有乞休得請者舉數
人爲証且稱七十懸車古之通義又引老子
知足不辱知止不殆爲解朕謂不然昔人久
處要地恐滋諛謗將致貪恣貽訛勢必迫于
殆屏故易云見幾而作不俟終日要豈所論
于與國家開休戚視君臣爲一體者哉設令

昏耄龍鍾不能事事痕官曠職干治體有妨
亟當避賢路者在朝廷亦不得不聽其引退
然昏耄龍鍾者固將神明憤然其于去留已
瞽不知使其心尙知覺則日日同堂聚處之
人一旦遠離雖屬朋友尙有不忍況在君臣
豈其翫然書曰天壽平格又曰耄壽俊在厥
服秦穆霸主尙猷詢茲黃髮使七十必令懸
車何以尙有八十杖朝之典唧精采不衰應
務周敏不減少壯若必以泉石徜徉高蹈爲

適獨不聞武侯鞠躬盡瘁之訓耶若如卿所
奏武侯遭時艱難受任軍旅生逢熙洽優游
太平未可同日而語朕又謂不然臬夔稷契
與龍逢比干所丁之時不同而可信其易地
皆然其心同也設臬夔稷契無龍逢比干之
心必不能致謨明弼諧之盛龍逢比干無臬
夔稷契之心亦必不能成致命遂志之忠遭
遇雖殊誠盡則一夫旣以一身在天下之重
則不以艱鉅自諉亦豈得以承平自逸爲君

則乾乾不息爲臣則蹇蹇匪躬所謂一息尙存此志不容稍懈朕爲卿思之不獨受

皇祖

皇考至優至渥之恩不可言去卽以朕十餘年眷待之隆亦不當言去卽令果必當去朕且不忍令卿遽去而卿顧能辭朕去耶卿若恐人議其恋職因有此奏則可若謂人臣義當如此則不可朕嘗謂致仕之說必古人遭逢不偶不得已之苦衷而非士人之盛節爲

人臣者斷不可存此心何則朝廷建官命職不惟逸豫惟以治民而人生自少至老者爲日幾何且筮仕之年非能自必設令預以此存心必將漠視一切泛泛如秦越人之相觀年至則奉身以退耳誰復出力爲國家圖庶務者此所繫于國體官方人心世道者甚大我朝待大臣恩禮篤至而不忍輕令辭職大臣苟非癯老有疾不輕陳請恐不知者反議其貪位戀職而謂國家不能優老全其令名是

不可以不辨故因大學士張廷玉之請舉朕
所往復曉譬者布告有列其所陳既未允行
重違其意所有吏部事務不必兼理俾從容
內直以綏眉壽十四年正月復

諭曰大學士伯張廷玉

三朝舊臣衰薺宜猷敬慎夙著朕屢加曲體
降旨令其不必向早入朝而大學士日直內
廷寒暑罔間今年幾入袞于承旨時朕見其
容貌少覺清減深爲不忍夫以尊彝重器先

代所傳尙當珍惜愛護况大學士自

皇考時倚任綸扉歷有年所朕御極以來弼
亮寅工久近一致實乃勤勞宣力之大臣福
履所綏允爲國家祥瑞但恭奉

遺詔配享

太廟予昔歸里誼所不可考之史冊如朱文
彥傳十日一至都堂議事節勞優老古有成
模大學士紹休世緒生長京邸今子孫純膝
良足娛情原不必以林泉爲樂也着于四五

日一人內廷以備顧問城內郊外皆有賜第
可隨意安居從容几杖願參天和長承渾渾
副朕眷待耆俊之意且令中外大臣共知國
家優崇元老恩禮兼隆而臣子無可已之日
自應鞠躬盡瘁以承受殊恩俾有所勸勉亦
知安心盡職

御製詩一章以勸有位

詩曰職曰天職位天位君臣同是任勞人休
哉元老勤宣久允矣予心体恤頻潞國十朝

聖堪例汾陽世四考非倫勗茲百爾應知勸
莫羨東門祖道輪十一月

上以廷玉年老不能復兼監修總裁之任以
大學士傅恒代之

諭曰大學士勤宣伯張廷玉

先朝耆舊宣力有年光輔端揆幾三十載上
年陳情請告朕以其精神不衰尙可從容襄
贊皤皤黃髮領袖班行當以匪躬之節爲羣
臣先詎可忽然動林泉之興是以未允所請

復申明大義布告在廷自是而大學士弗復
以此爲言蓋亦深知于義有所不可也乃自
今年秋冬以來精采矍鑠視前大減蓋人至
青年閱歲經時輒非曩比每召見之頃細加
體察良用惻然朕思鞠躬盡瘁固臣子致身
之誼而引年尙齒亦聖人安老之仁在爲臣
者預存一奉身而退之念則將匪國是恤惟
身是圖始而營心于進則策勵奉公迨志願
滿而榮寵備則乞身強健樂志林泉舉若是

其工于自謀國家將何賴焉此在三之誼矣
以畢生實分固然也然自爲君者視之則壯
用其力老息其勞使臣以禮享君以忠斯爲
各盡其道朕之前旨乃謂人臣不當存此心
大學士尤不當存此心初非欲著爲成例卽
至年邁力衰不能任職必不欲令其歸榮故
里也昨召對尙書梁詩正偶論及此事梁詩
正奏云故鄉爲祖先墳墓所在桑榆暮景之
人依戀彌篤此言雖屬宛轉亦于情理未協

葢離鄉遠宦者早已不能歲時瞻掃豈待遲
暮方知設當榮寵少壯或五六十時溘先朝
露又將奈何梁詩正亦無辭以對第朕旣體
察及此安能無動于懷惟是大學士在

皇祖時眉內廷陟卿貳

皇考復加柄用榮冠臣僚朕在書齋卽所敬
禮御極至今眷倚隆重夫座右鼎彝古器尙
欲久陳几席何況廟堂元老誼切股肱然親
見其老態日增強晉轉似不



而去之一字

實又不忍出諸日用是躊躇者久之旣而愈
大學士養疴誓告已屢賜醫存問因令軍機
大臣等同往省視傳朕諭旨大學士感激涕
零謂受恩至深無可圖報何敢以屏軀動履
日煩軫念因遵前旨不敢自陳仰蒙體恤寔
出望外請得暫辭闕廷于後年江寧迎駕大
學士旣陳奏懇款如此應加恩遂其初願示
朕優老眷舊恩禮始終之意著准以原官致
仕伯爵非職任官可比仍著帶於本身俟來

春冰泮舟行旋里屆期朕當另頒恩諭南巡
時即可相見至朕五十正壽大學士亦將九
十輕舟北來扶鳩入覲誠堂廉盛事不亦休
歟

御製詩三章賜廷玉

詩曰早懷高義慕懸車異數優留爲弼子近
覺筇鳩難步履得教琴鶴返林間銀毫無奈
吟注別赤芾還看賦遂初擬問蘭陵二疏傳
可會廿四考中書

兩朝綸閣諱無過況復芸窓借琢磨此日
舟歸意定一時翰苑悵思多善娛鄉黨銷閒
晝穩起帆風送去波南國詩人應面晤爲詢
食履近如何坐諭朝夕久勤宜問別何能獨
愒然同事當年今幾在得餘碩果又言旋江
湖卿樂真饒後廊廟吾憂詎念先指日翠華
臨幸處歡顏前席問農田又
諭吏部大學士休致員缺俟廷玉登舟南還
後再行請言時廷玉請面

見奏言前蒙

世宗肅皇帝逾格隆恩

遺命配享

太廟上年有從祀元臣不宜歸國終若之

諭恐身後不得蒙榮外間亦有此議論免冠

叩首請

上一爵以爲券

上特頒

諭旨並

海行自傳卷二十一
賜詩以安其心

詩曰造膝陳情乞一辭動予矜惻動予悲

先皇遺詔惟欽此去國餘思或過之可例青
田原侑廟漫愁鄭國竟摧碑吾非堯舜誰舉
契汗簡評論且聽伊廷玉具摺謝

恩遣子若澄代奏

上以其不規至傳

旨令廷玉明白回奏次日廷玉早至

上以軍機處必有泄漏者

諭曰朕許大學士張廷玉原官致仕且允配享

太廟之請乃張廷玉具潛謝恩詞稱泥首闕廷並不親至第令伊子張若澄代奏因命軍機大臣傳寫諭旨令其明白回奏而今日黎明張廷玉卽來內廷此必軍機處泄漏消息之故不然今日既可來何以昨日不來此不待問而可知者矣夫配享

太廟乃張廷玉畢世之恩豈尋常錫賚加一

官晉一秩可比不特張廷玉殁身銜恩其子孫皆當世世銜恩伊近在京邸卽使衰病不堪亦當匍匐身謝乃陳情則奏請面見而謝恩則竟不親赴闕廷視此莫大之恩一若伊分所應得有此理乎朕昨賦詩命翰林和韻獻諛者或擬以臯夔比以伊周夫臯夔尙可也伊周則不可也朕詩自有分寸謂兩朝綸閣謹無過不爲溢美之詞亦尙其實長也若因此而稱心滿意則並其夙所具之謹且忘

之而不謹矣夫可例青田原侑廟者劉基以
休致之臣而得配享會有此例故事在可許
伊試自思果能仰企劉基于張廷玉立朝數
十年身居極品受

三朝厚恩而當此桑榆晚景輾轉圖維惟知
自便未得歸則求辭自遂既得歸則求配享
叨榮及兩願俱遂則又視若固有竟謂朕言
既出自無反汗已足滿其素願而此後更無
可覲之慮亦無復加之罪遂可恣然置君臣

大義于不問耳朕前旨原謂配享大臣不當歸田終老今朕憐其老而賜之歸是乃特恩也既賜歸而又曲從伊請許其配享是特恩外之特恩也乃在朕則有請必從而彼則恬不知感則朕又何爲屢加此格外之恩也且又何以示在朝之羣臣也試問其願歸老乎願承受配享乎令其明白回奏昨朕命寫諭旨時大學士傅恒及汪由敦二人承旨而汪由敦免冠叩首奏稱張廷玉蒙聖恩曲加體

恤終始矜全若明發諭旨則張庭玉罪將無可逭此已見師生捨身相爲之私情及觀今日張廷玉之早來則其情顯然朕爲天下主而令在廷大臣因師生而成門戶在朝則倚恃眷注事事要被恩典及去位而又有得意門生番星替月此可姑容乎夫君子絕交不出惡聲朕昨令寫諭旨意尙遲日不欲遽發及觀張廷玉今日之來且來較向日獨早謂非先得信息其將誰欺若將二人革職交王

大臣等質訊未有不明者但朕既曲成其終
張廷玉縱忍負朕朕不忍負張廷玉然軍機
重地乃顧師生而不顧公義身為大臣豈應
出此朕嘗謂大臣承受恩典非可濫邀若居
心稍有不實則得罪於天地鬼神必致敗露
張廷玉一生蒙被異數即使詐僞亦可謂始
終能保乃至將去之時加恩愈重而其所行
有出于情理之外雖欲曲為包容于理有所
不可豈非居心不實之明效大驗耶天道之

顯著如此爲人臣者其可不知所儆惕乎可
不知所改悔乎廷玉以前並未得信覆奏
諭曰張廷玉明白回奏摺內稱十三日實因
心恐謝恩稽遲急欲趨闕泥首是以向早入
朝並未先得信息等語張廷玉之早來必因
先得信息伊向來謝恩不一而足並未早來
何以是日來之獨早若謂並未得信而次日
早來即可掩先日不來之過此所爲與兒童
何異豈久經事理之老大臣而宜由此如果

因風寒嚴切步履不前則次日何嘗不寒且何難於謝恩摺內聲明或張若澄遞摺時向奏事人口奏乃並不及此其回奏摺內于先得信息之處亦不承認是日承旨係傅恒汪由敦二人以二人並論則非汪由敦而誰卽萬有一分非汪由敦送信亦必司員中書等有人送信張廷玉在軍機處年久伊等皆其屬員此尙情理所有之事若降旨革職嚴訊未有不水落石出者但朕自卽位以來卽假

借包容張廷玉至此矣何值因此遽與大獄
然若迫于不得不辨則朕非可矇混了事者
且張廷玉摺內于汪由敦不涉一字明係避
重就輕朕加恩于張廷玉至深至厚卽近日
之恩諭稠疊本欲保令終始寧于將去之時
而顯暴其罪不爲包容寔有不得不然者蓋
張廷玉與史貽直素不相合史貽直久曾于
朕前奏張廷玉將來不應配享
太廟在史貽直本不應如此陳奏而彼時朕

卽不聽其言也張廷玉奏請回見時稱外人
亦有議其將來不得配享者朕問謂誰卽明
指史貽直而言及問以大學士員缺卽奏稱
汪由敦現在暫署將來卽可辦理其意在朝
旣與史貽直夙有嫌隙今經休致則史貽直
獨在閣中恐于伊未便故援引一素日相好
之門生則身雖去而與在朝無異此等伎倆
可施之朕前乎試思大學士何官而可徇私
援引乎更思朕何如主而容大臣等植黨樹

容而正不然伊等有此隱伏形情若不明白
宣示則伊等不知朕保全之深恩而直謂朕
墜諸臣術中而不覺傳之史冊知者謂朕委
曲包涵不知者謂朕爲何如主朕甘受此耶
仍令張廷玉一一明白回奏廷玉覆奏言臣
福薄神迷事皆錯謬致干

嚴譴請交部嚴加議處得

旨大學士九卿議奏尋議廷玉負恩植黨罪
莫可追除

配享盛典不應濫邀無庸置議外應革退太
學士職銜並削去伯爵不准回籍畱京待罪
諭曰大學士九卿所議固屬公論僉同然未
喻朕始終加恩之意所議猶有未協夫張廷
玉之罪固在于不親至謝恩而尤在于面請
配享其面請之故則由于信朕不及此其所
由得罪于天地鬼神也然朕念張廷玉爲耆
舊大臣蒙

皇考隆恩異數優渥逾涯自朕臨御以來加

意矜全曲爲體恤卽今此許令原官致仕許
令配享

廟廷前後所降諭旨及御製詩篇其眷侍之
優崇中外大臣具所備悉本欲保其晚節以
成全美今乃自甘暴棄寔非思慮所及料令
朕意稍有勉強則進退予奪惟朕所命何難
不許其予告其面請配享亦何難却之不從
且又何能逆料其不親來謝恩而故加此種
種格外之恩以爲陷于有罪之地耶乃謝恩

不來次日又來俱令人不解是豈非得罪于
天地鬼神有莫之爲而爲者使之自爲敗露
以爲在朝大小臣工之戒耶夫配享乃恭奉
皇考遺詔朕何悉違觀其汲汲面請惟恐不
得之意直由信朕不及故耳張廷玉事朕十
有四年朕待群臣事事推心置腹而伊轉不
能信忍爲要挾之求觀其如此居心其有不
得罪于天地鬼神者也且配享大典千秋萬
世自有公論得所當得則爲歿世之榮苟其

海
過分叨恩徒足供人指摘何樂之有試思

大廟配享皆佐命元勳張廷玉有何功績勲
猷而與之比肩乎鄂爾泰尙有經度苗疆成
績而張廷玉所長不過勤慎自將傳寫諭旨
朕詩所謂兩朝綸閣謹無過耳而視然濫膺
俎豆設令冥冥有知踧踖惶悚而不能一日
安矣在此平心論之張廷玉實不當配享
太廟其配享寔爲過分而竟不自量度以此
冒昧自請有是理乎及其老也戒之在得豈

有長轉思維惟知自私自利不惟欲得之生
前而且欲得之身後不亦昧不大義乎若但
如大學士九卿所議不准配享而革去大學
士勤宣伯令其在京待罪不知者將謂朕不
許其歸里伯廟而始則謬加之恩終則抵之
罪矣而朕不云乎耶張廷玉忍于負朕朕不
忍負張廷玉朕之許張廷玉予告原係優老
時恩明諭甫降朕不食言其大學士由

皇考時簡用至今二十餘年朕亦不忍加之

美名至專

卷二十一

削奪配享恭奉

皇考遺詔朕終不忍罷斥至於伯爵則朕所特加今彼既不知朕而朕仍令帶歸田里且將來或又貪得無厭以致求予其子者皆所必有朕亦何能曲從至是著削去伯爵以大學士原銜休致但以身後仍准配享

太廟夫以老年予休之大臣志滿意得自恃其必不加罪譴遂至求所不當求而忽其所不當忽必至于罪戾而後已神明之昭鑒可

畏如此大小臣工其可不以此爲戒乎十五年二月

諭曰大學士張廷玉前因朕念其年老許令致仕回籍仍准配享

太廟屢沛莫大之恩而伊並不知感謝恩竟不親至本應如大學士九卿等所議治罪朕以耆老舊臣不忍加之罪譴僅削去伯爵仍以大學士休致邇來詳加體察實乃龍鍾昏憤力不能支當時聞命之下精神短淺或心

思實有未到而非出于恃恩疎節亦未可知
且朕從前降旨乃使爲臣子者曉然于事君
之大義亦不爲張廷玉一人而發之也不然
伊身已退矣朕之加恩保全已將畢乃生矣
豈尙慮其敗官箴而妨政事而不爲之格外
優容乎今中外臣工已具知大義之所在張
廷玉綸閣舊臣宣力年久今日陛辭之際顧
其衰老朕心尙爲憫惻所爲善善欲長惡惡
欲短茲仍特加異數以寵其行賜給御製詩

篇手書二卷御用冠服數珠如意諸物起程之日仍令散秩大臣領侍衛十員往送用示朕優老舊臣之至意時

皇長子定親王慶甫過初祭廷玉卽奏請南歸

上用闕配享諸臣名單

諭曰侍郎管太常寺事任齡安因額駙超勇妻親王策陵配享

太廟位次開單條列具奏朕已另降諭旨辦

理因詳閱配享諸臣名單其中如費英東額亦都諸臣皆佐命元勳汗馬百戰功在旂常是以侑享太蒸俎豆至于今不替卽大學士鄂爾泰已覺過優以此並論益見張廷玉之不當配享其配享寔爲逾分在鄂爾泰尙有開闢苗疆平定烏蒙及經畧邊陲勞績攸著若張廷玉在

皇者時僅以繕寫

諭旨爲職此嫻於筆墨者所優爲自朕御極

十五年來伊則不過旅進旅退毫無建白毫無贊襄朕之姑容不過因其歷任有年如鼎彝古器陳設座右而已夫在昇平日久固無櫛風沐雨躬冒矢石之事可以自見然亦必以德業猷爲有功社稷方足以當之無愧張廷玉曾有是乎上年朕許伊休致回籍伊卽請面見奏請恐身後不獲蒙配享之典要朕一言爲券朕以

皇考遺詔已定伊又無大過何忍反汗故特

允其請並賜詩爲券夫其汲汲如此者直由於信朕不及卽此居心已不可以對天地鬼神矣又何可冒膺侑食之大典乎及其謝恩並不躬親經廷臣議處朕仍加恩寬留原職並仍准其配享且于陛辭之日賜賚優渥並令于起身時仍派大臣侍衛往送伊遂心滿意足急思旋里適遇定親王皇長子之喪甫過初祭卽奏請南還試思伊曾侍朕講讀又曾爲定親王師傳而乃漠然無情一至於此

是爲尙有人心者乎在大臣年老或患病不能任事如徐本任蘭枝楊汝毅等何嘗不准其回籍若張廷玉則不獨任以股肱亦且寄以心膂尤非諸臣可比朕從前不卽令其回籍者寔朕之以股肱心膂視之逾于常格之恩而伊轉以此快快及至許其原官致仕許其配享則此外更無可希冀無可留戀惟以歸田爲得計矣前于養心殿召對奏稱太廟配享一節臣卽赴湯蹈火亦所甘心夫

以一已之事則甘于赴蹈而君父之深恩厚
誼則一切置之不顧有是情理乎使

皇考尙在御見張廷玉今日之行爲亦將收
回成命則朕今日不得不明頒諭旨以勵臣
節張廷玉非但得罪于朕抑且得罪

皇考在天之靈矣且朕賜詩所謂可例青田
原侑廟漫愁鄭國竟摧碑云者劉基在明原
係從龍之佐有帷幄之功而當時配享尙不
免訾議今張廷玉自問果較劉基何若乎至

魏徵撲碑事在身後今張廷玉現在更不待
身後始有定論朕前加恩降旨仍准其配享
台壇諸臣卽應力陳其不當濫廁元勳之列
而乃噤無一語御史非無人卽有所觀望耳
配享一節天下自有公論張廷玉亦當有自
知之明今及其未至身後也正可折中定論
朕豈肯爲唐太宗所爲卽著將此旨並配享
諸臣名单令其閱看自如忖量能否與本朝
配享諸臣比肩並列應配享不應配享自行

具摺回奏到日令大學士九卿等定議具奏
廷玉覆奏言臣老耄神昏不自度量于

大廟配享大典安行陳奏

皇上詳加訓示如夢方覺惶懼難安復蒙

示配享諸臣名單臣捧誦再三慚悚無地念
臣既無開疆汗馬之功又無經國贊襄之益
縱身後忝邀俎豆死而有知益當增愧况臣
年衰識替愆咎日滋

世宗憲皇帝在天之靈鑒臣如此負

恩必加嚴譴豈容更侍

廟廷敢懇

明示廷臣罷臣配享並治臣罪庶
太與不致濫邀臣亦得安愚分得

旨大學士九卿議奏尋議諱按禮經玉公曰
勲國功曰功民功曰庸事功曰勞治功曰力
戰功曰多揆張廷玉平生律以大等無一可
據張廷玉干配享

大典不宜濫邀應請停罷再廷玉種種罪戾

蒙

皇上格外寬宥仍許原官歸里乃竟漠不知
感急欲言旋圖一已歸逸忘

君父隆恩罪實無可再追應請仍革去大學
王職銜以爲大臣負

恩者戒

諭曰張廷玉配享

太廟一節朕之本意並無令其停罷之見二
三年前大學士史貽直曾于面見時議及配

享大典張廷玉不當濫邀朕知伊二人素不相協且漢人中有配享大臣亦足爲臣工之勸是以未經允行及上年許令張廷玉致仕伊卽奏請面見汲汲以配享爲請求一言爲劣朕卽允其請及其謝恩不至經大學士九卿議停其配享朕以

皇考成命早頒仍曲示保全未允廷議在張廷玉卽不知朕心信朕不及而朕之始終加恩不欲停罷配享初未嘗有絲毫成見已可

兵自矣乃張廷玉受千載難遇之恩而毫不
知感齟然自居老臣朕西巡時伊隨眾送駕
乃加恩免罪後初次見朕也伊亦未曾叩首
道旁且毫無惶悚之意仍在皇城內與留京
總理王大臣同列海子接駕亦然其皆眾人
所共見者及陛辭之日朕仍賜令召見意以
伊老臣去國自必有嘉謨讜論規益朕躬合
於陔別贈言之義西無一語及于國家政事
古人居江湖而憂廟廟者固如是乎且奏稱

去冬謝恩不至會令伊子將緣由告知奏事
太監未爲轉奏近日奏事太監有敢以大臣
陳奏之言壅蔽遺漏而不爲轉奏者乎

皇考臨御以至朕躬能容此等奏事太監乎
此在外人或未盡知張廷玉在置機處行走
數十年寧不知之而欲以此委過于不足比
數之小臣大臣居心豈當出此乎及遇皇長
子之喪甫過初祭卽奏回南于君臣大義及
平日師傳恩誼忽然不以動心其意不過以

志願已遂更無可圖惟以歸榮故里爲急人
臣如此存心于國家無幾微繫屬依戀國家
安賴有此臣也夫遭皇長子之喪迫不及待
欲歸故里在張廷玉則爲悖于大義在朕視
之仍屬小節朕非因小節而督責去位之臣
然于小節如此又安望其臨大事而能竭力
致身乎在張廷玉老邁歸田豈更望其出之
而我大清國億萬斯年君臣一體休戚相維
之誼所關甚大不可不剴切明示以正名教

之大閑且張廷玉去志本不始于今日當有
訥親時伊卽屢在伊前從憲代奏訥親不敢
明爲奏請而時時流露其意彼時張廷玉尙
未能鍾豈一二年亦不能待而營營思退者
蓋自揣志不能進門生親戚之素相厚者不
能遂其推荐扶植之私所積貲產又足贍身
家是以伊十餘年來僅以旅進旅退容默保
位爲得計及一一獲滿所願輒圖遂引退朕
向之曲示優容者則以

皇考所貽卽古器亦加珍惜何況舊臣然亦以其原無大過耳今旣獲矣種種寔乃得罪皇考無可復加原宥適因伍齡安之奏閱配享功臣名单益見其不可濫邀是乃天理昭彰不容倖竊非分朕雖欲屈公議以全初念亦有所不能也况配享大典不但酬庸寔以示勸在朕初無成心鄂爾泰張廷玉同奉配享之

詔鄂爾泰在生時朕屢降旨訓劄較之張廷

至尙爲嚴切此亦在廷所共知者然以其大
節不虧終始克全自應叨榮勿替而張廷玉
居心行事如此若仍令濫膺俸食誠不足以
服公論不足爲天下後世臣工之勸卽朕亦
何以仰對

皇考在天之靈著照大學士九卿所議罷其
配享至朕于張廷玉已格外加恩所議革去
大學士職銜之處仍著寬免先是御史儲麟
趾叅奏四川學政朱荃匿喪赴考八月

諭曰朱荃在四川學政任內匿喪赴考賄賣
生員並勒索新生規禮賍私纍纍寔是近年來
學政所未有伊乃大學士張廷玉兒女親家
其敢干如此狼籍婪賍明係倚恃張廷玉爲
之庇護且查朱荃爲大逆呂留良嚴鴻達案
內之人倖邀寬典後復實緣荐舉冒玷清華
本屬衣冠敗類大學士張廷玉以
兩朝元老嚴鴻達之案繕寫
諭旨皆出其手豈不知其人乃公然與爲姻

新是誠何心在雍正年間伊必不敢如此卻
在伊平日謹守遠禍之道亦不當出此而漫
無忌憚至于如此其負

皇考聖恩爲何如其藐視朕躬爲何如張廷
玉若尙在任朕必將伊革去大學士交刑部
嚴審治罪今既經准其回籍着交兩江總督
黃廷桂于司道大員內派員前往傳旨詢問
令其速行明白回奏再將諭旨張廷玉深負
三朝眷注之恩卽其不得行私而後歸之一

念已得罪天地鬼神朕尙欲全其晚節今乃
種種敗露豈容冒叨
寵賚所有歷來承受

恩賜

御筆書籍及尋常賞賚物件俱著追繳時

命內務府總管德保往查德保併廷玉家產
查辦

上以所辦錯悞

命給還其家產以蠶池口住房爲

聖祖仁皇帝賜原任大學士張英仍聽其子
孫居住長回獲國寺官房廷玉覆奏言臣貪
罪滋深天禱其魄行事顛倒自與朱基結親
以至今日如在夢昧之中並無知覺今伏請
上諭如夢方醒恐懼驚惶愧悔欲死復有何
言乞將臣嚴加治罪得

旨該部嚴察議奏吏部議革去職銜交刑部
定議以爲負

恩玩法者戒

諭曰張廷玉身荷

三朝厚恩罕有倫比且膺配享

太廟之曠典宜何如感激報効以盡匪懈之
誼卽年已衰憊亦當依戀闕廷鞠躬盡瘁不
忍言去乃伊平時則容默保位及其旣毫不
得復行已私但思歸榮鄉里于君臣大義遂
愬然置之不問以如此存心不惟得罪于朕
並得罪于

皇考是以天地鬼神顯奪其魄俾一身居心

行事至此盡行敗露情罪寔屬重大卽褫其
官爵加以嚴譴亦不爲過至黨援門生及與
呂留良案內之朱荃聯爲兒女姻親之罪在
伊反爲其小焉者矣旣經罰鍰且令追繳

恩賜物件已足示懲若又如該部所議革職
治罪在張廷玉忍于負朕自所應得而朕心
仍有所不忍著從寬免其革職治罪以示朕
始終矜宥之意二十年三月卒遺疏入

諭曰致仕大學士張廷玉歷事

三朝宣力年久勤勞夙著受恩最深前以其
年屆八旬精神衰憊特加體恤准令退休寔
朕優念老臣本懷至于配享

太廟一專係奉

星考出宗憲皇帝遺詔遵行而恩禮攸隆則
非爲臣子者可以要請及朕賜詩爲券又不
親赴官門謝恩自不得不示以薄譴用申大
義今張廷玉患病溘逝要請之愆雖由自取
皇考之命朕何忍違且張廷玉在

皇考時勤慎贊襄小心書諭原屬舊臣宜加
優恤應仍謹遵

遺詔配享

太廟以彰我國家酬獎勤勞之盛典尋

賜祭墓如例論文和四十四年

御製懷舊詩列諸五閣臣中

詩曰風度如九齡祿位兼韋平承家有厚德
際

主爲名卿不茹還不吐旣哲亦調明述

自信無二萬言頭刻成籍

皇祖實錄記在能盡誠以此蒙

恩眷

顧命配享行及予之蒞政倚任原非輕時時
有蒼囊休哉國之楨懸車廼故里乞言定後
榮斯乃不信吾此念詎宜萌臧武仲以防要
君聖所評薄懲理固當以示臣道貞後原與
配食

遺訓敢或更求享彼過昭仍享吾意精斯人

而有知猶應感九京五十年

御題廷玉三老五更議曰戊戌年爲三老五
更說亦旣闢其椿殿而勒之新建辟雍之碑
矣今秋駐避暑山莊檢讀書之四座手書丙
文穎集中有三老五更議之篇而挂漏其名
因命檢文津閣之書乃知爲張廷玉所撰悞
然憶之事在乾隆戊午爲二十七月旣闕諸
禮畢舉之時于視學之前曾向軍机大臣等
談及三老五更而諮其可行與否彼時鄂爾

忝依違其間張廷玉則斷以爲不可于是奏
恠說可遂張其說蓋鄂爾泰固好虛譽而近
於驕者張廷玉則善自謹而近于懦者且二
人彼時皆可望登此席者也以今觀之則廷
玉之議爲當設爾時勉强行之必有如廷玉
所謂滋後人之議者矣若朕戊戌之所爲三
老五更說戊戌去戊午歷四十年其事早已
忘之蓋戊午朕方二十八歲而戊戌則六十
有八此亦足驗四十年間學問識見之效而

年少時猶未免有好名泥古之意至今則洒然矣茲觀廷王之議與朕之說不約而同倒之前旌焉因命並勒辟雍碑以識已學之淺深及弗掩人之善也夫廷王既有此卓識何未見及朕之必不動于浮言豈遵

皇考遺旨令彼配享

太廟而臨休致歸里時乃有求入

廟之請此所謂老衰而戒之在得乎朕又以廷王之戒爲戒且爲廷王惜之廷王弟廷璐

康熙五十七年一甲二名進士授編修雍正
元年正月充福建鄉試正考官尋遷右中允
充

日講起居注官五月擢侍講學士提督河南
學政二年九月以封邱縣生員罷考事革職
尋授侍講三年擢國子監祭酒疏請

敕將軍提鎮轉飭所屬將弁每朔望齊集兵
丁宣講

聖諭廣訓下部議行尋遷少詹事十月充武

會試正考官五年遷詹事七年提督江蘇學政八年四月疏言向例學政衙門發各州縣循環簿遇生員告狀作証者填註按季繳換以憑查考而州縣往往視爲具文且簿內但言詞訟不及錢糧應飭各學將文武生員及貢監造簿送學鈐印發回各州縣于理事時生監令本人于簿內姓名下親書年月爲某事到案並着花押至應納錢糧若干已完若干一併註明申送則詞訟多寡錢糧清欠案

簿瞭然庶優劣易定而勸懲可施矣部議從之十年六月充浙江會試正考官十月學政任滿

命留任十一年六月擢禮部右侍郎十三年十月

命仍留江蘇學政任乾隆元年

諭祭大學士張英子本籍

命廷璐就任所回里舉襄興禮四年九月充武會試副考官六年充江西會試正考官九

年四月自陳年老

語以原品休致十年八月卒廷錄雍正元年
進士改庶吉士授編修六年充

日講起居注官九年遷左贊善十年遷侍讀
尋擢侍講學士十一年疏陳嚴禁賭具責成
同居父兄伯叔互相覺察容隱者照竊盜同
屠例治罪出首者除不連坐外本犯罪准酌
減得

旨嘉獎交部議叙又陳各部院摺奏奉

旨准行後將原摺并

諭旨錄送內閣俾得按年查閱各部院書吏不能漏誤檔案亦無闕畧下部議行尋請侍讀學士十二年遷詹事擢工部右侍郎十三年十月恭纂

世宗憲皇帝實錄充副總裁乾隆元年充會試副考官三年

命辦理

福陵限工專四年正月轉左侍郎七月以工

竣歲叙加二級五年提督江蘇學政九年五月調補內閣學士六月充江西鄉試正考官十一年以病乞休

命回籍調理二十九年卒廷玉長子若靄雍正十一年進士

廷試卷進呈

諭曰諸臣進呈殿試卷朕閱至第五本字畫端楷策內公忠體國一條語極懇摯頗得古大臣之風因拔置一甲三名諸臣皆稱爲允

當及拆號乃大學士張廷玉之子張若靄朕
心深爲嘉悅蓋大臣子弟能知忠君愛國之
心異日必能爲國家抒誠宣力大學士張英
立朝數十年清忠和厚終始不渝張廷玉朝
夕在朕左右勤勞翊贊時時以堯舜期朕朕
亦以堯舜期之張若靄稟奉家教兼之世德
所鍾故能若此非獨家瑞亦國之慶也因遣
人往諭張廷玉使知朕責出至公非以大臣
之子有意甄拔乃張廷玉再三懇辭情詞懇

至朕不得不勉從其請著將張若靄改爲二甲一名以表大臣謙謹之誠併昭國家制科盛事五月授若靄爲編修十三年六月充日講起居注官九月入直

南書房乾隆二年遷侍講四年授侍講學士尋丁母憂服闋補原官八年三月遷通政司右通政七月遷光祿寺卿十月擢內閣學士十一年

土西巡若靄扈從以病回京卒

諭曰內閣學士張若靄在內廷行走十餘年
小心勤慎能恪遵伊父大學士張廷玉家訓
深望其將來尙有可成今秋扈從于途次患
病隨遣御醫調治且令先回冀得痊可以慰
伊老父之心不意遽聞溘逝深爲憫惻伊從
前曾襲伯爵因與定例未符是以今在本任
供職今著加恩照伯爵品級賞銀一千兩村
理喪儀

賜祭一次次子若澄乾隆十年進士改庶吉

士

命在南書房行走十二年授編修累遷至內閣學士三十五年卒少子若淳現官內閣學士

李衛列傳

李衛江蘇銅山人由捐納員外郎於康熙五十六年授兵部五十八年遷戶部郎中六十年十月授直隸驛傳道未赴改雲南驛鹽道雍正元年管理銅廠二年擢布政使仍兼

理鹽務

上以循褊躁尙氣

訓之曰近有人奏汝恃能放縱于督撫上司
前相率無禮操守亦不能純間有巧取處若
如此行爲則大負朕之倚在嗣後極宜謙恭
持已和平接物川馬古重之收受俱當檢點
兩面欽用牌不可以已乎是皆小人逞志之
態何須乃爾其克謹克慎毋忽尋衛以不避
嫌疑奏

諭曰不避嫌疑與使氣凌人驕慢無禮判然
兩途弗相交涉汝宜勤修者惟涵養二字最
爲切要務須勉爲全人方不有負知遇殊恩
書云習與性成若不痛自刻責未易改除將
來必以此受累後悔何及諱切訓誨寔由朕
衷有則改之無則加勉當時刻自檢也三年
授浙江巡撫

陞見時塞江南朱家海決口

命衛便道至清江浦與河道總督齊蔣勅議

河工四年三月奏言遵

旨與齊蕪勒相見知決口已合龍因詢以此
番決口全河俱由朱家海歸洪澤湖恐沙淤
墊湖底據稱勒於懶沙不能遠至洪澤湖當
至上流三處小湖而止臣問三小湖既與洪
澤相連又在上流乃大湖支派受分水洩之
淵藪若墊高家來洪澤高水漸少且由近及
遠再遇水發仍填入湖壘勢陡且險尙當蓄
蓄水處爲是伊云別無善法惟如防期不至

決口臣又問治河當借急湍之勢以濬洩下
流疏通海口爲要抑或專顧衝決堅牢工程
爲主據稱海口緊要上年我於清口築堤甯
口甚狹令其敵黃並借二水之勢將清江迤
東河底刷深海口亦無阻滯臣觀齊蘓勦操
守學問甚優辦事不避勤苦但無好官相輔
兼自負過高不納眾言疏入

報聞六月奏言浙江戶口繁多米不敷食四
川產米甚多川江直抵湖廣盤運亦易請照

仁和場之仁和倉及許村等八場向有沿海灘蕩給丁推刮卽以每丁應納之課攤于所給之地計畝徵收其仁和場之錢塘倉西路等九場北監場之夾門華嚴二倉黃岩等六場白沙岳頭二倉原無給丁蕩地者或暫令各丁照舊輸納其丁多蕩少者或于舊稅上加攤灶丁蕩戶俱有苦累須清查陞漲抵補請將許村等場新陞蕩地稅銀抵餘前報暫攤並無地可攤之丁銀如續有漲坍地蕩照

例增減又疏言浙省私販出沒之所海寧海
鹽平湖桐鄉爲最而海寧之長安鎮乃其設
中孔道請專設千總一兵百分巡隘口再撥
撫標兵百千總一協緝各場官俱係徵員不
能杜弊請以候選同知通判州縣等官分發
各場專其責成俟有成效題請照原銜謹用
又疏言江南蕪松常鎮四府食鹽例消浙引
鎮江接壤兩淮僅隔一江私販易干偷渡致
浙鹽壅滯請令常鎮道督同鎮江府海防同

知京口將軍標副將鎮江城守叅將嚴拿水陸私鹽仍禁官弁兵役勒指俱下部議行五年二月奏修海寧縣浦兒兜草堤老塩倉此家堰草塘海塩縣閩餘等字號石塘蕭山縣鎮湖庵王家池聞家堰一帶石塘錢塘縣午山一帶仁和縣總管廟前各坍塘十月及奏修海寧縣沿海東西塘俱從之十一月授浙江總督管巡撫事六年三月奏言浙江交界積窩惡賊查拿甚多頗有屢犯漏網大盜緣

地連兩省每致影射作弊如浙江究出夥賊姚二姚天生兩犯咨江南震澤縣提拿竟以奮身起解爲浙省押往認識之張德隆指破而此案經江南督臣范時繹留審未得歸浙並究今查出狗庇首犯舉人全士吉等已質明有據請褫薙嚴審並提齊江南所留案犯窮究兇刃剪除窠穴以期靖盜安良得

旨嘉獎御海玉環山界連台前太平縣温州樂清縣周七百里餘有田千餘萬畝山巽平

衍土性肥饒前浙閩總督滿保因地隔海次
防範難周屢禁開墾衛委員查勘見其田可
耕各舉口潮水侵灌成灘者可煎鹽其要隘
又可防查洋匪奏請設兵增戍聽本省近地
民取結往墾

上允所請至是條奏經理玉環山各事宜一
請設玉環清軍餉捕同知一員將太平縣界
之禁門老峯南塘北塘芳杜東巒密溪洞林
樂滿縣界之盤石蒲岐黃大巒狀元巒茅埏

等處但歸管轄裁樂清縣驛丞改設巡檢聽
同知差遣一玉環山田逐一丈明給太平樂
清兩縣民人籍管業其附近玉環有願入籍
栽種者準一體編入保甲所墾田卽于本年
起科分上中下則納賦一按畝徵收本色其
濱海潮溼地折穀收貯餘米許民運售溫台
等處給票查驗毋得私販出洋一玉環可耕
之田向有堤塘捍衛年久傾圮應听民自行
修建或借帑承修秋收還項一玉環設泮置

官所需用多查各魯有捕魚船應給牌查驗其濱海鹽戶亦編入保甲並灶聚煎官收官賣所有魚鹽稅銀卽充各項公用俟經理完備後解歸藩司蓋政一玉環立左右二營歸温州鎮轄設叅將一守備二千總二把總四兵九百以左營爲陸路右營爲水師其弁兵卽裁盤石營水師將弁及原額兵並于太平樂清大荆等營就近分撥以符新置弁兵之數其舊隸黃岩磐石兩營防守之陸路並磐

石營原管之洋面籍隸黃岩之洋汛俱歸玉環管轄下部議行五月以清查馬廠等事與將軍鄂彌達爭論具疏自辯

士諭以識見通達爲貴勿狹勿滯六月疏言鄞縣大嵩港灌民田數萬畝日久淤淺且無支河蓄水請疏通嵩港于港口建埧分濬支河於通海之橫山頭等處築土塘並石閘六又鎮海縣之靈岩六邱二鄉有浦口通流入海閘已圯廢應築塘修閘以資蓄蓄洩又定海

縣初名舟山曠田甚多不無隱古應委員查
丈清理並從之七月

諭曰江南蕪松等處盜風不息巡撫陳時夏
不能嚴拿懲治總督范時繹戢盜之才亦覺
不足朕深爲廕念李衛於浙省盜案畱心緝
捕不致漏網甚屬可嘉着將江蕪所屬七府
五州一切盜案俱令李衛管理文武官聽其
節制調遣尋疏言紹興府屬之上虞縣沿海
田潮汝浸削坍沒五十餘畝業戶有賠納錢

糧之累而縣屬之夏蓋湖周百餘里漲淤成
田者已飭文明許民自首認業請將墾田除
額新墾陞科庶賦永清如所請行蘓松逼
近海濱向受潮患廷議築松江石塘三千八
百餘丈並將接段土塘盡易石

上以江南督臣范時繹辦理未協令衛查議
具奏備赴工履勘覆奏松江海塘已築二千
四百餘丈不必拆改未築者應倣浙江海鹽
舊塘建築已築完者鱗次居中無庸更加高

厚土塘附石塘後宜一例高厚每年派員歲
修東灣至周公墩張家舍至倪家路俱距海
甚近應先建築金山嘴老土塘至東華家嘴
原報丈尺未確應依營造尺估計舊塘坍石
應旁築新塘疏入得

旨依議仍令衛會同江南督撫稽查辦理是
月奏言臣籍隸江南徐州族繁丁眾有堂弟
李懷瑾李信枝臣因其放縱不循理法行文
淮徐道拿解來浙懲以家法圈禁在署族人

交口騰謗甚有欲改姓氏爲加罪之地者臣
除高拿盜諸事獲罪于范時澤而奉

命議河工又與齊蘓勒不無芥蒂皆臣本籍
大吏恐因家事致心跡難以自明

諭曰范時澤乃不足置論之人齊蘓勒之有
芥蒂大抵因前歲赴任中途相晤奉旨論河
時微啓豐端或係汝與接待之際體貌疏慢
所致其過不在齊蘓勒也朕意舉凡此等形
迹皆不必繫念人事參差不齊何能計較緘

悉無遺况審辦公私最爲不易信向日於鄰
里鄉黨間先存曲嫌小憾則又當一論朕每
言公中私中公樞機正在於此其中原委
旣不確知難以批諭是非當否也十二月
上以衛畱心營務凡江南軍政舉劾

命衛同范時繹等辦理是月

遣侍郎王機彭維新往江南清查積欠錢糧
亦令衛與聞七年四月加兵部尙書銜尋疏
請復設江南南淮縣下砂二場浙江黃岩縣

杜瀆場永嘉縣永嘉場場官各一裁江南金山衛浦東場官一又請增設台州府屬之海門前所家子三江口新亭葦安道頭江口等汛砲台巡船俱從之五月

陞見未及回任丁母憂

命在任守制十月加太子少傅十二月疏言海寧海塘東至尖山西至翁家埠綿亘百里皆臨大海今南岸潮頭直射北面護沙刷洗無存一線草塘不能禦全海潮勢請於西塘

內自荆煦廟至草庵就舊有草塘淤進二三丈砌築石工東塘於陶文港小文前薛家渠及二十里亭等處分築挑水盤頭大草塘五使水勢稍緩可引漲沙漸聚其年遠塘石各塘酌量加高培厚下部議行先是衛

陞見時奏清口之西

聖祖仁皇帝所建

御項今較短窄應加築

上以詢河道總督孔毓珣珣則稱此坦遞年培

欽定四庫全書
卷之二十一
五
樂較原建丈尺已增至是

特發毓珣原摺示衛衛奏臣並未親經其地
失言咎寔難辭

上訓諭之八年二月疏言嘉興秀水二縣舊
有民捐義田餘租學臣周清源題請官徵備
賑租有定額窮佃苦累並累及原捐之後裔
請諭免年久未完銀米將田分別歸社永免
官徵又疏請移寧波府同知駐鄞縣之大嵩
海口四明驛驛丞駐鄞縣之甬東岑溪司巡

檢駁定海縣之岱山沈家門爲定海咽喉增
設沈家壽巡檢並從之是時江寧有張雲如
者以符咒惑人謀不軌備遣弁密緝得其黨
甘鳳池陸同在蔡思齊范龍友等私相煽誘
狀令効力遊擊馬空北賈文提拿張雲如而
范時繹及按察使馬世炘回護失察咎又會
與雲如往來輾轉關查不解且賄空北稟飭
備具疏劾之四月

命尚書李永陞赴浙會鞠得寔時繹解任世

灼斬監候空北杖流雲如及鳳池同奄思齊
龍友各提斬如律九年三月條奏江南蕪州
府營制事宜一胥閭二門五方雜處請增蕪
州城守營守備一把總二分泚駐防並移蕪
州廐經歷駐社壇一蕪州舊設城守二營請
將左營改爲中營以新設之守備爲左營將
浙墅關把總一外委把總一及原防兵歸併
管轄以成三營一胥閭門外應增水陸防泚
請將提督塘撥兵百二十巡益兵二十壯丁

五十撥入本當勳分水陸駐防一海關之
東黃埭一膏向設巡船二應給腰牌爲憑如
無牌冒充巡役文武官嚴行查究一蕪州染
造青藍等布踰坊四百餘處踰匠不下萬人
詞設甲長坊長互相稽查其踰匠著落包頭
取結存案十一月奏修浙江海寧縣鎮海塔
前等處坦水海塩縣南首三澗寨一帶險泥
平湖縣獨山東西石土各塘錢塘縣徐村梵
村等處坍塌江塘並從之十年閏五月署刑

部狗書九月授直隸總督十月

命節制直隸提督等官十一年八月疏言獨
石口邊城外河西請造逼水堤並東西雁翅
二道張家口邊城外舊有土堤請增高三尺
改石堤九月疏言直隸地方遼闊州縣事繁
佐雜官應酌量增改請於故城縣鄭家口景
州龍華鎮河間縣景和鎮光魏村獻縣韓村
南皮縣舊縣鎮滄州孟村呂家橋益山縣楊
二莊青縣杜林鎮天津縣葛沽西沽等處各

增設巡檢一東明縣杜勝集復設巡檢一又
請移臨州州判駐彭城鎮河間縣管河縣丞
駐張名莊清河縣管河縣丞駐由坊鎮直隸
巡檢職銜下部議行是月衛疏叅戶部備書
署步軍統領鄂爾奇壞法營私荼制擾民各
款

詔革鄂爾奇職

命果親王偕侍郎恭鶴立海望等秉公審理
尋訊得實請加佞治罪

上以鄂爾奇係大學士鄂爾泰弟今鄂爾泰
裨益政務甚多省鄂爾奇罪衛議敘加一級
十月疏言直隸百四十餘州縣守巡則有口
北霸昌二道請復設大名道駐劄原籍轄大
名順德廣平三府其屬內河道工程悉歸管
轄各河道向專管水利今請令清河河道兼管
保定正定二府並原分之直隸五州通水河
道兼管通勤遵化三州三河武清寶坻寧河
四縣及永平一府天津河道兼管天津河間

二府又請增設保定府同知一糧捕通判一
駐保定天津府糧捕通判一分駐滄州十一
月疏言易州秦寧山太平峪恭建

萬年吉地山西廣昌縣之草橋店七村在內
垣近障之中宜敬謹保護請改易州爲直隸
州以保定府之涞水縣山西之廣昌縣隸之
並將廣昌之草橋店七村改隸州界以肅拱
衛十二年正月條奏運河事宜一直隸故城
縣與山東德州衛武城縣毗連係運河東注

轉漕之處向未築堤水發卽溢請以工代賑
趙築土塘堤一直隸山東運河交界各州縣
大牙相錯遇命盜案件互相推諉請定地界
撥換以專責成三月疏請將直隸晉州及州
屬之無極藁城三縣定州屬之新樂縣俱隸
正定府轄保定府之深澤縣隸定州轄增設
正定府平山縣洪子店巡檢一下部議從之
四月

諭曰近有人謂臬任性使氣動輒失口肆詈

請言之戒朕屢經諄訓不啻再三丈夫立身
行已於此等小節不能採持尙何進德修業
之可期後當竭力峻改時自檢點勤加從容
涵養之功漸融粗猛傲慢之習則誇毀不興
自消矣十一月疏言京師五城及巡捕京營
所管地方與州縣交錯人命案件未免彼此
交接請將附近京城地方酌定地數統歸五
城及京營轄其附近州縣及外營交錯地方
俱改正歸併分晰界限使內外交武不至牽

卷之二
言
諉下部議行乾隆元年三月疏言喜峯口外
之入溝與喀喇沁接壤其民事件向歸理事
通判管理後增設喀喇沁同知及承德州知
州分理不無牽制請將通判管轄之附近喀
喇沁地方如入溝龍鬚門等汛族民案件俱
歸喀喇沁同知其餘汛屬族人案件併歸熱河
同知民人案件歸承德州知州分管入溝通
判請移駐蒙古四旗適中之土城子地方土
城子及黃浩屯各增設巡檢司千總一馬兵

十五步兵二十五白虎溝設把總一馬兵五
步兵十郭家屯大閣兒各設巡檢一馬兵十
步兵二十上黃旗設把總一馬兵十步兵二
十俱聽通判管轄喀喇沁增設千總一馬兵
十步兵二十聽入溝同知節制統歸河屯營
兼轄至河屯營之下板城熱河之中關各設
把總一馬兵十步兵二十俱歸河屯營恭將
管轄設承德州州同一改遷安驛丞爲巡檢
以西河司巡檢駐鞍匠屯俱從之四月兼管

直隸總河先是直隸營田設觀察使二員督率稽查至是

上命裁觀察使

勅備派道府大員兼理詳議具奏備以營田數處京外三十七州縣請交名州縣收管以專責成如本任事繁委所屬佐貳助理本營知府暨直隸州知州就近稽查順天府屬營內四路同知分轄通永霸昌天津清河大名五道各按所屬營田統率經理督臣藩司不

時考察如州縣實力督課著有成效准照卓
異例不論俸滿卽陞怠忽者叅處其豐順霸
州天津永年新安玉田文安大城磁州等州
縣營田最廣缺出請於熟習水利各員內揀
選具題調補下部如所請行二年正月奏誠
親王府侍衛庫克于安州民爭控淤地一案
赴州囑託顯有指冒詐騙情弊
上嘉其執法秉公

特賜四團龍服七月奏報蘆溝橋良鄉固安

永清東安等處水災

上命於天津北倉截漕五十萬石酌撥被水
州縣以備賑恤三年四月奏言滄州青縣桃
濬磚河估用旗民地畝其類銀應請造冊開
除並炤濬武清縣筐兒港壓估地畝之例按
畝給價部議從之九月疏奏直隸總河朱藻
挾詐誤公貪劣名款又藻弟革職廣寧縣知
縣蘅輒敢以私書挾制地方官干預賑務奏

入

命尙書公訥親及尙書孫嘉淦會鞫得實革
藻職擬杖流衛擬杖十月衛卒

諭曰李衛才猷幹練實心辦事宣力封疆勇
往直前無少瞻顧畿輔重地正資料理前聞
患病准其解任調理特遣太醫診視頒賜參
藥異其痊可今聞溘逝深爲悼惜應得恤典
察例具奏尋

賜祭葬如例諡敏達五年直隸總督孫嘉淦
奏請入祀直隸名宦得

旨俞允並

諭入祀賢良祠四十五年三月

諭曰朕巡幸江浙臨莅杭州見西湖花神廟所塑神像及後樓小像牌字俱書湖山神位其像雖大小面貌相仿聞係李衛在浙時自塑此像托名立廟是以後樓並有正夫人及左右夫人像甚爲可異李衛於督撫中並非公正純臣在浙江無甚功德於民間其仰借皇考恩眷頗多任性驕縱之處設使此時尚

在猶當究治其愆豈可令其托名立廟永享
祭祀所有廟中原像著該督撫撤燬另塑湖
神之神像以昭信祀

漢名臣傳卷二十終

漢名臣傳卷二十終

六

續修四庫全書

卷二

漢名臣傳卷二十一

南天祥 秦蕙田 王無黨 董芳

王萬邦 楊國華 任舉 蔡成貴

楊超會 仲永檀 劉綸

南天祥列傳

南天祥雲南昆明人由行伍拔補把總康熙
三十一年遷千總四十一年遷貴州普安營
守備四十五年調雲南武定營守備五十一
年遷永北鎮右營遊擊五十五年調督標左

營遊擊五十八年調永北鎮中軍遊擊五十九年三月總兵馬會伯檄率兵由石鼓至察木多合定西將軍噶爾弼大兵進征西藏七月至拉里八月取墨朱工喀又隨會伯赴防楊八井等處天祥俱在事有功六十一年陞雲南廣羅協副將雍正元年議叙平西藏功加十等授都督同知三年擢雲南開化鎮總兵四年丁母憂

命在任守制天祥原籍陝西鄉里失久至是

奏奉

旨入籍雲南六年以西藏台吉頗羅鼐計叛
人阿爾布巴等西寧大兵進藏天祥奉總督
鄂爾素椒駐葦木多以壯聲援七年師旋調
鶴麗鎮總兵十年擢江南提督十一年正月
疏言軍器鳥鎗爲先火藥最關緊要下江各
營除每年製備供操外其間有稍存貯者有
全無存貯者查督標中左二營天江寧城守
營蘇撫標左右二營及城守營京口水師標

左右二營及鎮江營爲省會海疆重地應備
火藥五年其漕標河標臣標與崇明狼山兩
鎮標暨各協營凡屬沿江沿海者俱爲扼要
之區然地潮濕而恐易黷應備火藥三年
內地僻處如溧陽平望常州及孟河靖江泰
州泰興等營擬量加添造共應造火藥十四
萬九千四百餘觔動支司庫存公銀採辦硝
磺恐一時難悉請于緊要各營先辦餘以次
製備從之七月因陳奏買補營馬扣存崩銀

一案辦理錯謬部議降二級調用得

旨從寬爾在十二年

諭曰江南提督南天祥自到任以來平庸因循凡所奏對甚不妥協着降署宣化鎮總兵十三年移署大同鎮總兵乾隆元年復授江南提督四年疏言沿海各營駕船巡洋卽以船爲棲止非如陸路官兵偶逢調撥須用帳房况近來帳醜裹夾做其價加倍如按兵製造糜費儘極徒供繳爛請令沿海水師各營

除親丁供糧外悉照現兵寔數減半製造節
公糧而免朽蠹從之六年

上以天祥聲名平常

命總督楊超曾訪察超曾奏天祥明習營制
而愛憎任情不能無私得

旨休致天祥尋卒

秦蕙田列傳

秦蕙田江蘇金匱人乾隆元年一甲三名進
士授編修

命南書房行走六年充順天武鄉試副考官
七年

命尙書房行走八年閏四月遷侍講六月遷
右庶子八月遷右通政十一月擢內閣學士
十年遷禮部右侍郎十二年五月丁本生父
憂十三年四月奉

旨秦蕙田服制將滿着仍以禮部侍郎調用
十五年調刑部侍郎二十九年充

經筵講官二十二年正月擢工部尙書四月

署刑部尚書七月疏言工部為工程總彙辦
法難易不同委辦司員每意存趨避請照刑
部現審案件筆籤均派之例將應派各員設
名簿以工程大小分別等次一百兩以上滿
即中員外籤掣三十兩以下筆帖式籤掣仍
註簿堂官留心體察功過示懲勸得
旨允行二十三年正月調刑部尚書仍兼管
工部事尋加太子太保四月疏請將各省流
丐遞籍編甲收管以清逃盜之源

寺馭正不改卽行題叅如院寺扶同朦混草
率從事一併處分疏入

命九卿議行九月

諭祭賢良祠大學士張英于本籍准延玉馳
驛回籍舉行典禮

賜帑金萬兩爲祠宇祭祀費並
賜冠帶衣裘及貂皮人參等物

頒內府書籍五十二種與其家十二月廷王
奏言臣行經直隸州縣迎河窪地遭水已蒙

賑濟其中尚有災重之處積潦未消難以種
麥明歲青黃不接民食倍艱請

勅督臣確查加賑一月再查該地方應修工
程酌議舉行俾窮民得備工餬口得

旨允行是月會典告成議叙加二級十二年

二月廷玉回京

上遣內大臣戶部侍郎海望迎勞於蘆溝橋
頒賜酒膳十三年正月充

皇清文穎總裁八月

諭曰秦蕙田以現在病未尙痊奏請開缺給假回籍就醫着照所請准其給假南旋既可乘便就醫而江鄉水土于伊調攝自必相宜可以日漸痊愈刑部尙書不必開缺其事務着劉綸兼署九月卒于途遺疏入

諭曰秦蕙田奉職西曹恪勤素著前以患病告假准其回籍就醫尙冀痊可茲聞在途遽逝深爲軫惻應得卹典已飭部查例具奏著再加恩賞給銀一千兩經理喪事以示優卹

尋

賜祭墓如例諡文恭三十年

聖駕南巡幸寄暢園

上憶及蕙田

御製詩有養痾旋里人何在撫境愀然見此
間之句

王無黨列傳

王無黨直隸萬全人康熙五十一年武進士
授藍翎侍衛五十九年授廣西梧州協中軍

都司雍正元年遷雲南開化鎮標右營遊擊
六年調中營七年遷東川營叅將九年協勦
烏蒙餘孽議敘功加二等十年四月遷廣西
梧州協副將十一月援勦貴台拱九股叛苗
由清江左路與中右兩路兵會勦南工交上
烏覺交烏羅番招蓮花屯一帶賊巢事竣還
營十二年擢左江鎮總兵十三年四月九股
苗復叛無黨馳抵古州分兵赴八寨督勦又
清理八弓邛水一帶十二月經畧張廣泗檄
莫召至專

無黨分攻台拱之大台雄克之及交上等三十餘寨擒逆酋巴利等尋會收牛皮大箐敘功紀錄一次乾隆元年五月署貴州提督隨廣泗剿撫上下九股各處餘孽二年二月實授貴州提督閏九月疏陳黔省急務四事一黔地瘠產米少下游可運楚米上游並無水道積貯最要米穀外請並收蕎麥再動帑廣常平倉貯貴糶賤糴以濟民食一城垣殘缺者宜修全無者宜築責成地方官迅辦保固

一墩台塘房請立限修整文武離任時入于
交代一川販掠賣人口有夥黨拒捕者請嚴
定地方文武失察故縱處分下部議行三年
間廣泗奏言定番州屬有姑盧寨苗恃險強
橫臣等量遣官兵撲滅其地在都勻定番界
苗狎環處從未見兵威與其兵少而稽遲不
若兵多而迅速酌撥漢土官兵三千餘分路
燬逆寨搜深箐擒首惡老排旬餘軍務全竣
諭曰姑盧頑苗雖屬小醜然不速行撲滅恐

爲附近居民之累張廣泗王無黨辦理妥協
可嘉著交部議敘尋議加一級四年

陸見

賞孔雀翎六年四月調湖廣提督時貴州黑
崗頭苗滋事大學士伯鄂爾泰以無黨在黔
年久熟悉苗情奏明畱辦軍務十二月赴新
任八年

諭曰朕聞湖廣營伍甚屬廢弛提督總理通
省軍務操練修整是其專責王無黨到任已

及二年全無整理亦未將營伍情形奏聞殊屬不合着交部察議尋議革職得

旨從寬留在九年疏言荆門營守備于康熙二十八年移駐沔陽新堤查緝江湖竊盜十二年又增撥水師把總一員近來宵小潛踪無需守備防範且距本營水程七百五十里陸路八百餘里鞭長莫及請撤回其于總仍帶原兵隄防

報聞十二年疏言湖南候補千總之武舉缺

少人多請將年力才技漸就衰退者報部註
冊部議從之十三年二月以狗庇提標兵來
民人失火拾衣物部議請革職

命調取來京引見十四年補湖南沅州協調
將十七年遷雲南楚姚鎮總兵十八年署提
督十九年擢鑾儀衛鑾儀使二十年授福建
漳州鎮總兵二十四年遷浙江提督二十七
年以目疾解任回籍調理二十八年卒
賜祭墓如例諡壯愨

董考列傳

董芳陝西咸寧人由行伍中式武舉授補督標千總雍正二年七月調征青海十月隨副都統達爾等追獲丹津琿台吉及其妻子並羅卜藏丹津之姊妹女等四名四年四月引見超授三等侍衛五月授直隸正定鎮標遊擊五年遷保定營叅將六年遷廣西桂林協副將八年調新泰協九年擢雲南臨元鎮總兵十一年普思逆夷刁興國等作亂芳借提

督蔡成貴等討之於與國及附賊土目楊昌
祿等斬從賊三千六百餘招納男婦四萬二
千六百餘總督高其倬雷芳搜捕餘黨悉平
之尋奏言雲貴以廣等省苗疆請照台灣例
文武互相稽察同知遊擊以下官科派者治
罪同城文武容隱分別議處至邊地山深等
密道路崎嶇該官員弁不親身前往致生事
端亦令互相查核違者悉處下部議從之十
二年擢湖廣提督十三年六月貴州逆苗不

法

特命芳爲副將軍會同揚威將軍哈元生勦
撫八月

今上御極特授張廣泗爲經畧芳等俱受節
制十一月張廣泗劾芳到黔以來駐守八弓
以招撫爲可了事依附總理尙書張照與哈
元生互計軍旅機宜各行其意致大兵雲集
數月勦撫帝無端紹得

旨革職解京治罪乾隆元年王大臣會審擬

發邊遠充軍

諭曰董芳身爲副將軍不能和衷共濟負恩
實甚但其抵黜未久雖原有應得之罪尙有
可原之情着加恩寬免嗣

命帶領引見得

旨發往雲南以副將用尋丁父憂回籍三年
赴雲南候補四年署劍川協副將七年授楚
州鎮總兵十年調昭通鎮十一年丁母憂十
三年七月赴京

召見

賞戴花翎

命馳赴金川軍營卽補授四川吳慶鎮總兵
八月經畧訥親檄芳接應總兵莽阿納等攻
克普瞻左梁等碉卡九月又偕莽阿納攻克
阿利山梁賊碉三座十一月隨提督岳鍾琪
攻木耳金崗奪獲土卡平房三處水卡一處
十四年七月芳疏言臣今年四月凱旋抵營
將所屬汛地逐加查察緣連歲征調抽減甚

多今雖全數歸伍而軍裝器械頗多殘缺尚
請督臣動項修補其新舊兵飭各營拔選以
敷原額將弁則陸續考驗呈請督提二臣懇
勸至營汛相近黔楚苗疆水陸交衝五六雜
處嚙嚙邪教等匪最易殘匿已刊定條約遍
諭仍不時委員密訪再兵丁強半貧乏而西
陽改設之緩寧原有預領米折存庫備支臣
親標亦有存庫銀除撥借忠黔二營外按名
借濟緩急足資得

旨諸凡據實盡心料理川省武備正宜整頓也八月調建昌鎮十二月敘平金川功加左都督紀錄二次尋因重慶鎮在內查驗金川進剿兵傷痕不寔降三級畱任十五年西藏朱爾墨特那木扎爾謀叛伏誅逆黨羅布藏扎什等作亂總督策楞提督岳鍾琪領兵赴藏

命芳隨後策應尋事定撤回十九年九月調松濟鎮十月擢貴州提督二十二年卒

王萬邦列傳

王萬邦山西陽高人乾隆十六年武進士授
三等待衛十九年發陝西試用二十一年補
甘肅涼州鎮標左營遊擊二十二年解馬赴
巴里坤二十三年隨大軍剿回酋霍集古尋
駐防烏什二十四年三月嘗阿克蘇迤西臺
站閏六月恭贊大臣舒赫德奏萬邦寔心奮
勉
命以應陞之缺補用九月調赴葉爾羌二十

五年議敘功加三等二十六年管庫車沙雅爾屯田二十九年遷直隸保定城守營叅將三十四年遷督標中軍副將三十五年擢貴州威寧鎮總兵三十六年十二月率續調貴州兵二千赴金川南路軍營三十七年正月總督桂林由綏哨進剿噶爾金前山梁赫邦先以兵一千馳至卽合力仰攻奪賊寨三二月攻東山梁焚其木城賊敗遁三月偕總兵宋元俊等攻克草布什咱之木巴拉博祖諸

寨收撫番民甚眾四月借總兵英泰由扎哇
巢溝攻阿仰東山梁乘賊懈督兵鼓勇登在
撲賊礮賊驚遁追斬無算大軍乘勝克耳交
喀爾阿噶爾阿格藏巴幹格宗等處直抵達
烏官寨克之捷

聞得

旨嘉獎下部優敘並

賞戴孔雀翎五月朱元俊奏討桂林在軍營
乖張捏飾且發銀五百兩令提督汪騰龍交

王萬邦向小金川續被逸兵丁

命尙書額駙福隆安馳赴卡了軍營嚴鞠六月福隆安奏言臣查桂林案內除失機諱匿等款業據供認外其將銀向金川贖兵一節訊據隨同辦事之司員汪承需供稱承需因聞巴旺布拉克底番人將迷失官兵送出應給賞告知桂林令知州曹焜同知林儁向糧務取銀五百兩交汪騰龍轉給王萬邦備賞後不見送出隨差拉塔塔爾取回原銀並無

向金川贖兵事復研訊王萬邦等據供四月十七日汪騰龍差送銀兩及書云係汪承需交出如巴旺布拉克底番人送出官兵卽酌賞閱數日無信差人回覆汪騰龍卽將銀取回至五月二十四日住大營宋元俊言桂總督業被叅其銀五百兩奏內是言向金川贖官兵汝若說給巴旺布拉克底恐受刑萬邦一時不得主見宋元俊言汝祇給我一扎將賞金川銀有閑

國體若不收懼總督提督見怪若收懼干

國法之語寫入卽無妨得爾時在伊帳房照
寫面交宋元俊亦寫書稿交書辦騰清與我
次日方知桂總督係其叅劾寔爲宋元俊所
愚隨質之宋元俊自認誣訐贖兵並教供捏
扎屬寔是臣查宋元俊王萬邦俱軍閫大員乃
宋元俊于叅奏桂林後知臣將到軍營遂恐
嚇王萬邦誘令補寫書信以爲查審之地並
囑汪承需不可承認又令汪騰龍不可說出

心術殊甚狡詐至王萬邦于覆訊時雖據供
出寔情但爲宋元俊所愚隨同捏札亦屬糊
塗汪承需不查事理輕重輒議取賞銀兩經
還欵寔屬輕取妄動均應分別治罪汪鴈龍
及知州曹煇同知林僑均應革職奏入奉
旨宋元俊汪承需均着革職拿問同桂林一
併解赴行在候訊再行降旨至王萬邦初爲
宋元俊所愚一經詰訊卽吐寔情此案得以
明確其情尙屬可原且伊領兵打仗頗爲勇

往着從寬免其革職治罪仍在軍營領兵以
後效三十八年正月大軍進剿富噶爾拉
萬邦由納拉木下溝穿箐攻西一帶山梁乘
雪夜潛至山峯下卡內賊覺抗拒我兵鼓勇
躍入賊窟走遠據山梁奪大石卡三小石卡
七奏至

諭獎其功下部議敘十月卒于軍營

諭曰王萬邦在川省軍營兩載以來帶兵打
仗尙爲出方之員今因病身故亦屬可憫着

加恩卹尋議照陣亡例給與卹典

賜祭墓兄萬里由乾隆十六年武進士選藍翎侍衛二十一年授直隸通永協中軍都司累遷廣西左江鎮標中軍遊擊廣東督標右營叅將四十一年告終養回籍四十七年補福建邵武叅將四十九年遷延平副將五十年閩浙總督富勒渾叅奏萬里久病不痊請先開缺仍於舉劾案內附疏聽部議得旨王萬里係總兵王萬邦之兄王萬邦前在

金川出兵身故今伊兄玉萬舉千副將任內
久病不痊並無別項劣蹟若入於舉劾案內
辦理部議卽應革職但念其弟曾著勤勞着
加恩以原品休致

楊國華列傳

楊國華雲南昭峨人由行伍拔把總康熙五
十九年累遷守備雍正元年領兵由新平路
進剿曾魁猓賊時威遠州土知州刁光煥凶
狡庇匿野賊目普有才國華密受總督高其

威遠剿平黑獺議敘功加二等先是法夏獺
目祿天佑擅殺東川營官兵未就獲文武官
以天佑身死報而天佑同妻沙氏各據一寨
內擾東川外侵武定至是總督鄂爾泰令叅
將魏壽國守脩王先協同國華擒剿沙氏遣
獺二人詣國華營詐稱願獻天佑自贖既復
稱天佑自殺鄂爾泰飭無輕信國華攻克舍
可旋克石城嘉國先追賊九龍等會合並進
大敗之至龍髮殿沙氏墜崖死天佑被擒并

其幼子頭目賊眾二百二十餘法夏平議敘
功加一等六年補東川營叅將尋調貴州提
標叅將七年調新嶲營剿袁罕遺賊事竣回
營九年遷廣西梧州協副將十年擢雲南鶴
麗鎮總兵時普師逆猺獠國華由楚雄南
安進擊直抵新平分遣將弁沿江堵剿擒斬
賊首摸則草楊昌祿等及賊黨四千餘招撫
夷民萬五千餘十一年四月同臨元總兵董
芳剿元江逆賊國華至南洒地方大破連奪

險隘復攻查馬斬獲甚衆八月移駐他卽搜
餘孽十一月調普洱鎮總兵加左都督銜仍
駐元江理軍務先後擒斬逆賊楊昌祿普阿
黑三比等并附賊各犯十二年還普洱任十
三年元江餘賊老常少名頭進入南寧國華
遣守備趙宏祖等往擒之餘黨悉平乾隆二
年調貴州安籠鎮總兵三年議敘功加一級
隨帶紀錄二次四年調湖廣鎮筸鎮總兵五
年二月病奉

旨解任回籍八月卒

任舉列傳子承恩附

任舉山西大同人雍正二年武進士六年揀
發又百以守備用七年署延綏鎮伯林堡守
備尋調赴巴里坤軍營駐防應援有功十一
年補寧夏鎮安定堡守備乾隆元年調寧夏
鎮標營守備追敘前功紀錄二次三年署城
守營都司六年寔授七年遷固原提標左營
遊擊十一年十一月署城守營叅將十二月

十八日中營卒童文耀賈世忠等借名索糧
糾左右前中各營卒夜劫提督許仕盛右營
卒張文才等內應奪南門入毀轅門柵攻署
門未被舉聞譚師單騎赴鼓樓掌號站隊賊
懼退掠市舉馳追擊手及賊十餘擒四十餘
時所領僅五十人餘黨軍出南門分攻東西
兩門舉急登東城奮擊西門亦經右營遊擊
鉄保放鎗驚散事定總督慶復以

聞

論曰固原提標兵丁不法糾眾搶劫事起倉
猝遊擊任舉單騎直前奮勇救護擒獲多人
方得解散甚屬可嘉中軍叅將馮天祿現在
糾叅所遺員缺卽着任舉補授以旌勤勞十
二年十月奉

命馳驛赴金川軍營聽總督張廣泗調遣尋
擢西鳳協副將舉至軍前卽同總兵許應虎
副將高宗瑾叅將賈國良于十二月初九初
十日設伏用砲攻色底賊碉連中二百餘砲

圯一角守備孔如鯨鯨賊番數十因砲力小不能毀砲將撤兵賊百餘突出遇伏敗匿二十三日五更撤營賊又蜂擁至遇伏殺二百餘始潰十三年正月廣泗以賊徑歧險分路進兵檄調固原提標兵二千令舉勳住派領二月

諭曰金川軍營諸將多係辦理瞻對之人庸懦欺蒙已成夙習今另用任舉等皆未從征瞻對無所掣肘自能彭勵勇往廣泗亦奏言

在川鎮將出誠勇幹無出在舉者者現在令
率土漢官兵三千四百餘徑登昔嶺奪賊礮
卡據要害尋奏署重慶鎮總兵五月初七日
舉同候補叅將王愷自牛厭感行至素可呢
山大雪初八日開路過撤烏山駐昔嶺之東
楚地遣兵五百據山梁奪礮十二日舉直抵
昔嶺山梁據之山北三里許木崗孤峯壁立
爲昔嶺一帶賊礮及納喇溝二處總路賊于
隘口遠數大卡並礮有城直官兵壘十三日

晚舉潛發土兵八百順海下首攻木崗卡賊
登山救護舉于山梁連發十餘砲穿卡賊悉
竄十五日黎明遙見昔嶺山下及卡撤右梁
溝內煙起則前發土兵已燬石達喇第四碉
擒番眾二十餘擊斃十餘十五日密派官兵
由山海抄截山梁中腰卡是夜雨如注鎗砲
聲不絕我兵已登中峯奪山梁襲取本岡迤
西中腰卡凡五擒斬無筭又乘勝奪卡二舉
隨遣兵于直抵昔嶺中峯據守十七日督攻

木岡寨較中峯倍高峻我兵用鈎鑊鎗矛刺
斃賊番十餘烏鎗斃賊甚眾時總兵哈攀龍
一路兵馬被松林所阻不得進廣烟令攻納
喇溝抄出昔領中峯之右與舉兵令攻昔領
北攀龍與副將劉忠等至舉先于嶺上及嶺
南對賊卡劄營既定隨用砲擊圮木岡木石
城賊乘夜補葺我兵亦夜施砲鎗不絕二十
三日潛發上兵百五十攻卡漢兵百伏截石
梁卡路令東峯官兵遙作撲攻勢至夜用砲

上擊土兵蛇行躡木城用挨牌遮護多帶乾柴備焚道大兩火繩盡濕伏兵無援爲亂石所傷未克二十六日舉親抵昔嶺閱視營盤之左有得恩東木達溝乃卡撒昔嶺兩路軍營糧路攸關爲礮阻同卡撒總統治大雄于二十八日五更焚木達溝一帶賊礮舉至中峯調度圍得思東大礮三斷其水道用斧進砍賊滾崖遁得大礮一小礮二乘勢奪路踞木達礮六月初九日攻克昔嶺溝底石城水

卡十三日同攀龍及副將唐開中叅將賈國
良砍木步步爲營十四日分兵三路攀龍由
右面架梁堵禦開中國良由左海穿林登攻
木城舉等由中直撲石城十五日舉與開中
攻石城東攀龍攻其南十六日黎明齊進石
城堅甚我兵奮攻多斬獲忽賊三百餘自西
南林內突出舉揮兵禦被創戰益力復爲鎗
中要害而卒攀龍入林捕賊斬三十餘收舉
尸還經畧大學士訥親疏奏時已奉

旨實授舉重慶總兵

諭曰署總兵任舉統兵進攻背嶺石城身自
督戰奮勇直前多所斬獲乘勝追殺致被鎗
傷陣亡伊前在叅將任內值固原兵變以卑
騎手及亂兵解散賊黨捍禦全城安撫百姓
勞績已爲懋著故特擢用副將命往金川軍
營領兵攻剿所向克敵現已補授總兵官深
望凱旋之日錄功優敘以旌殊勳孰知伊感
朕知遇奮勇捐軀深堪憫惻考之典禮以死

勤事者祀之本朝特建昭忠祠用享疆場效命之臣任舉著入祠從祀所有卹典與照提督例給予伊子亦照提督例給與廕襲又

諭曰朕聞訥親男摺所奏任舉捐軀報國畢命疆場不禁爲之泣下在伊等忠憤激發固已甘之知飭而朕以小醜跳梁用良臣于危地思之殊堪憫惻雖經交部從優賜恤以慰忠魂而事後之慮彌切現在凡有進止更宜因時度勢鄭重籌辦不宜徒事奮往以厲朕

懷閏七月兵部議卹加贈舉都督同知
賜祭墓入祀昭忠祠諡勇烈伊子二長承恩
廕都可次承緒

恩賞京營千總累遷巡捕遊擊救中西市
火被傷卒承恩二十四年授三等侍衛二
十九年授福建陸路提標遊擊三十五年遷
江南六安營叅將四十年遷河標左營副將
尋調漕標中軍四十四年遷山東兗州總兵
四十八年調江南壽春鎮四十九年二月擢

江南提督

賜帶孔雀翎四月調福建陸路提督五十二年三月台灣逆匪林爽文糾眾滋事承恩自請往剿與水師提督海澄公黃仕簡互相觀望不進

命革職拿問來京治罪四月

諭曰此次台灣逆匪林爽文等糾眾滋事朕命黃仕簡帶兵剿捕任承恩亦奏請前往朕意卽以任承恩不應同赴台灣亦恐水師非

其所轄呼應不靈未免掣肘轉干剿捕無益
但因任承恩業已登舟配渡多一人或可得
一人之益是以未令轉回詎意一人抵臺灣
後並不親臨行陣定期會攻一南一北互相
觀望果不出朕所料以致賊匪蔓延迄今未
能撲滅其玩延貽誤厥罪維均卽或黃仕簡
因年老患病不能親身帶兵及任承恩到彼
後不能不零星堵禦抑或賊匪眾多兵力實
不敷剿捕之處伊二人早應隨時據寔面陳

侯朕指示籌辦乃伊等並無一字奏及是其種種貽誤寔無可置喙而黃仕簡係水師提督台灣乃其專轄現在剿捕事宜又經朕特交督辦乃安坐郡城漫無籌畫伊尙如此畏葸因循更無怪任承恩之意存推諉其罪視任承恩尤重任承恩旣經革職拿問黃仕簡亦難寬宥有昨已降旨將黃仕簡撤回內地伊到廈門時著李侍堯卽傳旨將伊一併革職拿交刑部治罪若論黃仕簡任承恩貽誤緊

要軍務之罪均應按律卽行正法朕辦理軍務賞罰必信而于畏葸退縮者尤必重加惩治故能紀律嚴明將士用命所向克捷抵績成功今黃仕簡任承恩謹怯貽誤若在他入必當正法但念黃仕簡年老又係病後且伊從前辦事尙屬罷勉受恩最久所有公爵係伊祖所立功績自應承襲卽照黃仕簡從前原奏令伊長孫黃嘉謨承襲至任承恩係任舉之子在舉前在金川出兵時打仗受傷陣

亡其次子又以巡捕營遊擊囚救火受傷身故亦無子承恩現無子嗣若將承恩正法是任舉臨陣捐軀竟至絕嗣朕心寔有所不忍黃仕簡任承恩到部時自當照定擬具奏然均可加恩貸其一死嗣承恩到部擬罪如律十一月

特恩免其勾決五十二年二月

諭曰前年台灣逆匪滋事任承恩年力強壯非黃仕簡可比且伊自行陳請前往台灣剿

捕逆匪更當加倍奮勉力圖自効乃亦安坐
鹿仔港與黃仕簡五相觀望並不臨陣奮勇
殺賊律以逗遛之罪應按律正法但念任承
恩之父任舉前在金川出兵陣亡伊弟承緒
又因在京營供職救火傷斃無子皆屬歿于
王事任承恩又現無子嗣若卽行正法使捐
軀効命之臣竟至絕嗣朕心亦有不忍設使
任承恩尙有子孫承祀斷不寬貸上年朝審
勾到並經格外加恩免其一死但若仍令承

禁圍園則伊父任臺終不能有後殊非朕軫
念勞臣之意現在台灣已屆藏事著加恩釋
放但伊身獲重罪經朕曲加恩宥全其軀命
若仍醜顏安居輦轂之地有何面目對人著
勒回原籍閉月思過以示法外施仁至意五
十五年十月因恭祀
經壇兵部帶領引
見奉
旨以巡捕營叅將用

蔡成貴列傳

蔡成貴湖北襄陽人康熙三十五年由行伍
拔補雲南臨元鎮標把總遷千總三十八年
剿撫會魁山賊軍功紀錄一次四十二年遷
永順鎮標右營守備四十八年遷遊擊引

見以善射記名五十六年遷廣西鬱林營叅
將雍正元年遷梧州副將二年擢貴州安籠
總兵五年奏稱廣西西隆州古障土目王尙
義等與貴州普安州捧鮮苗目阿九等累年

三
互爭至染烏舍堪犁魯桑等寨因土目讐殺
係外結例無考成是以遲延未結請

敕粵委大員審斷并嗣後審理兩省交界
土苗案件立定期限

詔下雲貴總督鄂爾泰議行六年剿八達寨
逆獍顏光色等奏言賊巢險峻砲攻不能破
臣至卽出示招撫散羽黨助賊之泥洞等寨
輸誠効力獍人抱金抱富等誘斬光色以獻
巨魁已斬脅從尙多遂分路進攻復遣南龍

土練潛入放火設伏燬巢焚死無算降獲男婦百八十餘奏入下部議敘加都督僉事銜七年

諭曰右江僉者設之鎮總兵員缺緊要安籠總兵蔡成貴勦撫八達寨苗蠻于地方甚爲熟悉着將蔡成貴調補右江總兵九年正月勦鄧橫寨苗五月平之調左江總兵尋敘平鄧橫寨功加都督同知銜十月擢雲南提督兼都督銜十一年奏言標營軍器關係甚重

若不及時清理未免貽誤操防護陳四條仰
冀

聖鑒一直省弓箭鳥鎗簾牌長鎗刷刀等項
各有成額符者修整缺者補製其溢額者非
裁減卽收貯之器積年朽蠹兼恐切賣請查
堪用者存留朽蠹者銷燬仍報部以防切賣
一前年剿鄧橫調用左右兩江鎮協大砲每
耗製震斷鉄色如土皆年久鏽蝕故請
敕下將軍督撫提鎮清查砲位堅好者留用

銹壞者鑄造如本營未設別營有餘通融撥
取慎蓋藏以蔽風雨建砲車以避潮濕每年
十月演放一次如不修及修而仍致銹蝕者
諸管官照燒燬軍器例議處一直省軍火甲
械以都司守修爲專管官副將叅將遊擊爲
兼管官督撫提鎮查出缺額分別議處罰賠
如兼管官查出將事管官議處勒限獨賠兵
丁缺少該管官揭報製補足額者免議新舊
各官限一月交代離在官取新任收清回文

方許起程舊官推卸玩延新官指勒隱捏照
文職交盤例議處病故之員缺軍器者如係
兼管官則專管官獨賠係專管官則兼管官
獨賠倘專兼管官一時病故着從前未經查
出各官賠補其缺旂幟帳房鑼銅鐵鋤火藥
鉛彈等項果係年久朽壞因公動用着准于
酌量公棧內按數製補免議派累弁兵製補
者亦處一提鎮到任照督撫新任盤查例委
員貼驗各營器械專屬提轄者提督委查分

隸鎮轄者總兵委查如屬督撫轄督撫委查
取本營並無缺少印結委員並無捏飾甘結
存案倘題奏後缺少發覺委員照徇情例議
處督撫提鎮照失察例議處下部議行乾隆
四年奏稱滇疆節次用兵故兵家口衣食無
措尤鰥寡孤獨中不忍不矜全者臣數年中
竭力救濟查家口累寡月給米三斗二升一
斗五升不等近無業孤寡漸次開除外尚有
餘戶臣一人籌慮終難爲久遠計距大理府

城三十里喜州地方有草廠一處向係提督
牧馬尚多餘地泉可灌溉臣于乾隆二年買
牛具募工開墾成田三百餘畝三年招募耕
種每年得米百二十石從此無業貧民有田
耕種無糧孤寡有租養活惟新墾地例應科
糧伏念我

皇上如天之仁矜恤貧窮可否將此項田糧
邀

恩賞免責令提標中軍叅將等經營出入年

底冊報臣衙門查核入於交代營中孤寡永
沾寔惠得

旨允行六年以年老致仕奏請入籍雲南下
部議駁奉

特旨准其入籍十五年卒

楊超曾列傳

楊超曾湖南武陵人康熙五十四年進士改
庶吉士散館授編修雍正四年入直

南書房充湖北鄉試正考官尋提督陝西學

爲始永爲例時內務府議准御史八十餘奏
于錦州增莊頭百戶將舊交代民種荒餘地
揀給超曾奏民種地立業已久今增莊頭百
戶戶給六百五十晌六畝爲一晌計需三十
九萬畝以民間每戶耕數十畝論給萬戶無
地可耕斷難一時安輯且正值春耕清丈動
須時日舊戶新莊俱不能播種本年賦必兩
懸臣以諭民耕種毋防農業應給莊頭地畝
緩俟秋收查丈下部議行又言復州安州近

年戶繁墾廣請裁復州通判改設知州一吏
目一裁金州巡檢改設知縣一典史一義州
接壤邊境微員不足彈壓請裁巡檢增設知
州一吏目一自廣寧牽馬嶺以西錦縣齊家
堡以北歸義州轄土默特耕地民就近附義
州民籍又請將奉天治中照各府管糧廳例
分管糧務理事通判照各府督捕廳例專司
督緝又請改奉天各州縣要中簡缺量才補
用又承德錦州寧遠廣寧四州縣衝要解犯

絡繹請各增步快二十奉天府獄監犯多增
禁卒八均議行尋定金州新改縣日寧海四
月擢總督倉場侍郎十二年九月擢刑部額
外侍郎仍辦倉場事務十一月授右侍郎十
三年充文穎館八旂通志館副總裁乾隆元
年充律例館總裁尋

命署康西巡撫二年正月寔授二月疏言桂
林等府州縣各墟雜稅寫遠難查請豁除其
賀縣花麻地租雜稅有額無徵亦應全裁下

部議行十二月疏言泗城鎮遠二府及東蘭
荔波寧明各州縣應試者少前撫臣金鉉令
外人入籍考試卽爲土著童子之師但冒籍
者掛名學宮並未久居土著何從受其教益
今鄉試三科外省已中式數名若至十科勢
將佔去過半又其人皆行險僥倖中式後設
獲罪逃脫居官虧空籍貫與里居不符從何
追究請將外省入籍例停止部議從之先是
撫臣金鉉奏令粵西廢員及外省官生備墾

荒報捐後搃報者多每搜有餘熟田量給工本卽作新墾數雲南布政使陳宏謀原籍廣西力陳其弊部議令超會秉公確查至是同督臣鄂彌達會奏從前捐墾不寔田畝應減應豁及各官生短給工本各款部議巡撫金鉉布政使張鉞革職私派加徵各官論罪如律其田分別減則豁除三年奏言賓州原直隸州轄上林遷江二縣近俱改隸思恩府請裁分駐上林縣州同改設縣丞專司捕盜又

言右江鎮增設中營請將思恩營原撥防田
州泐之外委一兵五十移駐適中之馬平泐
又言苗疆各官養廉不敷請將桂林平樂潯
州三廠稅課盈餘銀酌繁簡增給又言泗城
鎮安二府俱改土歸流地廣俗悍以知府兼
縣事未免顧此失彼請增附郭知縣各一典
史各一撤回駐天義之泗城經歷改設縣丞
一裁去泗城原設之同知照舊均下部議准
行十月擢兵部尙書四介八月充明史綱目

副總裁十一月署吏部尚書充

經筵講官尋以任巡撫時濫舉貪酷知府饒
鳴鏞部議降調得

旨寬免五年五月署兩江總督九月授吏部
尚書仍署總督事先是蘇州織造兼管游擊
關海保以貪婪叅革部議海保管關九年其
守口家人衙役等需索商民數多併着追超
曾奏言此等人役向係一月一換轉徙無常
得贓甚零星年遠難查請免追從之是月奏

欽南昌知縣沈宏靖貪婪不法各款尋革宏
靖職

詔超曾嚴訛論較候十一月奏劾江西巡撫
岳濬與知府董文偉劉永錫朋比作奸徇情
納賄

命戶部侍郎阿里衮會同江南河道總督高
斌鞠寔得

旨褫兵濬職從寬免罪餘論如律十二月疏
言今秋徐海一屬偏災應納粟米奉

旨改徵折色照部定價每石七錢五分內贛
榆一縣向係民折官辦本年折徵已議定每
石徵銀一兩陸續完納今照部價溢銀二錢
五分若以完納在前使急公良民轉不如未
完之戶得沐

皇恩似未均平請將溢銀卽抵該戶本年末
完或明年未完之數其舊欠折漕緩徵各州
縣亦多已徵銀米均作次年分徵之數得

旨允行六年四月疏言松江府二屬涇縣黃

浦宜洩要道前兩浙鹽臣佟言圖恐涉隨潮
進淤積鹽河於涇口築埧濶截埧向民田蓄
洩無備舟楫出入迂迴撫臣張渠請開埧建
關但建關或害鹽運請開埧後卽于以基設
土木柵中畱寬濶柵門每屆六月十二月掣
鹽時依期封閉以防偷漏平時聽商民往來
庶爲兩便又言松江大倉沿海土石塘工計
佔壓及挖廢田不下百餘頃撫臣許容奏請
挖廢零田原令業戶領種定額輸租臣思此

田皆民間恒產並未給還原價若以錢糧既經豁免又必按畝徵租似非情理之平且半作溝潭不成阡陌將來歲修取土正無底止在舊戶亦不能長爲已有請聽耕種免租均如所請議行又言崇明一邑向係蘇松巡道統轄雍正八年因其孤懸海外文職僅縣令增駐太通道轄太倉通州兩屬但道員于地方案件不過一加覆核原不親駐辦理况增設以來該道憚于過海俱駐太倉此缺無閱

輕重可見又揚州三江營原設同知一巡緝私鹽雍正十年改爲鹽務道要缺查兩淮鹽務有運司經理運判大使分地稽察且地方官俱有禁緝私販之責該道不過據文轉詳全無關係請俱裁汰通州就近歸併常鎮道轄餘如舊管理部議從之六月兼署安徽巡撫時提督南天祥聲名平常超曾奉旨訪察奏言天祥明于水陸營制愛憎任情諸子及家人丁弁藉端營私漫無約束尋

命南天祥原官休致先是乾隆元年三年安徽各屬賑濟銀米數溢例屢經部駁布政使託庸請以司庫節年盈餘照數支補奉

旨令督撫查奏至是超曾奏言此項銀米並無捏報以不應着賠之項設法彌補不可爲平應卽照數銷結疏入

報聞八月

諭令回部辦事疏言本年七月間風雨大作上江臨淮鳳台等二十四州縣下江上元江

寧等二十六州縣及山陽盩厔等處沿江沿海田禾被淹災重急應撫恤者已將本州縣所存銀米動用又于上江酌撥司庫銀八萬解宿州靈壽虹縣將鄰近不被水州縣倉米分撥十萬備賑動支司庫銀二十萬買米麥以供賑糴下江各縣穀現存及動買者約百餘萬又撥司庫銀十餘萬斛徐海二屬撥銀三千解六合浦江二縣分別賑恤餘銀放給籽種疏入

諭曰料理賑恤事宜頗為得法務令屬員咸
 知朕視民如傷之意以至誠惻怛之心為之
 庶可稍救災黎耳時通州鹽河工因春饑不
 能速竣辦理水利大理寺卿汪滄副都御史
 德爾敏議開唐家閘宣洩商民以外港水無
 去路必淹麥田紛集欲罷市吏部侍郎楊嗣
 璟奏開閘錯謬

命超曾查核超曾奏言事皆出入因公民寔
 切於為已並無挾制阻撓且未竣工程稍遲

數月亦無貽悞似可無庸深充又言通州知州王師且深知唐家問不可開因汪漑等檄諭嚴切不能堅執失在依違並非偏謬汪漑年老多病不能專主德爾敏矜才自用未能和衷此外並無不妥之處

上曰此公論也十二月丁父憂回籍七年卒賜祭墓如例諡文敏

仲永檀列傳

仲永檀山東濟寧人乾隆元年進士改庶吉

吉士散館授編修三年六月充湖北鄉試副
考官五年十一月授陝西道監察御史十二
月疏言酌減上元燈火聲樂

諭曰昨御史仲永檀奏稱人君辦理政務一
有暇逸之心卽開怠荒之漸每歲上元前後
燈火聲樂日有進御伏願酌量裁減豫養清
明之體書云不役耳目詩云好樂無荒古聖
賢之垂訓乃朕所夙夜兢兢而不敢忽者仲
永檀所奏亦卽此意惟是歲時燕賞慶典依

聞自古有之况我朝統一中外元正獻歲外
舊蒙古朝覲闕庭錫宴同歡有不可缺之興
禮朕亦惟踵舊製而行之未嘗有所增益至
于國家政務朕仍時刻留心照常辦理並未
蹈怠荒之戒而畧有稍遲也因仲求權不能
深知爰頒此旨至伊胸有所見卽直陳無隱
是其可嘉處朕亦知之先是工部鑿匠俞君
彌富而無子病故後其義女婿許秉義欺其
嗣孫長庚幼謀爭產出名主喪因囑同宗內

閣學士許王猷徧遊九卿往弔且首君弼有
埋藏銀步軍統領鄂善以

聞

詔嚴鞠素義論罪如律並華王猷職傳

旨申飭九卿六年三月永檀奏言臣聞鄂善
于掘銀案內受俞姓賄一萬兩禮部侍郎吳
家駒因弔喪受謝儀五百兩又吞分送九卿
炭金二千兩旋卽假歸且聞弔喪不止九卿
大學士亦然張廷玉差人送帖徐本趙國麟

俱親往詹事陳浩在彼陪弔奔走數日臣因未得鄂善等受賄確據大學士等又于

皇上申飭九卿時追燬原帖不敢遽叅恭讀上諭原許風聞言事謹據寔密奏以脩訪查又聞向來密奏畱中事件外間旋知此必有串通左右暗爲宣洩者權要有耳目朝廷將不復有耳目矣疏入

諭曰據御史仲永檀叅奏鄂善等稱係風聞言事據寔密奏以脩訪查鄂善係朕倚用之

大臣非新用小臣可比伊意欲朕訪查不知
應委何等之人若委之禁近小臣豈大臣不
可信而小臣轉可信乎若委之大臣又豈能
保其必無恩怨乎况命人暗中訪查而朕不
明言藏于胸臆間是先以不誠待大臣矣此
事甚有關係若不明晰辦理判其黑白則朕
將何以任用大臣大臣又何以勝任國家之
事耶着怡親王和親王大學士鄂爾泰張廷
玉徐本尙書訥親來保秉公查審使其果寔

則弊善罪不容辭如係虛捏則仲永檀自有
應得之罪三大臣必無所偏徇于其間也仲
永檀又稱向來密奏畱中事件外間旋知朕
於左右近侍訓約甚嚴防閑甚密數年以來
凡密奏畱中之件皆朕親自緘封並有覽閱
之後默記於中卽焚其稿者寔無宣洩之隙
其有宣洩于外者則皆係本人自向人言以
邀名譽而反謂自內宣洩以爲掩飾之計朕
猶記方苞進見後將朕欲用魏廷珍之意傳

述于外並于魏廷珍未經奉召之前遷移住
屋以待其來京此人所共知者又李紱曾經
召對朕以君不密則失臣臣不密則失身之
義諭訓之伊稱臣斷不敢不密但恐左右或
有洩露耳朕諭云朕從來召見臣工左右近
內曾無內侍一人並無聽聞亦何從洩露如
此二人者皆此類也至于權要串通左右一
語朕觀此時並無可串通之左右亦無能串
通之權要伊既如此陳奏必有所見著一併

誑問具奏朕之所以廣開言路者原以明目
達聰以除壅蔽若言官自謂風聞言事不問
虛實紛紛瀆陳徒亂人意于國事何益是以
此案必須徹底清查不便含糊歸結亦正人
心風俗之大端也仲永檀摺并發尋

命韋鄂善職拿交刑部嚴審

諭曰仲永檀叅奏鄂善得受俞長庚賄賂一
案朕初以爲必無之事仲永檀身恃言官而
誣陷大臣此風斷不可長但事不查明何以

治仲永檀之罪因而派王大臣七人秉公查
審屢經研訊逐日奏聞乃鄂善家人及過付
人等俱各應承是鄂善受賄之處已屬顯然
朕特召和親主大學士鄂爾泰尙書訥親來
保同鄂善進見面加訊問鄂善始猶抵飾朕
諭之曰此事汝家人及過付人等俱各應承
汝能保家人捨命爲汝而自認此賍爲已吞
乎若能如是事亦可已若不能如此此數人
者出將秉公嚴訊彼時水落石出汝一人之

事所關甚小而朕用人顏面所關則大汝若
寔無此事則可若有不妨於朕前寔奏朕另
有處置面諭此數大臣從輕審問將此事歸
汝之家人以全國家之體設非朕另有指示
此數人者但知秉公而已敢如是辦理乎鄂
善熟思乃直認從家人手中得銀一千兩是
寔朕以鄂善在朕前已經自認毫無疑實以
皇考及朕平日深知信用之大臣而負恩至
此國法斷不可恕若於此等稍有寬縱朕將

何以臨御臣工但朕心欲以禮待大臣以存國體賈誼曰其有大罪者聞命則北面再拜跪而自裁上不使人摔抑而刑之朕之處鄂善亦猶是耳因垂淚諭之曰爾罪按律應絞念爾曾爲大臣不忍明正典刑然汝亦何顏復立人世乎汝宜有以自處乃彼既出之後朕猶恐如此辦理或有過刻之處又令和親王等四人會同大學士張廷玉福敏徐本尙書海望侍郎舒赫德再加詳議據王大臣奏

稱鄂善婪贓負國法所不容人心其實理當
明正典刑乃蒙天恩容其自盡寔無過刻之
處朕因令訥親來保前往將王大臣奏帖與
鄂善閱看并傳諭曰朕于大臣視同手足今
爾負朕至此朕萬不得已如此辦理自降旨
之後心中戚戚不能自釋如人身之失手足
也汝心中若有欲言之事不妨向二人再行
陳奏鄂善忽奏稱我錯聽皇上諭旨以爲我
家人已供我得銀一千兩又聽得諭旨云爾

係

皇考及朕信用之大臣如果有受賄寔情可在朕前據寔奏出朕另有辨處以全大臣之體我因皇上屢次降旨滿尚書皆可信其無他今我被入叅劾審有得銀之供恐皇上辨理爲難是以一時應承我寔無賍私入己如家人供出我來情願與之質對等語朕嘗爾等面說鄂善時總以至誠開導欲得其實是情爾等皆爲之感泣鄂善亦良心發見俯首無

訥因而直認不諱並未以威攝之以言誘之
以刑誑之也旋命訥親來保傳旨與伊朕意
彼若自知罪重誠心悔過或以罪嘗監候懇
切哀求尙欲緩其須臾之死乃鄂善無耻喪
心至于此極其欺罔之罪卽立時正法亦不
爲枉夫朕之所以令彼自處者以欲全國家
之體而賜彼以顏面也乃彼自不惜顏面朕
將何惜豈

皇考在天之靈不容此負恩之輩冒恩苟免

欲使明正典刑以儆戒大小臣工即可將鄂
 善革職拿交刑部著福敏海望舒赫德會同
 爾等嚴審則虛寔是自見或因鄂善愧懼一時
 錯認亦未可知王大臣必不阿朕旨而故入
 以重辟也夫奸盜等案朕尙熟思審處期於
 至當况鄂善曾爲大臣者乎朕爲此事數日
 以來寢不安席食不甘味深自痛責以爲不
 如我

皇考之仁育義正能使百爾臣工兢兢奉法

自不致身陷重辟水弱之病朕寔蹈之若再
不明彰國法則人心風俗將何所底止朕之
苦哀亦惟

皇考在天之靈鑒照之耳垂淚書此王大臣
其體朕意焉布告天下咸使聞之四月王大
臣等鞠寔鄂善擬絞決吳家騏陳浩均革職
諭曰仲永檀身爲言官能發奸摘伏直陳無
隱甚屬可嘉應加超擢以風台諫着將僉都
御史鄭其南調補順天府府尹其餘都御史

員缺兩將仲永檀補授至仲永檀摺內所奏
大學士到俞姓送帖弔奠一事今查詢明白
金屬子虛伊係得之于枋之口則非伊捏造
可知又奏留中密摺宣洩於外伊既舉出吳
士功參奏史貽直一案查上年吳士功果有
此奏現在交王大臣查詢提伊亦並無妄言
之咎俱不必向伊置問朕始疑仲永檀妄言
誣陷大臣故欲加罪今詢查有據旋即加恩
擢用朕大公至正之心可以對

天地可以對臣民自今以後居言官之職者皆當以仲永檀爲法而不必畏首畏尾矣八月擢左副都御史時貴州蕤安縣民羅尙珍赴都察院控家居之原任四川巡撫王士俊佔據坎山

命永檀赴貴州與總督張廣泗會鞫得實士俊擬杖徒如律七年二月充會試副考官時河南巡撫雅爾圖劾永檀自貴州回京令家人鞭打平民下部議罰俸九月充會試考官

十二月

命往江南同巡撫周學健辦理查賑事務是
月以密奏畱中事洩於鄂容安奉
旨革職拿問交王大臣等會鞫尋

諭曰朕細閱鄂容安仲永檀供詞伊等往來
親密于未奏以前先行商謀既奏以後復行
照會二人俱已供出明係結黨營私糾叅不
睦之人爾等祇擬以洩漏機密事務之律不
合著三法司另行嚴定王大臣等因請刑訊

並將大學士鄂爾泰革職拿問奉

旨鄂爾泰着交刑部議處以示薄罰至爾等
奏請將仲永檀鄂容安加以刑誅伊等俱曾
爲三品大臣又豈可似盜賊罪犯重加三木
若不過套夾一訛爲爾等斷案張本又何必
多此一番奏請乎況此事形迹已明無庸刑
誅仲永檀受朕深恩由御史特授副都御史
乃依附師門將密奏密奏之事無不豫先商
酌暗結党援排擠不睦之人情罪甚屬重大

鄂容安在內廷行走且係大學士之子理應
小心供職閉戶讀書乃向言官商量密奏之
事情罪亦無可追但較之仲永檀尙應未減
耳爾等可定擬具奏永檀尋病卒

劉綸列傳

劉綸江蘇武進人乾隆元年出廩生舉博學鴻詞試第一授翰林院編修二年恭修

世宗憲皇帝實錄充纂修五年遷侍講六年
六月充

日講起居注官尋充陝西鄉試正考官九月
授太常寺少卿七年三月遷通政司右通政
十月轉左八年遷太僕寺卿九年在內閣批
本處行走十年遷大理寺卿十一年授內閣
學士十二年

命編詞林典故十三年充武會試正考官十
四年九月署兵部侍郎充續文獻通考副總
裁入直

南書房十月充

國史館副總裁十一月擢禮部右侍郎十二月
月調工部兼理兵部十五年

命軍機處行走充平定金川方畧副總裁十
六年土默特貝子哈木噶巴雅斯那圖不按
原議年限逐種地人民直隸總督方觀承入
奏

命綸偕貝勒羅卜藏侍讀學士麒麟保查勘
六月合疏言出口民價典旗地者應遵原議
三年五年限外撤還原主嗣後不得私典他

如領地耕種爲佃戶受雇力作爲傭工皆浮
寄謀生初無佔地之意應許暫行餽口更有
領地開荒之民積累辛勤始得成熟與價與
不同俟年滿日先還庄主所需自種之地有
盈給種以償前勞市肆舍宇定租價以息爭
端畱商賈工匠以免驅逐將手木頭城三座
塔二處居人稠密許照常居住不得添增子
三座塔設巡檢一以資彈壓從之七月充詩
經館副總裁九月丁父憂十八年補戶部右
莫名巨專

傳郎十九年正月兼理順天府戶部
充

經筵講官二十年六月準噶爾平定軍功議
敘加三級七月充平定準噶爾方畧副總裁
十二月浙江按察使富勒渾奏調任巡撫
鄂樂舜授意布政使同德勒派商銀

命綸赴浙同浙閩總督喀爾吉善兩江總督
尹繼善會審二十一年二月覆奏鄂樂舜受
銀屬實擬絞候同德並未知情富勒渾誣奏

擬杖流

上以富勒渾所參重欵已寔不應議罪綸等
定擬過當下部議率職奉

旨寬免畱任四月

命專辦部事不必兼軍機處行走二十二年
教習庶吉士二十三年奉

旨仍在軍機處行走二十四年六月奏言薊
州寶坻等處靖子萌動臣等現在督捕惟是
一邑村落甚多州縣官事繁未能周遍派子

總外委同佐雜分捕叅將武員備監司之察
勸情以示勸懲疏入

報可閏六月擢都察院左都御史十一月平
定回部功成議敘加三級二十五年八月苑
恩科順天鄉試正考官十一月

命偕刑部侍郎伊祿順赴西路勘將軍嵩阿
禮尅兵糧勒餽送等款得寔論如律二十六
年五月署兵部尙書六月教習庶吉士二十
七年

賜紫禁城騎馬二十八年五月調戶部尙書
仍署兵部教習庶吉士六月

命協辦大學士十月加太子太保二十九年
兼署刑部尙書二十年丁母憂三十二年補
吏部尙書協辦大學士事三十三年六月兼
署戶部十月充

經筵講官三十四年三月充會試正考官四
月以中式舉人梁泉卷被勘部議革任得

旨寬免三十五年八月充順天鄉試正考官

十一月充三通館副總裁三十六年二月晉
文淵閣大學士兼工部尚書五月

國史館正總裁三十七年充會試正考官三
十八年卒遺疏入

諭曰大學士劉綸品行端醇學問博雅久直
禁廷簡畀閣務勤勞夙著倚在方殷今春患
病屢遣侍衛御醫存問診視復特賜人蔭俾
資補益昨復沉劇倍增屢念茲聞流逝深爲
軫情著加贈太子太傅入祀賢良祠其任內

降葬之案均予開復賞銀一千兩辦理喪務
派皇十二子帶領侍衛十員往奠茶酒所有
應得卹典仍著該部察例具奏尋

賜祭葬如例謚文定子躍雲現官禮部左侍
郎

漢名臣傳卷二十一終

漢名臣傳卷二十一終

三

海
名
目
傳
卷
二
下
一
三

漢名臣傳卷二十二

張鵬翮 李勳 楊永斌 梁詩正

張渠 沈德潛 譚行義 鄒一桂

張鵬翮列傳

張鵬翮四川遂寧人康熙九年進士選庶吉士改刑部主事遷員外郎尋遷禮部郎中十四年八月充順天鄉試同考官十五年二月充會試同考官十九年授蘇州府知府旋丁母憂二十二年服闋補兗州府知府二十四

年授河東鹽運司二十五年十月內遷通政
司右叅議十一月轉兵部督捕右理事官二
十七年俄羅斯察罕擾邊我兵困之于雅克
薩城悔罪乞恩鵬翮奉使同內大臣索額圖
都統佟國綱給事中陳世安等往定界事竣
還擢大理寺少卿二十八年二月擢浙江巡
撫二十九年疏言定海自建縣設官民人漸
集捍衛必賴城垣教化必資學校倉儲監獄
亦須建立庶足壯觀瞻而副規制

詔允所請三十一年疏言浙省夏杪始雨田
雖補種獲米未能堅寔難供清糧請將明年
輪蠲之糧于今歲免征又言紹興府屬之餘
姚上虞嵊縣台州府屬之臨海太平旱後復
遇颶風霖雨漂沒田廬並請賑濟從之三十
三年疏言出洋貿易船必需地方官印烙給
票方准攜帶軍器恐日久弊生內地商民在
外國造船攜帶軍器難以稽察請嚴禁部議
從之初鵬翮奏浙省紳民願每畝捐穀四合

力不能者聽之至是又奏杭嘉等府上年秋
收歉薄請勸輸之穀暫免一年

上諭昨歲浙省被災州縣方照例蠲豁並移
免漕糧豈有仍強令捐輸之理張鵬翮于原
題力不能輸聽從其便之語自相矛盾下部
嚴加議處尋部議革職

特旨寬免降五級畱任尋擢兵部右侍郎
命提督江南學政三十六年五月遷右都御史
史疏言淮揚上年被水及今春夏之交百姓

棲止堤上以魚蝦野菜爲食茲見江蘇巡撫
宋準揭稱鹽城山陽高郵泰州興化寶應六
州縣積水未消加以霪雨連綿麥禾未種現
委道員查勘臣思此六州縣被災旣重本地
倉穀去年支賑無餘今秋成絕望該撫並未
聲明作何拯救伏祈

皇上勅該督撫或撙隣郡倉穀或捐官役俸
工買米賑濟下部議行三十七年七月遷刑
部尙書十一月授江南江西總督三十八年

春

上南巡閱視河工畢

命鵬翮扈從入京

賜朝服鞍馬弓矢先是鵬翮同刑部尚書傅
喇塔察審陝西侵蝕貧民籽粒銀兩一案經
戶部題覆

上諭大學士曰傅喇塔畏人懷怨草率具覆
張鵬翮于此事亦稍罷軟六月

命復同傅喇塔赴陝西詳審並原任陝西巡

撫布喀拌川陝總督吳赫侵蝕及吳赫與原
任寧夏道吳秉謙互叅等案鵬翮等審得醴
泉知縣張鳴遠涇縣知縣劉桂等因公那用
同州知州蘭佳選蒲城知縣閔瑋韓城知縣
王宗且皆侵蝕入已布喀控吳赫侵蝕籽粒
銀及秉謙搃吳赫浮開草料價值事均虛吳
赫叅吳秉謙收受屬員餽送屬寔餘係拏款
証叅均擬罪如律三十九年正月回京
上問鵬翮曰署總督事席爾達居官加何奏

曰居官頗優

上又問巡撫貝和諾較巴錫何如奏曰巴錫
爲人鄭重貝和諾臨事精詳

上謂大學士等曰張鵬翮前往陝西朕留心
察訪果一介不取天下廉吏無出其右者三
月調河道總督

諭曰清黃相會之處所閔最要黃水高故情
水不得通洩以致泛溢今使清水何以得出
河身何以得深爾宜努力鵬翮疏陳一撤協

理河務徐廷奎以專統河之任一撤河工隨帶人員以免糜帑一工部與河臣事關一體請

勅部臣毋以不應查駁事從中阻撓下部議行四月疏言臣過雲梯閘閘攔黃坦巍然如山中間一線之細如注下流不暢無怪土流之潰決也于攔黃坦上流計黃河水面寬八十三丈餘則攔黃坦亦應照丈尺折挑一律寬深方足宜澗區堵馬家港使水勢不至旁

洩俟黃水大漲開新挑之河資其暢流衝刷
淤墊則黃水入海自能暢達又言清口爲淮
黃交匯處自今糧艘北上河身淤墊竟成平
陸獨有黃河入運河臣相度形勢黃河北裴
家場引河身高爛泥淺引河地多活沙卽開
濬深通黃水大長清水不能相敵應于張福
口開引河一千五十丈深丈餘寬十丈引清
水于黃河口相近處入運使之暢達庶可敵
黃並建閘以時啟閉又言人字河自金灣開

至孔家渡爲河之腰絡至芒稻山分爲二派
又名芒稻河兩岸旣狹又有土嶺二處今湖
水方盛應多集夫掘使暢流水口下有芒稻
閘年久塌壞磯心頗高宜另建以防江潮又
鳳皇橋引河從橋口至胡家樓河水絕流宜
加濬引水從王家樓入運塩河匯入芒稻河
又雙橋灣頭二河現今同入芒稻河底亦淺
應於冬月濬使深通其灣河閘雁翅塌卸宜
及時修砌此三處之水俱相繼入芒稻河流

十八里入江現在委員分修尅期竣工諸疏俱下部議行五月疏言臣遵

旨看視海口將攔黃埧拆去河身開濬深通四月二十一起至五月初九日工竣水勢暢流入海且自動工來潮恬風靜得以施工甫畢卽長水二尺以資開放此皆我

皇上軫念民生至誠上孚海神効靈所致請將攔黃埧之稱

賜名大通口並建海神廟以答神麻得

旨俞允尋

上諭大學士曰前張鵬翮赴任時朕卽指示以爲必毀攔黃埧挑濬芒稻河人字河今毀去攔黃埧而清水遂出濬通海口而河勢亦稍減觀此則河工大可望也觀張鵬翮奏章詞簡而意明其辦事精詳可知矣朕昔與彼閒論時彼曾云在浙八年每歲錢糧並無缺欠今蒙朝廷擢用之恩無可仰報惟勉令江南錢糧每歲必期完結朕尙止之云爾勿輕

出此言迄今思之彼固有成見也是月

上命員外郎拖抗拖和中書張古禮馳驛往
令鵬翮將河工修理情形入奏鵬翮疏陳十
九款一修工葺柴多產海濱舊有運料河自
清江浦起至海口止年久淤塞應加濬深便
轉運一清水會黃入海關鍵全在大堤而大
堤最要者尤在夏家橋一堤以全湖水勢趨
此故也今夏水方盛若急于堵塞則高家堰
危險可虞且湖水洶湧恐旋塞旋冲虛費帑

金應俟水落堵塞度爲萬全一高家堰容納七十二處山河之水古人設坝原以洩異漲之水非以洩平槽之水也今冬六坝閉後來年挑清黃淮並漲宣洩湖水非坝不可前河臣于成龍改六坝爲四滾水坝臣相度地勢相去不遠宜併爲三就原有之草字河塘漕河爲引河并築順水堤則田廬無淹沒之虞一武家墩至小黃莊一帶臨河舊有石堤僅由水面二三尺必須加高一古溝至六坝以

下俱係土堤宜改石以省歲修一清河縣運口至高郵州界首裏河頻年黃水入運以致河身日高水漲往往潰決宜加濬一高郵寶應江都西岸土石堤工多爲湖水齧浸俟冬時興工一高郵城南石堤五改爲四滾水坦下開引河使水有去路一歸仁堤臨河石工罅漏現飭補砌一運口至濱海兩岸堤工必須加倍高寬以資捍禦一王家營引河飭革職道馮佑作速挑濬深通准其贖罪一新改

中河堤岸卑薄水漲可虞應勒限修築完固
一王家營減水大埧應酌開十丈餘洩黃河
漫水由鹽河出一桃源縣黃河南岸堤工近
長湖一帶土堤四千二百餘丈應加培高厚
一駱馬湖口正對有竹絡埧節宣黃湖大漲
今黃湖身高去歲漫缺二次黃河灌駱馬河
口匯入中河亟宜堵築以禦黃水一王家營
缺口月堤卑薄應培修高厚以作正堤一徐
城對岸沙嘴挺入河心二里應挑掘以殺大

溜之勢郭家嘴舊有石工至北門迤西臣率
河員相度自北至段家莊加砌石工可保城
池且免歲修費蘇家山石嘴挺出河心致韓
家山潰逼徐城應自楊家樓至段家莊築月
堤以作重門之障一黃運堤岸有領帑興修
者有捐工興修者勒限完築一徐邳睢寧宿
遷桃源清河山陽安東等州縣黃河險工應
支歲修錢糧進埽防護飭河官當伏秋二汛
晝夜防守疏入

詔下部速議行六月又條奏河工九款一堤
工宜堅築加幫之堤應將原堤夯杵再加新
工創築之堤先將平地夯深務期堅固一運
河中河因頂衝處湍急恐傷土堤是以排椿
鑲壓用整木柴令用整料截開粉飾外觀嗣
後務與原估尺寸相符一湖河堤岸有馬牙
梅花等椿面裹釘頭等石鉄釘鉄局米汁柴
灰等料必依法修砌方能永久一歲搶各工
不無虛冒率混之弊嗣後呈報險工估計申

詳如係假捏卽以謊報題叅一挑河工程務
將挑出之土堆于原估堤工夯礮成堤以資
捍禦不許將散土堆集滋假河之弊一平常
工料俱用龍尾埽遇風洩立見塌卸虛糜帑
金應行停止一河水頂衝處對岸必有沙嘴
挺出此由河曲之故從間處挑引河以殺水
勢誠有如

聖訓指示者而河員不卽遵行則以挑引河
後必引大溜始能成河若水緩沙淤例應賠

修國之人心畏縉臣思河工不如式者理應
賠修若實心任事偶致淤墊者應請

聖恩豁免一實心任事之員工成日優敘卽
用否則嚴加治罪一挑河築堤用夫動至數
千寒暑風雨極其勞苦工成日應給印票免
其雜徭以上各條仰請

天語申飭勒石河干永遠遵行得

旨覽奏河工弊端詳悉切要極其周備下九
卿議尋議如所奏

上曰張鵬翮遇事精勤從此久任河務必能
有益九月疏言前任河臣于成龍于四堡挑
濬引河由胡家溝出黃河臣勘閱胡家溝迤
東地勢頗高若在涵洞口至老堤頭迤東出
黃河地勢低窪自涵洞口至九龍廟現有舊
河至黃河邊止可挑引河于黃河綫堤出水
之地建造石閘臨河處修築草埧以防黃水
倒灌再于歸仁堤五堡建磯心石閘于引河
兩岸築束水堤洩歸仁堤之水出黃河可以

冲刷河身保護田廬得

旨張鵬翮所奏歸仁堤修築事宜甚爲合理
應及今年黃河水小興工十月疏言武家壑
至小黃莊加砌工舊椿多壞必須拆修堅固
今于舊殘石工上疊柴壓土以爲越垣費省
而工速此工除撥銀四十萬兩外尙有不足
銀十八萬六千二百四十八兩有奇請
勅部撥給得

旨著照該督所請張鵬翮每事寔是能宣力朕

不之信將誰信耶又疏言新中河必全身挑
濬兩岸子堤必全行培築需費頗多而河頭
灣曲糧艘經行不順舊中河自三義埧下至
仲莊閘十五里河身甚深南岸河身散漫難
築子堤且距黃河最近今議于三義埧將舊
中河築堤一道改入新中河則舊中河之上
段與新中河之下段合爲一河糧艘通行無
滯得

旨張鵬翮所議中河事宜甚當著照所奏行

十二月疏言臣遵

聖授方略次第舉行先疏海口水有歸路黃
水不出岸矣既挑芒稻河引湖水入江高郵
寶應等處水由地中行矣再闢清口開張福
口裴家場引河淮水有出路矣加修高家堰
堵塞六埧逼清水復歸故道今清水大半入
黃少半入運一水兩分若有神助請加河神
封號下所司知之又疏言黃水下流最溢處
無如安東便益門及韓家莊兩岸僅距六十

餘丈兼以時家馬頭至伊家莊河身過曲沙洲逼漕南北互有衝激應于兩處沙洲中開引河二使黃流直下以固城池又言下河水勢漸消惟興化積水一時不能全退臣相度形勢高郵寶應山陽鹽城之水宜疏蝦鬚二溝引入滕隴河以達于海鮑家莊至白駒口地高水壅宜挑濬深通引河由白駒場入海再挑撈魚港引河入海挑老河口引水入湖挑稻子河引水由苦水洋入海如此則有去

到積水可消矣並從之是年遵

旨詳議給事中幕琛條奏科場事宜鵬翮奏
仁浙等省既編南卷山陝等省既編北卷又
將雲南貴州四川廣西四省各編字號卷數
甚少分晰太明不肖者易通關節應將四省
編入南卷至監生回籍鄉試一段臣思監生
作弊自有防之之法平時責令祭酒力行考
課考課不缺者准其入場臨時入監者不准
則弊無從出矣四十年正月疏言臣按河南

志清口至淮安建有五閘遞相啟閉以防河
淤又慮水發湍急難于啟閉則築堤以遏之
每歲糧艘過盡卽于閘外築堤以遏黃流則
是伏秋黃水倒灌自古已然今運河初濟海
水出黃轉盼伏秋二汛繼至卽宜洩之道不
可不急籌也今于張福口裴家場中間開大
引河一道并力敵黃若黃水大發則閉裴家
場口門使清水由文華寺入運河倘運河水
大山陽一帶由涇澗二河洩水寶應一帶由

子嬰溝洩水俱歸射陽湖入海高郵一帶仍
由城南栢家墩二大埧洩水江都一帶由人
字河鳳凰橋等河洩水入江若遇黃淮並漲
清水由翟家埧天然埧洩水黃水由王家營
減水埧入鹽河至平旺河入海若糧船過完
黃水大發則閉攔黃埧使不得倒灌黃水不
漲則堵塞運河頭埧今清水全入黃河官民
船照例盤埧卽古人設天妃閘之意也疏入
上嘉其得治河秘要時江西巡撫馬如龍以

年老乞休

諭大學士曰馬如龍雖年老是官尙好督撫之任知張鵬翮李光地居官更有何議張鵬翮自到河工在署之日甚少每日乘馬巡視堤岸不憚勞苦朕深知之三月鵬翮以河工情形遣郎中王進楫入奏

上諭進楫曰爾往諭張鵬翮高家堰須加意防守必歷夏秋至冬清水照常流通斯爲有濟于事鵬翮增築高堰月堤及時家馬頭壘

家營陳家莊龍潭口歪枝套辛家蕩邢家河
馬家港等處堤埧尋洪澤湖溢泗洲盱眙被
災

上以修治善策詢之鵬翮並飭會同江南江
西總督阿山詳勘尋鵬翮奏泗洲盱眙水災
自古已然卽六埧全開亦不能免且自閉六
埧高郵寶應興化泰州山陽益城等處田地
涸出民得耕種皆河伯效靈所致

上曰堵塞六埧乃前河臣于成龍題請不是

張鵬翮始頃因泗洲盱眙被水令同阿山設法修治作何賑濟蠲租並非欲開六埧救泗洲盱眙之民而令淮揚百姓罹于水患也張鵬翮奏章昏曠已甚可將朕諭旨並張鵬翮奏章刻示于淮安揚州泗洲盱眙等處令眾人觀看四十一年正月奏清河縣陶莊閘南岸有挑水埧濶入引河直走北岸逼近黃河綏堤請築創堤並將臨河綏堤及護城堤皆加高厚又於黃河南岸挑水埧西添築創堤

並改建運口爲石閘以省煩費又因天妃閘塘基低窪改築運口草埧北建大石閘東西各築緯堤于舊堤衝破處建草埧以固堤東水清河縣黃河南岸卞家汪家險工當黃淮二水交衝之處內臨積水深潭中僅一線土堤請改建石工下部議行六月桃源城西煙墩黃水大漲積水未退堤根甚危鵬翮加築近城越堤捍衛城垣八月疏言煙墩對岸沙灘挺出河心逼溜南行恐被衝刷請於邵家

莊開引河建草坦分水勢又顏家莊水勢逼
射北岸亦請開引河一道則水順流而險工
不受衝矣

上諭大學士等曰此本若飭部議必致遲延
著卽照所題行尋鵬翮題秋水情形

上曰覽奏挑水坦築城逼黃河大溜直趨陶
莊引河循北岸而行黃水從大通口暢出海
口極其深通淮水從清口暢流敵黃絕無黃
流倒灌之患高家堰堤工完固加謹防守經

詔鵬翮嚴訛嗣世祿叩

聞訴鵬翮枉縱交江南江西總督阿山河南
巡撫徐湖會審阿山等以時家馬頭承修銀
兩應于佟世祿追賠馬家港東垣被衝張鵬
翮雖經題報未將承修官賠補處聲明應令
鵬翮與疎防等官均賠未幾世祿復叩

聞控訴

上遣戶部尙書徐潮等覆審係誣叅世祿復
職鵬翮巧飾供詞失人臣禮應革職淮安道

王謙附會山安同知裘陳佩欺隱應罰賠各
擬杖徒又工部侍郎趙世芳議鵬翮奏銷錢
糧浮冒十三萬餘兩應交刑部治罪九卿等
以知所議奏

上曰此案依前議張鵬翮量甚窄斷不認錯
河工錢糧原不限數一年水大則所需者多
水小則所需者少謂張鵬翮小有所取亦未
可知謂以十三萬兩入已必無之事也河工
恃乎用人張鵬翮所用之人皆不勝事故至

如此耳趙世芳奏事不公本發還三月

上南巡

諭鵬翮曰朕至清口見黃水倒灌因以問尔尔赧然不能答反稱不曾倒灌此卽尔辜不認錯也尔居官固好卻爲王謙張弼所欺頃令河工應追錢糧着佟世祿王謙張弼均賠部議甚明尔又奏請欲免其追賠開捐納以補原項此特因王謙亦在數中希圖爲之脫免耳鵬翮不能對又

諭曰王謙爲人刻薄人人怨恨尔卻偏信任
其恣意妄行以致人心不服朕非不知尔在
河工能任勞苦但聽信屬員流于刻薄從來
大儒持身當如光風霽月何況大臣受朝廷
委任必須爲國爲民事事皆有寔濟若徒飲
食菲薄自表廉潔于國事尙益耶閏四月
御舟渡黃河閱九里崗嘉鵬關修壘得法
賜御製詩扇七月准黃並漲古溝塘填清水
溝韓家莊四盜鵬關疏入得

諭今春朕諭張鵬翮大水時發難以逆料須
晝夜防護今古溝等處堤岸衝決河工將有
復壞之勢此事著九卿科道速議具奏尋議
鵬翮不預籌開坦之期力盡防險之法應革
職帶罪督修

諭令革職鵬翮任于是鵬翮督率河員盡力堵
塞于九月次第竣工四十五年十一月疏言
黃河萬里來源滙聚百川至清口與淮交會
總因衆水歸併一河來源多而去路少一時

宣洩不及所以兩年水長堤工危險臣率河
員往來勘議僉云去路一暢則來可容受惟
有遵

旨預開鮑家營引河俾黃河異漲藉此減洩
黃河一帶工程可以保固洪澤湖異漲藉此
暢流高家堰工程得平穩矣再于中河橫堤
建草壩二于鮑家營開引河處建草壩一相
機啟閉中河亦不虞淤塞矣下部議從之初
鵬翮同江南江西總督阿山漕運總督桑額

奏開濬淮套河屢請

上親臨指示四十六年二月

上閱視濬淮套問鵬翮曰尔何所見奏開濬
淮套鵬翮奏曰先因降通判徐光啟呈開濬
淮套圖樣臣與阿山桑額會同具奏恭請
聖駕躬臨定奪

上曰今日沿途閱視見所列標竿錯雜問尔
全然不知河工係尔專責不留心可乎鵬翮
不能對免冠叩首

上因顧諸臣曰阿山等奏利于漕淮套另開一河出張福口分淮水免洪澤湖之異漲保高家堰之危險繪圖進呈今朕從清口至曹家廟見地勢甚高不能直達清口與圖樣迥別且所立標竿多在人家墓之上依此開河不准壞民田廬甚至毀民坟墓張鵬翮以讀書人而爲此殘忍之事讀書何爲又

諭鵬翮曰奏漕淮套開河非地方官希圖射利卽河工官員妄冀陞遷至河工効力人員

無一方正者何故置畱河工鵬翮奏曰臣誤聽小人罪寔難辭逾數日

上又嚴飭之下九卿科道議罪尋議鵬翮草職阿山革任桑額同安嶽巡撫劉光美江蘓巡撫于準降五級調用

上諭太學士曰聞驗視漕淮套之時張鵬翮桑額皆謂不可開阿山強謂可開公同奏請著將阿山革任張鵬翮去所加宮保桑額降五級劉光美于準各降三級俱從寬畱任四

十七年九月疏奏黃運湖河修防平穩得
旨張鵬翮自在統河以來朕指示修築工程
殫心盡力動用錢糧絕無糜費比年兩河安
定堤岸無虞深爲可嘉所帶革職著與開復
應追銀兩俱著豁免十月內遷刑部尙書四
十八年二月調戶部尙書四十九年正月奉
命往江南審布政司宜思恭免收錢糧勒索
火耗並收受屬員餽送得寔擬絞巡撫于準
並不糾劾擬革職從之五十年三月鵬翮以

父逾八十請假省親得

旨卿簡任司農清勤恪慎積弊削除部務閑
係緊要聞卿父精力尙健不必急請歸省五
十一年十一月復

命赴江南審賄中舉人程光奎吳泌時江蘇
巡撫張伯行疏叅總督噶禮通同舞弊于科
場索銀五十萬兩噶禮亦劾欵劾伯行

命鵬翮同總漕赫壽察審尋奏副考官趙普
與吳泌程光奎賄通關節屬寔擬罪如律噶

禮劾伯行不能清理案件是寔餘屬苛劾應
降一級畱任伯行劾噶禮索銀全虛應革職
贖徒

上切責鵬翮等掩飾和解

命尙書穆和倫張廷樞再往嚴審事詳伯行
傳五十二年二月充順天鄉試正考官十月
調吏部尙書先是張伯行疏劾布政使牟欽
元匿通洋匪徒張令濤

上革欽元職下總督赫壽察審赫壽奏令濤

與海賊合夥無証據欽元署中亦無令濤五
十三年十月

上命鵬翮及副都御史阿錫鼐至江南審理
鵬翮等以伯行誣叅具奏

上責鵬翮等不能盡心審明原委令再詳審
五十四年五月鵬翮等叅伯行巧飾奸欺得
旨張伯行著革職看守審理七月奏伯行自
認誣叅應復欽元職從之又奏伯行誣陷良
民妄生異議應斬

上命伯行免罪來京詳伯行傳十一月丁父
憂時尙書富寧安勳策安阿拉布坦

諭鵬翮暫留辦部務俟富寧安回京再回籍
守制五十七年充會試正考官六十年復充
會試正考官會汶水旱涸運道梗塞奉

旨往勘疏言臣會同河道總督趙世顯巡撫
李樹德查勘戴村埧遏汶水出南旺南北分
流濟運舊設玲瓏亂石滾水三埧年久淤積
應補葺以資捍禦再山東運道全賴汶泗二

海峽各口在... 卷二二二
水上流泉源接濟今天旱泉微蜀山馬踏南
江諸水無多臣等遵

旨將坎河雞爪等泉疏濬并嚴禁民間偷截
灌田補築諸湖子堤禁侵種蓄湖水毋致乾
涸至南旺分水口係南北分流水脊爲運道
要區臣等遵

旨妥辦淺于南則閉北閘使分北之水歸于
南淺于北則閉南閘使分南之水歸于北
至事富明德御史梅縱經分水龍王廟以時

啟開再于彭水南岸建挑水坝一北岸截去
沙嘴挑盡淤沙使水挾沙暢流直入微山湖
則蓄淺有資運道自無阻滯再查邳州邱家
樓一帶低窪之水並無積滯太行堤延滾數
百里其曹阜豐沛等縣坍塌處交河道總督
及直隸河南巡撫修築下部知之九月直隸
總督趙宏燮奏河南武陟縣黃沁衝決堤岸
水溢至長垣等處山東巡撫李樹德奏河水
泛溢自直隸開州流入山東張秋等處由鹽

河入海致運河堤決漕船阻滯

命鵬翮同總漕施世綸查勘十二月鵬翮等
疏言臣等由山東張秋循流而上查黃河決
口在武陟縣之釘船幫支河口衝入詹家店
之魏家莊及馬營口今副都御史牛鈕河南
巡撫楊宗義于支河口築攔水堤魏家莊已
經堵塞馬營口水已消落指日成功其引沁
入運之處臣相度地勢西北高而東南下若
引水直下恐牽動全沁灌入堤內而黃河直

躡其後反覺無益山東運道在張秋則有沙河等水分水龍王廟則有南旺等湖濟寧則有馬場等湖又有諸山泉本可濟運祇因湖堤殘缺民間鋤種湖旁之地未得蓄水而諸泉壅塞又未疏通以致漕船時患淺濇臣等已交李樹德築堤蓄水疏濬泉流運道自可通利得

旨回奏甚屬明晰卽令照依所奏不得稍有更改六十年十二月加太子太傅雍正元

年二月授

武英殿大學士

賜御書嘉謨偉量匾額六月河南黃沁漫溢
決馬營口奉

命查築三年二月進明臣鄧鍾所著壽海重
編未幾卒遺疏入得

旨張鵬翮秉性孤介持躬廉潔前任總河懋
著勤勞入領銓曹恪謹供職因効力有年簡
任機務之值請假養疾遣醫診視必整肅衣

冠極其恭敬忽聞溘逝朕心深爲軫悼著加
少保于卹典定例外再加祭一次

諭發祭日

命大小漢堂官給事中御史齊集

賜全堊諡文端八年

詔祀賢良祠

李勳列傳

李勳貴州鎮遠人由行伍隨勦謬冲花苗拔
把總尋授千總雍正十二年遷古州鎮標右

營守備十三年台拱九股生苗不法勲隨副
將軍董芳由清江進攻燬賊寨力戰被創尋
隨經畧張廣泗勦羊吊洞里羊色等處並會
勦牛皮大箐均在事有功乾隆二年調郎洞
營守備三年遷荔波營遊擊十二年遷雲南
元江營叅將十四年調撫標中軍叅將十五
年遷湖北施南協副將十七年擢福建汀州
鎮總兵二十四年調貴州古州鎮二十五年
擢湖廣提督三十三年三月疏言辰州協自

雍正七年設副將一都司一守備二駐府城
控制土苗數十年來苗民久稱恭順接壤沈
州鎮寧永順常德寶慶雖係次要苗疆寔與
內地無異除有營守備現分駐辰溪外請裁
左營守備部議從之時緬匪肆擾調勦雲南
提督四月奏由普洱親在孟艮查拿逆酋名
散等

諭曰所奏頗中事機勉爲之但汝年老若外
域瘴氣稍重不妨卽在普洱督理一切六月

奏由普洱馳赴孟良率總兵劉德成華封等
清釐舊堡塞防要隘擒獲名散之兒名猛養
及其孥並名猛至名猛珍等沿邊良民投誠
俱安置得所

報聞先是御史周於禮奏湖廣江西及雲南
流民因開礦失業多竄孟良附緬匪

命勲查奏八月奏再四訪查實無漢奸踪跡
奉

旨申飭於禮

命勲回駐普洱勲旋卒於途

諭曰雲南提督李勲歷任提鎮宣力有年今春因查辦緬匪一事調任滇省卽親赴孟艮等處督率追勦不辭勞瘁辦理頗合機宜朕特念其年逾七旬降旨令回駐普洱茲據奏中途病故殊深軫恤著加恩贈太子太保加祭一壇應得卹典該部察例具奏尋

賜祭葬如例諡莊毅十一月

諭曰前因已故提督李勲辦事出力曾傳旨

楊應琚詢其有無子嗣曾否出任今擬奏有
子李逢堯現年十四並未隨任著傳諭該督
俟其年至十八卽送部引見四十年逢堯赴
部引

見奉

旨交巡捕營以予總用

楊永斌列傳

楊永斌雲南昆明人由舉人於康熙四十五
年授廣西臨桂縣知縣丁憂服闋補直隸阜

平縣知縣六十年調大成縣六十一年因緝
犯不力革職雍正元年

詔復職七月遷涿州知州三年奉

旨楊永斌才守俱優著授貴州威寧府知府
六年遷貴東道七年擢湖南布政使九年四
月調廣東布政使七月以前威寧府任內隨
征米貼逆苗議敘軍功加一級十月疏言律
禁鉄器出洋近因廢鉄可鎔製兵械一體嚴
禁惟鉄銅尙准洋船負賣臣查出口船少者

皇上重農至意飭屬勸墾其高亢不宜禾稻者令樹藝豆麥山麓偏坡亦酌裁所宜木植至惠潮兩府向多曠徒現招墾大官田荒地免蹈法網所墾田成熟後歲可得官租千餘石歸粵秀書院爲膏火均得

旨嘉允九年寔授十一年疏言粵東省城南船雲集俱在南海縣屬之佛山鎮貿易距縣治五十餘里鞭長莫及向設五斗口巡司一員職微不足彈壓請改設同知其巡檢移駐

平洲堡巡緝

詔如所議行十二年五月疏言教官與諸生最切近平時不加訓迪徒以無優劣具結塞責遇生監有違犯經府州縣審出則補詳劣行巧爲掩飾請嗣後有似此者以溺職糾參如三年內能使生監並無過犯或隨即提寔詳報准予題陞九月疏言臣遵旨勘明可墾地六千八百餘頃此外或山深菁密或失沙帶鹵体察民情不但俱費工本

兼恐磽地薄收糧賦無出臣思睿田產穀雖
少若多墾數千萬頃年豐可得數十萬石卽
年歉亦必稍獲於民生寔有神益宜多方勸
導以盡地利查廣東通省惟新寧縣糧額內
有斥鹵輕則畝征銀四釐六毫四絲米四合
二勺六抄仰懇

聖恩凡承磽瘠之地概准以斥鹵輕則輸糧
卽給照爲業十年起科混冒按律治罪庶沃
壤不致冒承輕則而磽地亦知田糧易輸

陌自廣均下部議行乾隆元年六月疏言揀
選題補人員例限一月查取結不能于一月
內辦理或具題後補取印結送部又徒爲具
文請嗣後揀選陞調各員卽於該管上司委
報冊內摘取政績考語入奏毋庸展轉取結
致逾定限至題報丁憂病故亦請以題咨開
缺之日起限一月揀選調補九月疏言
大清會典開載凡買田地房產例用在政使
契尾後改用契紙今契紙已革而契尾未復

臣思契尾係投契時官爲印給不同契紙另
需民間價買滋擾請仍舊例由布政使編發
各地方官粘民契後鈐印給發每歲奏銷時
將用過契尾數目申報藩司查考其稅銀如
有盈餘仍令儘收儘解庶民無觀望而官吏
侵收與奸民捏契之弊可杜部議如所請行
二年三月調湖北巡撫九月調江蘇巡撫三
年四月疏辦松江太倉所屬塘工王欵一奉
賢南漕上海寶山四縣因築塘取土成渠兩

繁劇之任著來京署禮部侍郎事務十月授
吏部右侍郎四年因病乞休

命以原品休致五年卒孫瑾官浙江按察使
梁詩正列傳了敦書附

梁詩正浙江錢塘人雍正八年一甲三名進
士授編修十年充山東鄉試正考官十二年
尚書房行走充

日講起居注官尋遷侍讀十三年六月遷侍
講學士十一月丁母憂乾隆元年

邀花誥寵不異彩衣班堂有槐三木門如水
一灣更思躋壽世希瑞遍塵寰十一月轉左
侍郎六年三月充

皇清文穎館副總裁尋條奏變通二款一入
旂閒散人丁宜分置邊屯以資生業也查旂
人除各省駐防與近京五百里俱聽屯種餘
並隨旂

皇上至仁如天凡爲旂人資生計者委曲備
至而旂人仍不免窮乏蓋生齒日繁若不使

自爲養而常欲官養之勢有不能臣謂非屯田不可今內地已無閒田

興盛二京膏腴未盡闢

世宗憲皇帝時欲令黑龍江寧古塔等處分駐旂人耕種查辦已有成議未及舉行今不早爲之所雖現在尙可支持而數百年後所戶十倍於今以有數之錢糧糧無窮之生齒使僅取給于額餉之內則兵弁之開支不足供間散之坐食欲增給于額餉之外則民賦

斷難稍加國用在所必需待養者眾固無餘財給之分戶日繁京師亦無餘地處之惟有酌派戶口散列邊屯使世享耕教之刻以時講武且可充寔駐防一線旂增設兵丁宜量停募補以減冗額也查現在各省馬步兵餉較康熙年間漸增至五六百萬在各營鎮每處浮數千百名不覺其多在

朝廷合計兵餉則冗額歲不下數十百萬各省錢糧大半畱充兵餉其不敷者隣省協撥

而解部之項日少向來各營多空糧自雍正
元年徹底清查此弊盡除是近年兵額但依
舊制亦比前有虛實之別况直省要害之地
多滿洲駐防與各標管鎮協聲勢聯絡其增
設兵額可以誠汰者宜酌定數目遇開除空
缺卽停止募補於將來營制漸有節省而現
在兵丁寔無裁汰之苦奏入

上嘉納之十一月管理吏部右侍郎十年擢
戶部尙書十二年充文獻通考總裁十三年

調兵部尙書十四年二月晉太子少師十一月兼刑部尙書十二月兼翰林院掌院學士命協辦大學士十五年正月遷吏部尙書教習庶吉士五月御史歐堪善疏劾詩正狗庇行私各款

諭曰歐堪善叅奏梁詩正一摺朕召軍机大臣吏部堂官掌院學士及該御史面加詢問高山係梁詩正房師至帶領引見吏部擬據投供人員依次擬缺大學士公傅恒因在軍

機處承旨知其現在直隸修城而該司以修
城無案可稽部選自遵成例帶領引見單內
夾片聲明則高山之引見道缺係該堂官公
同辦理其不出于梁詩正一人瞻徇師生情
分不待辨矣保舉金烈一事亦該堂官公同
商辦其不由科道與例不符曾一摺內聲明
梁詩正並將不合例之處先期商之傅恒及
詢歐堪善以金烈有無實緣梁詩正形跡令
其回奏據稱並無可指此二款雖有師生同

鄉之嫌初無曖昧徇私寔跡至姚範陳兆崙
列入京察一等則姚範人本平常不堪超擢
之選陳兆崙前次京察一等現係丁憂並不
在京供職此則梁詩正不無偏徇其翰林翰
班引見臨期越次更換每不過一二員或因
偶爾遘疾亦事之所有若如歐堪善摺內所
指已有五員此中不無高下其手著問明更
換情由是否出自梁詩正之意再行交部察
議梁詩正協辦閣務專領銓曹其供職內廷

不過筆墨之事初非格外加之寵任若謂其
招權納財植黨營私則是伊福薄不能承受
恩典矣且朕何如主而大臣能恣行其胸臆
乎至小小瞻徇情面則不獨梁詩正舉朝大
臣恐俱未能盡絕且如張廷玉掌院幾三十
年似此揔越引見之事不知凡幾何以並無
一人叅奏然卽有其事亦復何關政治在梁
詩正有此一二可議卽被叅奏得以知所做
省未始非福歐堪善之言當以爲感而不當

以爲怨也時御史儲麟趾疏叅四川學政朱
奎匿喪

上以詢詩正詩正奏對未晰交部察議尋議
革職

命從寬畱任十二月

恩賞其子舉人教書蔭生分部學習十六年
高

蹕南巡詩正父年八十

特晉一品封典給假畱侍旬月十七年疏請

終養

賜以詩曰遺榮空谷道耒老暫抽簪甚悉忠
勤意寧知孝治心歡承備鐘鼎跡異染泉林
翻祝歸朝晚卿家慶倍深二十二年

上南巡詩正迎

鑿

命在籍食俸二十三年六月丁憂九月

特命署工部尚書二十四年正月調署兵部

尚書四月

卷之三十一

七十一

世

命在紫禁城內騎馬八月充順天鄉試正考官二十五年七月教習庶吉士九月寔授兵部尚書協辦大學士兼翰林院掌院學士充經筵講官二十七年充順天鄉試正考官二十年六月

命爲東閣大學士兼管吏部尚書十月晉太子太傅詩正以次子敦書任貴州知府俸滿當來京引

見奏請留部得

旨以戶部郎中用十一月詩正卒

諭曰大學士梁詩正者成端重奉職恪勤侍
直內廷晉階翰林閣方資簡任遽聞溘逝深爲
軫恤著皇五子前往奠醑並加贈太保入祀
賢良祠賞給內庫銀一千兩治喪念伊子梁
敦書尙未到京寓次乏人著派內務府司官
一員前往經理喪事應得卹典該部察例具
奏尋

賜祭葬如例諡文莊二十九年

諭曰原任大學士梁詩正靈輿歸里沿途文武官弁在二十里以內者著俱赴舟次治奠並遣人護送俾得穩抵故里以示優卹四十五年

上追念內廷詞臣資望最久者莫如詩正及故刑部尙書張照

御製懷舊詩列詩正於五詞臣首

詩曰未可甘盤倫祇宜顏般等信稱館閣材句每有清警踐更既已深遂亦絲綸頌一夜

無病遊入閣寔未永持身恪且勤居家儉而
省內廷行最久交接一以屏不似張揮霍故
率稱其冷翻以是嘉之吾豈蔽近俸詩正子
二長同書原任侍讀次卽敦書由廕生分工
部學習乾隆十六年遷奉天府治中奉

旨留部以員外郎用十七年補刑部員外郎
二十年授貴州同仁府知府二十四年調遵
義二十八年俸滿

特命以戶部郎中用尋丁父憂服闋補戶部

郎中三十三年調吏部郎中三十四年授江蘇常州府知府三十五年遷湖南岳常澧道三十八年調駙監道四十一年九月遷福建按察使十一月調湖南四十三年調廣東四十四年擢湖北布政使四十六年奉旨來京另用四十七年二月授左副都御史五十年七月遷工部右侍郎八月遷兵部右侍郎五十一年卒

張渠列傳

張渠直隸武強人由副貢任太常寺博士加
捐郎中雍正五年補刑部郎中尋充大通橋
監督七年發廣東以道府用八年四月

上以渠兩任倉差声名俱好辦理亦屬諳練
諭督撫酌量題補六月題補惠州府知府奉
旨擢肇羅道十年遷按察使十二年三月疏
言竊案宜分贖党多寡器械有無定罪請嗣
後三人以下持械行竊雖不得財杖六十徒
一年四人以上雖不得財亦無器械爲首者

徒一年爲從者杖一百得財爲首者笞邊衛
充軍從者流三千里六人以上不論曾否得
財首從徒三年贓重爲首者流三千里從者
減一等至十人以上不分首從俱笞邊衛充
軍地方官疎防諱匿照強盜例處分疏入議
行四月遷布政使十三年正月調江蘇布政
使乾隆三年疏言江省營馬放青向無定所
多踐食田禾又壞濱江海處爲牧場與民爭
訟請令駐防六旗營汛視馬數定牧場禁民

佔墾如無曠土卽將營中公地州縣官塞改
設或值民間草地豁租立界如踐食田禾旂
兵鞭一百營兵杖四十過多者依毀伐稼穡
律治罪草伍追贖該管官失察者罰俸從庶
者降革又奏請變通舊例二條一向例地丁
錢糧經徵州縣欠一分至四分者降職戴罪
徵收督催道府直隸知州欠五分以上降職
戴罪督催但限內不完始議降調署任官初
忝三分以上經徵督催俱降一級調用二限

未完不及一分降一級畱任臣思正官僅止
虛降而署官之外咎獨嚴勢必嚴行酷比請署
官處分與正官畫一庶免偏枯一向例戰船
小修勒限四月大修六月違限一月者承修
官降一級調用二月三月以上降二三級調
用五月以上革職督修官與督撫俱分別罰
俸降調至內河弁兵平時哨船與外海戰船
不同而修造違限一例處分輕重失宜請酌
定不及一月者免議兩月三月以上罰俸四

月以上降一級畱任五月以上降一級調用
督修以次遞減較別項工程處分已重比外
海戰船處分已減承辦之員不致概羅重罰
均下部議行尋擢湖南巡撫疏言乾州永綏
同知鳳凰營通判管轄紅苗遇道犯懸賞購
捕養廉僅自給請每年各增銀二百兩以資
緝捕

詔如所請行四年二月調江蘇巡撫十一月
疏劾蘇州織造兼管許墅關海保會斐在縱

各款

命總督郝玉麟等會鞫得寔擬罪如律五年
四月疏言吳江縣盛澤鎮地界浙江商販雲
集易藏奸匪請將縣丞移駐以資彈壓部議
從之七月調湖北巡撫十一月卒

沈德潛列傳

沈德潛江南長洲人乾隆四年進士改庶吉
士七年授編修八年遷左中允累遷侍讀左
庶子侍講學士充

日誨起居注官九年充湖北鄉試正考官遷
少詹士十年晉詹事充武會試副考官十一年
三月授內閣學士八月請假歸葬得
旨不必開缺

御製詩賜之曰我受德潛德淳風挹古初從
來稱晚達差未負耽書方藉通元筆胡懸孟
韋車其如感風木暫許返林園南國欣歸陸
東門漫擬疏江鄉春意嬾能不憶金除
命給德潛三代封典十月

論曰朕向畱心詩賦不過裁餘遣興偶命屬
和其中才學充裕如沈德潛等間或一加超
擢而躁進之徒競思進獻若借此可爲梯雲
之捷徑不知沈德潛優陞闕學朕原因其爲
人誠寔謹厚且憐其晚遇是以稠疊加恩以
屬老成積學之士初不因進詩優擢雕章琢
句專事浮華此風一熾必有藉手捉刀希圖
僥倖者傳諭知之十二年四月
命在尙書房行走六月假滿赴職

賜詩曰朋友重唯諾况在君臣間我命德潛
來豈宜遽引年鴻岡表旣罷白駒來賚然卽
此至性肫令我愈以憐畫錦非所誇孝烏或
致焉席前陳民瘼不負予諮延見輩粗知書
善爲道孔顏尋擢礼部侍郎十三年充會試
副考官尋

諭曰沈德潛年力就衰著以原銜食俸在尙
書房行走十四年

詔原品休致

賜人獲官帛

命有所著作許寄京呈覽尋進所著歸愚集

上南巡

諭在籍食俸

賜詩曰水碧山明吳下春三年契濶喜相親
玉皇案吏今詞客天子門生更故人別後詩
裁經細檢當前民瘼聽頻陳老來底越精神
健劫外胎禽雪裏筠是冬以祝

皇太后六旬萬壽詣京十七年正月回籍十

月進所撰西湖志纂二十二年

上南巡加禮部尙書銜叠前韻

賜詩曰前席何曾隔六春
三千里不間疎親
星垣帝友豈無友
吳下詩人尙有人
咨度瘼
情期達隱平
量句義欲眩
陳步趨望九
雖稱
健靈壽聽教手握筠
二十六年詣京祝

皇太后七旬萬壽

上命集在朝諸王文武及致仕大臣年七十
以上者爲九老凡三班並繪圖德潛列致仕

美名至專

卷二十二

五

九老之首時德潛進所撰選刻

國朝詩別裁集請

御製序文

上以德潛選次未當

命儒臣重爲精校去畱

賜之序曰沈德潛選國朝人詩而求序以光其集德潛老矣且以詩文受特達之知所請宜無不允因進其書而粗觀之列前茅者則錢謙益諸人也不求朕序朕可以不問旣求

朕序則千秋之公論繫焉是不可以不辨夫
居本朝而參思前明者亂民也有國法存焉
至身爲明朝達官而甘心復事本朝者雖一
時權宜葦昧締縉所不廢要知其人則非人
類也其詩自在聽之可也選以冠本朝諸人
則不可在德潛則尤不可且詩者何忠孝而
已耳離忠孝而言詩吾不知其爲詩也謙益
諸人爲忠乎爲孝乎德潛宜深知此義今之
所選非其宿昔言詩之道也豈其老而耄荒
美名至專

子又不克家門下士依草附木者流無遠大
義具巨眼人捉刀所爲德潛不及細檢乎此
書出則德潛一生讀書之名懷朕方爲德潛
惜之何能阿所好而爲之序又錢名世者

皇考所謂名教罪人是更不宜入選而慎郡
王則朕之叔父也雖諸王自奏及朝廷章疏
署名此乃國家典制然平時朕尙不忍名之
德潛本朝臣子豈宜直書其名至于世次前
後倒置者益不可枚舉因命內廷翰林爲之

精校去留俾重鑿版以行於世所以栽培成就德潛也所以終從德潛之請而爲之序也
十月

諭曰今年恭逢

聖母皇太后七旬大慶在籍諸臣來京叩祝
具見惻忱獻歲之初朕恭奉

安輿時巡南服諸臣甫及旋里復當出境迎
銜僕七道途於林下高年諸多未便可諭諸
臣今冬曾經赴闕者明春無庸赴省候接在

雨浙者不必至江南在江南者不必至東省
如沈德潛卽于蘇州錢陳羣卽于嘉興餘均
視此爲例副朕体恤至意二十七年
駕過常州德潛借錢陳羣來
賜詩曰去歲入都祝

慈壽皤然九老領林泉清詞還擅香山會
事便教故里旋更止遠迎塵蹶涉所期重
得流連論文兼及蒼生隱虛席誰嘗宣室
前
三十年

上南巡晉階太子太傅

賜其孫維熙爲舉人

賜詩曰吳中今古老人科比似徵明定若何
書畫雖輸詩勝彼功名已過壽如他遊山有
興仍清健處世無爭祇善和明說九旬有三
歲那吏年格尙嫌多三十二年

賜人復三十二年亦如之三十四年八月

諭兩江總督高晉浙江巡撫承德前經降旨
將錢謙益之初學集罷行查禁嗣據奏到陸

續收繳銷燬因思沈德潛錢陳羣二人平素
工于聲韻其收藏各家詩集必多在錢陳羣
于錢謙益詩文似非其性之所近且久直內
廷尙屬經事諒不至以應禁之書轉視爲可
貴若沈德潛向曾以錢謙益詩選列國朝詩
別裁集首經朕于序文內自明大義令其剛
去但旣謬加獎許必于其詩多所珍惜或其
門弟子狃于錮習向欲奉爲辨香安以沈德
潛尚宿德尊謂可隱爲庇護從意存畱亦未

可定果尔豈沈德潛不知恩重不復望朕爲
之慶百歲也沈德潛錢陳羣自退居林下以
來朕恩禮優著所以体恤而矜全之者無所
不至伊二人寧不感戴殊榮勉思仰副若其
家尙有錢謙益初學有學等集未經呈繳者
卽速遵旨繳出與二人毫無干碍斷不必虞
及前次收藏之非妄生疑畏豈朕成全兩人
至此而委曲令其繳出轉從而加之罪責乎
高晉永德將此旨密諭沈德潛錢陳羣知之

九月德潛病卒高晉覆奏德潛家並無未繳錢謙益詩文集

諭曰沈德潛積學工詩耆儒晚遇受朕特達之知嗣以年高引退特許歸里俾得頤養天和爲東南縉紳領袖前者屢次南巡見其精神強健登沛恩施年來復時予存問方冀壽躋百齡益承優眷今聞溘逝深爲軫惜加恩贈太子太師入祀賢良祠又御製詩曰平生德弗愧潛修晚遇原承恩顧

禡壽縱未能臻百歲壽當不朽照千秋節終
宣命加復典論定應知有獨爾吳下別來剛
四載懷然因以憶從頭

賜祭墓加例謚文愨四十二年江南東台縣
已故舉人徐述夔首一柱樓集詩詞悼逆寇
縣民首苦集內載德潛爲述夔作傳下大學
士九鄉議請追尊德潛階銜祠謚卹其墓碑
諭曰沈德潛所作傳內稱其一柱樓編年詩
已付梓並云品行文章皆可法是沈德潛於

徐述夔悖逆不法詩句皆曾閱看並不切齒
彌恨轉爲之記述流傳尙得謂有人心者乎
沈德潛自中式進士及選人翰林時朕因其
平日學問尙好格外施恩又念其留心詩學
且憐其晚成是以不數年間擢爲卿貳又令
在尙書房行走而伊自服官以來不過旅進
旅退毫無建白並未爲國絲毫出力衆所共
知及充休後給尙書衙晉贈太子太傅並予
在籍食俸恩施至爲優渥沈德潛理宜飭射

安分謹慎自持乃竟敢視悖逆爲泛常爲之
掄揚頌美寔屬味良負恩且伊爲徐述夔作
傳自係貪圖潤筆爲喪素計其卑污無恥尤
爲玷辱措紳使其身尙在雖不至與徐述夔
同科亦當重治其罪今伊業已身故不加深
究然竟置而不論俾其身後仍得享受恩榮
則凡在籍朝紳又將何所警惕乎著照所請
行以昭炯戒四十四年
御製懷舊詩列德潛五詞臣末

詩曰東南祿二老曰錢沈則繼並以受恩眷
佳話藝林志而寔有優劣沈躋錢爲粹錢已
見前詠茲特言沈事其選國朝詩說項乖大
義製序正厥失然亦無訶勵仍予飾終恩原
無責備意昨秋徐家發晉乃爲傳記念國庇
逆臣其罪寔不細用是追前恩削奪從公議
彼豈魏徵比仆碑復何日蓋因辜而荒未免
圖小利設曰有心爲吾知其未必其子非已
出統袴甘虀棄孫至十四人而皆無書味天

調有明報地下應深嫂可惜徒工詩行闕信
何濟

譚行義列傳

譚行義四川三臺人康熙五十八年由武舉
授陝西西寧衛千總雍正二年隨大軍平青
海四年遷河南南城守營守備五月遷叅將七
年河東總督田文鏡劾行義養解陝營馬疲
瘦得

旨革職來京引見旋

賜

上諭一部及貂皮香珠復職八年遷廣東惠州副將十一年擢高雷廉總兵

賞戴花翎尋丁母憂

命在任守制十三年總督鄂彌達檄行義統兵五千協剿貴州逆苗六月抵古州分遣策應清江八塞堵禦黎平兩路進勦浛縱高表等寨經畧張廣泗又調赴援上江搗烏要擺吊等險巢會搜牛皮大箐惡寨矜首惡殆盡

乾隆元年調福建漳州總兵三年五月調湖南鎮守總兵十二月署廣西提督四年十一月寔授十二月議敘協勦逆苗功加銜一等五年閏六月統兵會勦楚粵逆苗八月與總督馬爾泰署巡撫安圖會奏宜山縣土蛮恃險劫涼派遊擊楊剛勦破自土邱索二村拏斬首惡及餘賊匿密崗中分路勦捕梟示撫其脅從

上嘉其成功迅速六年正月行義奏慶遠府

馮各目在二二二二
厲忻城土縣之外入堡地方積賊藍明星等
恃險焚劫會商督臣檄副將畢映往捕又撓
標營兵四百扼要堵禦有莫明權等投首願
縛賊贖罪明星聞風遁入山箐旋督兵搜獲
並擒斬要犯多人四月奏漢奸黃順等潛入
楚粵毗連之懷集惑眾謀逆勾黔省叅阿蘭
等散賣旗印約時起事臣與督臣調兵攻克
賊巢擒賊首及黨七十餘名尚有十四名未
獲嚴催訪拿均

報聞又疏言柳州府城內兵多民少俱係草
房易遭火患雍正十一年知府袁承幼捐銀
四百兩給被火兵民借建瓦房但所捐過少
今查兵丁草房尙有千五百楹或附倉庫藥
局或連壇廟衙署仍屬堪虞請將承幼所捐
交文員專管借給被火居民再借

恩賞息銀四千兩交中軍叅將會同馬平縣
經營借給失火兵丁有朱顯改建者一體借
給每楹九兩分三年繳還從之七年正月奸

匪李彩於遷江縣屬石版村樹旂聚眾謀攻城行義拏之並奏遷江縣遼濶無塘汎匪犯得潛藏請于城北北四地方設汎撥賓州營把總一兵五十城西平陽墟增巡檢一弓兵三十四駐防巡查七月奏言臣閱邸抄見兵部議侍郎舒赫德條奏內城九門外城七門揀設銅鐵礮各十位九年濱放一次奉旨欽准在案臣思九年爲日太久應照八旂例三年濱放一次每次每濱四位九年三次

不 鈔蝕礮手親舊二十二人尙不敷用每
礮加二名學習演放俾器不虛設人收算用
疏入均

報聞八年因擅借給兵丁倉穀部議降一級
調用十二月授登州鎮總兵十一年擢江南
提督十四年調浙江提督十六年調福建陸
路提督十八年八月以病解任九月卒
賜祭葬如例諡恭愨

鄒一桂列傳

鄒一桂江南無錫人雍正五年進士改庶吉
士散館授編修十九年充廣西鄉試副考官
尋授雲南道監察御史十二年疏言民間嫁
娶及契買奴婢不用官媒惟戶婚詞訟或入
官發賣之人始用之然亦止令書名畫押近
不法之徒私養婦女覓主局姦吞騙無所不
爲請

勅步軍統領順天府五城各衙門訪拿嚴禁
並定地方官失察處分下部議行十三年提

督貴州學政乾隆三年奉

旨畱任四年疏言黔省漢苗錯處雍正三年
前學臣王奕仁奏准歲科兩考於定額外加
進苗童一各卷面真寫新童字樣查歸化已
經百年之苗俗尙文風與漢無二請准入漢
童內應試其歸化未久者照例歸入新童六
年疏言歲科考一二等生員例得幫增補廩
黔省歲案幫補以行文科考日爲止與各省
日科案幫補則於鄉試前科冊解部日卽停

是歲案得缺倍多科案得缺至少請改於下
屬行文歲考日停止以昭平允部議均從之
七年疏言刑部向例積審結案者歸北監現
審未給者羈南所司獄禁卒例不更換益以
結案之犯

恩旨於每月初二十六兩日許家屬入視家
人在監者每日准出入買辦而未結之犯案
情未定概不許人出入以杜傳信申供今臣
查視南所北監已未結雜收不無滋弊請

勅部分禁於收禁時立措開明已結未結人犯字樣庶易稽查得

旨照所請行是年遷禮科給事中八年七月疏言近見奉

旨發議之事科道於部議未上之先攙越瀆陳徒滋繁擾應請申飭

諭曰科道職司言路凡有見聞自應陳奏但如鄒一桂所奏攙越瀆陳則大不可嗣後遇有交部議事件如科道不待部覆參差具奏

者該部於議覆本內將伊等意見參差之處
聲明請旨九月疏言樂舞生向來多弊是以
定例令州縣官會同教官選補文童取隣族
結冊送學政查核現經禮部覆准河南學政
林枝春條奏改由學臣錄取此法一行恐不
肖學臣藉以網利請照舊例補送下部議行
九年與給事中陳大玠先後疏劾革職巡撫
許容不宜仍署湖北巡撫

上嘉納之詳許容傳十年四月遷太常寺少

鄉九月疏言監獄重犯雖防範不得不嚴然
律載獄具全圖鉄索鈕鎖俱有定式獄官果
遵式慎選禁卒不時查點安有越獄之虞從
前禁卒人等因需索故以防範爲辭或用梃
床以束其身鉄簫以直其項觀音圈以變其
手足種種非刑經部議嚴禁載入則例乃自
久另創新制囚徒無分多寡概令排頭仰臥
於脚鍊手靠之中橫穿長木鎖通兩端壓其
手足不能屈伸轉側搖仰痛癢寔與梃床無

異獄囚多繇禁命該管上司以脫監處分最嚴並不嚴禁以穿木束因爲通例直省類然晉豫尤甚請

勅督撫臬司諸臣嚴禁部議從之十一年遷大理寺少卿十二年授倉部御史十三年遷大理寺卿一桂工繪事所進圖畫多邀

御題十五年遷內閣學士十七年八月充會試副考官十二月擢禮部右侍郎十八年轉左十九年同部侍郎張泰開保舉一桂子志

伊爲國子監學政

詔下部議泰開以贍徇革職一桂降三級留
任二十年以贍徇尙書王安國左都御史楊
錫綬准其父入祀鄉賢祠降二級畱任二十
一年

上以一桂年老不勝侍郎之任調補內閣學
士二十三年十二月疏請致仕

允之

陸辭

御製詩二章賜之其一曰懷鄉念切老年索
弗許翻嫌不近情一胸陞辭雙淚下原猶戀
闕可憐生其二曰簪纓歸里榮依舊花鳥怡
情樂正賒吳下詩人應好在白頭相聚話烟
霞時沈德潛致仕家居

上憶及之故云二十六年來京恭祝

皇太后萬壽蒙

恩預九老會

賜遊香山二十七年三十年

上南巡一桂兩迎

駕

賜畫神圖壽額三十六年復來祝

萬壽詩預會

賜遊如前

命加禮部侍郎銜在籍食俸三十七年歸里
道卒

諭曰禮部侍郎銜鄒一桂供職有年人亦醇
謹前以老告仲昨冬來京見其精神尙能加

舊特加恩准其在籍食俸俾資頤養令於春
和就水程南歸頭聞行至山東汶上縣地方
患病溘逝殊爲可憫著加賞尙書銜仍著該
部照尙書應得卹典察例具奏尋
賜祭葬如例

漢名臣傳卷二十二終

漢名臣傳卷二十三

哈攀龍 馬虎 莊有恭 張師載

吳進義 許容 闕相師 錢陳羣

哈攀龍列傳

哈攀龍直隸河間人乾隆二年一甲一名武
進士授頭等侍衛七年發往福建以副將用
九年授興化城守副將十一年擢河南南陽
鎮總兵尋調福建海壇鎮又調漳州鎮十二
年丁母憂回籍守制十三年二月

上東巡華龍在籍迎

鑾

命往金川軍營听總督張廣泗委用四月署
松潘鎮總兵五月統兵由美臥溝攻取撒臥
山大松林噶達等寨分兵進剿馬溝右梁下
營親勘形勢據險要搜截松林毀松卡二週
左梁山溝砲擊斃賊數十六月攻克渴足寨
茨礪寨四水城一殺賊二十餘奪與署重慶
總兵任舉合兵圍攻色尔力石城舉陣亡攀

龍督兵赴上下林鎬斃賊三十餘收舉屍回
七月同都統班第署重慶總兵段起賢侍衛
富成發兵五路夜襲色尔力石城木卡焚木
卡三殺賊五十餘復乘隙攻破石梁雙溝等
處閏七月經畧訥親總督張廣泗會奏哈攀
龍調赴昔嶺令委幹員駐兵美田溝乃濫派
懦弁至沿途失糧炮又任舉陣亡後攀龍不
能奮勇攻克賊卡請降二級留任從之十月
諭曰哈攀龍向在軍前尙有勞績後並未見

有出力之處令其具摺由駙速奏尋又

諭曰前因哈攀龍治大雄哈尙德三人年力正強尙屬驍勇可備驅策特發往金川軍營令及時自効乃伊等到營並未聞有克獲建功之處所領兵弁作何布置作何攻取亦未有一摺奏聞不知在彼所辦何事武弁身臨行陣坐守經年不能攻堅陷陣能無愧乎着傳旨詢問令明白回奏攀龍奏展克卡斬獲賊番俱呈報張廣泗廣泗未經縷悉入奏十

二月

諭曰從前訥親等將哈攀龍叅處甚爲屈抑
朕聞伊在軍營尙爲黽勉出力着將部議降
級之案准其開復攀龍尋隨經畧大學士傅
恒夜攻色尔力嶺石卡先登拔石卡殺賊番
數十十四年二月金川稱款凱旋攀龍功加
三等再功加一等紀錄二次九月署甘肅固
原提督十六年調署湖廣提督十八年奏整
飭弁兵各條一凡獲逃兵卽重責革伍一月

內自首量寬初犯一日草干把總未弁毋得
久在任所一施南衛武昌永順保靖九谿等
處舊土司安插各省者恐有私逃回籍飭各
弁時加查察一軍流重犯往回遞解遵例一
犯二解兵械防獲仍於埠內註明某兵押交
前汛限時回銷一解餉每兵配帶烏鎗腰刀
哨棍由大路行走防護委弁督查交前汛取
照回銷仍令沿途塘兵護送出境該將備報
過汛日期一州縣監獄有換兵防範之例應

定派撥五名如額名無多處派四名遇要犯
另酌增派

上嘉勉之二十一年寔授湖廣提督二十二年
年調貴州提督二十四年

陛見以病留京二十五年卒

賜祭葬如例子國興官至西安提督自有傳
馬虎列傳

馬虎甘肅武威人由行伍於雍正四年從征
准噶爾有功拔把總累遷西寧鎮標中軍守

條乾隆十三年派赴金川軍營十四年撤還
十七年遷南川營都司二十年大軍勦準噶
爾虎赴西路軍營管馬以倒斃過多部議降
三級留軍營効力二十一年隨剿叛賊沙克
都爾曼濟等二十二年赴門展屯田二十四
年以墾穫較多議叙加一級二十六年遷提
標右營遊擊二十七年遷西安城守營叅將
二十八年

貢副將銜領換班兵赴伊犁屯田二十九年

議叙加一級三十年補慶陽協副將三十一年三月議叙開復前所降級六月賜孔雀翎三十三年擢湖北襄陽鎮總兵三十七年七月率兵二千赴金川軍營派由綽斯甲布進勦十月由木池抵俄坡之東攻宜喜山梁克磳卡各二十二月同領隊大臣舒常擊敗東澗來犯賊偵復潛出西澗以火器奮擊賊遁三十八年正月進攻達爾圖山梁大礮賊自密林中突犯虎力戰被創卒

論曰馬虎自調赴軍營以來甚爲奮勉此次
攻擊賊卡身先士卒陷陣捐軀殊堪憫惜着
加恩照王玉廷李全之例交部議卹尋

賜祭葬如例入祀昭忠祠

予騎都尉又一雲騎尉世職子壯猷襲現在
山西大同鎮標左營遊擊

莊有恭列傳

莊有恭廣東番禺人乾隆四年一甲一名進
士授修撰

命在尙書房行走五年充

日講起居注官累遷侍講學士九年遷光祿寺卿尋丁父憂十一年

特擢內閣學士十三年提督江蘇學政十五年正月授戶部侍郎尋充江南鄉試正考官八月仍提督江蘇學政十六年授江蘇巡撫十七年二月疏言濟甯關向委佐雜四員協查但未定更代之期盤踞日久弊竇叢生且啟劣員戀關曠職之端嗣後請半年一代著

爲定例得

旨允行十月暫署兩江總督十一月疏言太倉鎮洋沿海田廬全賴海隄保障雍正十年前撫臣高其倬議自寶山湖口港歷鎮洋太倉常熟至昭文之福山港築土塘三萬四千七百餘丈時因經費不充僅江湖口港至劉河南岸沿邊頂衝處建土石塘工餘至今未辦今歲七月東北風潮劉河以南賴塘隄得無恙以壯頗至損傷築隄捍田斷難再緩現

據士民自請挑築但民力一時難集若陸續
興修又恐工程及半遇伏秋大汛不能興仍
棄前功應接築士埭九千四百七十餘丈請
酌借庫銀一萬六千兩給紳士自募夫役春
融動工官無鼓舞勸懲務令汛前告竣所借
銀按畝扣輸不過升米之值二年即可完欸
詔如所請初有恭爲江蘇學政時浙江人丁
文彬者偵有恭出獻所著文武記太公望傳
等逆書有恭以爲病狂不究至是文彬復挾

其書至山東呈衍聖公孔昭煥昭煥告巡撫
楊應琚以

聞有恭自請治罪

上以有恭故縱逆罪罰學政養廉十倍十九
年御史楊開鼎條奏江南收漕之弊

勅有恭覆奏有恭尋疏言江南收漕向爲積
弊淵藪而蘇州松江常州鎮江太倉爲尤甚
雍正中前撫臣尹繼善竭力剔除漕政爲之
一清年久法弛故智漸萌臣到任後同督臣

鄂容安酌定條例勘右漕倉遇收期飭糧道
及各道府不時周巡臣與督臣仍委員弁微
服查訪胥吏稍犯立拿嚴究至楊開鼎所稱
需索不遂借詞米不如式勒令晒晾節糜臣
接此弊官民皆可借口而徧言反得容奸蓋
漕糧上供

天庾自應乾圓潔淨倘不如式非特盤驗不
符糧道運官俱于叅處卽朦混交納而不堪
久貯必致貽悞倉儲糧戶良頑不等往往以

青腰白臍潮嫩雜碎之米強交令換卽造作
浮言挾制自應分別察究又不得但責官吏
取悅刁民也

上獎其所言公正二十一年丁母憂

特命給百日假回籍治喪於伏汎前至淮署
江南河道總督事有恭奏泰興縣捐職州同
朱聃主使幾命按例應絞聃呈請贖罪臣業
經批准尙未結案

諭曰莊有恭此奏觀之寔爲駭然豈有入人

死罪並未奏聞擅自飭司准其收贖至離任
後始含糊具奏之理現命尹繼善等據實查
辦其有無染指雖尚未定然觀其專擅妄謬
如此大失人臣敬事之道已令其家居待罪
尋尹繼善及新任巡撫愛必達奏朱明贖罪
一案有恭不遵成例遽行批准專擅之罪百
喙難辭又有恭監試秋闈察出張穀孫等賄
謀聯號擅批議罰又嚴凝裕聞蟋蟀事有恭
亦批罰贖俱未奏其所罰銀分貯江寧吳縣

卷之三
泰興等庫

命革有恭職解京治罪二十二年四月大學士九卿擬有恭罪應絞

諭曰莊有恭簡任巡撫辦理地方案件自有憲典可遵乃惟以重罰爲事自朱晞一案而外如張毅孫之聯號嚴凝裕之聞蟋蟀不一而足其意以爲行之旣熟將來自可操縱由已莊有恭自應素律治罪然此案則寔無贓私入已情弊着從寬免死發往軍台効力伊

現有母喪仍加恩准其回籍料理事畢前往
軍台不准捐贖六月

命戴罪署理湖北巡撫二十四年調浙江巡
撫二十五年二月劾署杭州將軍伊領阿副
都統劉揚達違例咨取轎役工食經臣駁回
伊領阿等仍自乘用

命革伊領阿劉揚達職有恭交部議叙紀錄
一次三月疏言海寧塘工宜乘此浮沙刷盡
分別修築又紹興之南塘嘉興之台塘並開

緊要臣於二月初赴山陰勘宋家壩工係三江曹俄二水交會之所又適當潮汐衝刷爲南塘首險前於二十一年改建石塘四百丈現俱鞏固隨由山陰至蕭山之龕長等山越南大臺至海寧之中小臺登文堂葛嶽諸山按海寧南門外西過戴家石橋工長二千一百六十丈東至陳文港工長二千九百八十七丈雖石塊參差殘缺然根址堅寔若一律折建無論費斁不資轉恐不如舊工之區無庸

一概興修其必需修築者千六百餘丈現在
分別加工自陳文港東至尖山下有韓家池
柴塘四百一十丈亦應一律折廟勘畢後臣
卽循海而北由海鹽至平湖遍歷乍塘按海
鹽東臨大海南有台駐北有乍浦諸山山趾
角張縣城以一面當潮汐衝城外石塘最爲
險要上年八月風潮稍大塘工間有冲塌臣
已指示隨時修補至海寧應修建千六百餘
丈亦分緩急臣就其殘缺過甚者七百七十

餘丈作爲要工其餘察看潮形以次接辦
諭如議行六月疏言自西塘至胡家甍至海
寧南門外三四月間潮退沙漲計長十八里
臣前請辦戴家石橋要工四百六十餘丈旣
有新長沙形爲之外護應先就迤東工段償
辨再審量沙勢分別緩急庶帑不虛糜工歸
寔用奏入

上曰此佳兆也應致祭

海神以昭靈貺九月疏言陳文港緩修塘工

十丈照魚鱗作法逐層整砌圓通菴前緩修塘十丈仍作緩修作法如式堅築廿里亭西緩修塘二十五丈修整坦面加用排椿令緊貼塘身報

聞二十六年十一月疏請浙江鼓鑄照福建例配用白釧得

旨嘉獎十二月奏言海寧西塘老鹽倉一帶經霽伏兩汎老沙汕刷亟宜先事預防先後拆廂二百丈自霜降後臣往來察勘見柴石

兩塘交接之區水已臨塘自此迤西老沙仍
多坍卸請將接連前工之七十丈上緊廂辦
報

聞二十七年春

上南巡

賜以詩曰已未親爲策士文精掄莖榜得超
羣起行不負坐言學率屬偏能先已勤鶴市
舊聲猶眷眷龍山新政更慙慙海塘正是投
艱處磐石維安勉奏勳九月有恭疏報每字

塘工竣

諭曰浙江海寧塘工最爲緊要今春巡幸抵杭之次日卽赴老鹽倉尖山等處相度指示飭令修築柴塘益建設竹簍坦水各工用資保護今據莊有恭奏查勘工程俱已陸續完竣餘工並皆穩固該督撫率各員償辦藏工甚屬盡心深可嘉予莊有恭着交部議叙尋議加一級十月調江西巡撫

諭曰浙江海塘工程莊有恭籌辦甚屬盡心

且現有查辦災賑事務亦為緊要其日行事
件照常交護撫索琳接辦塘工賑務仍聽莊
有恭專司其事蘇杭一水之地案曠往還本
可無虞稽悞至熊學鵬抵浙賑務自能妥辦
若海塘工程自不如莊有恭之輕車熟路鄰
封伊迓兩撫應始終會辦莊有恭斷不因已
經調任稍分畛域十一月
特免有恭學政任內應罰未完銀六萬餘兩
二十九年九月擢刑部尙書暫留巡撫任十

上南巡

賜以詩曰重教任蘇撫近復擢秋卿豈不輕
車藉要資法網平蹕塗暫留扈翰幄自歸并
德政吳松在何曾讓畢亭八月有恭劾蘓州
府同知段成功縱役詐擾累民草職未及擬
有恭

召還十二月兩江總督高晉奏段成功因瘧
不能檢點案牘致家人婪贓成功寔未與知
上嚴飭之令巡撫明德據寔查奏嗣明德奏

段成功家人出票滋擾成功不惟知情且圖
染指知府孔傳炯按察使朱奎揚明知成功
假病瞻徇未究

俞萃朱奎揚孔傳炯職解部治罪三十一年
正月高晉奏莊有恭原叅卽有段成功抱病
朦語

諭曰莊有恭旣訪知段成功有出票婪索之
事具題叅劾豈有復信其捏病被朦之理伊
彼時若仍任江蘇巡撫決不肯如此姑息了

事亦不肯爲此隱躍兩可之語其意不過以五日京兆離任在即何必結怨故留此罅隙即使他日審出寔情伊可居救之不得之名如得以捏病一節籍端開脫即可解怨市恩此等卑瑣居心行事尙得爲純臣乎今因內閣檢取原本閱對則有本官抱病朦官舞獎之語並詢問莊有恭據稱該司府等審究段成功家人等貪供段成功賄適患病係伊等朦蔽所爲隨據揭敘稿題叅未能即將段成

復加恩陞授尙書協辦大學士朕之施恩於
莊有恭者有加無已苟稍有天良自應寔心
圖報乃敢於叅審重案授意屬員巧爲欺蔽
深負朕恩此皆朕之不能以德感人以明識
人深用爲愧若再姑息使過將來何以董正
天下督撫哉莊有恭着革職拿問交軍機大
臣會同刑部嚴審定擬其前在學政任內應
罰未完銀兩曾經加恩寬免莊有恭如此喪
心負恩仍着追繳等

諭曰向來各省督撫辦理案件瞻徇欺朦上下通同舞弊習氣最爲惡劣前歲湖北盜犯張洪順一案經朕徹底查辦嚴加懲治以爲各省督撫自應滌慮洗心奉法惟謹乃未及三年不意又有罔上行私毫無顧忌如莊有恭之甚者可見各省督撫之錮習相仍牢不可破段成功詐擾累民贓蹟已著莊有恭身任巡撫不思秉公參究轉授臬司知府令其妻罪家人書役巧爲開脫以遂其解怨市

恩之計居心欺詐斃法負恩莫此爲甚若不
痛加懲創其何以飭吏治而正人心今將伊
革職拿交刑部令軍機大臣會同審擬外間
無職之徒未必不以此案較之湖北案情爲
輕而處之則同不知張洪順祇係細民犯盜
愛必達等並非有意袒徇乃因回護已過遂
將後案延擱究未敢公然授意屬官乃屬官
承其意者相與黷預了事耳若段成功身爲
職官索詐部民情節可惡莊有恭惟知官官

相護罔知法紀於查叅段成功時輒先授意臬司知府令其從寬開脫遂爾隱躍其詞以患病被朦叅劾若非朕畱心詳閱洞燭其奸則貪黷擾民之段成功幾至倖逃法網是此案之挾私舞弊寔倡於莊有恭其罪莫淨於愛必達矣且愛必達已經發遣伊犁並不稍爲寬貸今朱奎揚孔傳炳供詞俱在案情歷歷如繪稍有知職者閱之尙能爲莊有恭置一詞乎昨四達等奏到卽令軍機大臣將朱

至揚等親供交某有恭闕看伊惟俯首認罪
並不置辯其意不屑與屬吏對簿自爲得體
不知寔小人之尤豈有如此重案聽其含糊
認罪而遂可成信讞之理因命弔機大臣等
復行傳旨訊問則又供宋至揚等承審月餘
延捱觀望直至莊有恭自行訪有款單札司
轉府拍審伊等始將家人書役勒詐得贓情
弊具揭又不將段成功自己標判廳卷回明
送看等語所供情節亦係一面之詞難於憑

信卽日朱奎揚等拿解到京自可得其底裏
設稍有支吾掩飾亦何難加以嚴詢使之水
落石出耶外省吏治弊壞皆由督撫不能正
已率屬上下和同聯爲一氣以行其朦被欺
詐之伎倆各省皆所不免而江南爲尤甚在
伊等相習成風恬不爲怪不思此等鬼蜮形
跡難逃朕之洞鑒一經敗露惟有力加整頓
執法不撓務在廓除積習俾吏治肅清該督
撫等咨宜猛省自愛毋得以身試法將此通

諭各直省督撫知之二月大學士傅恆等擬
有恭罪應斬

諭曰據審莊有恭及朱奎揚孔傳炯等供核
其情節莊有恭並非袒護段成功而于保舉
段成功之和其衷則曲意爲之瞻徇蓋和其
衷爲新任巡撫明德弟兄恐事發累及舉主
有碍顏面遂尔心存瞻顧上司屬員意會色
授各相喻於不言因置段成功受賂情事不
復深加結怨妄與含糊結案外省上下和同

官官相護積習最爲惡劣若不急爲整飭將
漸啟党援門戶之弊於世道人心深有關係
莊有恭身爲巡撫屬員視其趨向自應依律
問斬着監候秋後處決八月

命赦有恭罪補授福建巡撫三十二年卒
諭曰莊有恭已經病故所有伊江蘇學政在
內未完銀六萬餘兩着加恩寬免

張師載列傳

張師載河南儀封人父伯行刑部尙書有傳

師載由舉人承父蔭雍正六年授戶部員外
郎八年遷郎中九年正月授江南揚州府知
府八月擢河庫道乾隆四年終養回籍七年
補原官十年四月擢江蘇按察使六月調江
西疏言江西俗惑風水贛州南安尤甚既墓
復掘洗骸以驗吉凶請依子孫毀棄祖父母
父母屍律擬斬並議鄰保扶同罪部議從之
十一年內遷左通政十二年遷宗人府府丞
十三年七月擢倉場侍郎八月

命往江南學習河務十四年協辦江南河務
十六年二月

上南巡加頂帶一級三月授安徽巡撫

特勅伏秋大汛仍赴河南協同防護十八年
八月

欽差尙書劉統勳總督策楞查辦河員虧帑
誤工事奏上

命韋師載職留于河工効力九月策楞叅奏
銅山小店沿溜逼堤根同知李焯守備張賓

疎防

諭李焯張賓卽于捉獲正法縛師載至行刑所視誅焯賓訖釋之二十一年放回籍二十二年二月

諭曰張師載從前協辦江南河務一切俱係高斌主持但身爲大臣惟事附和以致玩工滋弊咎有難辭是以革職治罪旋經降旨從寬完結念其人尙老寔年未衰邁着赴京候旨酌量加恩錄用尋授兵部侍郎七月遷漕

運總督二十二年正月遷河東河道總督

上南巡

賜以詩曰疏濬期嘉績修防董眾察詎予惟
使過廟汝尙更調法在遵潘訓文寧藉鮑昭
魚臺全涸未舉趾待春潮二月師載由荆山
橋履勘至徐州會同江南總河向鍾山奏籌
辦河岸提工三事

命分任和衷辦理疏詳鍾山傳先是河南商
邱六堡河勢由北折南偏塘勢甚危險每歲

搶修費以萬計師載于六堡對岸劉家樓至
李家莊開分溜引渠三百餘丈河漸北徙事
聞

上嘉之山東微山湖居昭陽湖下游徐州無
堤處漫水刷成港槽奪溜灌湖議開伊河分
洩師載奏伊河自韓莊過八閘至黃林庄入
運請開八閘月河以暢洶河下注之勢挑伊
河具口接長兩岸雁翅埝以資吞吐又虞河
身日高遇漲卽溢微山湖每患墊溢請將孫

家集溝槽未經措處堆亂石滾塌盛漲則分
渡以減水勢歸槽則收束以刷河底使入湖
之水有所搏節

詔可二十五年疏言河工設立河兵堡夫河
兵歲給銀米倍于堡夫且得拔補外委遞陞
千把總堡夫則別無寸進以致應募日稀伏
思竅樁下埽堡夫最爲熟練河兵缺出與其
募茫然未曉之人不若卽選精悍堡夫充補
使之進身有階自必踴躍力作于修防益收

寔効得

旨允行二十七年

上南巡再

賜詩曰去歲楊橋決予當咎匪卿從來不諉
過正尔憫奔驚清白揚勳烈莫安觀後成修
防益勤奮勗此繫民生閏五月奏言陽武一
帶堤工多係浮沙河水浸泡每患頽圯遇風
浪更爲險要去年因河溢水逾堤頂灘面闊
段停淤臣按淤性膠粘凝結飭工員于臨河

卷之三十一

三

一面用淤包裹二三尺嗣後遇有土工依式增培可節每年廂修費

上是之二十八年卒遺疏至

諭曰張師載老成謹慎辦理河務宜力有年今患病溘逝殊爲憫惻着加恩追贈太子太保所有應得卹典併着該部察例具奏尋賜祭葬如例諡愨敬

吳進義列傳

吳進義陝西寧朔人由行伍隨振武將軍孫

恩克征噶爾丹有功給署守備副付康熙四十九年揀發江南備補千總五十二年補提標右營守備累遷遊擊雍正元年遷中營叅將四年遷浙江台州協副將七年調杭州協副將八年擢黃岩鎮總兵乾隆二年正月

陞見

賜鞍馬

賞戴孔雀翎疏言提鎮以下等官例有隨丁馬步名糧養贍馬原未足向俱照標營每年

倒斃十分之三報銷請核寔以杜袒冒部議
從之二月調江南壽春鎮總兵四月疏言鎮
標兵糧春夏例給折色但三四月青黃不接
糴食價昂請酌動公糧銀採買稻麥來春照
原估借給秋收繳還另行買貯接濟兵食下
部議行六年擢江南提督七年淮揚徐鳳災
進義請借給營兵餉銀來年扣還

詔如所請八年疏言太湖界連浙江漁船奸
良真辨請照海洋例巡哨與巡撫會商每營

派將備一配駕沙瓠哨船各一帶兵總巡十日更換將備有事下把總代往其支河小汛不通內河者飭兩省陸路兵巡查則聲勢聯絡奸黨歛跡得

旨嘉獎十一年八月調浙江提督十四年九月調福建陸路提督十六年

命仍回浙江任時溫台告歉寧紹嘉湖等府米貴倉貯多缺進義請截漕酌補

上允之先是進義與閩浙總督喀爾吉善訪

獲傳抄偽稿之寧波千總雷壘等奉

旨審訊提督衙門書吏包琳仇英供稿從內
衙傳出喀爾吉善劾進義隱諱

命解任質訊進義奏辯並未見稿承審按察
使德福等刑訊進義幕友沈翼天家人高正
學復供江南松江提塘陳公綬由報封發浙
江巡撫雅爾哈善劾進義曾見偽稿既不查
拿于前復捏詞奏辯于後應革職擬斬如律
上閱其年老免治罪尋

命江蘇巡撫莊有恭提犯會鞠十八年三月
有恭奏言浙江原審吳進義傳出偽稿在十
六年四月而提塘陳公綬于五月初三日以
前並未發報月日不符高正學沈翼天亦供
並未見吳進義拆報見稿寔由承審各員牽
合附會事下軍機大臣稟訊得寔

諭白軍機大臣審訊陳公綬傳送偽稿一案
不獨由報封發之事全屬誣枉而陳公綬亦
始終並未見稿無怪乎吳進義從前之堅不

承認也浙省辦理此案之初未免以專涉同
省大員恐蹈瞻徇遂轉向吳進義追求過于
周內而吳進義于喀爾吉善等亦奏之後屢
摺奏辯迹似肩受卽如武進陞有檢舉孫鼎
元凜送偽稿之奏安知吳進義未經見稿伊
屢任提鎮身受厚恩見稿之罪甚輕欺隱之
罪甚重且據該撫節次具奏又俱持之甚堅
是以將伊革審殊不意其竟屬子虛也若非
陳公綬在江翻供經莊有恭奏請快訊豈不

竟成寃獄今既審屬無辜又豈可以已經寃宥遂不予昭雪况武進陞不過令其休致吳進義並未見稿是不但無罪亦且不應廢斥矣着該部行文調取來京引貝雅爾哈善等交部嚴加議處六月以提督銜署直隸宣化鎮總兵十月補古北口提督十一月疏言直隸標兵操演每名歲用火藥至八斤餘恐糜餘透漏出口請照浙江駐防八旗鎗兵例每名准報銷三斤九兩按期核寔散給十九年

四月又言臣閱河屯協馬兵弓箭生疎請將鎗牌步兵六百八十三名內改設弓箭兵七十名備拔補馬糧均

報聞五月疏言古北口官當本銀萬兩二分收息惠濟兵丁尙存餘息請將撥息銀四千兩足成本銀萬四千以一分五厘起息除充賞外較前尙屬加多不數年成本交還兵民永佔利益從之二十三年

諭曰吳遙義年屆八旬累任節鎮宣力老成

着加太子太保以示優眷三十四年疏言直隸應交山廠之馬北路提標及馬蘭宣化兩鎮向在張家口交收南路督標及天津正定承寧各鎮在京交收查提標馬蘭鎮距張家口均千里定例出青之馬由京至牧廠每日支草一束各營赴張家口每馬仍日支糧銀一錢千匹日支百兩遲交十日卽費銀千兩請嗣後提標馬蘭鎮之馬亦在京城交收既免往返跋涉錢糧亦不致虛糜從之二十七

年卒

諭曰吳進義宣力戎行足膺表率以年逾大
耄特加恩顧茲聞患病溘逝深爲軫恤着贈
太子太保加祭一壇應得卹典該部察例具
奏尋

賜祭葬如例諡壯愨

許容列傳

許容河南虞城人由舉人捐知縣康熙五十
三年選陝西府谷縣六十年內遷工部員外

郎六十一年遷廣西道監察御史雍正元年
改會考府卽中仍遷御史二年八月疏言秋
審朝審民命攸關九卿詹事科道有公事不
能到班卽知會刑部不必列銜請派滿漢御
史各一員稽察糾其無故不到者下部議行
尋授直隸口北道三年二月調陝西糧鹽道
仍帶御史銜六月疏言川陝要地且當軍興
後守土官必得才守兼長寔心辦理現在文
武員弁多係前督臣年羹堯題補其中阿諛

逢迎者寔多祈

敕下督撫將文官所員以上武官恭遊以上
分班赴部引

見州縣守備以下亦嚴考核又年羹堯恭劾
各官多不公并請

勅部清查原案調赴引

見

上嘉納之十二月遷陝西按察使四年四月
峇密奏陝西布政使馬喀爲河東巡鹽時將

已變價鹽捏稱未賣奏請分年帶銷

命侍郎吳士王會同總督岳鍾琪巡撫圖理
琛詳查密奏尋革馬喀職以容兼管河東巡
並御史事并

命協同研訊八月

論曰馬喀深負朕恩循私作弊其列款密奏
者則係按察使許容朕未曾宣露也而陝西
一二引見官員朕曾詢問亦稱聞有此事朕
意許容既兼管鹽道事務知之必然詳確既

在朕前密奏斷無不秉公據寔之理故令許容協同欽差侍郎吳士玉等審訊此案豈料許容懷挾私心欲寔其言做成口供將咸陽商人高俊加以三木逼令承認與馬喀通同作弊夫蓋商乃買身微末之人希圖小利亦屬常情馬喀身任巡鹽之職敢干營私欺罔祇因治馬喀之罪豈有不分官民不辨輕重而將眾人一概加以嚴刑煅煉之理着將許容解任並將許容從前所奏及目今所審情

由俱交與岳鍾琪等一一詳加覆審與許容
質對務將各犯情罪輕重徹底明晰得其至
公至平不可稍存意見有所偏向岳鍾琪等
覆奏言許容無刑逼商人事但于咸寧長安
等縣積鹽業經賣完容所叅非妄而潞澤等
十七處止賣十分之一何得以風聞遽稱二
十萬現有之帑金分爲帶銷之賒欠應依上
書詐不以寔律革職擬杖徒十月
諭曰許容初叅奏馬喀將變價蓋斤誑請帶

錯甚屬欺罔朕將馬喀韋職令許容會同審
理嗣聞許容欲寔從前奏忝之言嚴刑逼勒
商人承認朕是以將許容一併解任質審今
岳鍾琪等審明並無逼勒承認之事其所叅
馬喀之處多皆寔事許容理應開復起用着
補授浙江布政使來京請旨前赴新任五年
六月授浙江觀風整俗使尋偕廣東巡撫楊
文乾等赴福建盤查倉庫錢糧

上嘉其秉公交部優敘加二級六年六月丁

毋憂

命回籍治喪畢仍赴觀風整俗使之在十月
擢甘肅巡撫七年以條陳例

諭曰據許峇條奏內稱出納過付之人宜照
完贓減二等之例發落得贓者令加倍完贓
方准減一等若止完原贓准減一等發落夫
定例得贓定罪之後于一年完贓減二等發
落蓋照侵欺錢糧于限內全完減二等發落
之例也至于出贓過付之人鑽營勾引罪難

寬貸今欲令其罰銀減等而得贓者又令加倍完納方減二等如此較量則是重財而輕法矣且使無出贓過付之人則貪墨者何從得贓許容忽代此輩分疏而欲改例未減是誠何心又稱連幾二命之犯宜加等治罪夫謀故聞殺各有正條是以殺傷二命仍據本律科斷俱議以秋後處決蓋至秋審時核其情罪權其重輕果無可原之情自無寬宥之理今許容不論情罪之重輕但以殺傷二命

卽請改爲立決則聞毆誤傷者俱無從邀欽
卹之典矣且使誤傷不止于一命則立決之
外又將何以加重乎其草率不思亦已甚矣
又稱諱竊不報與竊盜不獲宜定處分夫強
竊之案輕重懸殊而地方竊案多于強劫是
以諱竊不報例無正條卽照諱盜赤革之嚴
例處分正所以深警其諱報而弭竊盜之源
也至于旣報之後竊案甚多豈能照強劫之
例靳限處分今許容請將諱報者寬以降罰

而欲將緝拿督緝之官勒限議處必至五衆之內緝獲三案方照獲盜過半例開復則足地方緝案頗多者其官員永無開復之日而得以保全其官者有幾且必將相率而諱報從此竊盜滋熾皆許容之開脫啟之也許容才識平庸卽謹守律今尙恐錯誤乃逞其私意欲事紛更以沽名譽甚屬愚妄着交部嚴察議奏尋議降二級調用得

旨降一級畱任八年二月疏言以靜寧州屬

之安定監歸迤渭縣移縣于安定監城寧夏
府屬之花馬池增設州同屬靈州蘭州所同
知改河捕同知平涼府屬之固原所歸併固
原州鞏昌府屬之岷州所改爲州設知州吏
目靖遠廳改爲縣設知縣典史俱下部議行
時大軍征噶爾丹策凌

上以容辦軍需凡事推諉

特命尙書查弼納赴陝西總理稽查三月容
奏軍需將次全竣

諭曰此番軍需朕代爲挽將覆之轍回已頽之波救汝身家性命較自御史五年內擢至巡撫之恩大矣亟當知之封疆大吏平時不能開誠布公令屬員感畏一遇有事斷不免叢脞之虞歧誤之失于臨機應變之際又復畏難而不体國懷私而不奉公未有不累及身家性命者日前雖幸免大譴捫心自問能無愧乎嗣後凡趨利遠害之私衷避重就輕之巧念切勿更萌惟確秉公誠向對天無慚

處踐履方可保終身安適也五月

諭曰年來甘肅地方辦理軍需雖一切動支
公帑絲毫不取于民而輓運轉輸不無資于
民力朕心軫念特將雍正八年額征錢糧悉
予蠲免以示恩卹今聞該撫許容以兵餉無
抵將歷年舊欠勒限一年全完民間十分擾
累以黎不法之徒借端生事許容才具短淺
識見鄙陋辦理此事甚屬錯誤夫本年錢糧
既經豁免而仍嚴此舊欠大非朕加恩沛澤

之意若云兵餉無抵自可具題請撥何得于
蠲免之年行催征之舉着卽行停止八月疏
報本年六月十五日遵

旨于河州口外營建河神廟宇卽有祥雲捧
日中色成文至七月初五日自積石關至撒
喇城查漠達斯等處百餘里黃河澄清三晝
夜官兵喜躍稱慶以爲從來未有之上瑞
諭曰朕從不言祥瑞年來各省奏報慶雲醴
泉鳳凰芝草之屬悉皆屏却今降旨于河州

口外恭建廟宇以奉河神護國佑民之恩而
彼地河流卽昭上瑞顯著休徵足見天人感
應之理捷如影響其務以公心爲昭事之本
益加勉勵夙夜謹慎以受天恩九年二月
上以容查核軍需錢糧過刻恐致累民傳

諭訓誠十月

諭曰朕覽許容奏摺運送米豆一事與總督
查卽阿意見不合許容之意竟似查卽阿有
意與伊矛盾者朕令廷臣詳查知查卽阿奏

請冬天口外停運而以空閒之驟安台接運米豆此事尙未奉旨是以未會知會許容以致彼此辦理互異並非有意與許容矛盾朕將許容奏摺發交廷議今廷議以已運過涼之米仍照許容所奏听州縣直運肅州其未過涼州糧石已撥脚價者暫停扣追俟將來運糧扣抵朕已允行但思查卽阿居心忠厚志在急公必無同事之人有意矛盾之理許容疑心太重致生此等猜疑有失和衷之道

不思軍需關係緊要必須合志同心方于公務有益不負朕之委任着密諭許容知之十二年疏劾丁憂知府李綺虧空軍需銀請革職嚴追

諭曰許容與李衛向來讐怨最深入所共知從前李衛在朕前叅奏許容之處甚多且每年向人輕鄙肆詈朕因李衛好惡拘執置之皆不問今許容于李綰去任之後特以虧空軍需銀兩題叅李綺乃有力之家豈肯虧蝕

此數千金國帑自于罪戾況李綺在任數年若果有虧空之處許容何以漫無覺察于伊去任之後始行糾察明係噴怪李衛而遷怒于伊兄屬員迎奉刻意搜求坐以虧空軍需爲報怨之地似此大臣官員等假公濟私互相報復之風甚是卑鄙斷不可長李綺虧空之案必另有情由着許容詳確查明據實陳奏十三年覆奏言臣檄誣李綺到蘭審訊寔因辦公賠墊共虧空銀七千三百餘兩請勒

限半年回籍交補得

旨李精一事前旨甚明乃必令赴蘭到案殊屬膠執其所虧銀兩既有田房堪抵但當速遣回籍折變完補亦何須勒限逼迫且汝于不聞軍需庶務由塘報中附奏者頗多獨將此差人資呈以致耽延時日是何意見似此襟懷狹隘豈有封疆之量耶朕寔代汝惜之乾隆元年正月疏言蘭州新闢地方向因議駐滿兵建營房自康熙三十六年完報無幾

雍正十三年題奉部覆民欠限年勒追無着者歷任各官員分賠銀恭遇

恩赦彙册請免而民欠應按數追仰懇聖恩一体豁免

詔如所請行時回原環縣歉收容奏請將有業貧民借給口糧無業者大口日給米三合小口二合至三個月止

諭曰從來爲治之道莫先于愛民况秦省自用兵以來百姓急公踴躍甚屬可嘉今又值

收成歉薄更爲可憫此當加恩賑恤于常格
之外者摺內奏稱散賑三個月口糧汝未聞
從前

皇考加賑江南山東等處之

恩旨乎汝辦事寔心而理財過刻國家救濟
貧民非較量錙銖也但須使寔惠及民耳可
一切寬裕爲之並將此旨傳諭查卽呵劉於
義等知之於義尋奏言蒙

聖諭諄切今已酌定加賑兩月但查現在賑

濟時窮民尙逃散日出可見大口三合小口
二合之數寔不數度日

上諭容曰汝爲地方大員旣不能先事預防
于前又不能竭力賑救于後而且一經奏報
遂謂了事恐甘省之灾荒二字再入朕耳如
此輕視民命爲民父母之謂何汝意爲國家
惜費乎夫民之元氣乃國家之根本也傳曰
百姓足君孰與不足汝豈未之聞乎三月
諭曰朕御極以來時時以愛養百姓爲心深

恐陽雨不時旱澇爲患閭閻疾苦不能上聞
所以告誡曾撫有司者至詳且悉至于陝甘
二省民人屢年轉運軍需急公効力尤爲朕
心格外憫卹者上年間甘省固原環縣等處
收戒歉薄窮民乏食朕知許容性情褊隘識
見卑庸恐但思節省錢糧不思惠養百姓屢
次親批諭旨令其寬裕料理勿使災民稍有
失所又令資其安插之費寬其散賑之期朕
之訓諭已煩朕之心力竭矣乃許容刻覈性

成不但無痾瘵乃身之意並朕肯亦不祇遵
不過循照往例苟且塞責罔計百姓之寔能
安堵與否是以正當賑濟之時而流移他都
者尙千百爲羣相望于道似此膜視民艱之
大臣何以稱撫綏懷保之職許容着解任暫
留甘省將軍需各項銷算清楚來京候旨五
月劉於義奏言上年固原等處歉收蒙
恩軫賑三個月外再加賑兩個月臣查目前
待賑之固原州共四千餘戶其賑過五個月

者僅百三十六戶固原所共萬餘戶其賑過
五個月並不遵定數散給固許容用財過刻
馭下過嚴而固原同知張慶水知州鄭炳惟
恐拂容意指塗飾欺蔽請革職究擬得

旨張慶水鄭炳俱革職交該督臣查審若過
在許容即將許容嚴加議處六月查卽阿劾
容匿灾殃民並任私人張慶水及秦州知州
賈聖楨試用州同曹源浴党同爲虐

詔革容職革解進京十二月刑部鞫容玩誤

災荒徇庇屬員屬筴按律擬杖徒援

赦免二年

命署山西布政使尋其授三年三月調江蘇
布政使五月署江蘇巡撫八月疏言江蘇爲
財賦重地州縣共六十八賦衝繁疲難四項
相兼及沿河海各缺十指六十七非才猷由眾
之員殊難勝任卽選得其人執不覓以因公
小過與例不符其與例符者又或才難勝劇
人地非宜每致要缺久懸待懇

聖恩量爲變通遇題陞調補之缺如一時不
得合例之人將不合例而可以勝任者于本
內聲明恭候

聖裁至同一不合例之內仍當視所犯重輕
分別酌定庶勸懲胥協規避可除于成例亦
無大碍下部議行四年二月丁父憂五年閏
六月

上以湖南現辦軍務

特命容往署巡撫容疏請終喪

欽定四庫全書

諭遵前旨行不必回辭六年二月疏言乾隆元年兵部議准武職親丁馬匹俱備價存營遇需用時購買臣于五年八月抵任本標因城綏用兵呈報購買日期查五六月間各營皆已報買因查乾隆二年於剿蒲寅山亦是城綏用兵並未買備此番何忽購買訪知各武職俱屬虛報且有銀存營未領而已報沿途買就希支庫料者且今日報買迨至凱旋又將捏報倒斃疲瘦再請帑項存營臣不

敢扶同欺飾

諭曰摠報買馬固千吏議但官員衆多又在
軍前出力今軍務已竣應從寬完結傳諭湖
廣總督查明城緞用兵以來各營摠報買馬
若王及層支行營草料若于俱照數遣還外
一概免其處分其該管上司濫行批准者亦
免其議處九月寔授湖南巡撫十月以秋審
各案經九卿于緩決可矜內改擬者多傳
旨申飭十二月疏劾糧道兩濟世柱縱營私

上命湖廣總督孫嘉淦會鞠朱是濟世訪臬
衡陽縣知縣李澎家人書役浮收漕米經長
沙府知府張琳枷責詳糧道倉德批結至是
容劾濟世欵內稱浮收事屬鳳影布政使張
煥復飭改原詳及批倉德通揭部科御史胡
定復劾容朋謀傾陷濟世罔上行私八年二
月
命侍郎可里衮起湖南秉公察審閏四月解

容任雷楚侯質六月阿里表奏許容劾謝濟
世多欺惟失察書吏犯贓尙未全誣餘盡屬
子虛應章職擬杖徒尋例納贖發順義縣城
工効力贖罪九年正月

命署湖北巡撫二月給事中陳大玠等奏容
身爲大臣敢肆欺罔罪無可逃不宜復列察
案

諭曰朕因湖北巡撫員缺一時不得其人許
容久歷外任頗能辦事是以宥過令其署理

以觀後效今陳大玠等既如此陳奏其言亦是許容着不必署理湖北巡撫十五年

上時巡中岳容迎

駕

賞給原銜補內閣學士尋告病回籍十六年

卒

閻相師列傳

閻相師甘肅高台人雍正七年由行伍振擢總効方西路軍營陞千總乾隆七年遷提標

左營守備九年遷大通協都司十年調安西
城守營十二年遷涼州鎮標中軍遊擊安西
提督李繩武以相師久在口外熟悉夷情奏
請本任遇缺候補十四年補安西提標前營
十七年署瓜州營叅將二十一年十二月厄
魯特降人沙克都爾曼濟謀叛相師隨巴里
坤辦事大臣雅爾哈善剿斬賊衆四千餘尋
偕副將丑遠以兵千赴魯克察克同額敏和
卓剿叛回奏阿里克二十二年二月授金塔

寺營副將五月管理吐魯番屯田二十三年
正月擢肅州總兵三月

賞孔雀翎領綠旗兵隨靖逆將軍雅爾哈善
等勦回酋霍集占授領隊大臣五月圍庫車
城相師力戰被創九月大軍克阿克蘇將軍
兆惠留相師駐守尋隨剿葉爾羌二十四年
三月授安西提督閏六月駐防喀什噶爾九
月調甘肅提督十一月兆惠奏令移駐庫車
諭赴烏魯木齊辦理屯田尋

諭曰聞相師現赴烏魯木齊念其隨將軍兆
惠等進兵著有勞績今大兵凱旋著傳諭楊
應琚于內地編兵內派員更換卽令其來京
陛見二十五年至京
賚銀幣敘功加三等

命圖形

紫旂優儒臣擬贊曰薄庫車門石著於額屹
不爲動觀者舌咋葉羌之役虛擣亢批雄姿
偉幹足鎮關西二十七年正月以疾奏請解

錢陳羣浙江嘉興人康熙六十年進士改庶
吉士散館授編修雍正七年充湖南鄉試正
考官九年遷右贊善十一年轉左贊善十二
年三月遷右庶子四月遷侍講學士充
日講起居注官十三年正月提督順天學政
閏四月轉侍讀學士七月

命南書房行走九月改右通政仍留學政任
十一月疏言各學與報優劣請照京察計典
例止千歲試隨棚舉行蓋歲試文武生畢集

至科試則武生不與而文生應試者亦止十
之三四不能面加獎戒其歲科並行之地必
有朝報劣而夕禱草欲自新而無路者卽舉
優亦易掩飾請停科試舉報下部議行乾隆
元年丁母憂回籍服闋

命提督順天學政四年補原官陳羣母陳氏
知書工繪事陳羣少時母昴之學爲夜紡授
經圖陳羣嘗奏及之

上賜題以詩有嘉禾欲續賢媛傳不愧當年

化莠人之句五年疏請增順天鄉試南北血
中額

諭曰此奏甚屬錯謬國家育材取士自有章
程卽正途人員應得之缺亦有定制斷無曰
人數衆多而多設官職之理自今進士之就
選者已覺滯滯而舉人之就選者則在二十
餘年之久已有難于疏通之勢若欲希圖士
子之稱揚感激再增中式之數則取者愈多
而用者益覺遙遙無期彼中年中式之人至

老方得一官精力衰頹志氣怠惰國家何能收科目取人之實効乎錢陳羣身爲學臣不知政體爲此沽名之奏甚屬不合著交部察議尋議銷去加一級六年六月遷太僕寺卿七月遷詹事八月疏請直省學宮從祀先賢先儒神牌位次悉遵太學不得因陋就簡以訛承訛用昭慎重部議從之七年五月擢內閣學士六月遷刑部右侍郎三月轉左九年七月充

經筵講官十年充會試副考官十二年二月
充

大清會典館副總裁六月充江西鄉試正考
官十五年復充江西鄉試正考官十七年患
反穀疾連疏乞解職回籍

許之

命其子編修汝誠侍行且

賜詩以寬其意

詩曰三尸素所戒二豎胡爲作予告遂頤和

還鄉竟如約陸辭意懇欵請詩應允諾憐汝
身日羸壯汝神猶鍊達生有至論庸醫無大
藥辟穀方赤松先憂後原樂十八年陳羣進
途中所作詩

上用其會錦春園和韻

賜詩曰北海惟客待社陵詎身謀勝會開名
園新詩步秦州猶記陸辭時流火方新秋何
事大江北閒尋谿壑幽養疴許謝莊遁跡非
田疇故鄉山水佳藥餌頃易求頤攝冀良愈

待泛還朝舟江頭有錦春何妨一命遊几杖
見孫侍樽核賓從稠江湖信可樂廊廟豈治
憂遲遲有深意欲邁還停收况彼五畝開卷
阿我曾留卽是矢音地扈賡憶從頭詩簡俯
奏箋翰苑傳風流固知解脫心疾等浮雲浮
從茲一葦南遙望心與悠二十二年

上南巡

諭在籍食俸二十五年

上親爲喬梓圖寄賜陳羣

序云重五日錢陳羣和賜其子汝誠詩書扇以進蓋欲之而不敢言陳羣老矣不可使其因此鬱鬱于懷促成是幅並登舊韻賜之

詩曰南國應嘗穀兩茶筴頭書自送初家貢來恰好臨蒲節賜去無須寶墨華教寄北山聊示梓漫忝西土擬拈花高年已覺多男累莫逐東風更羨鴉二十六年来京恭祝

皇太后七旬萬壽蒙

恩預香山九老會

諭曰錢陳羣久歷卿貳兼直內廷年逾七旬
學問優裕前以養病回籍有旨在家食俸用
資頤養今來京慶祝召對之次見其神明不
衰而居鄉素稱恪謹著加恩賞給尚書銜以
昭優眷又

諭曰今年恭逢

聖母皇太后七旬大慶在籍諸臣來京叩祝
具見悃忱猷歲之初朕恭奉

安輿時巡南服諸臣甫及旋里復當出境迎

鑾僕僕道途于林下高年諸多未便可諭諸
臣今年曾經赴闕者明春無庸赴省候接在
兩浙者不必至江南在江南者不必至東省
如沈德潛卽于蘇州錢陳羣卽于嘉興餘均
視此爲例副朕體卹至意二十七年
駕過常州陳羣偕德潛來迎
御製詩各書一通

賜之曰二老江浙之大老新從九老會中回
身體康強自逢吉芝蘭氣味還相陪迎堤幕

題以爲喜出詩命和羣應推更與段動可佳
約期頤定復登金台三十年
上南巡陳羣復借德曆迎

楊

物詩曰二仙仍此侯河濱三載相睽意更親
郭泰李膺一烟舫沈期錢起兩詩人飄然自
髮都還健爾清瞳自有神筆力年華雖共
老載廣知復倍清新是年陳羣年八十
命加太子太傅

賜其子汝器爲舉人汝誠適扈

蹕

諭至家省侍三十一年陳羣進其母畫冊每幅有其父綸光題句

上製詩十章歸之有子昂題句仲姬畫頗有今人似昔人之句三十六年二月

上東巡

駐蹕平原陳羣進所書登岱祝釐頌及

御製詩文並廣韻詩冊至

賜詩曰平原此日巡方駐秀水多時奏牘欽
萬有餘言親手寫三千里外故人心可知食
履益康健具見頌揚篤悃忱冬月定當重晤
面健談興自勃知音八月陳羣進謝

恩詩

上卽以前韻答之曰宣毫端視常隨側卽景
摘詞每寓欽何必多思甫老句所無逸緬且
公心往來筆札如覲面廣和篇章每托忱善

頌雖卿頗自許不忘規更佇佳音是冬來京
恭祝

皇太后八旬萬壽

命紫禁城內騎馬並

賜人參令其子汝誠扶掖出入

內廷再預香山九老會陳羣進和

御製香山九老詩句云鹿馴岩畔富童扶
上賞其超逸

親爲圖以賜陳羣將南歸復

賜詩日剛喜談心頻席前胡爲慶葳又當旋
幾番笑語消一瞬重晤風光期十年雪阻長
途仍發軔冰凝順水未開船精神健豈妨跋
涉却是南瞻每眷然明年陳羣抵家疏謝

上時駐蹕香山

賜答詩有香山適接還鄉信卽景尤思扶鹿
人之句陳羣深于詩多不經人道語書法亦
蒼老家居後每歲
上錄寄詩百餘篇

命之和陳羣既和韻必親繕冊以進冊必有
跋體或兼行草屢蒙

獎贊三十九年卒

諭曰在籍加刑部尙書銜錢陳羣老成端謹
學問淵醇自康熙年間通籍詞垣以後久直
內廷洊歷卿貳奉職恪勤嗣因養病予告優
游林下者二十餘年皆東南搢紳領袖前此
屢次南巡疊加授尙書銜晉太子太傅在籍
食俸並時以御製詩章寄令費和儒臣老輩

輩中能以詩文結恩遇備商確者沈德潛故
後惟錢陳羣一人而已前歲來京見其精神
強健爲之欣慰因賞給人參俾資頤養冀其
壽躋大耋尙可再赴闕廷益承優寵昨冬聞
其忽尔抱疾屢念良殷曾于奏函內溫垂諭
詢意其卽可調理就痊以副恩眷今驟聞溘
逝深爲悼惜著加恩晉贈大傅入祀賢良祠
並于浙江藩庫內賞銀一千兩經理喪事應
得卹典仍著該部察例具奏尋

賜祭葬如例諡文端四十四年

御製懷舊詩列陳羣于五詞臣中

詩曰少年困場屋賢母授之經故學有淵源
於詩尤粹精經濟雖非卓不矢爲老成以疾
賜懸車還鄉信循名迎銜三於浙祝

釐兩入京倡和稱最多頌中規亦行林下惟
恂謹文外無他營優游登大耋生賢沒亦榮
長子汝誠乾隆十三年進士改庶吉士散館
授編修十六年充河南鄉試正考官十七年

侍父南歸比還職

命南書房行走二十年三月充

日講起居注官五月遷侍講二十二年遷侍
讀學士二十三年擢內閣學士二十四年遷
兵部左侍郎二十五年三月涼師穀價未平
命赴德州會勘北上商販船因請嗣後商船
至天津關毋得畱難回空時概免封堤剝船
得

旨嘉允四月調刑部左侍郎六月充江南鄉

通志目錄卷之三十三

三

試正考官二十六年三月兼管順天府府尹

十一月調戶部右侍郎尋轉左充

經筵講官仍署刑部侍郎享二十七年復充

江南鄉試正考官二十八年二月請將應入

鄉會試外簾官通行開列無得規避

上是其言如所請行六月文安霸州大城等

處生蝻

諭嚴督捕

命會勘順天府屬及宣化永平遵化旗地核

定租額二十九年因刑部擬罪乖謬部議革職

詔從寬畱任三十年疏請終養

許之三十二年丁憂服闋仍畱籍養父三十九年丁父憂四十年服闋署刑部右侍郎尋授左侍郎充四庫全書館三通館副總裁四十二年

命仍在

南書房行走四十四年卒

漢名臣傳卷二十三

終

漢名臣傳卷二十三終

漢名臣傳卷二十四

蔣傳 潘紹周 牛天昇 王安國

陳大受 何焯 蔣炳 胡寶琮

蔣溥列傳

將溥江蘇常熟人大學士廷錫子雍正八年
進士改庶吉士直

南書房尋

特賜廷錫一等輕車都尉世職

命溥承襲十年丁父憂回籍既葬

諭卽來京供職十一年授編修十二年遷侍講十三年遷左庶子充

日講起居注宮乾隆元年遷侍講學士四年推內閣學士五年授吏部右侍郎尋轉左六年正月

上慮各省督撫尙有積習未除者

命大學士九卿畱心訪奏溥密陳所聞各條一督撫各立門戶引用私人公事從此推諉又或外托和衷營私墮狗姑容不職屬員貽

害地方一督撫新任必極言前任廢弛地方
涸弊以爲日後卸過地並見已振作或前任
陞遷者則曲爲彌縫擯棄者更吹索其疵一
叅劾屬員定例督叅撫審撫叅督審而承審
各員惟論聲勢如原審者已失勢則巧爲開
脫若現任或要津必附會鍛鍊督撫亦瞻顧
不問一督撫意旨易爲屬員窺伺逢迎如昔
年河南墾墾荒陝西開井祇以迎合上司奉行
不善閭閻滋累疏人

上多採納

勅各省督撫毋蹈前轍二月兼署刑部左侍郎六月充浙江鄉試正考官試竣疏言直隸場規內簾設監試二凡薦卷必由察核以昭慎重內簾每日供給亦由票取驗發今浙省內監試一惟在闈旁觀不與薦閱事供應恐主考票取分撥不能專心閱文請照京省場規辦理下部議通行七年二月充經筵講官六月疏言凡條奏發九卿會議有

主稿衙門酌定或駁或准會議日書吏誦稿
一遍以待公商但其中原委曲折一時難悉
請于定議前兩日將議稿傳抄俾各詳勘至
當然後可剖晰暢言至會議命盜案刑部向
不先定稿惟俟議時平反至不關人命之案
亦宜與各衙門一體先令主稿傳知庶爲審
慎下部議如所請行八年閏四月
命署湖南巡撫事

御製詩賜之曰簡畀羅英俊咨時切治安江

湖襟帶地風俗易移難穀賤籌農苦棉輕慮
歲寒承流敷渥澤應共洞庭寬十月寔授湖
南巡撫九年三月疏言永順一府及辰州屬
之永綏乾州鳳凰三廳苗民貪暴之習未除
至寶慶府之城步靖州之綏寧苗崗狡惡者
尤多近年臣宣布

天恩嚴禁兵役擾累仍整飭武備不得懈弛
苗民漸知守法

諭曰御苗之道首以不擾爲要次則使知兵

威之不敢犯此奏頗得之四月奏劾按察使明德于巴陵縣生員方宜黠被盜一案不細加研鞫意存諱飾下部議革明德職六月劾期並道謝濟世老病不能率屬

勅濟世勒休回籍八月疏言向例道府州縣政績聽自造冊申送不免鋪張失實應將州縣自註之冊令本管府州核加考語呈本道核轉知府直隸州事寔本道轉造道員事寔兩司轉造俱呈督撫查覈佐雜政績向不造

報或有任意縱肆者請令該管州縣造冊送
府州轉送司道查察呈督撫存案不致有名
無寔九月疏言苗崗舊設義學令內地生員
訓導恐不肖者混入滋事地方官同教職慎
選充當具結通報查考俱下部議從之十月
疏奏同學臣甄別教職衰頹荒疎者十三員
咨部寵斥

上以辦理甚見各省督撫多姑息將原奏抄
出寄付閱看先是給事中胡定奏請湖南濱

湖荒土勸民築修開墾部議合該撫查奏至
是溥疏言近年湖濱淤地築墾殆遍奔湍束
爲細流洲渚遍加堵截常有湖水衝決之患
現在沅江之萬子湖湘陰之文洲圍士民請
築墾臣親勘文洲圍倚山面江四圍俱有舊
堤今若就臨江東西二港建垣設閘使水不
入則圍內可墾田萬畝計費不過數百金士
民自願興工已議舉行至萬子湖四面受水
廣袤八十餘里費大難築並于上下游水利

有碍臣以湖地墾築已多當防湖患不可有意勸墾

上見之十年授吏部右侍郎軍機處行走十一年兼理戶部侍郎事十二年充會典館副總裁十三年三月充會試副總裁四月擢戶部尚書

諭曰戶部事務頭緒繁多尚書蔣溥著專辦部務不必兼軍機處行走十五年晉太子少保十六年兼管三庫十七年充文獻通考館

正總裁十八年協辦大學士兼署禮部尚書
掌翰林院事十九年

命偕汪由敦董邦達修盤山新志盤山在蘇
州向訛爲唐韓愈送李愿歸之盤谷而不知
彼寔在濟源溥等承輯新志亦二三其說而
未歸一是

上特爲考證以正其誤溥工寫生有父廷錫
遺法每進呈多蒙

御題有師承家法閒圖出右相丹青有後生

之句二十年兼署吏部尙書二十三年因秋
審錯擬原任湖南布政使楊灝緩決一案奉
旨嚴議銷去加一級仍降一級畱任二十四
年授

東閣大學士兼管戶部尙書二十五年充會
試正總裁先是溥弟洲在山西布政使任內
以罪誅其無着帑項溥奏懇分年代交至是
特旨寬免二十六年卒

諭曰大學士蔣溥居心純正奉職克勤簡任

綸扉綜理農部兼領翰林院人直內廷敬慎
小心從無少懈前因患病增劇屢賜醫藥朕
親臨看視尙冀就痊茲遽溘逝深爲軫惜著
加贈太子太保入祀賢良祠並賞銀二千兩
治辦喪事朕親往奠醑以示恩眷應得卹典
該部察例具奏尋

賜祭葬如例謚文恪子槐由編修歷官兵部
左侍郎賜祭現官戶部左侍郎襲一等輕車
都尉

潘紹周列傳

潘紹周陝西西安人原籍甘肅陝西提督鎮
綏將軍育龍之孫父福官廣東右翼鎮標遊
擊康熙六十年紹周襲育龍所遺雲騎尉世
職授二等侍衛雍正三年授山西老營叅將
四年遷廣西慶遠協副將七年西隆賊奮肆
劫紹周率守備許應虎由洛崗追捕至淶村
山斬賊首樊匡科又擒賊首樊李旺于龍霸
巢八年正月雲貴廣西總督鄂爾泰奏開古

州都江河道以定且來牛二寨頑苗梗路調
兵協勦紹周偕叅將施善元統廣西兵赴古
州諸葛營與貴州黎平副將趙文英會勦定
且破其寨首惡阿當就於尋會副將董芳兵
勦來牛都江路通五月軍寨諸苗糾黨謀劫
善元馳赴永鎮關扼賊前紹周偕文英以兵
千餘繞出山後夾攻口月寨頭蕨弩江墨田
墨六寨於斬甚眾六月進攻龍早佳沙直檣
賊巢賊遁追至大雄等多斬獲餘屍悉繳械

歸誠九年調雲南督標中軍副將十年擢廣西右江鎮總兵十二年下祖母憂

命在任守制給假回籍治喪十三年回任乾隆二年

陞見

賜鞍馬三年調四川松潘鎮總兵四年疏言臣于本年八月出日化番親見番眾感戴皇仁漸知禮法均安駐牧臣等每年帶兵出口所需馱載烏拉馬牛一百五十例由口丙

番人送出口外番人送回每一馬牛日給茶葉一觔不敷往返路費請按日給腳價銀一錢從之六年擢雲南提督七年疏言滇銅運京經貴州威寧至四川永寧均係陸路崇山峻嶺霖雨不絕旣苦崎嶇兼患欽省請

勅令地方官詳勘平治疏下總督張廣泗等議行十一年

陞見

賜戴孔雀翎十三年調古北口提督十四年

以疾請解任回籍調理

允之

遣醫診視十八年卒三十二年

上追獎紹周之祖育龍軍功卓著

特賞恩騎尉世職以紹周子忱襲

牛天昇列傳

牛天昇山西太谷人乾隆七年武進士授監
翎侍衛十三年授江西興國營都司十八年
遷廣東將軍標右營遊擊二十六年遷湖北

德安營叅將二十七年調撫標中軍叅將二十九年潭湖南寶慶協副將三十二年擢湖北襄陽鎮總兵三十三年八月丁母憂三十六年正月服闋補四川川北鎮總兵會大兵討金川十月天昇率本標兵赴木坪一路協同提督董天弼進勦三十七年正月大軍由達本巴宗分三路趙資哩天昇偕侍衛阿爾蘇納擊賊于瑪尔瓦爾濟山嶺連戰三晝夜克卡十與大軍會資哩事

聞交部議敘

諭曰總兵牛天昇在軍營甚屬奮勉着加恩
賞戴花翎以示鼓勵二月大軍圍資哩月餘
天昇分攻南山叅贊五岱攻北山未克

上以阿喀木雅爲兩山要路得此可破資理
降

旨訓諭天昇時據特克裕尔山梁爲得尔蘇
山賊所阻旣得

旨借侍衛烏什哈達等以兵四百覓路伏箚

中誘阿喀木雅賊出寨擊之賊敗匿天界山
山梁至山麓迤邐列兵截賊援二月賊四百
餘復突出寨又二百餘自得爾蘇山來援天
界衝賊壘戰斃五十餘負傷虜得

育嘉獎會忝贊大臣阿桂代五岱攻北山築
石卡直下坡勸賊不效大軍應之天界亦由
南山夾勒賊大潰遂克資哩

獎賚之未幾阿喀木雅及得爾蘇賊亦潰天
界親赴各岩洞菁林捕逸賊自得爾蘇山鎮

下至海岸盡據之接北山麓五月偕副都統
富勒渥設卡逼賊賊夜劫者三皆擊是之六
月攻據喇卜楚克山巔賊相對守甚密富勒
渥繞出其後奪大卡四天昇由前登奪大卡
一殺賊六十餘南林賊百餘突截天界後援
至遁天界督兵運木千鎗石中縱火焚賊卡
十一月偕章京德保等自達克蘇山麓進攻
郭宗取德木達礪寨二石卡七
諭部議敘十二月隨大軍克布郎郭宗及底

木達小金川賊酋僧格桑之父澤旺就於三十
八年三月大軍進勦攻噶尔拉天昇偕副
都統烏什哈達等冒雪登山口兩峯奪其礮
四月賊由山後犯我木柵天昇督擊拔之將
軍溫福奏天昇帶兵打仗不辭勞瘁承辦軍
營事務亦諳練請令轄貴州隨征兵卽署貴
州提督

上如所請六月木果木大營矣利溫福遇害
天昇力戰被重傷死之

諭曰牛天昇係國家出力有用之人今力戰
死事寔堪軫惜着交部議卹尋

賜祭墓如例謚毅節入祀昭忠祠

命圖形

紫光閣儒臣擬贊曰綠營健將掃檣拉境躬
犯矢石捍衛昔嶺經數十戰兵不挫斃于木
果木臨危授命

予騎都尉兼一等雲騎尉世職三十九年

諭曰提督牛天昇在四川軍營打枚出力屢

著勞績前因在木果木陣亡時降旨查明伊子令其承襲世職茲經御前大臣將伊子帶領引見據其長子牛敬一奏稱係文生員未習弓馬情愿將世職讓與伊弟牛敬憲承襲情詞殊爲可憫牛敬一旣經入學鄉試尙堪造就着加恩賞給舉人俾令力學奮勵以冀有成所有騎都尉兼一雲騎尉世職卽着牛敬憲承襲並交與該撫對品以都司補用仍令其隨營學習訓練弓馬勉圖上進以副朕

優恤成全至意敬憲現任陝西蘭州城守營
叅將

王安國列傳

王安國江蘇高郵人雍正二年一甲進士授
編修十一年擢司業十二年遷侍講九月提
督廣東肇高學政十月擢侍讀學士十三年
遷僉都御史仍畱學政任乾隆二年疏言丁
憂官員回籍守制親赴省會具衣冠拜院司
送祀赴席恬不知怪請嚴行禁止水部議行

四年五月遷左副都御史十一月權刑部右
侍郎五年三月轉左九月擢左都御史會兩
江總督馬爾泰覆奏廣東巡撫王崧督徇縱各
款

命安國審訊得寔

召崧還著安國以左都御史銜管廣東巡撫
事七年奏裁大埔坪大官田同知二員高廉
運判一員三水縣西南清遠安遠曲江縣英
蓉英德正陽朔丞四員陽江縣那龍司澄邁

縣新安司巡檢二員崖州陵水感恩昌化等
州縣訓導四員部議從之八年十月疏言江
西應撥廣東漕糧十萬石水陸所經湖灘踰
嶺輓運維難請改于湖南撥運一水可通寔
爲便利議如所請又言廣東之欽州與安南
接界商販出洋貿易貧民業操用者不可數
計小泐甚多最難稽查請將瀕海船隻報官
印烙船戶水手出洋人給身照一紙歸時繳
查暫羈者准于三年內附載歸港並行文安

南王必有印照方准收留卽有事不得過三年從前出洋之人生長彼地者听其勒限三年附載回籍違者拿送正法疏入

上曰如此立法亦稽查之一端但須寔力妥爲之九年正月晉兵部尙書尋丁父憂廣州將軍策楞奏安國孤介廉潔歸墓無資與護巡撫託庸等助銀回籍

報聞十年十一月授禮部尙書十四年六月諭曰前日召見尙書王安國伊面陳目下正

卷之二
三
屆科試各省學臣尙有未除積弊朕以事閑
學政令其繕摺具奏候朕降旨今伊奏稱上
科鄉試之後頗聞學臣中因錄科例嚴轉開
僥倖之門或于省會書院博督撫之歡或于
所屬義學徇州縣之請或市恩于朝臣故舊
或縱容子弟家人乘機作弊以致取錄不盡
公明等語朕思歲科試爲士子進身之階果
有前項諸弊豈可不嚴加懲飭但各省學政
多員未必悉係如此自宜據實舉出庶幾懲

一傲百若漫無指名卽行降旨或傳諭督撫
查察亦不過文告故事其真是作僇之人轉
以指摘未及不知傲畏而謹慎自持者又因
無所區別不足以服其心乃面詢王安國邊
迴觀望者久之始舉尹會一之向督撫求送
遺才陳其凝之營私孫人龍之濫取呂熾明
知鄧釗子弟冒籍直隸不爲稽查改正此教
人者如陳其凝已經敗露孫人龍因考規避
已經處分尹會一鄧釗均經物故而鄧釗亦

不可謂之朝臣王安國身爲大臣奏旨詢問而所舉皆叅茸病故之員于學臣之現任者悉譏爲無從指寔不知大臣事君大義凡所陳奏宜本公忠旣不可有市恩之心亦不可存避怨之見王安國市恩之心縱無避怨之見不免朕自臨御以來何事不由乾斷又誰能庇護私人傾排異己者而必畏首畏尾瞻徇退縮乃至于是耶且市恩朝臣之處最爲關係夫所謂朝臣者如大學士張廷玉史貽

直內廷辦事尙書陳大受梁詩正汪由敦等
或足以當之此數人者某有恃勢夤緣各學
臣果有徇情取錄王安國自應秉公指叅如
不確鑿指出豈朝臣之子弟皆不應循例與
試而該學臣以朝臣之故轉可故意裁抑令
不得與眾人齒耶朕用人行政悉出于至中
至正不存成見無所假借王安國既有此奏
各御史寧無風聞何以無一人奏及著傳諭
申飭伊等如有所見不妨據寔直陳但不可

又如王安國以僮侗浮泛之詞塞責並諭各
督撫一體留心稽查如學臣寔有弊端卽宜
糾劾毋得徇隱王安國之摺因朕問及而且
奏故不議處二十年遷吏部尙書二十一年
十一月以疾乞解任

諭曰尙書王安國夏間曾奏懇給假回籍遷
葦彼時以明春卽屆南巡面諭俟期隨往今
據奏舊病復發難于行動著准其給假解任
調理俟可就道自行從容回籍二十二年卒

賞給內庫銀五百兩料理喪事仍

賜祭葬如例諡文肅三十年

上南巡

賜其子念孫爲舉人

陳大受列傳

子輝祖附

陳大受湖南祁陽人雍正十一年進士改庶
吉士散館授編修乾隆二年大考一等第一
名超遷侍讀充

日講起居注官累遷左庶子侍讀學士晉少

詹事三年二月遷內閣學士充浙江鄉試正
考官四年三月擢吏部右侍郎七月充

經筵講官十月充三禮館副總裁尋授安徽
巡撫五年六月疏言廬鳳穎等府素稱盜藪
地方官多避叅諱匿或事主隱思不報致蠹
役表裏爲奸臣抵任後分別案情輕重勒限
嚴緝現據報獲盜五十名

上以其到任未久

諭嘉之又奏今歲二麥豐收但積歉後益藏

尤要查躋延造酒消耗最甚一商國積卽以
數于石計臣通飭嚴禁鳳潁泗等屬地接豫
東二省并知會一體究懲

報聞十月疏言高阜斜陂稻穀雜糧均不宜
種前督臣郝玉麟于福建携來早稻一種名
畚粟性宜燥無須浸灌臣于春間教民試種
現各收成聞此稻產自安溪臣遣購數十石
分給各屬樹藝化無用之田爲有用數年後
種多利廣可漸及他省得

旨如此諸凡畱心甚慰朕懷六年六月調署
江蘇巡撫九月實授疏言收漕循例各屬造
斛送糧道衙門與部頒鈔斛較準印烙發還
乃吏胥巧于作奸有濕板成造領回後用火
炙者有用豆裝撐使寬者前經糧道請採乾
木依式另造限各屬領回臣思造斛數百未
必升合無差赴領者又或賄通書吏給以寬
斛因飭該道將新斛逐較于詳報開倉日提
道署樣斛數張委員實往抽驗違者分別叅

處得

旨嘉獎七年疏言句容縣地處高原舊建開蓄水民享其利後開廢腴產化爲石田又西門外舊有塘灌田久淤淺請借帑興修

報聞八年疏言臣前在安徽冬月令民搜掘螞子每斗給銀二錢蓋蝗蝻生子必在高亢地尾栽土中深不及寸畱孔如蜂窩一蝗生十餘粒粒有子百餘冬遇積雪則難出土今冬雪頗稀臣飭諭搜掘仍給銀示勸貧民無

海不揚波
卷之二
三
不踴躍樂趨

諭曰此舉甚善著傳諭直隸總督高斌照所
奏辦理先是丹陽運口藉潮水灌輸淤沙每
需疏濬至是大受奏定六年大修每年小修
上於壬午年

南巡

御製反李白丁都護歌有豈無疏濬方天工
在人補輪年大小修來往通商賈之句

嘉其奏定歲修轉漕便利也十年疏言常州

俗好設靜堂拜佛自立名教江寧松江太倉亦
有之查拜佛立教形涉異端目下雖無爲匪
不可不防其漸請佛像移入廟宇堂內人
用屋產酌量安置

諭曰此等若欲爲之則須寔力而不可欲速
不然則所謂好事不如無也時奉

旨普蠲明年天下錢糧大受疏陳江蘇蠲糧
三事一核準漕項科則曉諭周知一彙造地
丁耗羨同漕項并完一酌定業戶減租分數

通飭遵行

諭獎所議尙屬畱心十一年調福建巡撫十二年二月疏言近海商民例准往暹羅造船販米但內渡時若有船無米者應倍稅示罰大學士等議行三月又言向來巡台御史出巡南北二路派台鳳諸彰四縣輪備夫車厨傳犒賞之用又濫准詞訟額設胥役外有奸民掛名特符生事等弊奏入勅自乾隆五年起巡台御史俱交部嚴議十

月授兵部尙書十一月疏言台屬向推鳳山
倉粟許番民春借秋還免息餘並無接濟之
項番民生業艱難向漢民重息稱貸難償子
女田產每被盤折請撥台穀二萬石分貯諸
彰浚水等屬照鳳山例接濟其不願借者听
上報可十三年三月充會試正考官四月調
吏部尙書協辦大學士軍機處行走六月充
經筵講官十四年二月晉太子太傅七月署
直隸總督十五年授兩廣總督四月

命協理粵閩稅務七月奏調任雲貴總督碩色雲南巡撫岳濬前在粵東互相牴牾雲貴極邊重任恐不能和衷妥辦請皇上於奏事之便切加

訓飭

上聽其言十六年三月請裁廣東肇高學政部議從之九月疏言海陽海康遂溪等縣之堤遇風雨坍塌卽應搶修刻不容緩若必待詳估動帑坍塌漸甚不若令民隨時自修遇

重工另奏官辦

報聞是月以病乞解任

上慰勩之未幾卒遺疏入

論曰兩廣總督陳大受才品優長精明勤慎
歷中外倚任方殷前因患病奏明暫交督
象隨經降旨令其在署加意調理以冀速痊
忽聞溘逝朕心深爲軫惻著入祀賢良祠以
獎賢勞應得卹典仍著察例具奏

賜祭葬諡文肅子輝祖由廕生于乾隆二十

年授戶部員外郎遷郎中二十四年授河南
陳州府知府累遷直隸天津道三十一年擢
安徽按察使三十三年遷布政使三十四年
調江寧尋擢廣西巡撫三十六年調湖北四
十四年正月復調河南十二月授河東河道
總督四十五年調江南河道總督四十六年
授浙閩總督兼管浙江巡撫四十七年正月
輝祖弟嚴祖與安徽巡撫閔騶元弟鶴元均
于甘肅捏災冒賑案獲罪

諭曰甘省自王直望爲藩司與將全迤通同一氣侵帑婪贓種種不法而陳輝祖閱陽元之胞弟卽係案內人犯其平日家信往來必有確切音問屢經降旨詢問乃始終掩飾支吾不肯奏出真情及嚴切究問始各奏稱伊弟婪贓舞弊從前亦有所聞并有家信往來祖因一經陳奏恐伊弟必懼重罪是以隱忍瞻徇致涉欺飾是伊二人之知而不舉俱已自行供認如出一口似屬寔情陳輝祖等若

于此事未經敗露之先早爲陳奏朕必嘉其
公正伊等既甘心隱忍于前及降旨詢問又
隱躍其詞于後此時卽將二人革職交刑部
治罪伊等亦無可置喙惟是將來爰書既定
朕斷不肯因其弟株連遽置重典且此案內
外大臣皆知而不舉又何獨歸罪于陳輝祖
閔騫元現在有撫一時乏員陳輝祖等尙屬
能事著加恩免其治罪降爲三品頂戴各隨
本任所有應得職俸養廉永行停止陳輝祖

等務各反躬自愧先心滌慮潔淨已奉公庶幾
可以稍贖前愆如或因停其廉俸借詞需索
致有簞篋不飭之事王直望是其前車朕必
加倍重治其罪不能再爲曲貸也九月因浙
江查王直望任所貲財以銀易金隱匿玉器
等事發

諭曰陳輝祖身爲總督卽無抽換入已之事
而于屬員通同抵匿置若罔聞其庸懦無能
卽與勒爾謹無異豈可復膺封疆之任陳輝
庸多巨集一
卷二十一
四

祖著草職拿問十二月大學士阿桂等審明
輝祖商同屬員隱匿抽換擬斬決

諭曰此案發覺之始朕以事屬瑣細太一不欲
辦因盛柱有底冊不符之奏或經手之員從
中糞混而陳輝祖受其欺蔽亦未可知然寔
不疑及陳輝祖身爲狗偷之事也今爰書已
定前疑頓釋在陳輝祖以陳大受之子受朕
厚恩用爲總督昧良喪心固屬罪無可追但
細核所犯情節與王亶望之捏災冒賑侵帑

殃民究有不同卽較國泰之以代父贖罪爲
各公然勒派屬員致通省虧空者亦尙有聞
傳所云與其有聚斂之臣寧有盜臣陳輝祖
祇一盜臣耳著從寬改爲應斬監候秋後處
決四十八年二月

賜自盡

諭曰陳輝祖抽換王直望入官財物一案前
經大學士等定擬應斬請旨卽行正法朕從
寬改爲監候昨據福松奏桐鄉縣聚眾鬧漕

並稱上年該縣卽有聚眾之事案犯僅擬枷
杖知縣另行叅革故奸民罔知懲創復蹈故
轍又據富勒渾奏訪查浙閩兩省各州縣虧
空倉穀又黃仕簡等奏查拏台灣械鬥匪犯
現已獲二百餘人陳輝祖在總督任內于不
肖官吏浮收漕糧及刁民鬧漕之案撫拾別
故希圖避重就輕將就完事致刁民益無忌
憚至于閩浙二省各州縣倉庫虧缺武備廢
弛俱漠不關心竟似置身局外一味牟利營

私隱匿回護貽悞地方種種情弊不可枚舉
是與勒爾謹王直望情罪無異不止侵隱人
官財物尙可量爲未減朕不能再爲曲貸矣
陳輝祖本應卽行正法但念其辦理海塘尙
無貽悞著加恩免其肆市卽派福長安穆精
阿前往將此旨明白宣諭監視賜令自盡以
爲封疆大臣廢弛地方者戒五十二年

諭曰湖北近年以來吏治闕茸地方大吏于
益務匪費任意染指濫觴已極福建吏治亦

何燭列傳

何燭湖南靖州人入浙江山陰籍雍正十三年以捐職州同投江南河工効力從總河大學士嵇增琦修浙江尖山海塘題杭州府東塘同知迴避本籍仍發江南河工乾隆七年署豐碭通判九年授桃源同知十三年擢署河庫道十五年寔授十六年四月遷兩淮鹽運使

特勅兼管河務八月丁母憂十九年正月

雷在任守制

許之二十六年三月調回以郎中用八月河
溢河南中牟縣之楊橋大學士劉統勳協辦
大學士兆惠赴豫堵築奏帶焮往十一月既
合龍統勳等請雷焮蒞工防護十二月授開
歸陳許道二十九年調山東運河道三十年
二月調河南河北道四月擢按察使
上以焮久在河工熟習修防著兼管河南南
北兩岸河工事務三十二年閏七月睢州民

劉玉樹謀死楊鳳來案擬斬候刑部改立決
上諭巡撫阿思哈曰劉玉樹始則詐財謀命
繼則殺命取財寔屬兇惡之尤自宜速正刑
章以昭信讞乃原奏率初其初欲騙財並無
害命之意擬以斬候殊爲寬縱此必何焯狂
于積習陰功之見有意從寬所致前因其念
佛茹素有沽名之習屢經訓飭應知悛改乃
于是案復如此定擬其痼習未除卽此可見
何焯是否勝任臬司據寔奏聞毋得循隱又

諭何焯果不勝臬司阿思哈毋庸廻護將來
用爲布政使兼理河務阿思哈尋奏焯尙勝
任十一月擢布政使仍兼理河務三十四年
九月護理巡撫十一月奏截取知縣舉人徐
廷槐衰弱請改教職

諭曰何焯此奏甚是嗣後督撫驗看截取舉
人有衰庸者稱此陳奏倘不自服老依六法
官例送部引見朕臨時定奪著爲令三十五
年三月護理巡撫五月疏言湖北獲嘉等六

縣待民蒙

恩借給籽種口糧臣思各項折色銀兩零星秤兌易于折耗而民間購買糧食仍須易錢亦不免虧折之患按各屬平糶之錢本應易銀解司請卽以此錢代銀借放公私兩便

上嘉可是月因辦理雲南振旅官兵車輦違例率請部議降調

命從寬韋職畱任三十六年五月擢巡撫兼理河務如故八月奏報河工穩固下部議敘

加一級等

命兼管山東河道事務九月疏請改洛陽縣
爲衝繁難要缺汝陽縣爲繁難中缺南陽縣
除旂店固始縣往流集巡檢爲調缺榮澤縣
河陰司羅山縣大隗關巡檢爲選缺十一月
疏請改開封城守營都司爲遊擊南陽鎮標
右營遊擊爲都司均下部議行三十七年浙
川內鄉被水正陽確山風災燬疏請撫卹緩
徵

詔可

賜詩曰秋成早報十分論風水爲災再乞恩
體我愛民有如是嘉伊知政更何言畧輕稍
重各壽酌傷賑緩徵均撫存申命有司勤審
察索教惠澤遍窮村三十八年三月
上巡天津閱永定河工煇迎

駕

賜孔雀翎黃馬褂復

賜詩曰授職由來重老成旬宣旣久悉民情

豫靈文武胥董畀河道修防付治聲化俗惟
應先澄悌發奸豈必任嚴明中州三代遺風
在正直平康視所行尋

命焜與工部尙書表曰修直隸總督周元理
查勘永定河上游焜奏言永定河挾沙而行
散漫無定

聖祖仁皇帝神功修治閱今七十餘年
皇上善繼善述籌度經營大加疏濬
萃華臨幸省厥成功臣扈侍

卷與御承

清問自惟謏陋曷勝悚惶伏惟就下者水之
性無不同而地有高卑沙有通塞水之情或
因時而異承定河之遷移不定其情也非其
性也察其情之所在導其性之所同先宜後
防千古極則雖起神禹無以易之臣謹按承
定河下口蒙

皇上指示疏導既不阻下達之勢更可免漫
閏之虞誠當承遵成法更無可贊一詞所慮

數十年後或發生異論別事新奇將至變亂
舊章貽憂河道祈將現奉

聖訓并議言摘敘簡明條款刊勒豐碑永垂
久遠疏入

報聞是月疏言河南常平倉溢額穀前撫臣
阿思哈議存爲儲備地方協濟隣省之用今
通省溢額至四十四萬石倉廩不敷請每州
縣以四千石爲限餘照舊例交價解司報部
候撥又疏言河南漕穀七十九萬餘石薊米

逆匪王倫滋事煇督兵會勦事平回至內黃
病

命乾清門侍衛隆安帶同大醫院堂官馳駟
在視未至煇遺疏入

諭曰總督管河南巡撫何煇老成練達誠篤
恪勤于河道機宜素尤諳熟自簡任巡撫兼
管河道以來體國愛民實心經理一切修防
捍禦董率有方寔爲封疆得力大臣今秋因
籌辦逆匪滋事督兵在東境協勦事竣回豫

時偶爾感冒業已就痊昨聞于內黃途次復感風寒念其年逾七旬尤宜慎重調理因諭令卽在內黃暫爲頓息特派乾清門侍衛帶同太醫院堂官前往診視以冀速痊茲遠聞溘逝深爲悼惜著加贈太子太保入祀賢良祠所有應行卹典仍著該部察例具奏尋賜祭葬諡恭惠子裕城現任安徽巡撫

蔣炳列傳

蔣炳江南陽湖人雍正七年由舉人考授內

閣中書十年遷額外侍讀十一年遷廣東道御史乾隆元年二月疏言風俗之轉移在世家巨族爲之倡教化之行先自貴者始近日士大夫于宗族親黨固有好行其德者亦有祇知自私自利者且有妻子饜梁肉而手足糠粃不繼奴僕乘堅策肥而族黨凍餒不顧者更有起于寒微曾受族黨侵侮一朝得志便思報復攻訐訟奪過于仇讐其子弟化之爭財互控視骨肉如路人士大夫家尙如此

何以責細民之鬻凌詬誅臣愚以爲大臣官
員俱宜敦寔行薦族誼各隨力之所能卹其
宗黨有能捐產入宗祠賜族人者有司另列
其田數千籍免其雜徭并交部議敘士庶之
家族姓五千丁以上許本族公舉謹厚者一
人爲長訓迪族衆三年內族人無干禮犯法
涉訟公庭者州縣給匾示獎五年無犯督撫
給匾示獎歲歉有能周卹族衆不使流離失
所者督撫酌其輕重或給匾示獎或題請給

以冠帶克身如身膺祿位恃勢擁貨欺蔑宗族者據寔題叅輕則示罰重則削秩其身列學校者歲許族人將寔行具呈教官申學臣閱文而核其寔爲宗族所稱許者文雖遜亦得免下考指斥者文雖優不得列上等于案內許加分別敘其寔於下以媿耻之復誠勉之如此則有所勸以動其企慕之情復有所懲而去其澆漓之習卿大夫倡于前士庶人興于後大吏有司寔力訓勉庶數年而後禮

讓成風

上嘉其言交部議敘六月疏言州縣征收漕米本應隨到隨收而蠹書故意遲延令其守候及驗看又以好作醜多方刁難戶書從旁說合至收米時或敲鬆制斛廂人木片或用脚踢或用淋尖蠹書多收肥已不肖州縣亦復侵入私囊此係向來積弊近今江南經尹繼善爲巡撫竭力整頓諸弊肅清而他省未能盡然請

勅有漕各督撫嚴飭所屬通行禁葺部議從
之時奉

旨令諸臣直言時政九月炳疏言慶賞刑罰
進退用舍帝王馭世之本臣伏見一午內挾
私卑鄙如程元章而仍用侍郎剛愎怙過如
隆昇而仍用副都統近則更有奉

旨逮問如元展成董芳等而復用爲大吏爲
將領在

皇上愛惜人才委曲成就固無所不至但臣

思一人之身或悔心于末路或變節於崇朝
前後始終雖難必其一致然未有今日爲賢
明日爲不肖今日爲不肖明日爲賢今日在
凶圍之地方顯斥爲罪人明日卽授以兵民
之司又責以安邊治民之略如此驟且速者
也上年海塘之衝坍罪在程元章隆昇黔苗
之叛亂罪在張煦董芳明知其罪而復授以
高官大職思其晚蓋恐未可必得至大臣尤
當養其廉恥乃可責以有爲近如孫嘉淦福

敏傳彛降革之議方行而復官之

命旋下無論士民官吏各懷慢侮卽在彼亦必慝沮無顏與士大夫相見何以責其從容盡職又九卿會議彼此周旋各懷瞻顧外託老成持重之名內懷持祿養高之念引身事外惟恐及已各部議處之案于援引律例下加以轉語搃塵迎合瞻徇官私無罪者可入其罪有罪者可出其罪濫刑僭賞之弊恐卽此而生

諭曰朕卽位以來屢下來言之詔至再至三
出于誠切並非尙納諫之虛文誠以朕躬闕
失無由自知必賴直言之匡正而隨時納諫
者乃臣子事君之大義胸有所見卽當直陳
于君上之前使言之果當朕當卽時改易可
收轉圜之益卽使其言不當亦得以已意明
白剖示釋其疑心亦開誠布公之道也今覽
蔣炳所奏直捷所見剴切敷陳不負朕求言
之意乃近日言官中所罕見者朕甚嘉之但

伊奏初哈元生董芳元展成張照等既明知其罪不宜復授以高官大職哈元生身爲提督貽誤封疆朕所痛恨因念其尙有勇力曾著軍功是以從寬免罪發往西路軍營以副將空銜効力贖罪並未畀以現任官職董芳到黔不久因與哈元生齟齬以致軍務稽遲其罪尙輕此中外所共知者今發往滇南止以副將効力亦未復其原官元展成本屬中林適當地方最難辦之事遂至經理周章巡

無無領兵之責情尙可原今補用臬司令其
自効而官階已降教等矣至于張照不過令
在殿中修書行走亦未授以職任也況棄瑕
錄用或降旨訓諭後而仍改用他途予以自
新之路者此從古帝王罪疑惟輕愛惜人才
之意朕亦或倣而行之若事關名節大玷官
箴者朕斷不輕貸也此教人之用舍黜陟原
出朕之大公並無偏私之見矣因蔣炳之奏
將朕意宣示之然先事防微人臣事君之大

其征稅及交納船料庶商賈聞風趨販口食
充裕

詔如所請十月丁憂回籍服闋補原官五年
八月遷右通政十二月授順天府府尹八年
二月疏言向來辦理京差車三百輛以內係
大宛兩縣于京城僱覓三百輛以外始令近
京州縣協辦今夏秋雨不時外未車少京
城僱覓較難請將大宛兩縣承辦之車以二
百輛爲率並將應用數目先期核定行各州

縣預辦至任載之車平地可載二千斤路險行遠必宜量減請令查明車數約計運之多寡均分量載則車戶更樂于趨事從之九年二月疏言直隸農民罔知盡力耕鑿臣留心訪察凡有井之地悉爲上產每大井亦可溉田二十餘畝中井亦十餘畝雨澤偶愆足資綆汲上年直屬歉收蒙

恩發粟發帑多方拯濟今農事初興甘澤未普當思以工代賑請令督臣詳議曉諭農民

有能鑿大井者給口糧工本中井半之俾貧民得傭工餬口地方官親爲相度計及久遠庶礎瘠可變膏腴

諭下直隸總督高斌酌行五月疏言五城設廠羅官粟而遠鄉難於赴領請發四萬石於四路同知處分設四廠以就民便

諭如所議速行八月疏言今科順天府鄉試搜檢嚴密情弊一清臣思外省鄉試亦應嚴爲釐剔其法莫如覆試中試之人赴省填寫

親供時撫臣會同學政覆試真偽立見卽將
試卷解部磨勘

詔如所請十三年擢兵部右侍郎仍晉順天
府事十七年三月授河南巡撫八月疏言豫
省界連秦晉向來隣屬荒歉每資撥濟本年
山西被旱臣將陝州及靈寶閿鄉並沿河之
偃師孟津等十七州縣漕穀二十萬石預備
協撥均令運貯陝州水次又運穀脚價不若
運米爲省臣令貯穀各州縣卽碾米運貯

全以其甚合機宜

諭獎之二十年丁憂回籍二十一年

命署河南巡撫尋調湖南先是湖南布政使楊灝以侵扣帑價爲巡撫陳宏謀所劾寔擬斬二十二年秋讞炳以灝於限內完贖寔入緩決具題部議如所擬

諭曰秋審冊內擬斬之原任布政使楊灝擬入緩決甚屬紕繆楊灝身爲藩司乃侵漁尅扣至三千餘兩此其貪黷敗檢本應立行正

法以彰國憲監候已係朕格外之恩朕以爲
該撫審擬招冊及三法司九卿科道等廷議
時自當入于情寔乃冊內妄以該犯限內完
贖歸入緩決試思藩司大員狼籍至此猶得
以限內完贖果從未減則凡督撫大吏皆可
視婪贓虧帑爲司常事侵漁剋扣肆無忌憚
幸而不經發覺竟可安然無恙卽或一旦敗
露亦不過於限內完贖仍得保其首領其何
以飭官方而肅法紀耶此案原擬之蔣炳着

交部嚴加治罪三法司嚴加議處九卿科道等俱交部議處又

諭曰楊灝受旬宣重寄恣意侵貪斷無令得倖免之理而蔣炳竟敢人于緩決者其亦有故因思向聞陳宏謀與楊灝本有夙嫌是以嚴叅同納審如是則陳宏謀挾嫌汗峽骹法入人死罪而楊灝無辜負屈致罹重辟蔣炳身爲巡撫卽當明目張胆據實申理代爲昭雪朕亦何難治陳宏謀欺罔之罪如此則蔣

炳爲能寔心任事不媿股肱之寄朕所嘉予
矣今蔣炳于此案並無一語爲之置辯而但
以限內完駐混入緩決之內希圖開脫是誠
何心在蔣炳之巧子彌縫其意以已成之獄
既不肯與陳宏謀顯相抵牾而楊瀨已得陰
爲保全無知之流必且歸以長者之譽是非
倒置莫甚於此朕臨御二十二年辦理諸事
孰敢逞其私臆威福自擅者秋審大典生殺
所係必求情理之平在無知小民尙當反復

研究况督撫藩臬不但爲問省屬員之表率
乃天下臣民耳目所屬而班聯相護之恩習
牢不可破如此法紀安在楊澍與陳宏壽不
睦一節情事卽使屬寔蔣炳亦無所辭咎蔣
炳着革職拿解來京治罪尋擬斬

諭曰今刑部審訊蔣炳擬以斬監候寔屬罪
所應得但蔣炳辦理此案雖營私沽譽尙無
受賄情弊着從寬免其斬監候發往軍台効
力贖罪二十三年三月奉

旨宥罪來京以員外郎在軍機章京上効力
行走五月授甘肅布政使

命辦理軍需二十五年擢倉場侍郎二十九
年卒

胡寶瑛列傳

胡寶瑛江蘇青浦人原籍歙縣乾隆二年出
舉人授內閣中書軍機處行走八年四月遷
侍讀六月遷福建道御史七月疏言直隸自
被旱以來遷移覓食者甚眾現蒙

恩旨先後運米五十萬石備賑請

勅督臣徧行曉諭俾上著之民靜以待賑其
各處流民願歸耕而無力還鄉者酌量咨送
回籍使趕種春麥不致田畝久荒于來歲民
食有益下直隸總督議行九年二月疏言左
蒙

皇上特命大臣查開河南等省營伍所以核
訓練而杜廢弛現在器械之堅脆技勇之生
熟人數之虛實糧馬之盈虧自難掩飾惟是

積玩之處此時聞風修整買補勢所不色而不肖營員或乘機借端苛派或此後坐扣月糧俱未可定請令各督撫提鎮等嚴飭查叅狗隱一併嚴議

詔知所請行十年十二月疏言山東兗沂曹等處及江南鳳穎淮徐海一帶被水之區現經消涸應乘時設法疏導並勸諭農民引流赴墾俾田不久浸以便春耕來歲補子尤宜加意預防下雨江皖督議行十一年轉戶科

給事中十三年遷順天府府丞尋遷府尹十五年四月遷宗人府府丞九月遷副都御史命往河南會辦傳毓俊控告張天重謀逆一案審明毓俊誣陷諭罪如律十七年三月擢兵部侍郎兼順天府府尹十月

命署山西巡撫十八年九月實授十月調湖南巡撫十九年奏言郴桂二州銅鉛各廠因距州治遠不能兼顧委員董理一年更替查廠中獎寶多端一切鉛錫銅筋砂渣淨色抽

課收煎支解款目繁多接手之員必數月方
講求明白此數月內已受欺朦復漏之弊請
仿台灣瓊州例令新員與舊員先期協辦數
月以收駕輕就熟之益得

旨允行二十年二月調江西巡撫七月奏請
嚴查鄱陽湖船隻以靖積匪

上嘉之二十一年三月奏勘明廣信府所屬
銅塘山無可墾之地無可用之材無可煎之
礦應請永行封禁二十二年六月疏言豐城

堤工最要除石堤官修外其民修土堤向俱
按照圖甲額設里夫行之既久黠者避役貧
者僕公乾隆十四年改爲折在法雖稍變役
仍未均今請畧爲更定按田均堤俾貧民得
免汎累業戶共樂輸將至各鄉距堤遠近不
同一遇衝漲勢難迅集而折銀統歸官辦則
工有緩急費有盈絀俱可通局籌度惟向年
折征別增圩長經收弊端百出今擬附漕糧
征收有田始有糧有糧始有夫毫無加累圩

長無從侵冒工程乃可永固均如所請行是
月朔河南巡撫入月疏言河北濟沁等水俱
歸黃河之北衛河最大受其泉湯涇諸水下
谷漳河漑入直境容納有餘治之之法惟慎
隄防而已河之南西則伊洛澗瀍俱入于河
南則汝光等屬之水會汝入淮並陳汝開歸
所屬惠濟滑河等水亦歸江南之潁亳入淮
惟夏邑永城南邱虞城之水獨注宿州由睢
河入洪澤湖四縣並無由谷泉源汜濫子平

地則見多而歸于睢河僅隔一綫且藉以刷
淤睢河壅阻則宿靈以北寔被其患四縣之
水亦致刊灌其入睢河之界因為砂壅灘所
遏水大則衝激小則停淤南此屢議開鑿應
聽江南興工其在豫省境內者連年河法停
淤應開濬寬深以廣容受至地畝一片相連
並無溝塘是以雨集則田皆積水雨過則田
皆漫水地多旱種久浸輒傷若築積窪以為
備蓄之所更廣疏橫直小渠節節引支入幹

則宜洩易而水患可除于農田有益

諭曰覽奏頗中肯綮詳妥爲之九月疏言臣
與

欽差侍郎裘曰修等會勘豫省水道訂惟有
先開幹河繼開支河再開溝洫分別要工次
工緩工次第興修十月復借日修等疏言豫
省大幹河有四一賈魯一惠濟一渦河一巴
溝巴溝袤百八十餘里在南臨則名豐樂在
夏邑則爲响河在永城則爲巴河今擬豐樂

以口寬八丈爲率响河十丈爲率其餘十二丈爲率至巴溝下口右寬十五丈無庸加寬底皆半之其深處高下參差取最窄者爲水平挑深以平爲度計上游寬倍舊河下游加舊河之半河底一律平坦不至倒灌此辦理巴溝之情形也惠濟袤三百九十餘里議挑之如原以分賈魯之勢旣開之後坡水匯注愈下則匯入之水愈多必需遽加方可汴受河身上游在開封之中祥陳杞四縣下游在

歸陳之睢淮柘鹿四州縣今加寬自九丈至
十五丈不等底均二丈柘城應鑿砂礮九百
餘丈鹿邑之底以六七丈爲率此辦理惠濟
之情形也賈魯舟楫往來運濟糧食連年淤
墊漸至淺狹彼岸頂衝此岸淤成河隄更
多阻塞中牟以下有惠濟以分其流無庸加
寬由朱仙鎮以下應截去河嘴並砌築決口
修理舊堤面寬十二丈底寬四丈此辦理賈
魯之情形也渦河發源道許之青歸至太康爲

燕城河鹿邑以下河勢深濶但應增建月堤
鹿邑岳家莊以下則益加收束應加寬面十
六丈底八丈並鑿砂壘五百餘丈深如其舊
燕城上截乃三邑南境之水藉以宣洩舊河
僅寬二丈今加寬至六丈底二丈燕城下截
雖寬而淺亦一律挑深俾可貫注此辦理渦
河之情形也其支河之應濬者商邱之北沙
河發源儀封從考城至商邱直達亳州之渦
河又洪溝河發源虞城之惠民溝從夏邑之

巴清河老黃河永城之減水溝下入睢河此
二河爲支中之幹河其餘應濬大小支河共
三十四道至支轉各河所挑之土卽築堤酌
加娥夯多設涵河再開工之始均于河心安
釘誌椿並立標祀于收工時核丈尺以除諸
弊得

旨覽奏俱悉二十三年正月

諭曰豫省災區積困已久朕特用胡寶瑤爲
巡撫伊不辭勞瘁寔能仰体朕痡瘵在抱之

意而又能盡心調劑以蘇窮黎甚可嘉也著
交部議敘部議加一級七月加太子少傅
上獎寶璽及裘曰修遵

自治河不惜工不愛帑不勞民水用洩土計
方上源下游以次就治見

御製中州治河碑文二十四年九月疏言衛
輝府通判缺經臣奏准改歸河工查該通判
尚有兼管鹽務一項長蘆河東鹽包行運汲
縣則係河北地方扼要之區延津則係河南

各州縣門戶之地應分歸二縣稽查驗放以專責成從之二十五年八月疏言衛河自雍正四年經前任河臣嵇曾筠會同撫臣田文鏡奏准于汲縣之高廟下馬營淇縣之朱村等三處濬縣之雙鵝頭等七處湯陰之王家寨等四處內黃之韋家村等十二處增建草壩共二十六並奏明因水勢大小分別停辦減辦工料于塩規項內支銷乾隆七年以後未經修治淤墊實甚臣悉心相度務俾一律

深通請自今年疏築後定爲三年一小修五年一大修如當小修夫修之年運河水足仍
淳止俟下次相機辦理

上可其奏十二月調江西巡撫二十六年八月

諭曰河南現有堵築湯橋堤工經理賑恤之
事胡寶琬撫豫日久情形熟諳著仍補河南
巡撫十月奏閩鄉縣革役馬理龍持械拒捕
傷差業將首要犯先後拏獲

諭曰從采養好誦盜皆鬪冗選輟之吏釀成
之朕畱心整頓朝寶琮能体朕意是以此案
辦理迅速如此十二月疏言賈魯惠濟二河
在中牟境內者均逼近楊橋黃水直下合龍
後淤沙甚多查賈魯舊河已淤復修不易黃
水初灌時將河身逼而南徙自鄭州界至祥
符縣之時家岡仍入賈魯故道業已狹刷成
河通舟祇須將分者截之使合淺者疏之使
深再就兩岸現有舊刷支溝多跳渠港俾民

沮積潦有歸並寬雷河身以資容納增築堤
堰以杜旁趁無須大工自成天然河道至惠
濟河自兩閘至岡頭橋已淤斷且距賈魯新
河頗遠不便強之使通而岡頭橋距十里坡
賈魯河不過四五里又有新衝河形可因勢
利導由岡頭橋入惠濟舊河挑濬新淤修補
舊堰並於十里鋪建滾水坝一則節宣有度
可以分賈魯之勢而惠濟亦歸故道得
旨事半功倍爲之甚妥二十七年正月

上南巡寶瓊迎

駕於德州

御製詩賜之曰九江遷古沐因地藉賢材資
尔就熟路爲予抒幹裁滑川剔壅闕田野闢
汙萊善後方多務欽哉更勗哉八月奏患痲
疾

諭曰胡寶瓊辦事素能奮勉今患病將及一
月以至形諸奏牘決非偶抱微恙者著傳諭
速卽據實奏聞尋請解任

諭曰此奏甚非朕之所望惟須安心靜攝以
慰塵念

賜人參一筋並

命太醫院慎選良醫馳駟前往診視十一月
疏言豫省地勢平衍恃以宜洩者溝渠寔與
河道表裏臣于二十三年河工竣敬籌經久
事宜卽將民田溝洫宜開並每年加挑路溝
及小港廢渠宜復臚列奏蒙

聖鑒是年每一州縣中所開溝自十數道至

一百數十道不等長自里許至數十里不等
寬深自數尺至丈不等皆以足資蓄洩爲度
路溝除駟路加挑外凡商旅通衢亦一律開
溝種樹雖綿亘而分戶承挑民易爲力自是
每歲或于春融或于農隙隨時勘辦是以逐
處寬深鮮有水患且各就地頭出夫貧富自
均就役亦便有督令渠長地保管理不經胥
吏之手一無擾累其民力難以全收之處自
應欽遵

聖訓酌助口食工多而地畝亦多仍屬眾擎
易舉惟工多地少則須酌助但歲修非比特
與大工各州縣額設公費動給已足敷用總
期爲之以寔俾小民蒙利而不致少累

諭曰胡寶瑯奏現辦豫省民田道路渠溝一
摺經理甚爲妥善國家雖人停力役之征而
開挑溝洫寔爲農田之利通力合作亦小民
之所宜自爲謀者也今豫省每一州縣開溝
十數道至一百數十道不等田溝固有業戶

路溝亦傍民田民間業佃就地施工用力甚便而其事易集行之已有成效直隸河南地屬接壤著方觀承董率所屬仿而行之寔因利利民之道也二十八年卒

諭曰河南南巡撫胡寶瑒幹練老成恪慎精敏曷歷中外宣力有年昨因舊疾復發遣御醫診視尙冀痊可茲聞溘逝深爲軫惜著加贈太子太保兵部尙書應得卹典仍著該部察例具奏其遺摺內請入籍江蘇青浦縣之處

並著照所請行尋

賜祭墓如例謚恪靖

漢名臣傳卷二十四終

漢名臣傳卷二十四終

四

K820.49

2

1573105

文林大研院生閱覽室

淮各目佳

身三二一

三

040-990



21101000158105